

গোসাইবাগান

জয় গোস্বামী





দুশ্মানের পাঠক এবং চেতনা ~ www.amarboi.com ~



জয় গোস্বামীর জন্ম ১০ নভেম্বর
১৯৫৪, কলকাতায়। পরে, ৫ বছর বয়স থেকে
সপরিবারে রানাঘাটে। পুনরায় কলকাতাবাসী। বাবা
মারা যান ৮ বছর বয়সে। মা স্কুলে পড়াতেন। মায়ের
মৃত্যু ১৯৮৪। শিক্ষা একাদশ শ্রেণি পর্যন্ত,
রানাঘাটেই। প্রথম কবিতা লেখা, ১৩ বছর বয়সে,
বাড়ির পুরোনো সিলিং পাখা নিয়ে। প্রথম কবিতা
ছাপা হয় উনিশ বছর বয়সে, একই সঙ্গে তিনটি
ছোটো পত্রিকায়, সীমান্ত সাহিত্য, পদক্ষেপ ও
হোমশিখা। পরবর্তী ১৫/১৬ বছর বছ লিট্ল
ম্যাগাজিনে অজস্র লেখা ছাপা হয়েছে। দেশ পত্রিকায়
লেখা ১৯৭৬ থেকে, ডাকযোগে, প্রথমে অনিয়মিত,
পরে নিয়মিতভাবে। আনন্দ পুরস্কার পেয়েছেন
দু'বার। ১৯৯০-তে 'ঘূর্মিয়েছো, বাউপাতা?'
কাব্যগ্রন্থের জন্য এবং ১৯৯৮-তে 'যারা বৃষ্টিতে
ভিজেছিল' কাব্যোপন্যাসের জন্য। ১৯৯৭-এ
পেয়েছেন পশ্চিমবঙ্গ বাংলা আকাদেমি পুরস্কার,
'বজ্রবিদ্যুৎ-ভর্তি খাতা' কাব্যগ্রন্থের জন্য। বীরেন্দ্র
চট্টোপাধ্যায় স্মৃতি পুরস্কার (১৯৯৭) 'পাতার
পোশাক' এবং সাহিত্য আকাদেমি পুরস্কার (২০০০)
'পাগলী, তোমার সঙ্গে' কাব্যগ্রন্থের জন্য।
আমেরিকার আইওয়া আন্তর্জাতিক লেখক শিবিরে
আমন্ত্রিত হয়েছেন ২০০১ সালে। এখন সংবাদ
প্রতিদিন পত্রিকায় কর্মরত আছেন।
শখ গান শোনা, গান শোনা।

এখানে নিজের কিছু প্রিয় কবিতা নিয়ে তাঁর অনুভূতি
জানিয়েছেন জয় গোস্বামী। এক একটি কবিতা ধরে
ধরে জানিয়েছেন—কেন এই বিশেষ কবিতাটি এই
মুহূর্তে ভালো লাগছে তাঁর। কবিতাটির বিশেষ
বিশেষ লাইন, কবিতাটির যতিচিহ্ন ছন্দ-মিল, স্পেস
ব্যবহার (উক্ত কবিতাটির লেখক যেসব কারণেই
করে থাকুন) —পাঠক হিসেবে জয় গোস্বামীর কাছে
সেগুলি কী অর্থ আনছে, এমনকি, একাধিক
অর্থস্তরও এনে দিচ্ছে কিনা—দিলে, তারা ঠিক কী
কী বলছে—অন্তত জয় গোস্বামীর কাছে
বলছে—সেইসব অভিজ্ঞতার উন্মোচন রয়েছে
এইসব লেখায়। ব্যক্তিজীবন ও সমাজজীবনের
বিভিন্ন অভিজ্ঞতার সঙ্গে মিলিয়ে নিয়ে খুঁজে দেখা
হয়েছে কবিতার অর্থকে। এই দেখাটাই যে সেইসব
কবিতাকে বোঝবার একমাত্র বা অন্তর্ভুক্ত পথ সে-দাবি
নেই কোথাও। তবে এই দেখা যে এক নতুন ধরনের
দেখা, সন্দেহ নেই তাতেও। কবিতা যাঁরা
ভালোবাসেন তাঁদের কাছে এই বইটি হয়তো
দরকারি মনে হতে পারে। অন্তত রোববার পত্রিকায়
ধারাবাহিকভাবে বেরোবার সময় পৃষ্ঠাকদের উৎসাহ
দু-বছর ধরে তারই প্রমাণ দিয়েছে।



গো সা ই বা গা ন

গো সাই বা গান

প্রথম খণ্ড

জয় গোস্বামী



প্রতিভাস □ কলকাতা

দুনিয়ার পাঠক এক হও! ~ www.amarboi.com ~

GNOSAIBAGAN
a collection of columns on poetry
by Joy Goswami

কপিরাইট
জয় গোস্বামী

প্রথম প্রকাশ
১০ জানুয়ারি ২০১০

প্রকাশক
বীজেশ সাহা
প্রতিভাস
১৮/এ, গোবিন্দ মণ্ডল রোড
কলকাতা- ৭০০ ০০২
দূরভাষ : ২৫৫৭-৮৬৫৯

মুদ্রক
বইপাড়া পাবলিকেশনস্ (প্রিণ্টিং বিভাগ)
১৮/এ, গোবিন্দ মণ্ডল রোড
কলকাতা- ৭০০ ০০২
দূরভাষ : ৬৫৪৪৪৮৯৮

প্রচ্ছদ
দেবাশিস সাহা

দাম
৩০০ টাকা

অমর মুখোপাধ্যায়-কে

‘সংবাদ প্রতিদিন’-এ যখন এলাম, খাতুপর্ণ বলল, ‘রোববার’-এর জন্য একটা কলাম লেখো তুমি। কী নিয়ে লিখতে ইচ্ছ করবে তোমার? কবিতা নিয়ে লেখো, কেমন?

সেই শুরু। খাতুই বলল অনিন্দ্যকে : ‘জয়ের কলামটার নাম দে গৌসাইবাগান।’ এমন নাম একমাত্র খাতুর মাথাতেই আসতে পারে। ‘গৌসাইবাগানের ভূত’ নামক বিখ্যাত কিশোর উপন্যাসটি নিশ্চয় তখন মনে খেলছিল ওর। এতে, নামটা দু-দিন দিয়েই খেটে গেল। কবিতার বোৱা না-বোৱা গাছগাছালির ছায়ার মধ্য দিয়ে চলাফেরা তো একরকম ভূতেরই চলা। আমি সেই ভূত।

আমার ভালোলাগা কবিতার কথাই বলেছি এই ধারাবাহিক কলামগুচ্ছ। সারাজীবন ধরে যত ভালো কবিতা পড়েছি, তার থেকে দু-এক আঁজলা মাত্র ধরেছে এটুকুতে। মোটেই এ কোনো সমালোচনার বই নয়। প্রবন্ধ তো নয়ই। অনেকটা চিলেটালাভাবে এখানে কথাগুলো বলা। একই কথা দু-তিন বারও আছে। কাটিনি, রেখে দিয়েছি। গঞ্জ ক'রে বলা কথা কেউ কি আর কাটে? যাঁরা কবি, কবিতা-আলোচক, কবিতা-গবেষক বা কবিতা সম্পাদক ঠাঁরা যেন কিছুতেই এই বইকে সিরিয়াসলি না নেন। এ হল একরকম উপভোগের বিবরণ। তুচ্ছ, আস্থাস্মৃতি মেশানো ও প্রবলভাবে ব্যক্তিগত উপভোগ। সাধারণ পাঠকদের জন্য লেখা।

খাতু উসকে দেবার পর ‘রোববার’-এর অনিন্দ্য চট্টোপাধ্যায় হয়ে উঠল এর প্রধান ইঙ্কনদাতা। বাড়ি যাবার আগে মিষ্টি হাসিতে মনে করায় ‘এ সপ্তাহে কিন্তু আপনার গৌসাইবাগান আছে, জয়দা।’ এর প্রথম পাঠক হচ্ছে রাজু সর্দার, যে গৌসাইবাগান প্রথম থেকে কম্পোজ করে আসছে। কম্পিউটারের পাশে বসে আমার অবিরল ফিশফিশে গলায় শব্দ ও লাইন চেঞ্জ রাজু সহ্য করে, হাতে অন্য পাঁচটা কাজ থাকা সত্ত্বেও। এই লেখাগুলি যাতে নির্ভুলভাবে ছাপা হয় সেজন্য একটা করে প্রিন্ট আউট বাড়ি নিয়ে যায় ভাস্কর লেট—কারেকশন ঠিকমতো হয়েছে কি না দেখতে। আর চন্দ্রিল ভট্টাচার্য়ের সে থেকে থেকেই একটা আশ্চর্য অন্যমত বা অপূর্ব বিকল্প যুক্তি উদ্ঘাপন করে আমার মাথা থায়। ফলে, প্রবল তর্কবিতর্কের ছলোড়ে বেঁচে উঠি।

আসলে আমাকে বাঁচিয়ে তুলেছে এই ‘সংবাদ প্রতিদিন’-পরিবারের সবাই। দৈনিক কাগজের পেজ ফোর-এর জন্য পোস্ট-এডিট লেখা দু-তিন দিন মূলতুরি রেখে আগে গৌসাইবাগান লিখে দিয়েছি, এমনও হয়েছে কত। সহযোগী-

সম্পাদক কুণাল ঘোষ বা চিফ রিপোর্টার কণাদ দাশগুপ্ত তাতে কিছু মনে করেননি। সকলে মিলে ঘিরে রেখেছিলেন বলেই এই গৌসাইবাগান লিখতে পেরেছি! এবং এখনও লিখে চলছি।

এই প্রসঙ্গে 'সংবাদ প্রতিদিন'-এর প্রধান সম্পাদক সুঞ্জয় বোসের গুরুত্বপূর্ণ ভূমিকার কথা বিশেষভাবে বলতে চাই। নিজের কথা নিজের মতো করে লেখার সময় ও সুযোগ প্রথম থেকেই আমাকে দিয়েছেন তিনি।

নিয়মিত দরকারি বই জুগিয়েছে বীজেশ। নিয়মিত মূল্যবান অভিযন্ত পেয়েছি দেবতোষ ঘোষ, অমরেন্দ্র চক্রবর্তী, ব্রাত্য বসু, দেবজিৎ ও ঝদ্বি বন্দ্যোপাধ্যায়, অভিজিৎ চক্রবর্তী ও সোনালি মুখোপাধ্যায়ের কাছ থেকে। নবীনা ডাঙ্কার সংহিতা মুখাঙ্গী ও চেমাইবাসী ব্যাকার দীপঙ্কর গুপ্তের কথায় কিছু কিছু জায়গায় সংশোধন করেছি। এরা দূজনেই অবশ্য জীবনে এক লাইনও কবিতা লেখেননি। কাবেরী অনেক ডালোলাগা কবিতার কথা মনে করিয়ে দিয়েছে যা এককালে ওকে শুনিয়েছিলাম। আর আমার এখনকার সব বইয়ের মতো এ বইয়ের দায়িত্বও কাঁধে তুলে নিয়েছে প্রতিভাস।

এবার তাহলে সেই কথাটা। যা অনেক আগেই বলার দরকার ছিল। এই গৌসাইবাগানের দু-বছরে আমার মোট দুশো আটানবইটা ফোন ধরেছেন শঙ্খ ঘোষ। ট্রিপল সেপ্টুরি কানের পাশ দেঁসে বেরিয়ে গেছে। কত আবোল-তাবোল প্রশ্নের উত্তর দিয়েছেন। নিজের বই-ভাগুর থেকে বই খুঁজে দিয়েছেন। এমনকি, অন্যের কাছ থেকে এনেও দিয়েছেন। জেরস্ক করিয়েও। হ্যাঁ এতটাই। কি আর বলব!

আমার আগে যাঁরা লিখতে এসেছেন, আমার অনেক পরে যাঁরা লিখতে এসেছেন, আমার সমবয়সি যাঁরা লিখেছেন—এই বই তাঁদের সকলের কবিত্বের প্রতি আমার প্রশংসন। তাঁদের কবিতা দিয়ে আমার জীবনকে তাঁরা ভরে তুলেছেন কতবার। এই বই সেই ঝগেরই স্বীকারপত্র।

১০-০১-২০১০

ত্রিপল সেপ্টুরি


কৃতজ্ঞতা

গৌরী রায়চৌধুরী
তারাপদ আচার্য
অমিয় চৌধুরী
রবিশংকর বল
গৌতম ঘোষদস্তিদার
শম্পালী মৌলিক
বগিনী মৈত্র চক্রবর্তী
রিঙ্কা চক্রবর্তী
বিদিশা চট্টোপাধ্যায়
প্রসূন ভৌমিক
সুমন্ত মুখোপাধ্যায়
হিন্দোল ভট্টাচার্য
দুনিয়ার পাঠক এক হও! ~ www.amarboi.com ~

তোমাকে যখনই আমি স্বাগত বললাম এই গেঁসাইবাগানে
তখনই হরেক জংলা খুলে গেল। দেখা দিল এই পক্ষবটী।
ফুল নামে ছোটো ভাই, আরও ছোটো কোলেরটা কুঁড়ি।
ওই গাছ দিগন্ধর। মাথার ওপরে মেঘে
যথারীতি চাঁদের মা বুড়ি।
ঘাসে আগচ্ছায় হাঁটি। ভাঙা সিঁড়ি। পানাভরা পুকুরে পদ্ধতি।
এ বাগানে তোরবেলা স্বচক্ষে দেখেছি
ঘাস থেকে ফুল তুলছে ডানাভাঙা পাথরের পরী।

এখানে আমার সঙ্গে থাকো না দুদিন, কষ্ট, ক'রে!

আশ্চর্য, সত্যিই থাকলে! ফিরে গিয়ে, তোমার সহেলী,
ঠেলেঠুলে পাঠালে তাকেই—
এ বাঁকে তোমাকে পেলে, বাগানের পরের বাঁকেই
তাকে তো পেলাম? না কি অন্য কাউকে?
মনে নেই। ঘাসের শয্যায়
যত যত পাই, তত ঝরি।
তোমরাই আমাকে ফের বাঁচিয়ে তুলেছ এই বাগানের ঘোরে—
সে কথা কী করে আজ অঙ্গীকার করি!



১

সেই শোলো সতেরো বছর বয়সে, যখন প্রথম কবিতার দিকে ঝুঁকে পড়তে শুরু করেছি, কিছুতেই একটা জিনিস বুঝতাম না তখন, কী করে একটা কবিতা ভালো লাগে। কী কারণে? আর ঠিক পাশের পৃষ্ঠার কবিতাটাই কেন তত ভালো লাগে না। কেন এটা হয়? কী কী উপাদানের উপস্থিতি বা অনুপস্থিতি এটা ঘটাতে থাকে, কী থাকলে একটা কবিতা কবিতা হয়, তা বুঝতাম না তখন।

সত্যি বলতে, এখনও বুঝি না। আগেরটি গতো, কেবল অভিভূত হই। কেবল বলতে পারি ভালো লাগে। কিন্তু এখন, যেক্ষেত্রে প্রায় ৪০ বছর হয়ে গেল কবিতার সঙ্গে সঙ্গে থাকি, তাই দুটো চারটে জিনিস অয়ত্ন একটু স্পষ্ট হয়েছে। আবার কয়েকটি এলাকা চিরধূস থেকে গিয়েছে। নতুন করে বুঝতে পারার সঙ্গে খোগ হয়েছে নতুন নতুন না-বোঝা। এইসব মিলিয়েই প্রিয় কবিতা। মজার কথা, কেন তাকে প্রিয় বলছি, কেউ জিজ্ঞেস করলে ভালো করে বোঝাতে যেতেই কথা হারিয়ে যায়।

কলেজ-বিশ্ববিদ্যালয়ে যেহেতু যাইনি, তাই বড়োদের কাছে যেভাবে কবিতা পড়তে শেখে সবাই, সে সুযোগ আমার হয়নি। বড়োরা, অর্থাৎ শিক্ষকরা অনেকে, শুনেছি ক্লাসে এত সুন্দর করে কবিতা পড়ান অন্য কলেজ থেকেও ছাত্রছাত্রী এসে হাজির হয় তাঁদের ক্লাসে। অমন পড়্যা হতে আমিও চেয়েছি, কিন্তু তা ঘটেনি বাস্তবে। আমারই নানা দোষে। ফলে কবিতা কীভাবে পড়তে হয়, তা আর কারও কাছে শেখা হয়নি। আজ মনে হয়, এই শেখাটা খুব দরকারি ছিল। এই অভাব আজ অনুভব করি। জানার দরকার ছিল দেশ বিদেশের নানা তত্ত্ব। অতীত হয়ে যাওয়া তত্ত্ব। নতুন জন্মানো তত্ত্ব। জানতাম যদি, তাহলে কবিতার জগত হয়তো আরও একটু খুলে যেত আমার কাছে। চিরধূস এলাকাগুলো স্পষ্টতর হত একটু। কিন্তু শিখিয়ে দেওয়ার উপযুক্ত লোকের কাছে পৌঁছেতে পারিনি বলে, আমাকে নির্ভর করতে হল শুধু অভিজ্ঞতার ওপর। নিজের একান্ত অভিজ্ঞতাগুলোর ওপর।

বাবার সঙ্গে ঘুরে বেড়াচ্ছি হাইওয়ের ধারে। তখন আমার ৮। আমরা একটা রিকশায়

চলেছি। একদিকে ঝোপজঙ্গল, ঢায়ের দোকান, কামারশালা। অন্যদিকে মাঠ। ঢালু হয়ে আসা দিগন্ত। বাবা বললেন, মাঠের পরে মাঠ, মাঠের শেষে—সুন্দর গ্রামখানি আকাশে মেশে। সত্যিই তো, একেবারে দিগন্তের ধারে ছোটো ছোটো চালাঘর আর ছোটো হয়ে আসা একটা দুটো লোক, সাইকেল, ওরা যেন আকাশেই মিশবে এরপর। একে কী বলে? চিত্রকল্প কি? তখন তো আর অত জানি না। যাই বলুক, অবাক লেগেছিল ওই আকাশে মেশা ব্যাপারটা। এখন মনে হচ্ছে, তাইতো, আকাশে মেশে কথাটা এসেই এটাকে এমন আশ্চর্য চেহারা দিল। গ্রামটা যে ঢালু হয়ে আসা আকাশটায় মিশে যেতে পারে, আগে তো ভাবিনি। প্রায় রোজই তো দেখছি। যা আমার চেনাজানার মধ্যে রয়েছে, তাকে যখন কোনো কবিতার মধ্যে হঠাতে দেখতে পাই, তখন, তাকে ভালো লেগে যায়। আপন মনে হয়।

ঘটনার পর ঘটনা, আর তা থেকে অভিজ্ঞতার পর অভিজ্ঞতা জমা হয়ে চলেছে জীবনের মধ্যে। যেন অনেক অভিজ্ঞতার ঘন এক দ্রবণ এই স্মৃতি আর মন। এক এক জনের অভিজ্ঞতা আবার অন্যের থেকে অনেকটাই ভিন্ন। এর মধ্যে, এই অভিজ্ঞতার দ্রবণের মধ্য দিয়ে যখন কবিতার শব্দগুলো সুতোর মতো নেমে যায়, তখন তাদের মধ্যে চেনা কাউকে দেখতে পেলে চূর্ণ চূর্ণ অভিজ্ঞতা নানা ছিল থেকে এগিয়ে এসে, ওই শব্দমালাকে আঁকড়ে ধরে, নেমে আসা সুতোকে চাহাদক থেকে যেমন ধরে দ্রবণের মধ্যেকার চিনির কণারা। যেভাবে মিছরি জমাট বাঁচে, সেইরকম আর কি।

অভিজ্ঞতার ওপর নির্ভর করলে আবার অনেক সময় উলটোদিকে যাওয়ার বিপদও হয়। যেমন দর্পণ কথাটা আমার কাছে কী ছিল? অস্তত অনেকদিন পর্যন্ত? দর্পণ যে স্বচ্ছ বাকবাকে একটা জিনিসকে বলে, যাকে বুঝ দেখা যায়। দর্পণ যে আয়না। তাই বুঝতে আমার দিন কাটল। ছোটোবেলুম আবা, কিনে আনতেন মলাটইন একটা সান্তাহিক, তার নামটি বানান করে পড়তে শেখা। দর্পণ। দর্পণ মানে কী? পত্রিকা।

তারপর তো দর্পণের আয়না মানে শিখলাম, তা সন্তোষ বহুদিন পর্যন্ত দর্পণ বললে আমার সামনে আধময়লা খসখসে নিউজ প্রিন্ট ভেসে উঠত, স্বচ্ছ কাচ আয়নার বদলে। আবার অচেনা জিনিসও চিনে নেওয়া যায় কবিতা থেকে। ঠিক ঠিক ব্যক্তিগত অভিজ্ঞতার একটু বাইরে দুরেই যদি হয়, তাও তাকে চেনা যায়। যেমন—

আমি যত গ্রাম দেখি

মনে হয়

মায়ের শৈশব

আমি যত গ্রামে যত মুক্তক পাহাড়শ্রেণি দেখি

মনে হয়

প্রিয়ার শৈশব

পাহাড়ের হৃদয়ে যত নীলচে সবুজ ঝরনা দেখি
মনে হয়
দেশ গাঁয়ে ছিল কিন্তু ছেড়ে আসা প্রতিটি মানুষ

ঝরনার পরেই নদী, নদীর শিয়ারে
বাঁশের সাকোর অভিমান
যেই দেখি, মনে পড়ে, নোয়াখালি, শীর্ণ সেতু
আর সে-নাছেড় ভগবান।

আমি যত গ্রাম দেখি, মনে হয় মায়ের শৈশব? আমার মা কোনোদিন গ্রামে থাকেনি। ছেটোবেলায় থাকেনি। শহরেই বড়ো হয়েছে। পরিণত বয়সে, কলকাতা থেকে দূরে এই রানাঘাটে চলে আসতে হয়েছে বলে গুণগুণ অনুযোগও তো করে। তাহলে, ওই লাইনটা পড়ে আমার চোখ ভিজে উঠল কেন? ট্রেনে করে যাওয়ার সময় দূরে দূরে যেসব গ্রাম পুরুর চালাখর চোখে পড়ে তাই ভেসে উঠল মনে? যেন ওইসব গাঁয়ে কোথাও আমার মা থাকত। যেন আমার মা-ই থাকত, কিছুতেই অলোকরঞ্জনের মা নন।

অলোকরঞ্জনের মাকে তখন জানি না, অলোকনাথেও জানি কেবল বইয়ে ছাপা নাম হিসেবে। কিন্তু মনে হয়, ওইসব গাঁ-ঘরে যেন অসম্ভব মায়ের ছেটোবেলা কেটেছে। বাস্তবটা একেবারে উলটো। কিন্তু মনে ওটাই থেকে থাকছে বারবার। মা কথাটা যখনই উচ্চারিত হবে, কবিতায়, বা গানে, নিজের মাকেই সে মনে পড়বে মানুষের। আর আমার তো তখন কোনো বাঞ্ছবী ছিল না, প্রিয়ার শৈশব, বুবুব কী করে? তাহলে কি এই কবির, মানে অলোকরঞ্জনের কোনো পাহাড়ি মেয়ের সঙ্গে প্রণয় ছিল? আজও তো জানি না। কিন্তু তখন যা মনে হল পাহাড়ের গায়ে গায়ে ঘর মন্দির গাছপালা সাদা রাঙা নীল নিশান। ওরই ফাঁক দিয়ে ফাঁক দিয়ে একটি দুটি বালিকা নেমে আসছে, দ্রুত পায়ে ছুটে ছুটে নেমে আসছে, ওরাই কি প্রিয়ার শৈশব?

এক্ষুনি বলছিলাম না, অভিজ্ঞতার মধ্য দিয়ে কবিতাকে বোঝা, কিন্তু এটা কী হল? আমার মা তো গ্রামে থাকত না, আর পাহাড়ি কোনো মেয়েকেও আমি চিনি না, তাহলে? এই যে ছবিগুলো ফুটে উঠছে এগুলো তো পুরো বাস্তব নয়, অনেকটাই কল্পনা। কল্পনার ভিতর দিয়েও তাহলে যে অভিজ্ঞতা পাওয়া যায়, তাও এসে দাঁড়ায় কবিতার মুখোমুখি। তবে দেশগাঁয়ে ছিল কিন্তু ছেড়ে আসা প্রতিটি মানুষ—এই লাইন কিন্তু বাস্তব অভিজ্ঞতার মধ্যেই দেখি। রেলস্টেশনে যারা শুয়ে থাকে, সংসার নিয়ে, যারা বাড়ি বাড়ি কাজ খুঁজে বেড়ায় দিনেরবেলা, ঘাস কাটা, ডাব পেড়ে দেওয়া, কুয়োয় নামা-র কাজ, যারা গোয়াল গুছিয়ে দেয় একবেলা খাবার বিনিময়ে তারা ওই ছেড়ে আসা প্রতিটি মানুষ। তবে, সত্যি বলতে, পাহাড়ের গা বেয়ে যত ঝরনা, সেসব যে পাহাড়ের হৃদয় তা তো ভাবিনি। ঝরনাটি কোথায় কোন চূড়ার কাছে তুষার রাপে ছিল। সেইখান থেকে সে যখন নেমে এল নীচে, জনপদের দিকে, সত্যিই তো

সে ছেড়ে আসছে তার পুরোনো বসত। তারপর? ঝরনার পরেই নদী, নদীর শিয়রে, বাঁশের সাঁকোর অভিমান। এই অভিমান শব্দটি কেন বসিয়েছেন তখনও বুঝিনি, এখনও বুঝতে পারি না। ঝরনা তো নীচে নেমে নদী হল। নদীর শিয়রে সাঁকো। নোয়াখালি কখনও দেখিনি, শীর্ণ সেতু অনেক দেখেছি। যেখানে বড়ো হয়েছি, সেখানে চূল্ণী নদী ছিল। নদী থেকে সেচের জন্য খাল কেটে নিয়ে যেত খেত আর বোপজঙ্গলের পাশ দিয়ে। খালের ওপর সাঁকো কি দেখিনি? কী মনে পড়ল কবিতার শেষে? মনে পড়ল আর সে নাছোড় ভগবান। নাছোড় কেন? কারণ অলোকরঞ্জনের কবিতায় বারবারই তো দেখি ঈশ্বর আর ভগবানের এসে পড়। শৰ্ষ ঘোষের গদ্যে যেমন এসে পড়েন রবীন্দ্রনাথ। যেন, অনেক সময়, অনিছাসত্ত্বেও। বা আরও খুঁটিয়ে দেখলে, আগে থেকে নিজের না-জানা থাকা সত্ত্বেও এসে পড়েন। এখানে ভগবান কেন এসে পড়লেন? এই প্রকৃতি, মা প্রিয়া ঝরনা নদী হয়ে এই দেশমাটির মানুষ, এই সবই তো তুমি সৃষ্টি করেছ ঈশ্বর। এইসব যখন দেখি মাকে মনে পড়ে, প্রেমিকাকে মনে পড়ে, মনে পড়ে শত শত অসামান্য সামান্য-মানুষ—কিন্তু সবশেষে তো তোমাকে মনে পড়ে। বিশ্বাসী যে তার এই মুশকিল।

বন্ধুরা বিদ্রূপ করে তোমাকে বিশ্বাস করি বলে
তোমার চেয়েও তারা বিশ্বাসের উপরোক্তি করল
আমি কি তোমার কাছে ভুল করেও আনন্দতাম কখনও।

সে কত বিদ্রূপ ব্যঙ্গ সহ্য করে তার প্রান্তেও বিশ্বাস রেখেছে। আবার যে-হয়তো ঈশ্বরে বিশ্বাসী নয় তারও হয়তো বিশ্বাস নাইতে।

নদীর শিয়রে বুঁকে পড়া যেমন প্রান্তের দিগন্ত নির্নিমেষ / এ আমারই সাড়ে তিন হাত ভূমি। যদি নির্বাসন দাও, আমি উঠে অঙ্গুরী ছেঁয়াবো / আমি বিষ পান করে মরে যাবো। এই সাড়ে তিন হাত ভূমি। এই আমার কবরের জায়গা। এই আমার দেশ। এই দেশেই বাঁচব। এ দেশেই চিতায় বা কবরে শয়ান হব। দেশ ছেড়ে কোথাও যাব না। আর দূরে দূরে গ্রাম দেখতে দেখতে যে মনে পড়ছে মায়ের শৈশব, সেও কিন্তু এক হিসেবে দেশকেই দেখা। দেশকে বিশ্বাস করা।

বিশ্বাস, আরও এক কবি অরূপ মিত্র একবার লিখেছিলেন, আমার বিশ্বাস আমি ন্যস্ত রেখেছিলাম পাথরে, এক অনমনীয় পাথরে। অন্য আরেকজন লিখেছিলেন

এই দেশকে ছুঁয়েছি পাথরে
তার হৃদয় জাগাতে পারিনি
অম্বপূর্ণা সাজাবার দায়ে
গড়েছি শাশান চারিবী।

তিনিই আবার লিখেছিলেন অন্য কবিতা।

আমার বিশ্বাস আজও কিছু বেঁচে আছে, তাই হব পঁচিশে বৈশাখ কিংবা বাইশে
আবগে আত্মাতী।

মা, দেশ, বিশ্বাস, মাটি সব ছুঁয়ে ছুঁয়ে চলতে থাকে কবিতা। কথনও অলোকরঞ্জন,
কথনও সুনীল, কথনও অরুণ মিত্র, কি শঙ্খ ঘোষ। আর এরা সব আমার অন্ধ বয়সের
ভগবান হয়ে আসতেন। আসতেন শক্তি। আমাকে তুই আনলি কেন, ফিরিয়ে নে। সম্পূর্ণ
উলটোদিক থেকে মাকে দেখা। জন্মকে দেখা। সে এক আঁধার করা দিক। আর এই মা
বলার সূত্রে আরেকজন লিখেছিলেন, মা বলে ডেকেছি তোকে, ভাষা!

মা বলে ডেকেছি তোকে, ভাষা!

কীর্তিনাশ জলে

প্রতিমার মতো তোকে বিসর্জন দেব বলে

সমারোহে!...চারদিকে বিষের কুয়াশা

দ্বিখণ্ড মাতৃভূমি জলে যেন রাবগের চিতা

ভুলে গিয়েছি তাকে নিয়ে একদিন লিখতবি কবিতা...

মা তাহলে এখানে ভাষা হয়ে এলেন। ক্ষুব্ধ হয়ে এসেছিল যেরকম আর কারও কাছে।
মায়ের শৈশব। ভাষাকে মা ডেকে মাঝে মাঝে মাতৃভূমি, যা দ্বিখণ্ড, আর জুলস্ত। ভূমি,
সেই যে এ আমারই সাড়ে তিন হাজ ভূমি, সেই যে বিষণ্ণ আলোয় এই বাংলা দেশ...বলেছেন
আরেকজন, মা থেকে সেই ভূমি, অর্থাৎ মাটির দিকে এরপর নেমে যান ভাষাকে মা বলে
ডাকা কবি!

ছত্রিশ হাজার লাইন কবিতা না লিখে

যদি আমি সমস্ত জীবন ধরে

একটি বীজ মাটিতে পুঁতাম

একটি গাছ জন্মাতে পারতাম

যেই গাছ ফুল ফুল ছায়া দেয়

যার ফুলে প্রজাপতি আসে, যার ফলে

পাখিদের কুখ্য মেটে

ছত্রিশ হাজার লাইন কবিতা না লিখে

যদি আমি মাটিকে জানতাম

কবিতায় মায়ের শৈশব থেকে পায়ে পায়ে চলে আসে মাটি। মা থেকে চলে আসে
দেশ। এসে যায় ভাষা। মাতৃভাষা।

আর এক কবি বলেন, দেশ আমাদের কোনো মাতৃভাষা দেয়নি এখনও।
কী সেই কবিতা?

জঙ্গলের মাঝখানে কাটা হাত আর্তনাদ করে
গারো পাহাড়ের পায়ে কাটা হাত আর্তনাদ করে
সিঙ্গুর হোতের দিকে কাটা হাত আর্তনাদ করে
কে কাকে বোঝাবে কিছু আর
সমুদ্রে গিয়েছ তার ঢেউয়ের মাথার থেকে হাজার হাজার ভাঙা হাড়
আলের ভিতর থেকে হাজার হাজার ভাঙা হাড়
চূড়া বা গমুজ থেকে হাজার হাজার ভাঙা হাড়
তোমার চোখের সামনে লাফ দিয়ে আর্তনাদ করে
সমবেত স্বর থেকে সব ধৰনি মেলানো অকুলে
অথহীন সমবেত স্বর
ধড় খুঁজে আর্তনাদ করে
হংপিণি চায় তারা শূন্যের ভিতরে থাবা দিয়ে
ধৰ্মসপ্তিভার নাচে আঙ্গুলের কাছে এসে আঙ্গুলেরা আর্তনাদ করেন
জঙ্গলের ভিতরে কিংবা হিমবাহ চূড়ার টুপির
কে কাকে বোঝাবে কিছু আর
অথহীন শব্দগুলি আর্তনাদ করে তার তুমি তাই স্তুক হয়ে শোনো
দেশ আমাদের আজও কোনো
দেশ আমাদের আজও কোনো
দেশ আমাদের কোনো মাতৃভাষা দেয়নি এখনও।

রক্তলাঞ্ছিত ছিমভিন্ন এই দেশের এক ছবি, যেখানে সমুদ্র-ঢেউয়ের মাথায় হাজার হাজার হাড়, যেখানে জঙ্গলের মাঝখানে কাটা অঙ্গ-প্রত্যঙ্গ, গাড়িবোমা আর আঘাঘাতী হানায় ছড়িয়ে থাকা শরীর, যেখানে সমবেত স্বরে ধড় খুঁজে আর্তনাদ করে, যেখানে এই মর্মাঞ্চিক উপলক্ষিতে পৌঁছোনো যায় দেশ আমাদের কোনো মাতৃভাষা দেয়নি এখনও। আর এই আর্তনাদ হাহাকারের বাহিরে যদি দু-দণ্ড চোখ ফেরাতে চাও, তাহলে, তোমার জন্যও কোনো কবিতা নিশ্চয়ই অপেক্ষা করছে সেখানে:

পাখিটির মাতৃভাষা চেয়ে থাকা
ত্রিজগৎ রুষ্ট যখন, ভুকুঞ্চিত
পাতাহীন শিউলি ডালে একলা একা
পাখিটির মাতৃভাষা চেয়ে থাকা

একলা একা শব্দটির চেয়ে একাকী যেন আর কিছু হয় না। শুকনো ডালে একলা পাখির তাকানো যেন আমরা দেখতে পাই ‘পাতাহীন শিউলি ডালে একলা একা’য় থাকা পাখিটিকে। যেন বলতে ইচ্ছে করে, চুপ, আওয়াজ কোরো না। এখুনি উড়ে যাবে।

এমন যে আশ্চর্য দেখা, যা অন্য কেউ দেখাতে পারে না, তাকেই দেখাতে পারেন কবি। আর সেই কবিকেই যখন কেউ কিছু দেখিয়ে মোহিত করে ফেলে তখন?

কী মেঘ দেখালে তুমি মেঘের আড়ালে বসে
নিজে তো দেখলে না কিছু মৃদু স্বভাবের দোষে
শিরায় শিরায় দিলে টান
চামর দোলানো মেঘে অতসী জড়িত যুথী
যদি কথা বলে উঠি, যদি গান গেয়ে উঠি
ক্ষমা কোরো হির ভগবান!

কে দেখাল সেই মেঘ? কে আবার, ঈশ্বর। ফের সে নাছেড় ভগবান। কী দেখাল? সেই যে ‘কী মেঘ?’ তাকেই দেখাল। এই মেঘ কিন্তু এক একজনের কাছে এক একরকম হতে পারে। আমার কাছে কী কেবল সেটুকুই বলতে পারি আমি। বাড়িতে এসে পড়াতেন এক মাস্টারমশাই। পাগলাটে মতো একটু। আমার মেঘে মাত্র ছ-সাত বছরের বড়ো। বড়োজোর ২০-২৪ বয়স হবে তাঁর। সেই পাগলাটে প্রতি তখন এমএসসি পাশ করে বসে আছেন। টিউশন করে বেড়ান দিগবিদিকে। আর বাড়ি ভরতি বোন। বাবা নেই। নিশ্চয়ই কষ্টেই চলত সংসার। ওদিকে বাড়ির সামনে পাড়া বেপাড়ার ছেলের গাঁদি লেগে আছে সারাক্ষণ। বোনেরা বিশেষ বেরোয় না। কিন্তু একদম বেরোয় না তা নয়। আর বেরোলে, হয়তো দূর থেকে এককলি গান ভাসিয়ে দিল কোনো হতভাগা: পিন্টু ভট্টাচার্যের সেবারের পুজোর হিট: এই রাত দুপুরে দুষ্টু বাঁশি বাজে। বোনেরা না-শোনার ভান করত। কতজন বোন কে জানে। তিনজন বা চারজন: স্যারের বোনেদের জন্য নিশ্চয়ই স্যারের অনেক চিন্তা থাকত, বলতেন, রাস্তার মাথায় বাড়ি হওয়ায় বাড়ির সামনে সারাক্ষণ হট্টগোল চলে। বোনেদের পড়াশোনা হয় না। রাস্তার মাথা বলতে কী বোঝায়? স্যারেদের বাড়ির সামনে একটা ছোটো মুড়ের মাথা ছিল বটে। পুরোনো একতলা বাড়ি। একটা ছাদ। কালো রং করা দরজা। জন্মাণ্ডলো ফাটা। রাস্তায় যাওয়ার সময় জানলার ভেতরটা দেখা যেত তাকালে। আর তৎক্ষণ প্রায় সবাই। কতক্ষণ আর জানলা বন্ধ করে রাখবে মেয়েগুলো। স্যারের বাড়ির স্মৃতি ছেলের জটলা বারোমাস কেন থাকে সবাই জানত। পাছে, স্যার আমাকেও সন্দেহ করেন, তাই ওদিকটায় আমি যেতাম না। একদিন, রাত আটটা নাগাদ, লোডশেডিং হয়েছে। স্মৃতি টেক্সন অঙ্ককার। আমি শর্টকাট করলাম স্যারের বাড়ির সামনে দিয়ে। জানলার দিকে চুক্ত পত্র গেল। লঠন জুলছে। জানলার ধাপিতে বইখাতা নিয়ে স্যারের কোনো একজন ব্রন্দ টিক সেই মুহূর্তে কী কারণে যেন লঠনের পিছন থেকে চোখ তুলে বাইরের দিকে

তাকাল। নিশ্চয় সে, যে-অঙ্ককারটায় আমি হাঁটছি রাস্তার সেই অঙ্ককারকে আরও গাঢ় অঙ্ককার হিসেবে দেখবে। কারণ তার চোখ তো লস্তনের সামনে। আমাকে সে দেখল না কিন্তু আমি দেখলাম। শ্যামলা রং, বড়ো বড়ো আঁখিপাতা, চোখের তলায় ঘন দিঘির মতো ছায়া। সে অভ্যন্ত হাতে আঁচলটা টানল একবার। ইতিমধ্যে আমি জানলা পার হয়ে গিয়েছি। আর কেমন হয়ে গেল ভেতরটা। রাতে শুয়ে চোখ বন্ধ করলেই, লস্তনের পাশ থেকে ওই তাকানো। কী দেখে ফেললাম। পরদিন সকালে আবার স্যারের বাড়ির সামনে যাওয়ার অপ্রতিরোধ্য আকর্ষণ। কী মেঘ দেখালে তুমি মেঘের আড়ালে বসে।

ঈশ্বর, অস্তত আমার কাছে, কোথাও না কোথাও আছেনই, নিজে তো দেখলেন না নিশ্চয়ই সেই মুহূর্তের অশনিপাত, কিন্তু পাগলামির তোলপাড় শুরু হয়ে গেল কারও বুকে। শিরায় শিরায় দিলে টান। যদি কথা বলে উঠি, যদি গান গেয়ে উঠি, ...যদি কেউ লিখে ফেলে কবিতা, যদি কেউ আঁকে রং তুলি নিয়ে ছবি, যদি কেউ ভাস্কর্য বানায় পাথরে। ওই মেয়েটিকে নিয়ে, ওই সৌন্দর্য নিয়ে, তবে ক্ষমা কোরো স্থির ভগবান। তুমি তো নিজে স্থির থেকে এইসব অঘটন মানুষ-মানুষীর মধ্যে ঘটাও। তারপর তাদের যে কী হয়। স্বাভাবিক জীবন, স্বাভাবিক সম্পর্ক, স্বাভাবিক যাপন তোলপাড় এন্টেম্বলো হয়ে যায় প্রেমে পড়ার পর। শুধু কথা বলা, গান গাওয়া, ছবি আঁকা নয়। জীবন নিয়েই যদি একেবারে উলটোপালটা কিছু করে ফেলি, তুমি ক্ষমা করবে তুমি স্থির ভগবান?


আজ এত বছরের ওপার থেকে সেই ক্ষিণীর মুখ ভেসে উঠতেই মনে পড়ল কবি শামসের আনোয়ারের দুটি লাইন :

লস্তনের পাশে জুলে রয়েছে তোমার মুখ
যেন অপর একটি জৃতন

সেই ঘটনা-মুহূর্তের পর অলোকরণ্ঘনই মনে পড়েছিল। আজ এতদিন পর মনে হল যেন আমার জন্যই এই দুটি লাইন জুলিয়ে রেখেছেন শামসের আনোয়ার।

মায়ের শৈশব থেকে দেশ গ্রাম, তার থেকে মাটি ও ঈশ্বর। আবার, ঈশ্বর থেকে প্রেম আর তার মাঝখানে মাঝখানে বিশ্বাস, ভাষা, মাতৃভাষা। এইভাবে এক লেখা থেকে কত দূরবর্তী আরেক লেখায় ছুটে যায় আমার কবিতা পড়ার সূতি, এক কবির থেকে অন্য কবির কাছে গিয়ে পড়ে কবিতার রাস্তা হাঁটতে হাঁটতে, না জেনে, পথ ভুল করেই যেন বা। বাগানের একটা গাছের পাশ থেকে আর একটা গাছের পাশে গিয়ে দাঁড়ানো।

সুভাষ মুখোপাধ্যায় লিখেছিলেন, রাস্তার ছোটো ছোটো গর্তে জমানো রয়েছে আমাদের চোখের জল। আমাদের এই বাংলা ভাষার কবিতাও তেমনি পথে পথে, বাগানের গাছের পাতায়, ঝোপজংলার ঘাসে আগাছায় যেন জমানো রয়েছে উজ্জ্বল অঙ্গুর মতো। এবার থেকে তাকে একটু একটু খুঁজতে শুরু করি?



২

সেই একেবারে শুরুর বয়সে, লেখাপত্র নিয়ে যখন প্রথম নাড়াচাড়া করছি, তখন একটা কথা শুনতাম, যা এখন, এই পঞ্চাশ বছর বয়স পার করেও শুনি। তা হল, আধুনিক কবিতা দুর্বোধ্য, তা নাকি, বোঝা যায় না ঠিক মতো পিছন দিক তাকালে দেখব, এই অভিযোগ দুর্ক পুরোনো। সোনার তরী লিখেও রবীন্দ্রনাথকে শুনতে হয়েছিল, এর অর্থ কী? কবিতার বোধ্য-দুর্বোধ্য ব্যাপারটা নিয়ে তখনও কথা হয়েছিল। এমনকি খানিকটা রাগারাগিও হয়েছিল। কথাটা রবীন্দ্রনাথ ও সোনার ক্ষেত্রবলে অনেক সহজে আজ আমরা এটা সরিয়ে রখত পারি মীমাংসা তো সময়ের ক্ষেত্রে হয়েই গিয়েছে ধরে নিয়ে। কিন্তু তখনই ভাবনা হয় যখন দেখি, বিশেষ একজন কবিতা সময় তার হাদয়ে গ্রহণ করে নিল হয়তো, তিনি টির জীবৎকাল পার হয়ে এলেনও, কিন্তু পরবর্তী যে-কবিতা লেখা হয়ে চলেছে, তার সম্পর্কও একই অভিযোগ জারি থেকে যাচ্ছে বছরের পর বছর। একই অভিযোগ কী করে চলুন থেকে যায় লোক পালটে পালটে?

তার মানে পাঠকের হাদয় সত্ত্বেই কোনো কোনো কুয়াশার মুখোমুখি দাঁড়ায় নিশ্চয়, কবিতা পড়তে গিয়ে? কোথাও কোথাও তার মস্ত ধাঁধা লাগে? এ বিষয়ে কবিদের মত কমন হতে পারে? দুই ভিন্ন যুগের দুই ভিন্ন প্রকৃতির কবির উদাহরণ দিই যদি! যে-দুর্বোধ্যতার জন্ম পাঠকের আলস্যে তাকে আমল দিতে চাননি সুধীন্দ্রনাথ দস্ত। আর নিজের কবিতার বই উৎসর্গ করেছিলেন শক্তি চট্টোপাধ্যায় : ‘আধুনিক কবিতার দুর্বোধ্য পাঠকের হাতে এই দৃটি উদাহরণই আমাদের সবার খুব চেনাজানা। তবে এই দৃটি ক্ষেত্রেই আছে এক ধরনের প্রত্যাখ্যান। অস্তু আংশিক প্রত্যাখ্যান। যে-প্রত্যাখ্যানের সূচনা অভিমান থেকে। সে-অভিমান হল এই যে, আমি যে আমার সারাজীবনটা ঢেলে দিচ্ছি কবিতায়, ঢেলে দিচ্ছি চলুর সব জ্ঞান ও অভিজ্ঞতা, পড়বার আগে তুমি কেন আরেকটু প্রস্তুত হয়ে আসবে না? চলু অস্মার পক্ষে প্রয়োজনীয় যে-শব্দ ব্যবহার করব, বা যে-রেফারেন্স—তা কেন জানা

থাকবে না তোমারও? যদি জানা না-থাকে তাহলে কেন তুমি দোষ দেবে আমাকে? আর পাঠক বলবে, তুমি কবি, তুমি কেন আমার হাদয়কে জিতে নেবে না? তুমি কবি, আমাকে সম্পূর্ণভাবে কেড়ে নেবে তুমি, অথবা, অর্ধেক আহত করে ঢলে যাবে কেন? এই ভাবে দুয়ের মধ্যে ফাটল তৈরি হয়। দুজনে দুদিকে সরে যান। মধ্যে পড়ে থাকে একাকিত্ব। কবিও একাকী হয়ে পড়েন। পাঠকও।

সুধীন্দ্রনাথ দন্ত যখন লেখেন, ‘সে-পাড়া জুড়োনো বুলবুলি নও তুমি / বগী’র ধান খায় যে উন্তিরিশে’—তখন ১৯২৯ সালে বিশ্বব্যাপী যে অর্থনৈতিক মন্দা দেখা দিয়েছিল তারই উল্লেখ রাখেন কবিতায়। অথবা, ধরা যাক আরও একটি খুব জানাশোনা উদাহরণ যা আছে তাঁরই বন্ধু বিষ্ণু দের কবিতায় : ‘শ্রাবণসন্ধ্যার সেই মাতিস আকাশ। আকাশের আগে মাতিস কথাটা দেখে নিশ্চয়ই প্রথম পড়ার সময় ধাক্কা লাগতে পারে নতুন পাঠকের। কিন্তু একটু খুঁজলে তিনিও জেনে যাবেন যে-চিত্রকর মাতিস-এর উল্লেখ রয়েছে এখানে, তাঁর ছবির বর্ণ নিয়েছে শ্রাবণসন্ধ্যার আকাশ। বিশেষ ধরনের একটি সন্ধারং বোঝাতে গিয়ে মাতিস-এর সাহায্য নিলেন বিষ্ণু দে। আর পাঠক যেই মাতিস-এর ছবির কথা জানতে পেরে যায় তার কাছে আর দুর্বোধ্য থাকে না ওই আকাশ।’ এই বিষ্ণু দে-ই যখন লেখেন ‘কোয়ার্টে যেন কোনও অতঙ্গিৎ / অপরাজেয় গ্রোস ফুগের গান’ তখন প্রথমটা অসুবিধা হয় ঠিকই। কিন্তু যখন জানা যায় কোয়ার্টে এবং গ্রোস ফুগে পাশ্চাত্য সংগীতের দুটি বিশেষ ফর্ম, অর্কেস্ট্রায় এবং বৃন্দগান-এ এই শুভাতি ব্যবহৃত হয়, তখন তা আর দুর্বোধ্য থাকে না বরং সাতমাত্রার ছন্দে এই শুভাতি প্রযুক্ত হয়ে কেমন আশ্চর্য সামর্থ্য এনেছে কবিতায় তা জেনে আমরা মুক্ত হই।

অবশ্য এসব কিছু নতুন কথা নয়। সুধীন দন্ত, বিষ্ণু দে-র কবিতা নিয়ে এমন আলাপ আলোচনার বয়সও আজ পঞ্চাশ পেরোল। যদি অচেনা বা অপ্রচলিত শব্দ থাকে কবিতায়, বা না-জানা কোনো রেফারেন্স, তাহলে সেই শব্দের অর্থ বা রেফারেন্স-এর সূত্রটি জানতে পারলেই কবিতাটির সাময়িক দুর্বোধ্যতা কেটে যায়। কিন্তু আর এক ধরনের কবিতা আছে, যাকে ভেদ করা এত সহজসাধ্য নয়।

যেমন... ‘পচা ধানের গন্ধ, শ্যাওলার গন্ধ, ডুবো জলে তেচোকো মাছের আঁশগন্ধ সব আমার অঙ্গকার অনুভবের ঘরে সারি-সারি তোর ভাঁড়ারের নূন-মশলার পাত্র হল, মা। আমি যখন অনঙ্গ অঙ্গকারের হাত দেখি না, পা দেখি না, তখন তোর জরায় ভর করে এ আমায় কোথায় নিয়ে এলি। আমি কখনও অনঙ্গ অঙ্গকারের হাত দেখি না, পা দেখি না।

কোমল বাতাস এলে ভাবি, কাছেই সমুদ্র। তুই তোর জরার হাতে কঠিন বাঁধন দিস। অর্থ হয়, আমার যা কিছু আছে তার অঙ্গকার নিয়ে নাইতে নামলে সমুদ্র সরে যাবে শীতল সরে যাবে মৃত্যু সরে যাবে।...

হ্যাঁ, শক্তি চট্টোপাধ্যায়। এর আরও একটি কবিতাখণ্ড নিয়ে দেখা যাক :

...পুরোনো গলির মধ্যে মজ্জমান মাতালের হাসি
 আঢ়ীয় বর্জিত ন্যাকড়া চোরা ছায়া কিংবা পাতকুয়ো
 সাহসী বর্ষার তৈরি চট্টাকা জানালাতে ঝুল
 মনে পড়ে মাকে কিংবা বাবাকে বকুল-
 তলার কোন মাটি মাটি পাখিকে হারিয়ে
 মা বাবা দুজনে গেছে কোন ভোরে হাটে
 নেচে নেচে দৃঃখ আসে তার সঙ্গে বিয়ে
 জন্মের অনেক আগে ভালো বাটনা বাটে
 বিচিত্র রঞ্জের মশলা কুটনো রাখি রাশি
 ব্যঞ্জনে লবণ দেয় খণ্ড খণ্ড বিদ্রপের হাসি
 সে এক মৃত্যুর হাত কানাকলসি বাজিয়ে বেড়ায়
 গৃহস্থের ভাঙা দোরে ঘুরঘুরে পোকার মতো আসি
 তরণী বধূর গর্ভে, হাতে দিঘিজয়ী রেখাপাত...

এই যে লাইনগুলো আসছে, এর মধ্যে কোনো পরম্পরাধরা যায় না যেন। আগের লেখাটি হল, শক্তির বিখ্যাত জরাসন্ধ, কিন্তু এ লেখাটি ত্রেয়িন পরিচিত নয়। শ্রোতের মতো এস পড়ছে কবিতার শব্দ চিত্র উপমাগুলো। যেন্প্রস্তুতকটিই আকস্মিক। প্রথম লেখাটিতে যে রয়েছে পচা ধানের গন্ধ, শ্যাওলার গন্ধ কান্দা জলে তেচোকো মাছের আঁশগন্ধ যারা ম-র ভাড়ার ঘরে রাখা সারি সারি নুনমশলার পাত্রে রূপান্তরিত হল, অথবা, অথবা রয়েছে যে আমার যা কিছু আছে তার অঙ্কুরালয়ে নাইতে নামলে সমুদ্র সরে যাবে শীতল সরে হ-ব মৃত্যু সরে যাবে—এইসব ক্ষেত্রে বিশেষ কোনো শব্দের অর্থ জানতে পারলে কবিতাটি ধরা দেবে সে সুযোগ নেই। কারণ তেমন কোনো শব্দ অথবা রেফারেন্স ব্যবহার করা হচ্ছে ন এখানে। এখানে তৈরি হচ্ছে একটি আবহাওয়া। এই পুরো আবহাওয়াটাই রহস্যমণ্ডিত। ক্লিয়াচৰ্ম। এই রহস্যকুয়াশার মধ্যেই কবিতাটির আঢ়া বিচরণশীল। ‘জন্মের অনেক আগে ভালো বাটনা বাটে’ অথবা ‘সে এক মৃত্যুর হাত কানা কলসী বাজিয়ে বেড়ায়’ বলে কয়ে এর কী অর্থ করবেন আপনি? আবার সে এক মৃত্যুর হাত লাইনটিতে অব্যর্থভাবে শক্তির চরিত্র লক্ষণ উপস্থিত। যেমন এর পরেই ‘গৃহস্থের ভাঙা দোরে ঘুরঘুরে পোকার মতো আসি তরণী বধূর গর্ভে, হাতে দিঘিজয়ী রেখাপাত’, এখানে একদিকে যদি শক্তির সেই হৃৎধারিত শরক্ষেপ অন্যদিকে তরণী বধূর গর্ভে লাইনটিতে অমোঘ সৌন্দর্যের রচনা!

এসব ক্ষেত্রে স্পষ্ট একলক্ষ্য কোনো অর্থভেদ করার আশা ভুল। পুরো আবহাটিই কবি ত্রেয়িন দিচ্ছেন নিজেকে উজাড় করে, পুরো আবহাটিকেই পান করতে হবে পাঠককে।

পাঠক যদি এমন কবিতার সামনে পড়ে তার অর্থ ভেবে প্রাথমিকভাবে অসহায় বোধ করেন তাহলে বলতেই হবে এক্ষেত্রে কবিও কিন্তু অসহায়। কেন না কবিতার মধ্যে যে রহস্যআবহ তৈরি হয়, সেই রহস্য আসলে তাঁর চেতনার মধ্যগত রহস্য। তাকে অবিকল

ভাষায় ঢেলে না-দিয়ে তাঁর উপায় ছিল না। শক্তি ছিলেন সেই শ্রেণির কবি, তীব্র প্রেরণা দ্বারা এক ধরনের আচ্ছায় অবস্থায় পৌঁছোতেন কবিতা রচনাকালে। অস্তত তাঁর প্রথম যুগের অজ্ঞ কবিতায় তার চিহ্ন পাওয়া যায়। আমি প্রথম দিকের দুটি রচনার আশ্রয় নিয়েছি এখানে। যখন কবি ঢেলে দিতে থাকেন তার চেতনার ধারাকে অনেক সময়, রচনাকালেও, তাকে কোনোভাবে বাধা দেওয়া বা সংশোধন করা তাঁর পক্ষে সম্ভব নয়। কারণ তিনি যে সেই শ্রেতটির দ্বারা গ্রহণ, তাড়িত, নিরূপায়। হয়তো এজন্যই একবার তিনি লিখেছিলেন এই ধরনের একটা কথা, ‘সোনার মাছি খুন করেছি’-র ভূমিকায় সম্ভবত, যে, কবিতায় পরিমার্জনা তিনি পারতপক্ষে স্থীকার করতে চান না। বরং চির ও সংগীতময় পঙ্ক্তি যেমনভাবে আসে সেইভাবেই তাদের কাগজের ওপর বসিয়ে নিশ্চিন্ত।

এ অবস্থা কেন হয়? অনুমান করি, কবিতা রচনা কালে অনেক সময় কোনো কোনো কবি একটি বিশেষ নিবিষ্ট অবস্থায় পৌঁছে যান। ফলে, তখন, অবচেতনার জাগরণ হয়।


একজন কবি কবিতা লেখেন প্রধানত তাঁর জীবনযাপন থেকে। এই জীবন কেবল ব্যক্তিগত জীবন নয়, চারপাশের সমাজ সংসার ঘটনা দৃঢ়টনা কেবলই মিলেমিশে তাঁর অভিজ্ঞতা গঠন করে চলেছে, যেভাবে ভূত্বক গঠিত হয়, সেইভাবে। এই জীবনকে ধরতে পারি ২৪ ঘণ্টার যাপিত সময়টি দিয়ে ভাগ করে। একটির পর একটি ২৪ ঘণ্টার দিন যুক্ত হয়েই তো তৈরি হয় জীবন। এই ২৪ ঘণ্টার মধ্যে অস্তিত ১৭/১৮ ঘণ্টা আমরা প্রত্যেকেই সচেতনভাবে নানা কাজকর্ম করি। অফিস যাওয়া, মানুষের সঙ্গে মেলামেশা, বইপড়া, নারী বা পুরুষের নারী বা পুরুষ সংসর্গ, আর মুগ্ধবিধ দরকারি অদরকারি ক্রিয়া আমরা সম্পন্ন করি সচেতন অবস্থায় থেকে। রাতে, ঘুমোতে যাই। ঘুমোলে স্বপ্ন দেখি। সেই স্বপ্নে কিন্তু নানারকম আশ্চর্য ও উন্ন্যট জিনিস ঘটতে দেখি প্রতিদিনই। সকালে উঠে তাদের মনে করতে পারি না অনেক সময়, কিন্তু অভিজ্ঞতাটি আমাদের চেতনার মধ্যে কোথাও থেকেই যায়। স্বপ্নের মধ্যে উন্ন্যট অসম্ভব যে ক্রিয়াগুলো ঘটতে দেখি তার কোনো বাইরের থেকে পাওয়া স্পষ্ট যুক্তি নেই। উলটোদিকে, সচেতন অবস্থায়, ১৭/১৮ ঘণ্টার জাগ্রত সময়টিতে যা যা করি যুক্তিতে তার একটা ব্যাখ্যা পাওয়া যায়। স্বপ্নের ভেতরকার কাজগুলির কোনো যুক্তিগ্রাহ্য ব্যাখ্যা আমরা সাধারণভাবে বেশিরভাগ সময়ই পাই না। অর্থাৎ, আমরা চাই বা না-চাই, ২৪ ঘণ্টার একটা অংশ আমরা গভীর অবচেতনের সঙ্গে কথা বলে কাটাই। অবচেতনার সঙ্গ পাই, প্রত্যেকদিন, কিছু সময়ের জন্য হলেও। সেটি আমাদের অভিজ্ঞতার মধ্যে থেকেও যায়।

এইবার, কবি যখন কবিতা লেখেন তখন তো জ্ঞাতে-অজ্ঞাতে তিনি তার পুরো অভিজ্ঞতার ভাণ্ডারটি ব্যবহার করেন। ব্যবহার করেন বললে, যেমন একটা সচেতন প্রয়োগের কথা ধারণায় আসে ব্যাপারটা সবসময় ঠিক সেরকম হয় না। রচনাকালে অনেকক্ষেত্রে তেমন সচেতনতার বদলে একটি অতি-নিবিষ্টতার মধ্যে তিনি চলে যেতে পারেন। তখন স্বপ্নের শ্রেতের মতো অবচেতন জেগে ওঠে কোথাও কোথাও। বিশেষভাবে

শক্তির সম্পর্কে এ কথা আরও সত্য কারণ সেই তথ্যটি সকলেরই জানা, যে মদ্য তাঁকে প্রস্তুত কাছে দ্রুত নিয়ে যেতে পারত। মেশা দ্বারা একটি আচম্ভন্তার অভিজ্ঞতা শক্তি নিঃবিত্তই গ্রহণ করতেন। প্রথম জীবনে, তাঁর কবিতায় তাই দেখা দিয়েছিল অবচেতনার শর্করামুকী উদ্ধাসন।

হংপের একটা সুবিধে হল, স্বপ্নের দ্বিতীয় দর্শক নেই। আমার স্বপ্ন আমিই দেখব। মানে ব্রহ্মানার দায় নেই। কবিতার দ্বিতীয় দর্শক আছে। পাঠক। যে কিছু বিমৃঢ় বোধ করতে প্রস্তুত স্বপ্নচালিত রচনার সামনে দাঁড়িয়ে। তারপর সে বোঝে, কবি তাঁর সমস্ত চেতনাকে উভার্ড করে দিয়েছেন। আমিই কি আমার নিজের মন সম্পূর্ণ জানি? জানলে, স্বপ্ন দেখে চেতনার ঘূর্ম ভাঙলে এত অবাক হই কেন? আমিও তো আমার চেতনাকে জানি না পুরোটা। হ্রাস কবি, বিশেষত শক্তির মতো কোনো কোনো কবি, কেবল নিজের সচেতন অংশটুকুই নয়, চেতনার না-জানা অংশটুকুও মুক্ত করে দেন নিজের কবিতায়। তখন তাকে কি দুর্বোধ্য বন্দুল উপেক্ষা করতে পারি?

AMARBOI.COM



৩

সকল ভাষাই কবিতার ভাষা। সব ধরনের ভাষাই কবিতায় ব্যবহার করা হয়। কবিতায় ভাষা ব্যবহারের কোনো ছুতমার্গও অনেকদিনই নেই। তবে একেক শুধু দেখার যে, কবিতাটি উন্নীর্ণ হল কি না এবং উন্নীর্ণ হওয়ার ব্যাপারে কথনেই আয় সকল পাঠক একমত হন না।

কবিবা! অনেক সময়ই অনেক কিছু লুকিয়ে রাখেন তাঁদের কবিতার ভাষার মধ্যে। এই লুকিয়ে রাখা জিনিসগুলি পরে পাঠক খুঁজে নেবেন—এমন বিশ্বাসে। জানকী যেভাবে তাঁর গহনাগুলি অরণ্যপথে ফেলতে ফেলতে গিয়েছিলেন, সে ভাবে। ধরা যাক শক্তি চট্টোপাধ্যায়ের ‘যেতে পারি, কিন্তু যেন যাব?’—কবিতাটির কথাই। কবিতাটি শুরু হচ্ছে এইভাবে :

তাবছি, ঘুরে দাঁড়ানোই ভালো।

এত কালো মেখেছি দুঃহাতে
এতকাল ধরে
কথনও তোমার করে তোমাকে ভাবিনি।

কবিতাটি যেন মাঝখান থেকে শুরু হয়। যেন, কবিতাটি শুরু হওয়ার আগেও অনেক কিছু আছে এতক্ষণ বা এতদিন, বুঝি এত কিছু সহ্য করার পর, একজন ভাবল—‘তাবছি, ঘুরে দাঁড়ানোই ভালো’। এই ‘তাবছি-’র পরে কমা, যেন ছুটতে ছুটতে অনেকটা এসে একজন পা মাটিতে রেখে দাঁড়াল, দম নিল, ঘুরে দাঁড়াবার কথা ভাবল। পরে আবার আছেও সে কথা। এতকাল ধরে এত কালো দুঃহাতে মাখার কথা। কিন্তু, প্রথম লাইনেই মনে হয়, কবিতাটি যেন মাঝখান থেকে শুরু করা। আগের অংশ না-বলা রইল। এমন লিখেছিলেন ভাস্কর চক্রবর্তীও।

‘এবং বীগাদির কথা আর নাই বা লিখলাম।’ কবিতা শুরু হচ্ছে এই ভাবে। পুরো কবিতাটিতে আর কোথাও বীগাদির কথা এল না। কবিতাটি যেন শুরু হল মাঝখান থেকে। এই ‘এবং’ কথাটি শুরুতে থাকায় বোঝা যায়, পূর্বে যেন কয়েক পরিচ্ছেদ পার করে তবে শুরু হল এই কবিতা। এই যে কথা লুকিয়ে রাখা, এই লুকিয়ে রাখা কিন্তু একটি বড়ো সৌন্দর্য কবিতার ভাষার ক্ষেত্রে। শব্দ ঘোষের একটি কবিতা দেখা যাক।

ঘর, বাড়ি, আঙিনা।

সমস্ত সন্তর্পণে ছেড়ে দিয়ে মামিমা

ভেজা পায়ে চলে গেল খালের ওপারে সাঁকো পেরিয়ে

ছড়ানো পালক, কেউ জানে না!

কবিতার নাম ‘রাঙা মামিমার শুন্যতাগ’। চলে যাওয়ার লাইনটি দীর্ঘতম। ‘ভেজা পায়ে’ শব্দদুটির মধ্যে রয়ে গেল চলে যাওয়ার বেদনা ও কারণ। হয়তো, কোনো সামাজিক কলঙ্ক। কোনো গোপনতাকে আরও গোপন করা। একটি ছোটো গল্প কবিতাটির মধ্যে লুকিয়ে আছে। শেষ লাইনের আগে আছে একটি অমোঘ স্পেস—এব্যবহার। আমাদের জীবনেও আমরা চারপাশে প্রতিবেশীর, আত্মায়ের, বন্ধুর জীবনে যেমন ঘটনা কখনো-কখনো ঘটতে দেখি, যার কোনো কারণ আমরা শেষ পর্যন্ত জন্মতিপারি না। কোনো মানুষ হারিয়ে যায়। আমরা জানতে পারি না, কেন সে হারিয়ে দলিল। একটি অমোঘ স্পেস বা শূন্যস্থান তার চলে যাওয়ার কারণটি ঢেকে অবস্থান করে সে ছিল। আজ তাকে দেখি না। মধ্যে আর কিছু নেই। শূন্যতা শুধু। কেউ জানে যা, সেই শূন্যতার মধ্যে কী কারণ চাপা পড়ে রইল।

ছেট্ট এই কবিতার মধ্যে শুন্যসারের টান-বাঁধন ছিড়ে বধূটির চলে যাওয়ার কথা বর্ণনা করা লাইনটিই সবচেয়ে লম্বা। গোপন এই চলে যাওয়া স্বাভাবিক ভাবেই লুকোনো অনেক প্রস্তুতি ও যন্ত্রণার শ্রম বহন করে। যেতে যেতেও কত পিছুটান যে টেনে রাখছে! কবিতার ছন্দে তাও ধরা পড়ছে। ভেজা পায়ে / চলে গেল / খালের ও / পারে সাঁকো / পেরিয়ে—চারমাত্রার ছোটো ছোটো পর্বে পর্বে ধাক্কা খেতে খেতে লাইনটি চলেছে, আবার ধাক্কাগুলি এত উচ্চকিত নয় যে, সকলের কাছে জানাজানি হয়ে গতিরুদ্ধ করে দেবে। চলে যাওয়াটি যেমন সন্তর্পণে, সাবধানে ঘটছে, কাউকে জানতে না-দিয়ে—ছন্দের পর্বে পর্বে ধাক্কাগুলি ও তেমনই গোপনভাবে উপস্থিত আছে। নানা ধাক্কা সহ্য করে নিয়ে জীবন যেমন তার অবধারিত পথে চলে যায়, এ যাওয়াও তেমনই।

ছেট্ট একটি বাক্যে কবিতাটি শুরু। ‘ঘর, বাড়ি, আঙিনা’—এই বাক্যটির মধ্যে ভরা সংসারের কথা বলা রইল। ‘আঙিনা’ কথাটির মধ্যে রইল প্রতিবেশীরাও। তার পরের দুটি লাইন ক্রমদীর্ঘতর হয়ে ছড়িয়ে পড়ল। দীর্ঘতম লাইনটির পর বুকভরা এক দীর্ঘ নিশ্চাস ছেড়ে দেওয়ার শূন্যতা যেন। তারপর চলে যাওয়ার ছড়িয়ে থাকা চিহ্নগুলি। আর, না-জানা। সেই না-জানা।

না-জানা, না-বলা দিয়েও তৈরি হয় কবিতার ভাষা, অনেক সময়। কবিতায় ব্যবহৃত স্পেসও কিন্তু কবিতার একটি ভাষা। কখনো-কখনো কবি শূন্যতাকে দিয়ে কথা বলান। কখনো-কখনো কবি লুকিয়ে রাখেন ছোট ছোট জিনিস। যেভাবে ম্যাজিশিয়ান হাতের আস্তিনে লুকিয়ে রাখেন তাস। যেমন বিষ্ণু দে লিখছেন : ‘বেগার্ত নদীর বাঁক, নর্তকের পেশিবহুলতা।’ একটি উদ্দাম নদীর বর্ণনা। যে-নদী নিজের বেগে আর্ত, নদী আপন বেগে পাগলপারা-ও অন্য কে যেন বলেছিল। সে তো আবার সবই বলে দিয়ে গিয়েছে। ওটুকু ধরে আর কী হবে! আবার বিষ্ণু দে-র মতো তাঁর কাছ থেকে অবিরল ভাবে নিয়ে সেই নেওয়াটাকে নবরূপে ফিরিয়েই বা দিয়েছে কে? এইখানে প্রসঙ্গের একটু বাইরে গিয়েও না বলে পারছি না, বিষ্ণু দে-র একটি সনেট আছে যার নাম : ‘রবীন্দ্রনাথের কোন লেখা অভিভূত করেছিল?’ হ্যাঁ, এইটা নাম। বইটা সামনে নেই কিন্তু যত দূর মনে পড়ছে, কবিতাটির শিরোনামে জিজ্ঞাসার চিহ্ন আছে, ঠিক যেমন শক্তির ‘যেতে পারি, কিন্তু কেন যাব?’-র শিরোনামে আছে। বিষ্ণু দে-র এ লেখা কীভাবে শুরু হচ্ছে? এর প্রথম আট মাত্রা হল: ‘এ প্রশ্নের কী উত্তর?’

ঠিক ; এ প্রশ্নের কোনো উত্তর বিষ্ণু দে-র কাছে ছিল না। মানতেই হবে আমার কাছেও নেই। রবীন্দ্রনাথ সবটুকু নিয়ে এত বিরাট, যে আমাদের হাতের সাধারণ মাপকাঠি দিয়ে তার কোনটুকু অভিভূত করে বা কোনটা করে না, তৎস্মতে যাই না। যা হোক, বিষ্ণু দে তো লিখলেন ‘বেগার্ত নদীর বাঁক’, তারপরে যেহেতু করলেন ‘নর্তকের পেশিবহুলতা।’ এখানে নদী পুরুষ। বেগে আর্ত তার ওই বাঁক, পুরুষ নাচিয়ের শরীর। ‘পেশিবহুল’ কথাটা অনায়াসে ব্যবহার করলেন অথচ মোটেই খারাপ শোনাল না কেন, এটা আমি ভেবে পেতাম না। দেখি, ঘূরছি ফিরছি আর ক্ষেত্রে থেকে মাথায় ঘূরছে—‘বেগার্ত নদীর বাঁক, নর্তকের পেশিবহুলতা।’ পরে, একসময় মনে হল, খটমট ওই ‘পেশিবহুল’ শব্দটা কিছুতেই ব্যায়ামবীরের গুলি ফোলানো শারীরিক আস্ফালন মনে করাচ্ছ না, বরং একরকম লাবণ্য আনছে। নর্তকের শরীরে তো একটা লাবণ্যই আছে, তাঁর পেশি তো নাচের বিভঙ্গে ঢেউ খেলায়, যেমন ঢেউ খেলাচ্ছে বেগার্ত ওই নদীর বাঁক। ওমুক শ্রী তমুক শ্রী হওয়া পালোয়ান-দেহের কাঠখোটা ভাব তো তার নয়। এই লাবণ্য কবিতার লাইনে কী করে এল ‘পেশিবহুল’-এর মতো শব্দের প্রয়োগ সন্তোষ? একটা সহজ উত্তর হল ‘নর্তকের’ কথাটা তো রয়েইছে।

রয়েছে, কিন্তু পেশিবহুলের কঠোরতাও তো আছে। এই কঠোরতাকে লাবণ্যে রূপান্তরিত করা হল একটি ‘তা’ যোগ করে। ‘পেশিবহুলতা’। ফলে, নিজেদের অজান্তে, লক্ষ না-করেই আমরা লাইনের মধ্যে ‘লতা’ কথাটি উচ্চারণ করলাম। যতবার লাইনটি বলব, অজান্তে ‘লতা’ কথাটি বলব। ‘লতা’ শব্দটিকে এখানে লুকিয়ে রেখেছেন কবি, অথচ আমাদের দিয়ে বলিয়েও নিচ্ছেন। নর্তকের নৃত্যপর শরীরে লতার ভঙ্গিমাও থাকে। কঠোরতা আর কোমলতা, রমণীয়তা আর পৌরুষ, একই মুঠোয় ধরা পড়ল এখানে। পাঠকের এই বিশ্ময়

অবশ্য বেশিক্ষণ বিশ্বায় থাকে না, যখন মনে পড়ে শিল্প আৰ প্ৰকৃতি এই দুয়েৱ মধ্যেই
অধনাৰীশ্বরেৰ প্ৰতীক বাৰবাৰ খুঁজে এনেছেন বিশ্বও দে। এ যেন তাঁৰ ধাৰাবাহিক চিষ্টা-
কাজেৱই একটুকৱো প্ৰতিফলন।

কবিতাৰ ভাষা নিয়ে বলতে গিয়ে আৱও একটি কবিতাৰ কথা মনে পড়ছে। আমাদেৱ
ৱোৰবাৰেৱ 'নবান্ন' সংখ্যা বেৱবে। অনিন্দ্য বিপুলদাৰ সঙ্গে আলোচনা কৰবে 'নবান্ন' সংখ্যায়
কী কী থাকবে। অনিন্দ্যৰ কথা শুনতে শুনতে হঠাৎ আমাৰ মনে এল শক্তিৰ একটা কবিতা।

হলুদ শস্যেৰ মধ্যে হাত পেতে রয়েছে দাঁড়িয়ে
একা লোকটি, হাত পেতে দাঁড়িয়ে রয়েছে
হলুদ শস্যেৰ মধ্যে দাঁড়িয়ে রয়েছে
সারাদিন।
অন্নপূৰ্ণা, অন্ন দাও—বলে সেই
যোজনবিস্তৃত
মাঠে একা দাঁড়িয়ে রয়েছে—
পূৰ্ণ হয়ে যায় তাৰ শূন্য কৰতল

নবান্ন প্ৰসঙ্গে এই কবিতাটি আমাৰ মনে আমিৰুক্ত আমি অবাক। এতদিন তো এই
কবিতাটি থেকে আমাৰ মনে আসত ভ্যান গথেৰ ছবি। সেই শস্যবীজ ছড়ানো চাষিৰ ছবি।
এক হাত দিয়ে বুক-পেটেৰ সামনে আঁকছে দুৱা বীজপাত্ৰ, অন্য হাতেৰ মুঠোয় ভৱা বীজ,
ছড়ানোৰ জন্য বিস্তীৰ্ণ প্ৰাস্তৱ, মুঠো কেচু বাকানো, পূৰ্ণ সূৰ্যালোকে জুলছে চৰাচৰ।

সেই মাঠে মাঠে শস্যবীজ মুঠো কৰে ছড়িয়ে দেওয়াৰ ছবিটি কেন মনে আসত আমাৰ?
'একা লোকটি—' এই শব্দটিৰ জন্য নিশ্চয়। জুলজুলে হিৰিদা আভাৰ সেই ছবি নবান্নে
পৌছোল কী কৰে? যদিও তাৰ দু-হাত ছড়ানো নয়, তবুও বীজ-ছড়ানো একটি হাতেৰ
প্ৰসাৱণ আৰ ভ্যান গথেৰ বিখ্যাত উজ্জ্বল হলুদেৰ মাঠময় বিস্তাৱ-ই হয়তো আমাৰ মনে
কবিতাটিৰ সঙ্গে ছবিটিকে মিলিয়ে দিয়ে থাকবে। কবিতা থেকে ছবিতে মন কখন কোন
ভাবে যায়, নিজে জানতে পাৰি না। নবান্ন কথাটি থেকে ওই কবিতা মনে পড়তে আমি
সিডি দিয়ে উঠে রোৱবাৰেৰ দফতৱ থেকে তিনতলায় ফিৰছি পুৱো কবিতাটি উচ্চাৱণ
কৰতে কৰতে—'অন্নপূৰ্ণা, অন্ন দাও' কথাটি মন্ত্ৰেৰ মতো বেজে উঠতে লাগল আমাৰ মনে
হ্ৰাস, নিঃশব্দ আবৃত্তিতে। কী আশ্চৰ্য! এই তো সেই সূত্ৰ! 'অন্নপূৰ্ণা, অন্ন দাও'—এই
হস্তিৰ অয়োগ মুহূৰ্তে কবিতাটিকে ভ্যান গথেৰ ছবিৰ নিসৰ্গ থেকে এদেশেৰ নবান্নে নিয়ে
এসছে। এই হল কবিতাৰ ভাষা। ধান দোলানো হলুদ মাঠে একাকী লোক—আৱ ভ্যান
গথেৰ ছবিৰ চাষি একাকাৰ হয়ে রইল। 'দাঁড়িয়ে রয়েছে'—এই কথাটি পৱপৱ তিন লাইনে
ব্যবহৃত হয়েছে। তাতে লোকটিৰ দীৰ্ঘক্ষণ ধৰে দাঁড়িয়ে থাকাটা প্ৰকাশিত হচ্ছে। এই তিন
লাইনেৰ পৱেই কবিতাৰ ক্ষুদ্ৰতম লাইনটি আসে যাতে মাত্ৰ একটি শব্দ : 'সারাদিন'।

'সারাদিন' বলতে কাৱও হয়তো দিনেৰ শেষবেলা মনে হতে পাৱে। অৰ্থাৎ সারাদিন

পার হয়েছে, শস্যেও হলুদ আলো, যেন অপরাহ্ন এসে পড়ল। কিন্তু আমার ‘সারাদিন’ শব্দটি থেকে দ্বিপ্রহরের মধ্যবিন্দু মনে আসে। দুপুরের একেবারে মাঝখানে যেন দাঁড়িয়ে রয়েছে লোকটি। চারিদিকে রোদুরের আভায় যেন রশিদ খানের কঠের শুন্দ সারঙ্গ-এর বিস্তার পূর্ণ তেজে ছড়িয়ে পড়ছে। একেবারে সারঙ্গের সময় বলেই আমার মনে হয় এই কবিতার সময়টিকে। তার মধ্যে যে একা লোকটি, সে তো চাবি বটেই! সে তো কৃষক। কিন্তু সে কি শেষ পর্যন্ত এক কবিই নয়? কবিই তো, ওই একা লোকটি। বীজ ছড়ানোর কাল আর হলুদ শস্যের মাঠময় জেগে ওঠবার কাল যে আলাদা, অথচ দুটি সময়কেই, দুই ছবিকেই একাকার করে মনে আরও একটা ছবি টেনে আনল সেই যে একা মাঠের লোকটি, সে কবি ছাড়া আর কে? চুপিচুপি বলে রাখছি, এই লোকটিই কিন্তু ‘সোনার তরী’ কবিতায় অন্য চেহারায় অন্য গঞ্জ নিয়ে দেখা দিয়েছিল। এই কবিই নাকি চাবি। সেখানে সে বলেছিল, ‘যাহা ছিল নিয়ে গেল’—এখানে বলছে, ‘পূর্ণ হয়ে যায় তার শূন্য করতল’। যাঃ। তাই হয় নাকি? সেখানে তো নদী ছিল, নৌকো ছিল, এখানে তো সে সব নেই। তাহলে? তা আমি জানি না। কেউ তর্ক করতে এলে আমি পালাব। কিন্তু আমার কাছে ভ্যান গথের ছবির চাবি, সোনার তরী যাকে শেষ পর্যন্ত নিয়ে যায়নি, সেই লোকটি, হলুদ শস্যের মধ্যে হাত পেতে দাঁড়ানো শক্তির কবিতার নিঃসঙ্গ মানুষ, শুন্দ সারঙ্গ যাগি যিনি তৈরি করেছিলেন, সেই প্রাচীন সংগীতজ্ঞ, যাঁর নাম আমার অজানা—স্বত্ত্ব সকলেই এক। এই কবিতার শেষে এসে মাঠ যখন যোজনবিস্তৃত মাঠ হল, তার মধ্যে যেন আবহমান সময় ও দেশ ধরা পড়ল। ওই মাঠ তখন চিরকালের মাঠ। অবশ্য স্মরণই যে এইটুকু এক কবিতা পড়ে এমন সব মনে হবে, তার মানে নেই। এক এক জনের মন কবিতায় এক এক রকম ভাবে চলে। আমার মন যেমনটা চলে, তেমনটুকু বলি।

৩

ওই যে একাকী মানুষ যে মাঠে করতল পেতে দাঁড়িয়েছে, যে সন্তুষ্ট করেছে সুর, ছবি, ভাষার নতুন সৃষ্টি, সে তো আসলে শিল্পী। সেই শিল্পীর ভিতরঘরে যখন আঘাত আসে, কীভাবে তার মুখোমুখি হন শিল্পী? অলোকরঞ্জনের একটি কবিতায় তার একরকমের বিবরণ ধরা আছে।

ফিরে এসে দেখি দেওয়ালে ফাটল, ফুটো
আমি জানি কোন ছিকে চোরের দল
চুরমার করে দিতে এসেছিল, পারেনি।

এই অবকাশে ঝোপের আড়াল থেকে
দু-জন ফেউ ‘পরাভববাদী’ ডেকে
আমাকে আমার অকৃতার্থতা জানালো।

সঙ্গে সঙ্গে ফুটো ও ফাটলগুলি
নানা নকশায় প্রসারিত করে তুলি:

সারা ঘর শুধু জানালা জানালা জানালা...

‘ফিরে এসে দেখি...’—হয়তো কোথাও গিয়েছিলেন শিল্পী নিজের অন্দর অরক্ষিত রয়ে। সেই সুযোগে কারা এসে যেন চুরমার করে দিতে চেষ্টা করেছিল তাঁর ভিতর-দেওয়াল। অন্যায় আঘাত করেছিল। সেই আঘাতদাগ লেগে আছে। ফাটল দেখা দিয়েছে হনিও, তারা ভেঙে ফেলতে পারেনি।

আমাদের যে-কোনো ব্যক্তিগত আঘাত আর ব্যক্তিগত নয়—সেই আঘাতের খবর দ্রুত সমাজের মধ্যে, পড়শিদের মধ্যে ছড়িয়ে পড়ে। তারা আমাদের দুয়ো দেওয়ার জন্য, আমাদের আঘাত নিয়ে হাসবার জন্য তৈরি। তারা আমার আঘাত পাওয়া নিয়ে আনন্দ করে আমাকেই আমার ব্যর্থতার হিসাব জানাবে।

তখন শিল্পীর কাজ কী?

ওই মূল আঘাতে যেসব ফাটল ধরেছে, আর সকলের ক্ষেত্রে থেকে যে চিড় ধরেছে, সেইসব চোট আঘাতগুলিকেই শিল্পী তাঁর বিষয় করে লক্ষ্য করেন। ফুটো ও ফাটল, তাতে যন্ত্রণা লেগে আছে। তবু সেইসব আঘাতগুলিকেই ব্রাশে-জেলে-ছেনিতে-বাটালিতে আরও বড়ো করে আরও প্রসারিত করে দেওয়া নানা কার্টুনজ, নানা নকশা বেরিয়ে এল ওই সব ফাটল থেকে। তার ফলে দেওয়ালে যে ফাটল-ফুটো তৈরি হয়েছিল, তারা কৃপাস্ত্রিত হল জানালায়। ‘সারা ঘর শুধু জানালা জানালা জানালা...’।

তিন লাইনের তিনটি স্তবক কিম্বতায়। প্রথম তিনটি লাইনের মধ্যে কোনো মিল দেওয়া হয়নি। প্রথম তিনটি লাইনে প্রধানত শিল্পীর ভিতরঘরে আঘাত আবিষ্কার করার বিমুচ্ছতা। কেবল ক্ষতির পরিমাণ দেখা। সবটাই ছেঁড়াফাটার কথা। বিচ্ছিন্নতার কথা, বিশ্বাস থেকে ছিন হওয়ার কথা। তাই যেন মিল স্বাভাবিক ভাবেই আসেনি। কারণ কিছুই তো মিলছে ন এখানে, সব ছিঁড়ে ছিঁড়ে যাচ্ছে।

দ্বিতীয় স্তবকে ‘দু'ড়জন ফেউ’-এর কাছ থেকে অপমান বা সমাজের দেওয়া অপবাদ সহ্য করছেন শিল্পী। সহ্য করছেন মানে, এই তো এক্ষুনি শাস্তভাবে, যেন একটু দূর থেকেই তার বিবরণ দিলেন। সহ্য করছেন মানে, নিজেকে ইতিমধ্যেই কিছুদূর গুছিয়ে তুলতে পেরেছেন। প্রথম স্তবকে যে অপ্রত্যাশিত আঘাত আবিষ্কারের অবস্থা, তা যেন সরে গিয়েছে একটু। সংগতি ও আস্থা একটু যেন ফিরে পাচ্ছে মন। ফলে, মিল এসেছে দ্বিতীয় স্তবকের প্রথম দুটি লাইনে। তিন নম্বর লাইনটি এখনও মিল ছাড়া।

তৃতীয় স্তবকে এসে নিজেকে পুরোপুরি ফিরে পাচ্ছেন শিল্পী। প্রথম স্তবকের শেষে চুরমার করে দিতে এসেছিল, পারেনি’—এই লাইনের শেষে ‘পারেনি’র ‘ই’ ধ্বনির মধ্যেই প্রতিরোধ দাঁড় করানো ছিল। এখন এই তৃতীয় স্তবকে নিজের কাজে ঝাপিয়ে পড়ছেন


শিল্পী। ফুটো ও ফাটলগুলি যদিও যন্ত্রণাময়, তবুও তার মধ্যে তুলি ডুবিয়ে ফাটলকে নানা নকশায় আরও বেশি ফাটিয়ে শিল্পে প্রসারিত করছেন। তারপর কী? তারপর সারা ঘর শুধু জানালা। জানালা, যা দিয়ে দেখা যায়, নিজের আঘাতের বাইরেও অন্যকে, দূরকে দেখা যায়। দেখবার একটি পথ হল জানালা। আঘাতের মধ্য দিয়েই অনেক সময় জানলা প্রস্তুত হয়। বা একসময়ের আঘাত পরবর্তীকালে জানলা হয়ে ওঠে। আর শিল্পী বা কবি তো দ্রষ্টা। জানালাই এখানে যেন চোখ।

শেষ লাইনটিতে সব আঘাত জয় করার পর শিল্পীর সেই যাত্রা উদ্দীপ্ত হয়ে উঠেছে। তাই, শেষ লাইনটিকে বোধহয় অস্তিম স্তবক থেকে আলাদা রাখা হল। যদিও তিন লাইনের তিনটি স্তবকেই এই কবিতা ধৃত, তবুও শেষ লাইনের গতি অক্ষমাং বেড়ে যায় যেন এই জয়ের আনন্দেই—তাই তাকে আলাদা করে রাখা—ছ-মাত্রার এই কবিতা একেবারে শেষে পৌঁছে চলল যেন তিন মাত্রার দ্রুত পদক্ষেপে।

প্রথম তিন লাইনে কোনো মিল নেই। দ্বিতীয় ও তৃতীয় স্তবকে মিল পড়েছে এইভাবে: থেকে / ডেকে / জানালো—এবং—তুলি / ফাটলগুলি / জানালা। দ্বিতীয় স্তবকের শেষ লাইনটি ‘ও’ ধ্বনিতে পৌঁছেছে। ‘অকৃতার্থতা জানালো’ আমার না-পারার কথা বলে, অপবাদ দিয়ে আমাকে বিছৃপ্ত করছে দু-ডজন ফেড়। মাঝ দৃঢ়থে ও অপমানে মন বন্ধ হয়ে আছে। মন আঘাত পেলে প্রাথমিক প্রতিক্রিয়ায় অস্তুষ্ট ও বন্ধ হয়ে থাকে। এখন, অর্থাৎ দ্বিতীয় স্তবকের শেষেও মন কাজের দিকে ঝোলেনি। কারণ, অপবাদ জানানো হচ্ছে। ‘জানালো’-র ‘ও’ ধ্বনিতে সেই গোল, বন্ধ করা ভাব ফুটেছে।

আর নানা নকশায় যখন শিল্পের দিকে প্রসারিত করলাম আঘাতে প্রাপ্ত ফাটলগুলি, তখন সারা ঘরে শুধু জানালা, কারণ জানালো যেমন খোলা—‘আ’ ধ্বনিটিও তেমনি খোলা, মুক্ত। শিল্পীর উত্তর তো কলহ নয়, বরঁশ শিল্পের মধ্য দিয়ে সেই উত্তর যখন উচ্চতর মাত্রায় উত্তীর্ণ হয় তখন ‘আ’ ধ্বনিতে খুলে গেল জানালা। ‘আ’ বললেই যেন সুর লেগে যায়। সত্যিই, শেষ লাইনটিতে পৌঁছে যখন ‘জানালা’ শব্দটি তিনবার আসে, মনে হয় ঘরের সব জানালা খুলে যাচ্ছে। মনে হয়, দিকে দিকে সকাল হচ্ছে যেন। তানপুরা হাতে পরতিনি সুলতানা তাঁর ‘ভবানী দয়ানী’ ধরেছেন ভোরবেলার কোন প্রাপ্তে বসে। আকাশ থেকে ভৈরবীতে খুলে যাচ্ছে আলো। পরপর তিনবার দ্রুত জানালা যখন আসে, তখন তৃতীয় ‘জানালা’ টির ‘আ’ ধ্বনি আসা মাত্র যেন দিকদিকঙ্গে ছড়িয়ে যায় : প ধা সা ঝঁ সা... এই ‘সা’ যেন ছড়িয়ে যায় গাছের মাথায় মাথায়।

‘জানালো’র সঙ্গে ‘জানালা’র এই গোপন কিন্তু আশ্চর্য মিল একটি জানালাই খুলে দিল। আরও মজার কথা, কবিতার মধ্যে এই মিলটি প্রথম বা দ্বিতীয় পাঠেও হয়তো চোখে পড়ে না। নিজেকে লুকিয়ে রাখে। কিন্তু কবিতার ভাষা অনেক সময় এভাবেও, খুব গোপনে থেকেও, কবিতার মধ্যে ঠিক তার কাজটুকু করে যায়।



৪

যে জীবন চোখের সামনে দিয়ে প্রতিদিন চলে যাচ্ছে, কিন্তু তুচ্ছ হাজার কাজের চাপে
সেদিকে তাকাচ্ছি না, সেই জীবনকে, যত্ন করে কবিতার মধ্যে ভুলে রাখছেন কবি। বলছেন,
যদি অবসর পাও খুলে দেখ, তোমারই দেখা অভিজ্ঞতা, কখনতে পাবে আমার কাছে। তফাত
এই যে, তুমি ভুলে গিয়েছিলে, আর আমি মনে রেখেছি। বলছেন, আমি বিশ্বাস করি, তুমই
পারো।

কাকে বিশ্বাস করছেন তিনি এই যে, এই চরিত্রটিকে।

আমি বিশ্বাস করি, তুমি পারো।

তোমার পরনে সস্তা সিষ্টেটিক শাড়ি
হাতে প্লাস্টিকের গোলাপি প্যাকেট
আর মাত্র শীৰ্খা পলা। ক্ষয়ে যাওয়া হাওয়াই দু'পায়ে।
তুমি খুব সেফটিপিন ভালোবাসো মনে হয়।
মনে হয়, আর কিছু ভালোবাসার কথা
মনেই হয়নি তোমার কখনও।

বোৰা যায়, তুমি বিজ্ঞান জানো না, কাব্য নয়।
গান কিংবা আলপনায় সামান্যও শুণপনা নেই
(যাদের ওসব থাকে তারাও একটু উজ্জ্বল হয়)
তোমার জন্মস নেই, মুখের চামড়া খসখসে
এমনকী, টিকিট কাটছ, খুচরো পয়সা মেলাতে পারছ না,

কন্ডাটির মুখ করল। তোমার দু'চোখে ভয়।
ফটা ঠোঁটে অথবীন হাসি।

সবাই হেনস্থা করছে। বাস থেকে নামলে কোনও মতে।
আচ্ছা বলো, এবার কী করবে তুমি...বাড়ি যাবে...বর ঘরে নেই
ছেলেমেয়েরাও নেই, রান্না করবে ভালোমদ কিছু?
তাও বুঝি পারো না তুমি? তেল নেই, গোটা দুই আলু পড়ে আছে
ওসব বললে কি হয়। যারা পারে, অন্নপূর্ণা, চালেডালেও অমৃত বানান

রাত বাড়লে একে একে ঘরে ফিরল তোমার সংসার
খাওয়া ও বিছানা হল। রতি হল। কিছুই পারলে না।
তারপর মধ্য রাত্রে, চুপিচুপি ছাঁয়ে দিলে স্বামী আর সন্তানের মুখ
আর ওরা স্বপ্নে স্বপ্নে নীল হয়ে গেল।

আমি বলেছিলাম, তুমি পারো।
শুধু কেউ বিশ্বাস করল না।

এই কবিতার নাম 'স্বপ্নরূপেণ'। লিখেছেন মল্লকুষ্টি সেন। এই লেখায় খুবই নিম্নবিত্ত
সংসারের একটি বউয়ের কথা বলা আছে, যে, অনুমান করা যায়, কোথাও কোনো
ছেটোখাটো কাজও করে। সংসারে স্বরূপকে ব্যর্থ বলে, এমন পুরুষদের কথা আমরা
গল্প উপন্যাসে পড়েছি অনেক। কিন্তু সংসার যাকে ব্যর্থ অপদার্থ বলছে, এমন মহিলারা
আছেন কতই, কবিতায় তাঁদের ক্ষেত্রে যায় কম।

এই লেখা পড়তে পড়তে মনে হয়, এই মহিলা আমার চেনা। পাঠক, আপনিও কি
দ্যাখেননি একে? যদি পিছনের দিকে তাকিয়ে নিজের জীবনটা মনে করি, তবে দেখব, সারা
জীবনে বারবার একে দেখেছি। বাসে তো দেখেছি। কী আশ্চর্য সত্য এই ছবি যে, হাতে
প্লাস্টিকের একটা গোলাপি প্যাকেট। গোলাপিটা কখনও নীল হয়েছে, কখনও বা সাদা,
কখনও বা কোনো বস্ত্রালয়ের নাম লেখা হয়েছে সে প্যাকেট। তা ছাড়া, কবির দৃষ্টিই নেই
আমাদের তাই চোখ এড়িয়ে গিয়েছে, নইলে পায়ের হাওয়াই চিটিতে লাগানো সেফটিপিন
কেন খেয়াল করলাম না আমরা! যখন আমরা ছেটো ছিলাম, ছিলাম কিশোরবয়সি, তখন
আমার মায়ের কাছেও এমন কাউকে আসতে কি দেখিনি? বস্তুর বাড়ির বারান্দায় ক্যারাম
খেলছি, তখন দেখিনি কি, এমনই এক মহিলা এসে দাঁড়ালেন উঠোনে আর বস্তুর মায়ের
মুখ বিরক্তিতে ভরে উঠল? এ হল সেই জাতের একটি কবিতা, যা নিজের কথা আপন
মনে বলে চলে যায়, কিন্তু কখন, যেন কিছু না জানিয়ে ঢুকে পড়ে পাঠকদের ফেলে আসা
জীবনের মধ্যে। যার যার জীবন হাতড়ে তুলে আনতে থাকে আপাত তুচ্ছ, ভুলে যাওয়া
ছবিদের। চরিত্রদের। শৃঙ্খলির মধ্যে পরিত্যক্ত জিনিসপত্র রাখার যে ঘর আছে, একবার

পত্রেই, এ কবিতা চুকে পড়বে সেই ঘরে, সব এলোমেলো করবে। আপনি, যিনি এখন এই কবিতাটি পড়লেন, তিনিও কবিতার মহিলাকে দেখতে পাচ্ছেন নিজের জীবনের দিকে চুক্তির : অথচ এ কথাও ঠিক যে, যে মহিলাদের আমি দেখেছি বাসে, রাস্তায় অথবা মাঝের কচু আসতে, বঙ্গুর মাঝের কাছে হয়তো বা—তাঁরা—আর যে মহিলাদের আপনার মনে পত্রে পাঠক, আর যে মেরেটিকে দেখেছেন মন্দাক্রান্ত সেন, তারা সকলেই নিশ্চিত হলেন। এখানেই কবিতাটি বড়ো হয়ে উঠছে, ছড়িয়ে যাচ্ছে আমাদের পুরো নিম্নবিস্ত বস্তি জীবনের মধ্যে। ধরছে পুরো সমাজকে। প্ল্যাস্টিকের গোলাপি প্যাকেট ছাড়া মহিলার হৃষ্টে আর কী আছে। ‘আর মাত্র শাঁখা পলা’। এখানে ‘মাত্র’ শব্দটি লক্ষণীয়। যখন এই ‘হৃষ্ট’ শব্দটি এল, তখন কবিতা ঠিক সাড়ে তিন লাইন এগিয়েছে। ‘শাঁখাপলা’র আগে ‘হৃষ্ট’ শব্দটি দিয়ে এখানেই মহিলার সাংসারিক অবস্থাটি প্রতিষ্ঠা করে দেওয়া হল। যদিও এ কথা ঠিক, শব্দের সংকেতধর্মী ব্যবহারকে এই বিশেষ লেখাটি তত গুরুত্ব দেয়নি, বরং স্বত্ত্বাসুজি হাত রেখেছে আমাদের জীবনযাত্রার হৃৎপিণ্ডে। যেমন মাত্র শাঁখা পলা ছাড়া এই মহিলার কোনো আভরণ নেই, এই কবিতাও তেমনি সমস্ত আভরণ সরিয়ে রেখেছে। একপ্রতি জলের মতন কবিতাটি আমাদের সামনে রাখা হচ্ছে, যার ওপর দিয়ে তাকালে পত্রের তলদেশ স্বচ্ছ দেখা যায়।

একটি অসামান্য আশ্চর্যের উল্লেখ এ কবিতায় একটি প্রসঙ্গ ছুঁয়ে আসি। ‘কন্ডাটের মুখ করল। তোমার দু-চোখে ভয়। ফাটা ঠোটে অথবীন হাসি।’ হৃষ্ট খুচরো মেলাতে দেরি করছে মহিলাটি, কন্ডাটের রাগ করছে, এবং মহিলা ভাবছে সত্ত্ব সত্ত্বই টিকিটের পুরো পয়সাটো তার কাছে আছে তো! কম নেই তো! তাই দু-চোখে ভয় তাই অথবীন হাসি। হাসি, আভরণ বাসভৰ্তি লোকের সামনে অপদৃশ হওয়াটাকে সম্মুলাতে হচ্ছে তো! এই কবিতাটি রয়েছে ‘বলো অন্যভাবে’ নামক বইতে, তখনও উপন্যাস লেখায় তেমনভাবে হাত দেননি মন্দাক্রান্ত সেন। কিন্তু এসব ক্ষেত্রে বোঝা যায়, প্রত্যন্যাসিকের যোগ্য শক্তিশালী পর্যবেক্ষণ তাঁর রয়েছে।

যে কথা আগে বললাম, এই মহিলাটিকে বিভিন্ন জায়গায় আমরা সকলেই দেখেছি সম্ভব, কিন্তু কেউ কখনও কি এত তীক্ষ্ণ মমতার সঙ্গে তার ভিতর-জীবনটি দেখেছি? রহস্য উপকরণ কিছুই প্রায় নেই বাড়িতে। কন্ডাটের মুখ করার কথা আছে কবিতায়। বস্তির লোকের গঞ্জনাটি স্পষ্টভাবে নেই। কিন্তু ‘ওসব বললে কি হয়’ এই কথাটির মধ্যে সহিতও রইল।

যে আশ্চর্যটির কথা বিশেষভাবে বলতে চাই সেই জায়গাটিতে আসি। ‘খাওয়া ও বিছানা হচ্ছে’ বোঝা যায়, খাবার বেড়ে দেওয়ার দায়িত্ব শুধু নয়, বিছানা করার দায়িত্বও এই সহিতই। অত্যন্ত কুশলী হাতে, পুরো প্রসঙ্গটি সামলানো হয়েছে। এরপরই—‘রতি হল। কিছুই পরলে না।’

এই পুরো লাইনটি আমাদের স্মৃতি করে দেয়। এরকম কোনো মহিলার সমস্ত

উপস্থিতিটাই এমন আকর্ষণহীন মলিন ছায়ায় ঘেরা, যে, এরও জীবনে যে শরীরসঙ্গ থাকতে পারে, তা আমরা দুরভাবেও কঞ্চনা করি না। মনের কোনো কোণেই তা উঁকি দেয় না। অথচ মানুষের সম্পূর্ণ জীবনযাত্রার মধ্যে এই বস্তুটি তো অচ্ছেদ্য। ‘খাওয়া ও বিছানা হল’-র পর একটি স্বাভাবিক দাঁড়ি। বলা যায় যেন অত্যন্ত স্বাভাবিক দাঁড়ি। তারপর দুটি অমোঘ শব্দ : ‘রতি হল’। আবার দাঁড়ি। তারপর আরও অমোঘ—‘কিছুই পারলে না।’ তুলনাহীন এই প্রিসিশন। এমন দুশ্চিন্তাময়, অপমানমূখী, পরিশ্রম ও ক্লান্তি ভরা দিনের শেষে কি শরীর সাড়া দিতে পারে কারও? তাই সে ওটাও পারল না। এই লাইনে ‘কিছুই’ কথাটি দেখুন। ওই একটি কথার মধ্যে পূরুষ কী কী প্রত্যাশা করে, না পেলে ক্ষুঁক হয় তারও ইঙ্গিত দিয়ে দেওয়া হল।

কিন্তু এতসব না-পারা সত্ত্বেও, থেমে রইল না চরিত্রটি। এর ঠিক পরেই সকল রকম না-পারার সীমা পার হয়ে তার বাইরে পা ফেলল সে। ‘মধ্য রাত্রে চুপিচুপি ছুঁয়ে দিল স্বামী আর সস্তানের মুখ। আর ওরা স্বপ্নে স্বপ্নে নীল হয়ে গেল।’ তীব্র অভাব, প্রাত্যহিক অপমান, ধন্যবাদহীন পরিশ্রম ও ক্লান্তি এই মহিলার ভিতরকার একটি বিশেষ উপাদানকে খুন করতে পারেনি। তা হল ভালোবাসা। এই নিষ্কলৃষ্ট স্নেহ, যা দিয়ে স্বামী ও সস্তানকে ছুঁয়ে আছে। সেই স্নেহ সে বাঁচিয়ে রেখেছে নিজেরই ভিতরকার কোনো শক্তি দিয়ে। এই স্নেহ এই মমতাধারা, এমনকি, তার স্বামী ও সস্তানের কাছেও গোপন। সে একে প্রকাশ করতে চায় না তাদের কাছেও। তাই ‘চুপিচুপি’ কথাটি অসমে। কেন-না, স্বামী সস্তান এই স্নেহটিকে বুঝতে পারবে না। দিনে রাতে তাদের কাছেজুটি প্রাপ্য দাবি পূরণ হলৈই হল। জগতে সবাই তার দোষ ধরে। সেও যদি প্রত্যন্তের অর মনকে বদলে দিত জগতের প্রতি বিদ্বেষে, তবে তা অস্বাভাবিক হত না। কিন্তু এই যে সংসার, শতকট সহ করেও এই সংসারকে সে বাঁচিয়ে রেখেছে। সব অনাদর সংয়েও। কোনো কোনো কবি যেমন নিজের সম্পর্কে অনাদর ও নিন্দার কথা ক্রমাগত জানতে জানতেও সারাদিন পর রাত্রির কোনো নিঃশব্দ প্রহরে আবার লেখার কাছে ফিরে আসেন, সে লেখা ছাপা হওয়ার পরে আবার নিন্দা পাবে জেনেই। আসলে, লেখার মুহূর্তে রচনাকালীন আনন্দ তাঁকে আলো করে দেয়। এই মহিলাও যখন তাঁর স্বামী ও সস্তানের নিদ্রিত কপালে হাত রাখছেন, তখন ‘ভালবাসা’—এই বিশেষ শব্দটি রাত্রির অজ্ঞ নক্ষত্র হয়ে ফুটে উঠছে অভাবী সংসারের ছাদের উপরকার আকাশে। যা দেবী সর্বভূতেস্যু স্বপ্নরূপেণ সংস্থিতা। কবিতাতির অনবদ্য নামকরণ থেকে এই মন্ত্র আমাদের মনে পড়ে। এই নারীও তখন আলোয় রূপান্তরিতা হন। রবীন্দ্রনাথ লিখেছিলেন তাঁর ‘জীবন-শেষের’ কবিতায় লেখায় : ‘অনায়াসে যে পেরেছে ছলনা সহিতে...’ কবিতার এই নারী সব ছলনা অনায়াসে সহ করে, তাই পুরো কবিতাটিতে কেখাও আমার এই নারীকে চঞ্চল অশাস্ত্র বা ক্ষুঁক হতে দেখি না। ক্ষুঁক হতে গেলে সে হয়তো নিজেকে ও নিজের সংসারকে আরও ক্ষয়ের পথে নিয়ে যেত। সহ করাও এক বড়ো ধরনের শৌর্য। তারই জন্য হয়তো, সারাদিনের কষ্টের পর রাত্রির বিরল মুহূর্তে শাস্তির অক্ষয় অধিকার

অর্জন করে নেয়। এইখানেই মানুষ হিসেবে সে জয়ী। পরিবেশ, পরিস্থিতি তার ভালোবাসাকে মেরে ফেলতে পারল না। এখানেই এ কবিতা বড়ো জায়গায় পৌছোয়। ভালোবাসাকে সকলে দেখতে পায় না। শুধু কবি দেখতে পান। বলেও যান সে কথা। পৃথিবী বিশ্বাস করতে চায় না, এই যা।

নারী জীবনের আরেক রকম একাকী মুহূর্তকে ধরেছে এই লেখকের আর একটি কবিতা। তার নাম ‘কলহাস্তরিতা’—

রাম্ভাবান্না সারা হল। এখন অনস্ত অবসর।
ও অফিসে চলে গেছে। পড়ে আছে ফাঁকা ফাঁকা ঘর।
পড়ে আছে ছাড়া জামা। দু'পাটি ঘরোয়া নীল চাটি।
স্নানঘরে পড়ে আছে জবাকুসুমের আবহাটি
আরো কী কী পড়ে আছে? চতুর্দিকে খান খান রাগ...
ঝগড়া হল বেরনোর ঠিক আগে, যেন তারই দাগ
যেন, দস্ত ভরে তোলা সেই ছিম জয়ের পতাকা
ছড়িয়ে রয়েছে এই ঘরজুড়ে।

...স্বরান্ন ফাঁকা...

এ কবিতা আরেকজন গৃহবধূর কবিতা। কবিতাটি শুরু হল মেয়েটির প্রতিদিনকার রাম্ভাবান্না শেষ হওয়ার পর। এই মুহূর্ত, স্বরান্ন সকাল শেষ হয়ে আসা আসন্ন দুপুর থেকে মধ্য বিকেল বা সন্ধ্যা অবধি টানা অবসর। এ সময় কী করবে মেয়েটি। সে তাকিয়ে দেখছে চারিদিকে। স্বামী অফিসে চলে পিছেছে। পড়ে আছে ফাঁকা ফাঁকা ঘর। আজ কি একটু বেশি ফাঁকা লাগছে? পড়ে আছে স্বামীর ছাড়া জামা। দু'-পাটি চাটি। নীল রঙের হাওয়াই চপ্পল হয়তো। এখানে ঘরোয়া কথাটি গুরুত্বপূর্ণ। বাড়ির ভেতরে পরে ঘুরে বেড়ানোর চাটি। সে তো ঠিকই—কিন্তু ‘ঘরোয়া’ কথাটির মধ্যে ‘ঘর’ জিনিসটা একটু বলা হল। ঘর মানে, যেখানে দুজনে একসঙ্গে থাকে। ঘর সম্পর্কিত এই কবিতা। সেই সঙ্গে ঘরের মানুষ সম্পর্কিত। ওই যে এখনি দেখলাম, ‘পড়ে আছে ফাঁকা ফাঁকা ঘর।’ ফাঁকা ফাঁকা লাগছে কেন? কারণ যে ঘরের মানুষ, সে তো বেরিয়ে গিয়েছে। সেই জন্য? এরপরই তুলনাইন একটি ডিটেল: ‘স্নান ঘরে পড়ে আছে জবাকুসুমের আবহাটি।’ যুবকটির কাছে যখন যায় মেয়েটি, কাছাকাছি হয়, তখন তো সে এই স্নানগন্ধ অনেক সময়ই পায়। শরীর সমীপবর্তী হলেই তো এই গন্ধ আসে। স্বামী বেরিয়ে যাওয়ার পর, গৃহস্থালির কোনো কাজে স্নানঘরে ঢাকা মাত্র সে এই গন্ধ পেল। ধাকা লাগল তার। আবার মনে পড়ল কোনো ঘনিষ্ঠতার মুহূর্ত। এই গন্ধ তো তার নিজস্ব পুরুষের গন্ধ। কেন আজ প্রতি পদক্ষেপে পুরুষটিকে এত রনে পড়ছে তার? পুরুষটি বেরিয়ে যাওয়ার পর যা যা পড়ে আছে, তার তালিকাটিতে চোখ রেখে এগিয়ে গেলেই বোঝা যাবে কেন! ফাঁকা ফাঁকা ঘর, ছাড়া জামা, চাটি এবং

জবাকুসুমের গন্ধ—এইসব পার হয়ে দেখা যায় বাড়িতে পড়ে আছে চতুর্দিকে খান খান রাগ। যেদিকে তাকাচ্ছে মেয়েটি, সেদিকেই ক্রোধের ভাঙা টুকরো দেখতে পাচ্ছে। রাগ-এর আগে খান খান বসানো হয়েছে কারণ রাগ মানেই কিছু ভাঙা। রাগ ভাঙে অন্যকে। নিজেকেও ভাঙে, কারণ ভাঙাই তার কাজ। কেন রাগের টুকরো চারদিকে? কারণ, বেরোবার আগে ঝগড়া হল যে! কোন বাড়িতে না ঝগড়া হয় এই সময়টায়। সকালে অফিসে বেরোনোর আগের ওই প্রবল তাড়াছড়োর সময়টায় ঝগড়া হবেই স্বামী-স্ত্রীতে। এক-একদিন ঘোকের মাথায় রাগারাগির টান রেখেই বেরিয়ে যেতে হয়। বাড়িতে থেকে যায় মেয়েটি। সেই একা বাড়ির মেয়েটির কথা বলছে এ কবিতা। এতক্ষণ রামার কাজে সে ব্যস্ত হয়েই ছিল, হাতের কাজ সারা হতেই তার চোখে পড়তে লাগল সব। তখন সে যেদিকে তাকাচ্ছে, পুরুষটির অনুষঙ্গ ছুটে এসে হংপিণ খামচে ধরছে তার। কাচের বাসনের মতো ভাঙা ভাঙা রাগ যে পড়ে থাকতে দেখছে জামা, চঠি, জবাকুসুমের গন্ধের সঙ্গে এই ঘরে। এই তাদের একসঙ্গে থাকার ঘরে। যে ঘরখানি, এই মুহূর্তে, ফাঁকা।

‘ফাঁকা ঘরখানি’ কথাটি লাইনের স্বাভাবিক গতি থেকে ভেঙে নীচে এনে রাখা হয়েছে। ‘ফাঁকা ঘরখানি’ শব্দ দুটি একা হয়ে পড়েছে, কবিতাটি থেকে দৈর্ঘ্য বিচ্ছিন্ন হয়ে। এই একাকিন্ত, ঘরটির একাকিন্ত শুধু নয়। মেয়েটির একাকিন্ত। যদিও তা সাময়িক। কারণ পুরুষটিকে অত বেশি মনে পড়ার মধ্যে একটি ঘৃন্তবৃন্ত আসন হয়ে রয়েছে। তা ছাড়া এও লক্ষণীয় যে, ‘ঘরখানি ফাঁকা’ কথাটি শেষে ফিরে আসায় গানের অতুলনীয়তা এল। বোঝা গেল, এই কবিতার রচনা পদ্ধতির মধ্যে স্তোত্রীয় প্রকরণকে ব্যবহার করা হয়েছে। ঘরখানি ফাঁকা-য় পৌছে কি সম এল? না, অন্ত বললাম। বরং তাল ছাড়া সুরের বিষ্টার। অথচ বিষ্টারের মতো অত জায়গা নিয়েও নয়। বলা যায়, কবিতাটি যেন বড়ো গানের আগে কিছুক্ষণের একটি আওচার। অওচার সম্পূর্ণ হল সা-য়ে এসে। ‘ঘরখানি ফাঁকা’ কথাটির ওই ফিরে আসা যেন সমাপ্তির সেই সা-য়ে এসে পৌছেনো। তাহলে বড়ো গানটি কোথায়? আমি আশ্রয় নেব শক্তি চট্টোপাধ্যায়ের। শক্তি বলেছেন: যে-কোনো লেখকের পদাই ব্যস্ত দীর্ঘকাব্য। তিনি লেখেন টুকরো টুকরো করে এই মাত্র। সুতরাং, বড়ো গানটি নিশ্চয়ই ছড়িয়ে আছে এই কবির সারাজীবনের কবিতার ভেতরে ভেতরে।

যে দুটি কবিতার প্রসঙ্গে কথা বললাম, দুটি রচনাতেই নারীর একাকী মুহূর্তের অভিজ্ঞতার কথা ফুটেছে। মানুষ যখন সবার সঙ্গে থাকে, সে এক রকম। যখন সে একা, তখন সে অন্যের সঙ্গে যা ছিল, তা নয়। এই সত্যকে মানবজীবন নানাভাবে জানে। কিন্তু তা প্রকাশ করতে চায় না। সমাজের নানা চাপিয়ে দেওয়া কারণে নারীজীবনও তার একাকিন্তের কথা সর্বসমক্ষে বলতে চায় না। কিন্তু নারী-কবিরা দেশে দেশে ভাষায় ভাষায় তাঁদের একাকী কঠিন তুলে আনতে শুরু করেছেন। এবারে যে কবিতাটির কথা বলছি, তাতেও আছে নারীর একাকী মুহূর্তের কথা।

৩.

তার বড়ো মনঃপূত যুবকের সফেদ করোটি
পান পাত্রে আধাআধি যৌনতা ও মেহ
আর হিংস্র প্রদীপের ভেঙে ভেঙে যেতে থাকা ছায়া

বালিকা বয়স থেকে কৌতুহলী, চরম বেহায়া
প্রেম তার মেধাবী সন্দেহ
সৃষ্টি বলতে স্থিতি বলতে লয় বলতে...শুধু আস্তরতি

৪.

অর্থাৎ, এ সবই তার প্রিয়
যে স্তন দক্ষিণাবর্ত, যে নাভি ক্রমশ প্রস্ফুটিত
অপরাজিতার ন্যায় বিন্যাস বিশিষ্ট একটি যোনি

যে কোনও লিঙ্গের চেয়ে সৃষ্টাম তজনী
যা চোখে আঙ্গুল দিয়ে আরতির অর্থ খুঁজে
...চোখ অর্থে নয়ন, তৃতীয়

৫.

স্বপাক স্বমাংসে ভোগ, অন্যথাপুরুষে দেবীও উপোসী
অঙ্ককার ঠাঁদ, তার জন্মভূজ্যাংসায় ভেজা জিভে
যথেষ্ঠ কামড়, কালুশটে

শাশানের ঠিক নিচে, মূল গর্ভপীঠে
চূড়ান্ত লাফের পর শেষ যজ্ঞকাঠ গেলে নিডে
স্বরূপ চিবিয়ে খায় দাঁতে নথে সে এক রূপসী

অসমে এটি একখানি কবিতা নয়, একটি কবিতাগুচ্ছের তিনটি টুকরো এখানে নিলাম।
পূর্ব যে দুটি কবিতা দেখছিলাম, তার একটিতে আছে সমাজের দিকে তাকানো। অন্যটিতে
হ্রস্ব নিজের গৃহস্থীবনের দিকে তাকানো। দুটি-ই, এক অর্থে, স্পষ্ট ও সচেতন জগতের
বেশ কিন্তু এইমাত্র যে কবিতাখণ্ডগুলি গ্রহণ করলাম, কবি সেখানে নেমে গিয়েছেন নিজের
চেতনার অঙ্ককারে। অবচেতনার ছায়াময় প্রদেশ জেগে উঠেছে কোথাও কোথাও। আর
হ্রস্বকই উঠে আসছে আশ্চর্য শিউরে ওঠা সত্য। নিজের এত দূর মুখোমুখি দাঁড়ানোর
সহস প্রয় না মানুষ।

এই কবিতাগুচ্ছের নাম, ‘কালী’। কালী শব্দে অঙ্ককার, অমাবস্যা মনে আসে। মনে
হ্রস্ব শক্তি মহামায়া। ঘোর কৃষ্ণনীল নগিকাও মনে আসে, যাঁর লজ্জা নেই। এই কবিতা

টুকরোগুলিতে তাই তন্ত্রসাধনারও কিছু অনুষঙ্গ পলকে আসা যাওয়া করছে। করোটি আছে, আছে পানপাত্র, প্রদীপের ভাঙা ভাঙা ছায়া। সেখানে হিংস্র কথাটি আছে। কিন্তু পানপাত্রে মন্দের বদলে রয়েছে তরল যৌনতা ও মেহ। যৌনতার সঙ্গে মেহ-র এই মিঞ্চণটি কবিতায় একটি আশচর্য। যেহেতু কালী কথাটির মধ্যে মাতৃরূপেরও একটি অনুষঙ্গও আসে—তাই মেহ শব্দটি বড়ো সুপ্রযুক্তি। এই কালী কবিতাটির ঠিক আগের লেখার নাম ডাকিনী, যেখানে যুবক পিতার সঙ্গে ডাকিনীর হ্লানদৃশ্য দেখা যায়। তা ছাড়া মানুষের যৌনক্রিয়াশীলতার মধ্যে কোথাও কখনও মেহও কি এসে পড়ে না, কেন-না, মানুষের অনেক ধরনের বৃত্তি প্রকাশ পেতে থাকে ওই সর্বাত্মক ক্রিয়াটির মধ্য দিয়ে। কবিতাটিতে লজ্জাহীনা রূপের কথাও আছে। নিজের মধ্যেই এই সমস্ত কিছুরই প্রক্ষেপণ। কিন্তু কবিতার শেষ লাইনটিতে এসে যে-স্বীকারোক্তি ঘটে, তা প্রাথমিকভাবে অভাবনীয় মনে হয়, পরে বুঝি এইটেই স্বাভাবিক। এই আঘ-উমোচনের লাইনটি যেন নাচের দ্রিমিকি দ্রিমি তালে ত্রমে গতিবৃদ্ধি করতে করতে শিখরের দিকে উঠে যায়। শেষে আমাদের আছড়ে ফেলে ‘আঘরতি’ শব্দের পাথরে।

পরবর্তী খণ্ডটিতে এই আঘরতিরই বিস্তার। স্নানঘরে নিজ শরীর পর্যবেক্ষণের কথা এই কবির পূর্ব রচনাতেও অনুপমভাবে উপস্থিত ছিল। কিন্তু এখানে স্নানঘর নেই। বুঝিবা শ্বানভূমি আছে। আছে, ‘যে স্তন দক্ষিণাবর্ত।’ শাখ সম্বন্ধে দক্ষিণাবর্ত কথাটি আমরা জানি, যার চূর্ণটি দক্ষিণ মুখে ঘুরেছে। জীবনানন্দের করুণ শঙ্খের মতো স্তন’, অতি পরিচিত। শাখের সঙ্গে স্তনকে আনলেই জীবনানন্দের দাঁড়িয়ে পড়বেন মাঝখানে—সে বিপদ ছিল। কিন্তু, এখানে, কীভাবে জীবনানন্দের একটুও অনুষঙ্গ না-এনে শাখ ও স্তনকে একত্র করা হল। একদিকে যেমন অপরাজিতার রঙের সঙ্গে কী অসাধারণ মিলে গেল কালীর গাত্রবর্ণ আর একদিকে তেমনই ফুলের কেন্দ্রের সঙ্গে মিলে গেল গর্ভপথ।

এরপরের লাইনটিতেই আরবেসেই আঘ-উমোচন। এ সেই অন্তর্জীবন কথা, যা মানুষ বাইরে আনে না। পরক্ষণেই আছে, একটি অভাবনীয় প্রয়োগ। চোখে আঙুল দিয়ে দেখানোর ইডিয়ম আমরা জানি। কোন সত্য, যা মানুষ দেখেছে না, বা দেখতে চাইছে না—তাকে দেখতে বাধ্য করাকেই তো বলে চোখে আঙুল দিয়ে দেখানো। একবার ভাবুন, চোখে আঙুল দিয়ে ওই দেখানোর প্রয়োগ কোথায় আর কীভাবে করা হল। এর কি কোনো পূর্ব তুলনা কোনোখানে আছে? নেই। সঙ্গে নিয়ে আসা হল ‘আরতি’-র মতো শব্দকেও। (আমাদের সহকর্মী গীতিয়া প্রফুল্প পড়তে পড়তে বলল, ‘দেখুন কেবল ত-এ ম-এ টুকু ড্রপ করে দিয়েই ‘আরতি’ নিয়ে এলেন উনি।’ ঠিকই। এগুলোই শব্দকে অনেক ভিতরদিক থেকে জানার প্রয়াগ।) আরতি আসা মাত্র স্পষ্ট হল যে এ আসলে এক পূর্জাচন। কালীর সঙ্গে পূজা এসে গেল। নিজ শরীরের অর্চনা। এল, চোখ অর্থে নয়ন, তৃতীয়। তৃতীয় নয়নের অনুষঙ্গে অনুরূপ কল্পনা পূর্বেও মন্দাক্রস্তা সেনের কবিতায় এসেছে : ‘যেই তুই তার কপালে লাগালি শ্রীযোনি / তৃতীয় নয়নে আলো জুলে ওঠে তখনি। ছন্দপুরাণ-এর এই কবিতায় তিনি শ্রীযোনি শব্দটি ব্যবহার করে একই সঙ্গে সৃজনী উচ্চারণটিও আমাদের কানে পৌঁছে দেন কেন-না, সে তো সৃজন করে, জন্ম দেয় তো, জন্মদ্বার। আবার নয়নও। কেন-না, কবিসন্তার কথাও সেখানে আসে কারণ ওই যে তৃতীয় নয়ন—জগৎ তো চিরকাল কবিকে বলেছে

দ্রষ্টা। ঠিকই, কিন্তু ওই কবিতা লেখার সময়েও, এত শাস্তি, কঠিন, উদাসীন অথচ নির্মম আসক্তির উচ্চারণে পৌঁছোননি তিনি। নির্মতাটিকে, নিজের প্রতি এই নির্মতাটিকে দেখা যাবে পরবর্তী খণ্ড কবিতাটিতে।

এখানে শুশান পূর্ণভাবে উপস্থিত। দক্ষিণাকালী যিনি শিরের বুকে ডান পা রেখেছেন, তিনি কল্যাণময়ী। শুশানকালী বামা, তিনি সংহারণী। তাঁকে গৃহস্থের ঘরে আনতে নেই। এই রূপটিই বুঝিবা জুলে উঠল এখানে। 'স্বপাক স্বমাংসে ভোগ'। প্রেমের তীর আনন্দ ও বিষাদ, অঙ্ককার ও আলোময় জীবনত্ত্বার পাশাপাশি, আত্মধৰ্মসের বাসনাও রয়ে গিয়েছে মন্দাক্রান্তা সেনের কবিতায়। আত্মপীড়নের কথা তাঁর পূর্বরচনাতেও ছিল। নইলে আরও একটা সন্ধ্যা কাটাতাম আত্মনিষ্পেষণে। আগেও লিখেছেন। তবে আত্মধৰ্মসের ছায়া নিয়ে যে-বইতে কালী শীর্ষক কবিতাখণ্ডগুলি রয়েছে, তার নাম 'আত্মহত্যা রেখেছি মূলত্বিবি'। আত্মহত্যা-চিন্তায় আশ্রিত কৃষ্ণপক্ষ নামে একটি কবিতা-সিরিজ রয়েছে সেখানে। আর কালী কবিতাগুচ্ছের এই পঞ্চম অংশটিতে ভয়াল কালিকা যেন নিজেকেই ভক্ষণ করছেন পরিগামে পৌঁছে। এ কবিতায় উঠে এল অবচেতনের অঙ্ককার। মিলনের পর স্ত্রী মাকড়সা যেমন পুরুষটিকে খেয়ে ফেলে, এখানেও চূড়ান্ত লাফের পর শেষ যজ্ঞকাঠ নিতে গেল, অর্থাৎ মিলনের শেষে, নিজেকেই গ্রাস করছে সেই নারী। এও এক আত্মধৰ্মস। দৃঢ় একটি শৃঙ্খলা মেনে চলেছে এই কবিতাগুচ্ছটি। তিনটি লাইন, মধ্যে—আবার তিনটি লাইন। প্রথম স্তবকের ক খ গ-এ মিল নেই, গ খ ক দ্বিতীয় স্তবকে মিল আছে। এক স্তবকের শেষ লাইন মিলছে পরবর্তী স্তবকের প্রথম লাইনে। অ্যান্তু কবিতার শেষ লাইন মিলছে কবিতার প্রথম লাইনের সঙ্গে। কাছে আসা, দূরে যাওয়া—মিল আছে আসা, দূরে যাওয়া—এইভাবে চলেছে এই অসামান্য যাতায়াত। কবিতার মধ্যে মধ্যে মিল আছে, প্রথম পাঠে তা ধ্রাই-যায় না। নিষ্পাস নেওয়ার সময় যেমন আমরা বুঝতে পারি না নিষ্পাস নিছি কি না, এইসব মিলও তেমনই স্বচ্ছন্দ স্বাভাবিকতায় এসেছে। অর্থম স্তবকের প্রস্তাবনাটি দ্বিতীয় স্তবকে এসে পূর্ণ হচ্ছে। সন্তোষ লেখার সিদ্ধি নিরস্তুশভাবে হাতে এলে হয়তো ষটকটিকে দিয়ে এভাবে যথাইচ্ছা কাজ করাতে পারে কেউ। মুদ্রা নামাঙ্কিত দশটি সন্তোষে সঙ্গে সঙ্গে পাপ, দেশ, অসৈরণ, ঝুঁতু, পঞ্চম আড়াল বা নগ্ন সরস্বতীর মতো লেখায় সেই সিদ্ধির প্রমাণ রয়েছে। সন্তোষ লিখে উঠেই সেখানে তিনি ছেড়ে দিলেন না তাকে। আরও একটু এগিয়ে নিতে চাইলেন। এই ষটক-নিরীক্ষা তারই চিহ্ন।

সমাজজীবন, ব্যক্তিজীবন, এবং বাসনাতপ্ত অঙ্ককার অঙ্গজীবন—এই তিনটি স্তরেই তিনটি সপ্তকের মতো চলাচল করেছে এই কবির রচনা। সমাজ ও ব্যক্তিজীবনের রূপ অনেক কবির লেখাতেই যথাযোগ্যভাবে পাই আমরা, কিন্তু নিজের মনের পাতালে নেমে গিয়ে সত্য খুঁড়ে আনবার ভরসা সাধারণত দেখা যায় না। কারণ ভয় তো আছেই, যদি হারিয়ে যাই নিজেরই গহনে, পথ খুঁজে যদি উঠে আসতে না পারি? তা ছাড়া, নিজের অত্থানি অতলে চোখও কি যেতে চায়?



৫

এই কবিতা আমার কবিতা। কারণ, এই কবিতায় লেখা আছে আমারই জীবন। কেবল এই কবিতাটি লিখে গিয়েছেন বীরেন্দ্র চট্টোপাধ্যায়।

আমার চারদিকে

আমার চারদিকে কবিরা দাঁড়িয়ে আছেন
তাঁদের মুখে
উষা তাঁর প্রসন্ন অভিযান ছড়িয়ে দিচ্ছেন

কবিদের কষ্টে গান জেগে উঠছে
যেন মন্ত্র।

একটু পরে আকাশে গ্রহণ লাগবে
কবিদের মুখগুলো তখন মনে হবে
অঙ্ককার মুখোশের মতো

কিন্তু তাদের বুকের ভিতর
তখনও দ্঵িপ্রহর মাদলের মতো
বাজতে থাকবে

আমার চারদিকে কবিরা দাঁড়িয়ে আছেন
তাঁদের গান, তাঁদের কবিতার মন্ত্র নিয়ে...

অঞ্চ বয়স থেকেই কবিদের আশ্রয়ে কেটেছে আমার জীবন। তাদের কারও সঙ্গে যে সম্মতি পরিচয় ছিল, তা নয়। লেখা পড়েই আশ্রয় সন্ধান। আজও তাই।

এই এখন, এই যে গোসাইবাগান লিখছি, আমার চারদিকে কবিরা দাঁড়িয়ে আছেন বলেই তো! অঞ্চ বয়সে আমার বেঁচে থাকা ছিল কবিতায় আশ্রিত। আজও তাই কবিদের মুখ আমার কাছে বরাভয়ের আশ্বাস নিয়ে আসে।

কবিদের মুখ বলতে, কবিদের শব্দ! কেন-না, মুখোমুখি আর কজনকে চিনতাম। ধরুন জীবনানন্দ, দেখার সুযোগ নেই, আমার জন্মের ১৮ দিন আগে মারা গিয়েছিলেন। বুদ্ধিদেব বসুর সঙ্গে এখনও মনে মনে কথা বলি। কবিতা সম্পর্কিত তাঁর কোনো গদ্য পড়তে পড়তে বাসে চলাফেরা ছিল আমার প্রতিদিনের অভ্যেস! নানা প্রশ্ন মনে জাগে, মনে হয় কী করে এটা বুঝলেন? ইস, আরও কয়েকটা কথা জিজ্ঞেস করে নিতে পারতাম যদি? এই যে, কী করে এটা বুঝলেন লেখক, এই কথাটা সবচেয়ে বেশি মনে হয় যাঁর সম্পর্কে, তিনি হলেন রবীন্ননাথ। তাঁকেও তো দেখার সুযোগ হয়নি। তাতে কী? কবিকে দেখার সেরা উপায় তো তাঁদের লিখিত শব্দগুচ্ছ, যা তাঁরা আমাদের জন্য রেখে যান।

এক্ষুনি যে বরাভয়ের কথা বলছিলাম, বীরেন্দ্র চট্টোপাধ্যয়ের এই কবিতাটিতে যেন রয়েছে সেই বরাভয়ের মূদ্রা। এইসব মুহূর্তে কবিদের মতো হয় যেন দেবতার মতো। তাঁদের কবিতা মন্ত্রের মতো যেন পরিশুল্ক করছে আমাদের। কিন্তু সেখানেই তো শেষ নয়। অবিরল শুন্দিতার সঙ্গে, অসম্ভবতার সঙ্গে তো থাকতে পায়েনা জীবন। আকাশে গ্রহণ লাগে। জীবন তার নানা কুশীতা, হীনতা নিয়ে ঘিরে ধরে আমারও জীবনকে, তখনও কি কবিদের সেইসব আশচর্য কবিতা থেকে সমান সাড়া পাই আমি?

যখন মনে অঙ্গকার নেমে অস্ত্রে ভালোবাসা যখন আহত হয়, বিশ্বাস যখন ফেটে যায়, তখন তা থেকে বেরিয়ে আসে বিদ্রোহ। যাকে একদিন ভালোবাসতাম, যাকে সারাদিনে একবার না দেখলে মরে যাব মনে হত, তার সম্পর্কে তখন ঘৃণা জন্মায়। ভালোবাসার উলটো পিঠ ঘৃণা। সেই হল গ্রহণ লাগার সময়। তখন কেবল দ্বেষ। তখন কবিতাও যেন সাম্রাজ্য দেয় না। কালো হয়ে থাকে মন।

কবিদের মুখও তখন যেন মুখোশ। কবিদের মুখ মানে? কবিদের শব্দই তো তাঁদের মুখ। এমন অঙ্গ গর্তে পড়ে যাই সময় সময়। বাতাস থেকে শুধু ছাই ঝরছে মনে হয়। কোনো প্রতিবেশীর সঙ্গে কথা বলতে ইচ্ছে করে না। যন্ত্রের মতো হাঁটাচলা করি। যন্ত্রের মতো অফিস যাই। বাড়ি আসি। তখন কেমন হয়? সব চিঞ্চা, প্রার্থনার সকল সময় তখন শূন্য মনে হয়!

তবু আমার মন কালো হয়ে গিয়েছে বলেই তো আর কবিতাগুলো মলিন হয়ে যেতে পারে না। তাদের মধ্যে দ্বিপ্রহরের রৌদ্রালোক তেমনই জুলতে থাকে। তারপর আস্তে আস্তে একদিন সেই অঙ্গকার গুহা থেকে হয়তো বেরিয়ে আসার শক্তি পাই আমি। আলো পড়ে মনে। আবার লোক চলাচল শুরু হয় আমার মধ্যে। সেই গুহার বাইরে এমে দেখি,

কবিরা ঠিকই দাঁড়িয়ে আছেন এই চরাচরের চারিদিকে। তাদের গান, কবিতা নিয়ে। আমি অঙ্ককারে ছিলাম বলেই তো আর জগতের জ্যোতির্ময় কবিতা সমুদয় নষ্ট হয়ে যাওয়ানি।

অন্যপক্ষে, আমার মতো পাঠকের শুধু নয়, কখনও কবির নিজের জীবনে নামতে পারে অঙ্ককারের আচ্ছাদন। যখন সেই আঁধার-প্রভাবে তাঁর মুখকে দূর থেকে মনে হয় মুখোশ। সবাই দূরে সরে যায় তখন সেই কবির থেকে। সেই অঙ্ককার সময় যখন পার হচ্ছেন কবি, তখন তারও ভেতরে কোথাও জুলতে থাকে মধ্যাহ্ন। সূর্যালোক বাজতে থাকে মাদলের মতো। সেই মাদলের ধ্বনিই তখন আলো।

বীরেন্দ্র চট্টোপাধ্যায়ের হাতে আশা আগুনের মতো জুলেছে সারাজীবন। এই কবিতা তার একটি প্রমাণ। অঙ্ককারের মধ্যে দিয়ে সমস্ত দেশের হেঁটে চলা ধরা আছে এই কবির রচনায়। সেখানে নিজের ওপর এসে পড়া একটি অঙ্ককার মুহূর্তের বিবরণও কীভাবে দেয় তাঁর লেখা, একটু দেখা যাক।

আমার

কবিতা

তুমি কেমন আছো?

যেমন থাকে ভালোবাসার মানুষ
অপমানে।

এ লেখার মধ্যে আছে কবিট্টার অপমানে থাকার কাহিনি। যদিও সে কাহিনি বিশদভাবে বলা হয়নি। অপমানটুকু বলা আছে। বিষণ্ণতার দীর্ঘস্থাস যেমন, একাকী, কাউকে কিছু না জানিয়ে মিশে যায় হাওয়ায়। এ কবিতাও যেন কাউকে কিছু জানানোর জন্য লেখা নয়। একাকী নিঙ্কাস্ত হয়ে বাতাসে মেশার জন্য লেখা। একটি প্রশ্ন, ও একটি উত্তর দুটি স্তবকে ভাগ হয়ে আছে। লক্ষ করার মতো একটি আশ্চর্য এ কবিতায় রয়েছে। তা হল, কবিতার নামটি। ‘আমার’। একটু অস্তুত লাগে প্রথমে নামটি শুনে। কিন্তু তারপর ভাবলেই একটি চাবি খুলে যায়।

শিরোনাম হিসেবে ‘আমার’ শব্দটি পড়ার পরই আমি কোন শব্দটি পড়ছি? শিরোনাম হিসেবে ‘আমার’ শব্দটির পরই, লেখার প্রথম লাইন হিসেবেও আমরা পাচ্ছি একটি শব্দ: কবিতা। আমাকে পরপর দুটি শব্দ পড়তে হল তাহলে, ‘আমার কবিতা’।

কবিতাকে প্রশ্ন করছেন কবি, ‘তুমি কেমন আছো?’। উত্তরে জানতে পারছেন তার অপমানে থাকার কথা। অর্থাৎ, ‘আমার কবিতা তুমি কেমন আছো?’ অপূর্ব এই কারুকমটি। কবিতা সবসময় নিজেকে প্রকাশই করে না। কখনও গোপনও করে। সব কথা খুলে না

বলাও কবিতার একরকম ধর্ম। এখানে আপাত সরল, দীর্ঘশ্বাসময় স্বগতোক্তির মতো এই কবিতাও আড়াল অবলম্বন করল।

কেন দরকার হল এই আড়াল?

বীরেন্দ্র চট্টোপাধ্যায়ের লেখায় একাকী মানুষও সমগ্র মানুষের পরিচয় নিয়ে আসে। রাস্তার একটা ন্যাংটো ছেলে যখন তাঁর কবিতায় আকাশ দেখে তখন সমস্ত পথবাসী শিশু এসে যায় আমার মনে। এবং পৃথিবীতে আজ পর্যন্ত এমন কোনো সত্যিকার কবি জন্মাননি, যাঁকে অপমানিত হতে হয়নি। ক্ষুধার্ত আন্দোলনের শক্তিশালী কবি শৈলেশ্বর ঘোষ জানিয়েছিলেন একবার এরকম একটি কথা যে, ‘কবি’ শব্দটিই বিদ্রোহবাচক। জানিয়েছিলেন কবি মানে, যে বেঁকে বসে। কবি, তিনি যতই শাস্ত মুখচোরা একাকী হোন না কেন, তিনি কোনো-না-কোনো ভাবে সমাজে প্রচলিত নিয়মগুলোর বিরোধিতা করে চলেন। নইলে তিনি সত্য থাকতে পারেন না। এই বিরোধিতা যে তিনি সবসময়ে খুব জেনেশুনে, অঁটিঘাট বেঁধে, পরিগাম সম্পর্কে নিঃসন্দেহ থেকে করেন, তা কখনোই নয়। তাঁর সত্য দৃষ্টি দ্বারা তিনি যা ঠিক মনে করেন, তাই করে থাকেন তাঁর লেখায় আর জীবনে। আর তাঁকে অপমানিত হতেই হয়। কখনও পদে পদে, কখনও বা সমাজিক কিছু বিরতির পর পর।

এই ছোটো কবিতার প্রথম লাইনে, ‘আমার কবিতা’ বলা হলে অর্থাৎ ‘আমার’ শব্দটিকে নামিয়ে কবিতার body-র অস্তর্ভুক্ত করা হলে, অক্ষত কেবল বিশেষ, একজন কবির নিজের কবিতার অপমান ঘটে যাওয়ার উল্লেখটুকু থাকত। অন্যপক্ষে, এখানে ‘কবিতা’ শব্দটি সম্মোধন হিসেবে আসায়, এক মুহূর্তে সমস্ত কবিতার প্রতি চলে গেল এই ডাক, এই প্রশ্ন। আবহমান কাল ধরে যত কবিতা অপমানিত হয়েছে, তাদের উদ্দেশ্যে রওনা হয়ে গেল এই লেখা। কিটস থেকে জীবনানন্দ প্রস্তুর সমালোচনায় আহত যাঁদের কবিতা—ফ্ল্যার দ্য মল নামক নিষিদ্ধ হয়ে যাওয়া বইয়ের কবি শার্ল বোদলেয়ের থেকে আজকের দিনের কবি মলয় রায়চৌধুরি, ‘প্রচণ্ড বৈদ্যুতিক ছুতার’ নামক একদা-অশ্লীল-কিন্তু-আজ-স্মরণীয় কবিতাটির লেখার জন্য যাকে আদালতের কাঠগড়ায় আসামি হিসেবে দাঁড়াতে হয়েছিল মাত্র বছর চলিশ আগে, তাঁদের সঙ্গে নিয়েই সকলের সব অপমানিত কবিতাকে ছুঁয়ে দেয়, এই আপাত সামান্য, কবিতা নামের সম্মোধনটি। আজ, ২০০৮-এর গ্রীষ্মে এই কবিতা পড়ার সময় সমস্ত অপমানিত কবিকে মনে পড়ে আমার। আরেক দিকে, নাম হিসেবে ‘আমার’ শব্দটি ব্যবহার করায় একদিকে যেমন ‘আমার কবিতা’ অর্থাৎ নিজের কথা বলে নেওয়াটাও হয়ে যায়, অন্যপক্ষে জগতের সমস্ত অপমানিত কবিতা হয়ে ওঠে আমার কবিতা। জগতের সমস্ত নিপীড়িত মানুষ, যেমন বীরেন্দ্র চট্টোপাধ্যায়ের কবিতায় আমার ভাই, আমার বন্ধু, আমার স্তন, ঠিক তেমনই। মনে রাখতে হবে, কবিতাটির নামকরণ করার সময়, ‘আমার’ কথাটি যে মুদ্রণকালে কবিতার তুলনায় বড়ো অক্ষরে, বোল্ড-এ, অপেক্ষাকৃত সাহসী বা জোরালো টেইপে ছাপা হবে, সে কথা নিশ্চয় জানতেন কবি। এই ‘আমার’ এক মুহূর্তে সকলের হয়ে গেল মঙ্গলাচরণ যেমন লিখেছিলেন, ‘এক নামে যেই ডাকলে অনেক হলাম যে একজন।

কানাইলালের মা আমার, ক্ষুদিরামের মা / জননী যন্ত্রণা আমার জননী যন্ত্রণা।' কানাইলাল বা ক্ষুদিরামের মা যেমন অনায়াসে আমার মা হয়ে যেতে পারেন, তেমনই। অথবা মৃদুল দাশগুপ্ত যেমন দেখেছিলেন : 'একটি মশাল ঘূরতে ঘূরতে জুলিয়ে দিচ্ছে সহস্রকে / চৈত্র আসে রক্তদ্রোগের, পলাশ শিমুল আর অশোকের।' একটি মশাল সহস্র মশালকে জুলায়। মশালটি আর একা থাকে না।

বোধা যায়, বীরেন্দ্র চট্টোপাধ্যায়ের এই কবিতা একটি একাকী বিশ্বাসের মূর্তি নিয়ে লেখা। হয়তো অতি সংক্ষিপ্ত এই কবিতা মাত্র পরবর্তী মুহূর্তেই সম্পূর্ণ হল। তবু, তারই মধ্যে কেবল, 'আমার' শব্দটিকে নাম হিসেবে ব্যবহার করে, এবং কবিতা কথাটি প্রথম লাইনে রেখে—ব্যক্তিগত এই কবিতাকে সমগ্রের সঙ্গে যুক্ত করে দিলেন এই কবি।

ছোটো কবিতায়, বীরেন্দ্র চট্টোপাধ্যায়ের সিদ্ধি বিস্ময়কর। একেকটি বিশেষ সময়ের মধ্যে দাঁড়িয়ে তিনি ছোট ছোট কবিতার মধ্যে ধরেছেন সেই সময়ের অধিপিণ্ডকে। যেমন, এই লেখা :

জেলখানার কবিতা

একজন কিশোর ছিল একেবারে একা
আরও একজন ত্রন্মে বস্তু হল তার
দুয়ে মিলে একদিন গেল কারাগারে
গিয়ে দ্যাখে তারাই তো কয়েক হাজার।

যে-বইতে এই কবিতা প্রকাশিত হয়েছিল, তার নাম 'ওরা যতই চক্ষু রাঙায়'। বইটির পৃষ্ঠা সংখ্যা মাত্র ঘোলো। দাম তিরিশ পয়সা। নরম মলাট। এই পুস্তিকা প্রকাশিত হয় ১৯৬৮ সালের জানুয়ারি মাসে। সমস্ত বাংলায় তখন জেগে উঠছে তরুণদের হাতে হাতে নকশালবাড়ির আগুন। জেলে যাচ্ছে অজ্ঞ কিশোর-তরুণ।

এই বইয়ের ভূমিকা থেকে দৃটি লাইন বলি :

'এই পুস্তিকায় প্রকাশিত একটি মাত্র কবিতা
আলিপুর সেন্ট্রাল জেলে বন্দি অবস্থায় লেখা।
ওই কবিতাটির প্রকাশকাল ৫ জানুয়ারি ১৯৬৮।...'

এই অসামান্য কবিতাটির পাশে আরও একটি তুলনায় কম পরিচিত কবিতা রাখা যায় :

সমস্ত রাত বুকফাটা চিৎকার
 সমস্ত রাত মাইকে হিন্দি রেকর্ড
 সমস্ত রাত রাংতায় মোড়া খড়া
 নিজেকে ব্যঙ্গ করে।

কবিতাটি ১ নভেম্বর ১৯৬৭-তে লেখা। ১ নভেম্বর বলতে অনুমান হয় যে, কাছাকাছি সময়ে কালীপুজো। সমস্ত দেশে সশন্ত্ব বিপ্লবের ডাক দিতে চলেছে তারুণ্য। অন্য আরেকরকম যুবসমাজ রাতভর মাইক বাজিয়ে কালীপুজোর উৎসব নিয়ে ব্যস্ত। সেখানে মূর্তির হাতে খেলনা খড়গ রাংতায় ঢাকা। ওই অন্য আরেকরকম যুবসমাজ যেমন রাংতার মতো সস্তা চকচকে আমোদে ব্যস্ত। দূরে কোথাও তখন শপথ নিচ্ছে কারা। তৎকালীন সমাজশ্রেতরের ওঠাপড়া মনে রাখলে এই কবিতা একটি ইতিহাসকে নিজের মধ্যে টেনে আনছে, বোঝা যায়।

পরের যে-কবিতাটির কথা বলব, সেটি আছে এই কবিরই ‘পৃথিবী ঘূরছে’ নামক বইতে। সেই বইও ষেলো পৃষ্ঠার বেশি নয়। দায় এক টার্কিনরম কাগজের মলাট। সেই বইয়ের প্রথমে, শিরোনামহীনভাবে মুদ্রিত ছিল এই চার সাইনের কবিতা :

চোখ রাঙালে না হয় গ্যালিলিও
 লিখে দিলেন, ‘পৃথিবী ঘূরছে না
 পৃথিবী তবু ঘূরছে, ঘূরবেন
 যতই তাকে চোখ রাঙাও না।

এ কথা এখন সকলেরই জানা যে, বিজ্ঞানী গ্যালিলিও বলেছিলেন, পৃথিবী সূর্যকে কেন্দ্র করে ঘূরছে। তাতে চার্চ প্রচণ্ড ক্রুদ্ধ হয়ে তাঁকে এই মতবাদ প্রত্যাহার করতে চাপ দেয়। অত্যাচারের ভয় দেখায়। ব্রেশটের ‘গ্যালিলিও গালিলেই’ নাটকে গ্যালিলিওর মুখে এই স্থীকারোক্তি আছে : ‘ওরা যে আমাকে অত্যাচারের যন্ত্রণালো দেখাল। এই বয়সে আমি আর শারীরিক অত্যাচার সহ্য করতে পারব না।’

তাই ভীত কোণাঠাসা গ্যালিলিও প্রকাশ্যে তাঁর মত প্রত্যাহার করে নেন। বলেন, চাচই ঠিক। তিনি ভুল। যদিও গোপনে গোপনে তিনি নিজের আসল মতবাদটি প্রমাণ সহ ‘ডিসকোসি’ নামক একটি পাণ্ডুলিপির মধ্যে রেখে যান, যা তিনি তাঁর ছাত্র আন্দোলার হাতে দিয়ে যেতে পারেন। এখানে বাহ্য্য হবে না বলা যে, গ্যালিলিওর এই মত স্থীকার করে নিতে চার্চের ৩৮৮ বছর সময় লেগেছিল। এই সেদিন মাত্র, ১৯৯৮ সালে, চার্চ এ কথা মেনে নেয়। তবু পৃথিবী তো ঘূরেছেই, তাই না? বীরেন্দ্র চট্টোপাধ্যায়ের এই ‘পৃথিবী ঘূরছে’ নামক পৃষ্ঠিকা প্রকাশিত হয় ৭ নভেম্বর ১৯৭৫। মনে রাখতে হবে, তার আগে সে বছর ২৫ জুন মধ্যরাত্রে সারা দেশে ঘোষিত হয়ে গিয়েছে জরুরি অবস্থা। তারই পরিপ্রেক্ষিতে

যদি দেখি, তবে ছোটো এই চার লাইনের লেখার শক্তি বোঝা যায়। ১৯৭৭ সালে যখন ছেট্ট এই বইটির দ্বিতীয় সংস্করণ প্রকাশিত হয়, তখন ভূমিকায় বীরেন্দ্র চট্টোপাধ্যায় লিখেছিলেন, ‘কবি সরোজ দত্ত ও আশু মজুমদারকে উৎসর্গ করে নিহত কবিদের প্রতি আমার শ্রদ্ধা নিবেদন করছি, এবং যে-পুলিশি সন্ত্রাসের তাঁরা বলি হয়েছেন, তার বিরুদ্ধে ঘৃণা ও ধিকার জানাচ্ছি।’

গ্যালিলিওকে বন্দি করে, তাঁর মত প্রত্যাহার করিয়ে যেমন পৃথিবীর সূর্য প্রদক্ষিণ আটকানো যায় না, তেমনই বিদ্রোহীকে গুলি করে খুন করলেও তার মতবাদকে খুন করা যায় না।

বীরেন্দ্র চট্টোপাধ্যায়ের কবিতার বিরুদ্ধে একটি অভিযোগ সমকালে দেখা দিত। তা হল, তাঁর কবিতা অনেক সময়ই স্লোগানধর্মী।

মানুষের ওপর শাসকের অত্যাচার ও বঞ্চনার বিরুদ্ধে তাঁর কবিতা কথা বলেছে বলে কখনও তাকে প্রত্যক্ষ হতে হয়েছে। এই প্রত্যক্ষতা হল অত্যাচারীর মুখোমুখি মাথা তুলে দাঁড়ানো। কিন্তু তাঁর কবিতায়, বিশেষত ছেট্ট কবিতাগুলোতে বোঝা যায়, শব্দ প্রয়োগের ক্ষেত্রে সংযম ও সংকেত, দুই-ই তাঁর অধিকারে ছিল।

যেমন এই কবিতা—

জাতক


পেটের আগুন খিদে
হাঁটতে শিখেছে
গলার রক্ত খিদে
পৃথিবী দেখেছে

হাত দুটি তার খিদে
কেবল বলে : দে।
পা দুটি তার খিদে
পৃথিবী গিলছে।

কবিতাটি শুরু হল, নবজাতক হাঁটতে শিখেছে। কানাচেরা গলা। তাই গলার রক্ত ওই চিৎকার। কারণ কী? খিদে। চারপাশ নতুন ও ত্রুট চোখে তাকিয়ে দেখেছে। কবিতাটির গতির সঙ্গে মুহূর্তে মুহূর্তে যেন বড়ো হচ্ছে শিশু। হাতদুটো বাড়িয়ে বলছে : দে? বাড়ানো হাত দুটিই যেন খিদে। শেষ দুটি লাইনে এসে পড়ল পুরাণের সেই বামন অবতারের ধারণা। ফুদু নামন পা ফেলছে। এবার সে পা রাখবে কোথায়। এক মুহূর্তে সেই নবজাতক যেন আত্মকাম দানানে গুপ্তাঞ্চারিত। তার পায়ের তলায় সারা পৃথিবী ঢেকে গেল। এনার সেই

ক্ষুধা পৃথিবী গ্রাস করছে। এই সময়ে চকিতে শিশুকৃষ্ণের মুখের ভিতর ব্রহ্মাণ্ড—এই কল্পনাও উকি দিয়ে যায়। আবার সহস্র ক্ষুধার্ত মানুষের পদক্ষেপ একদিন সমস্ত পৃথিবী অধিকার করে নেবে—এই সংকেতও পাওয়া যায়। কবিতাটি শেষ লাইনে এসে যেন বিশ্ফোরিত হয়। একরণ্তি ভিখারি শিশুকে নিয়ে অবিশ্বরণীয় কিছু কবিতা রয়েছে এই কবিতা এটি তেমনই একটি লেখা। এই ছেট কবিতাটির গঠনের মধ্যে একদিকে রয়েছে সহজ লোকায়ত ছড়া ও লোকগানের মর্ম। গানের চরিত্র থেকে পাওয়া ক্রুবপদের মতো ‘খিদে’ চিহ্নিত লাইনগুলো প্রায় স্নোগানের মতো ব্যবহৃত। চার লাইনের দুটি স্তবকে কবিতাটি সম্পূর্ণ। কবিতাটি চলেছে মূলত দুলাইনের একক অবলম্বন করে। দুটি করে একক নিয়ে একটি স্তবক। প্রতি দু-লাইনের প্রথমটি আসছে খিদে শব্দটিকে লাইনের আন্তে নিয়ে। স্নোগানে যেমন একটি লাইন বারবার ব্যবহার হয়, দ্বিতীয় লাইনটি হয় কিছুটা আলাদা বা নতুন। তাই স্নোগানের উক্তেজনা বাড়ে। এই কবিতাটিতে গতির ক্রমবৃদ্ধি ও চূড়াস্পর্শ ঘটেছে। কত সূক্ষ্ম এই কারুকৃতি, অথচ কতটাই লুকোনো। কত স্বাভাবিক এর চলন। অর্থাৎ, স্নোগানের ফর্মটিকেও লুকিয়ে ব্যবহার করা হয়েছে। আমাদের দৈনন্দিন জীবনে লোকগান যেমন আমরা শুনি, মুখে মুখে বলা ছড়াও যে শুনি কত। এই কবি নিশ্চয়ই শুনেছেন। আবার রাস্তায়, মিছিলে স্নোগানও আমাদের কলনে এসে বাজে। এইসব আসে অত্যন্ত স্বাভাবিক গতির মধ্য দিয়ে। তাই, তেমনই স্বাভাবিকতা রেখে, এইসব কিছুর মধ্য থেকে কবি তুলে নিয়েছেন তাঁর কবিতার গভৰ্য। যে-গঠন তাঁর বিষয়ের সঙ্গে সহজভাবে মিলেমিশে থাকে। যেমন এই কবি চেয়েছিলেন বৈষম্যহীন পৃথিবীতে মানুষ মানুষের সঙ্গে সহজে মিলে মিশে থাকুক, তেমনই

AMARBOI.COM



৬

আজ এমন একজন কবির কথা বলব, যাঁর কবিতা আমার কাছে রোদ্দুরের সমার্থক। যাঁর কবিতা পড়লেই আমার চোখের সামনে আলো ঝলমল ঘষ্টগাছলিময় দিন ভেসে ওঠে। এমন বলতে চাইছি না যে, নিসগচ্চিত্রের রেখাকলের দেকেই তাঁর বৌক। অথবা তিনি প্রধানত প্রকৃতি পর্যায়ের কবি। বলতে চাইছি, তাঁকে কবিতার ভিতরের যে মূল শক্তি, যে স্পিরিট, তা এক দিগ্বিদিকব্যাপী রৌদ্রালোক। সমস্ত বিশাদকে স্বীকার করেও তাকে দূর করার কী এক মন্ত্র তিনি কবিতায় কবিতায় ছড়িয়ে দিতে পারেন। এই একটি কবিতা তবে দেখা যাক :

পায়রা পিছলে যাবে
এমনি হয়েছে আকাশ
রোদ এমন
যে কাগজে ছাপানো যায়
যত ছোট বড় করেই তাকাও
আর ধরে রাখো নিজেকে
মনে হবে
এই ছড়িয়ে গেল এই কেঁপে উঠল বুক।

এমন এমন লোক এখন বাইরে
এমন সব মাতোয়ারা গেছে ভেতরে
ওড়িশীপাক দিয়ে মেয়েরা এমনভাবে হাঁটছে
এমনভাবে সিঁদুর রাখছে কপালে
যে বুঝতে পারবে না
কেউ কিছুই বুঝতে পারবে না।

এমন কি শুনতে পাবলে না
আমাদের আপ ছায়া ৩১৩৮ নেই।

প্রথম দুটি লাইনে আকাশের যে বর্ণনা রয়েছে, এমন এমনভাবে আকাশকে বলতে পারা যায়, কেউ কখনও ভেবেছে কি? এই হল কবিতায় অভাবনীয়কে ডেকে আনা। এক মুহূর্তে দিনটি তার সবচুকু নিয়ে ফুটে উঠল। ‘রোদ’-ই বা কেমন? না, কাগজে ছাপানো যায়। এত ষষ্ঠ। এও আরেক আশ্চর্যের আবির্ভাব। অথচ ‘দিন’ শব্দটি পুরো কবিতার কোথাও নেই। কোথাও না। অ্যাবসেন্ট। আবস্থা। মালার্মের সেই ‘আবস্থা’। কিছুটা দূরে গিয়ে মনে পড়তে পারে ‘রৌদ্রময় অনুপস্থিত’। দিনটির দিকে তাকালে মনে হয় উৎসবের সূচনা হয়েছে কোথাও। অথচ উৎসবের হইহই বা ভিড়কে দেখা যাচ্ছে না। আবার, খুব কিছু নির্জন বা শুনশানও নয়। কারণ, ‘এমন এমন লোক এখন বাইরে, মেয়েদের হাঁটা যেন নাচের ছল, এমনভাবে সিদুর রাখছে কগালে’—যেন চারিদিক কেমন মাঙ্গলিক হয়ে আছে। ওড়িশিপাকের নাচের সঙ্গে সিদুরপরা মুখ সব। আর তার ঠিক আগে একটি লাইন আছে, এমন সব মাতোয়ারা গেছে ভেতরে—এই হল, এ-কবির মিছিপ্পি সিগনেচার। শক্তির যেমন ছিল নিজস্ব সিলমোহর : চুম্বনের মধ্যে পেয়ে তড়িৎভাইত আশ্রিতোষ / সংস্পর্শ...এইখানে ‘আশ্রিতোষ’ শব্দটি যে আসতে পারে, সে কথা শক্তির শুধু ভাবতে পারেন। তেমনই, আমাদের এই কবি, স্বদেশ সেন—এতক্ষণে ~~নাম~~ বলবার অবকাশ পেলাম—তিনি ছাড়া ‘মাতোয়ারা’ শব্দটির এমন ব্যবহার অস্মানের ধারণার বাইরে। শব্দের এমন ধারণাতীত প্রয়োগের ঐশ্বর্যে ভরে আছে তাঁর কবিতার পর কবিতা। এখানে ‘মাতোয়ারা’ কথাটি এমন জায়গায় রাখা হয়েছে যে, শক্তি নানা প্রকারে তার অর্থের চকিত বিদ্যুৎ প্রেরণ করছে। এইরকম জায়গায় বসানোর ফলে মাতোয়ারা শব্দটির যে বাচার্থ, তা টলমল করে উঠল। এইখানেই এই কবির ক্ষমতা বোঝা যায় যে, অর্থের যে নির্বাচিত সীমা সম্প্রসারণ করে শব্দ নিরস্তর ব্যবহাত হয়ে চলেছে, সেই সীমা থেকে তাকে মুক্তি দেওয়া। ‘গ্রহি’ পত্রিকার সাক্ষাৎকারে স্বদেশ সেন জানিয়েছিলেন ‘শব্দ এবং শব্দকে তাৎপর্যপূর্ণভাবে সাজানো অর্থাৎ বাক্যের গঠনই কবিতার মূল চ্যালেঞ্জ।’ ‘এমন এমন সব মাতোয়ারা গেছে ভেতরে’—কার ভেতরে? শেষ পর্যন্ত আমার ভেতরে কি? নাকি তারা বাইরে থেকে গেছে ঘরের ভেতরে? ‘মাতোয়ারা’ কে? তারা কি এই অপূর্ব স্বাধীন নীল দিনটির গঙ্গবাতাস? নাকি কোনো মেয়ে? নাকি কয়েকেজন মেয়ের একটি গুচ্ছ? নাকি, সদ্য জেগে উঠতে থাকা নেশার উদ্দীপনা? কী গেছে ভেতরে? কারা গেছে? একসঙ্গে এই সবকটি অর্থস্তর ছুঁয়ে আসে লাইনটি।

এক্ষুনি আমি দিনটিকে নীল বলে উল্লেখ করেছি। কবিতাটির কোথাও কিন্তু ‘নীল’ শব্দটির উল্লেখ নেই। কিন্তু আমি মনে মনে দিনটির সঙ্গে নীল রং দেখলাম যে। আমার মনের মধ্যে পায়রা পিছলে যাওয়া যে আকাশ, সেই আকাশ যে আশ্চর্যরকম নীল! এমন

আকাশের জুড়ি আগেও পেয়েছি তাঁর কবিতায়। এমন পায়রার। 'উড়েছে পায়রাপাখি এক ডাকে নীলের ওপরে।' সেইরকম আশ্চর্য উৎসব উৎসব গন্ধ ভরা দিনটিতে কেউ একটা কথা কিন্তু বুঝতে পারবে না।

কী? কী সেই কথা? 'আমাদের আর স্থায়ী চাকরি নেই।'

বাস্তবের রাঢ় কঠিন সমস্যাজগতে আমাদের দাঁড় করিয়ে দিলেন কবি। এত যে আনন্দ চারিদিকে, কিন্তু আমাদের ভবিষ্যৎ অনিশ্চিত হয়ে পড়ল। শেষ লাইনে 'আর' শব্দটি গুরুত্বপূর্ণ। অর্থাৎ সদ্য জানা গেছে আমাদের চাকরিটি আর স্থায়ী রইল না। যে কোনো সময় পুরোটাই 'না' হয়ে যেতে পারে। অথচ সমস্ত প্রকৃতি আনন্দে ঝলমল করছে। আমরা কিন্তু জানলাম আমাদের ভবিষ্যৎ আর নিরাপদ নয়। এই অপরূপ দিনটির বিপক্ষে এই তথ্যটি এসে দাঁড়ালেও আমাদের বিষণ্ন দুশ্চিন্তাগ্রস্ত করে তোলা যাবে না। আমাদের যে এত কষ্ট, আমাদের দেখে কেউ বুঝতে পারবে কেন। এই যে, সামনের এই দিনটির দিকে তাকিয়ে দেখছ না!

এইখানেই স্বদেশ সেনের কবিতা, আমার কাছে এক রৌদ্রালোক। এই পোড়াদেশের রাস্তাঘাট ঘরবসত গাছপালা গাঁ-গঞ্জের মধ্যে দিয়ে আশুভজ্জ্বার এক অনায়াস সূর্য তিনি বহন করে নিয়ে চলেন সঙ্গে করে। রাস্তার ধারে ধারে রেখে যাওয়া নিরম বা আধপেটা ঘর দাওয়া উঠোন সবই তাঁর জানা। কিন্তু স্বদেশ সেনের কবিতার যাতায়াতের পথে কোথাও বিদ্বেষ প্রতিহিংসা নেই।

আবার মেনে নেওয়াও নেই। এ এক ভূতুন কবি। দেখবেন কেমন?

একটা লোকের মাঝমাঝড় বলতে বোঢ়ো মাথা
আর একজন তার একমাথা বৃষ্টি
নাম ঝড়জল, নাম শাথাপ্রশাথা।
দু লোক তাৰৎ দেশ ঘুৱে বেড়ায়
ইচ্ছার কলনা আর কলনার দুঃখ নিয়ে
দেশের রোদে হাঁটে
দেশের ছায়াপাতায় যায়
যে চিনতে চায়
তারই চেনা হয়ে থাকে
বিদে পেলে যা পায় তাই
ঘুমে একপাশ মনে রেখে আর একপাশে
হাঁপিয়ে গেলে বড়ো বড়ো শ্বাস দিয়ে নামায়
কত দিনের তলিতলা শুধু ঘাড়ে
ঘাড় ছিল তাই।

একদিন ঝড়কে বলি সেই মাথা কোথায়
বৃষ্টি পড়াকে বলি কোথায় বৃষ্টি মাথার গাছ?

এই যে দুটি মানুষ ফুটে উঠল মাঠঘাটগাছপালা থেকে, এরা কি শ্রমিক মানুষ? কত কতদিন ধরে নিরস্তর কাজ এদের ঘাড়ে? কত দিনের বহন? কত হাঁপিয়ে যাওয়ার কথাও তো এ কবিতায়। তবু তাঁরা দেশের রোদে হাঁটে, দেশের ছায়াপাতায় যায়। কিন্তু কোথাও কি মনে হয়, আহা এদের বজ্জ কষ্ট! আহা এরা বড়ো হাঁপিয়ে গেছে গো! না, মনে হয় না। কারণ চিরকাল যেসব মানুষ নদীর ধারে ধারে গড়ে তুলেছে সভ্যতা, পরিশ্রমে পরিশ্রমে তৈরি করেছে ফসল, কাঁধ দিয়ে ঠেলে তুলেছে উষর মাঠে নগর, এরা সেই মানুষ। এরা লোকায়ত জীবনের মধ্য থেকে এসে এই গাছপালা প্রকৃতির মধ্যেও কেমন যেন একটা চিরস্থায়ী রূপ পায়। স্বদেশ সেনের কবিতায় ভালোবাসা এমন একটা জোরালো ও সর্বব্যাপী চেহারা নিয়ে উপস্থিত যে করণা, তার ছায়া ফেলবার সাহস পায় না সেখানে। এই শ্রমশীল মানুষদুটির সঙ্গে ঝড়কে বৃষ্টিকে গাছকে যুক্ত করে তিনি প্রাকৃতিক শক্তিগুলিকে মিলিয়ে দিয়েছেন। প্রতিদিনের নশ্বর চেহারা থেকে তাদের অবিনশ্বিকরে দিয়েছেন।

এই কবিকে দেখিনি কখনও। আলাপ-পরিচয় হ্যাম। 'কৌরব' প্রকাশিত তাঁর কবিতা সমগ্র 'স্বদেশ সেনের স্বদেশ' বইটির সংক্ষিপ্ত পরিচয় লিপি থেকে জানা যায় তিনি জামসেদপুরের শিল্পাঞ্চলেই বসবাস করেছেন জীবনের বেশিরভাগ সময়। শ্রমিক মানুষ তিনি দেখেছেন নিশ্চয়, কিন্তু কী গভীর মন্দানের সঙ্গে যে দেখেছেন মানুষের পরিশ্রমের রূপ। একসময় বেকার যুবকদের জীবনের অব্যবহৃত পরিত্যক্ত অগ্নি তাঁর কবিতায় এসেছে।

আমাকে একটা কাজ দাও, যে কোনও, যেমন তেমন
একটা কাজ
মাইরি-মেরী করে বলছি একটা কাজ দাও
এই নিত্য দিনের বানভাসি আর ভাঙ্গাগচ্ছে না
বেসিমার চুপ্পীতে আমি দু'হাতে করে লোহার ক্লাথ ছেঁকে নেবে
আমি ঝুড়িতে চন্দন নেওয়ার মতো করে টানবো ঝাগ
আমাকে ন'শো পাউডের একটা বৈদ্যুতিক হাতুড়ি করে নিও
যা দিয়ে জুলন্ত ইন্গটগুলো ছু বলতে উরুর নিচে পেড়ে ফেলা যায়
তা নইলে কী করব বুকের এই ন'লক্ষ কিলোওয়াট জলবিদ্যুৎ নিয়ে
শেষে কি জ্বালাবো তোমাদের সাজানো বাগান, টেবিল, মেহগিনি, ফুলবাড়ি
আমি কি শেষ পর্যন্ত জুলতে জুলতে দু'চোখের
চামড়া খুইয়ে তোমাদের অন্দরে ঢুকে পড়ব?

মনে গায়তে হিনে ৬৯ সালে লেখা এই কবিতাকে সত্য প্রমাণিত করে দেশে তখন জুলে

উঠল যুবকদের আন্দোলন, যার নাম নকশালবাড়ি। রিলকে তার ডুইনো দুর্গে এক রকমের দৈববাণী শুনেছিলেন, সোফোক্লেসের অয়দিপাউস শুনেছিল অন্য এক দৈবাদেশ—আর এ হল সম্পূর্ণ আলাদা এক ভবিষ্যৎবাণী, অধিকাংশ মানুষের কাছে অশ্রুত থাকলেও যা বলে যায়, তারণ্য বিপ্লবের ডাক দিচ্ছে।

‘আমাকে ন’শো পাউডের একটা বৈদ্যুতিক হাতুড়ি করে নিও’ এই লাইনটি ভাবুন। অথবা, ‘নইলে কী করব বুকের এই ন’লক্ষ কিলোওয়াট জলবিদ্যুৎ নিয়ে?’ এইসব লাইনের মধ্যে তারণ্যের অগ্রিমোত্তম কীভাবে ধরা পড়েছে। ইস্পাত কারখানার কাজের নাম অনুপুর্বকে সম্পূর্ণ নিজের শক্তিতে ও অর্থে ব্যবহার করা হল এখানে। কাজ না-পাওয়াদের নিয়ে লেখা সেদিনের এই কবিতার পর আজ, এই কাজ আর মানুষের শ্রম নিয়ে কী লেখেন তিনি?

সকালবেলার কাজে যাচ্ছে পেশীবছল মানুষ
নতুন কারখানায় হয়তো নতুন কাজ
হয়তো আমাবাগানে এবারের আম তুলতে
না কি অনর্গল হন্টনে অথবা দেশব্রতে যানে
যাচ্ছ যাও।

মানুষের কাজ, কিংবা কাজ করা মানুষকে দেখা, স্বদেশ সেনের কবিতায় যেন ঈশ্বরের মতো প্রধান। অথচ ঈশ্বর বললে যে দুর্ভুতি তৈরি হয়, সে দূরত্বে নেই। কোথাও মহান করাও নেই। তার মহত্ত্ব আপনি হচ্ছে বেরোয়। এত কাছাকাছি আর আপন। এক্ষুনি যে কবিতার শুরুটা বললাম, তার শেষে কিন্তু প্রেমের উদ্ঘাস।

হেঁটোয় কিংবা ওপরে কাঁটা
কাদানো মাটি কিংবা ভাঙা দেঁওয়ালে দাঁড়িয়েও
এবার একবার হাসব
ফুটকাটা মুখের ওপরে আদর রাখবো
কেউ আমাকে ঠেকাতে পারবে এই ভোরবেলায়?

এই যে, ‘কেউ আমাকে ঠেকাতে পারবে এই ভোরবেলায়?’ কিংবা ‘আমি আদর রাখবোই’—এই জোরটাতেই রৌদ্রালোক দেখতে পাই আমি। বিশ্বসের জোর। সেই জন্যই তিনি লিখেছিলেন একবার :

সাদামাটা কখার জোরই আমার জোর
আমার নিয়া নকাতে তোমার নিয়য়

মাত্রাহীন অসীম আবার কিসের বিষয়
আমার বিষয় টাট্টুর বাজারে টাট্টু।
তোমার পূজি ভাঙা
আর দেনা শোধের কষ্টই এক বিষয়।

এই যে 'আমার বিষয় বলতে তোমার বিষয়', এইখানেই তিনি বড়ো কবি। তিনি সারাক্ষণ দেখতে পাচ্ছন কী কষ্টে বেঁচে থাকাকে ধরছে ঘরে ঘরে মানুষ। তিনি জানেন, পূজিভাঙা কী। কাকে বলে দেনা শোধের কষ্ট। আর কী আশ্চর্য, এর পাশে পাশেই এসে পড়ে আমার বিষয় টাট্টুর বাজারে টাট্টু। একেবারে ব্রহ্মে সেই নিজস্ব সিগনেচার। যেন বেপরোয়া একটা চাপড়। একটা উল্লাস। একটা কাঁধ ঝাঁকুনিতে সব দুর্ক্ষিতাকে ফেলে দেওয়া। যদিও তিনি জানেন, শুকনো জলের শুকিয়ে আসাই এক বিষয়।

তিনি মানুষের আরও এক প্রধান বিষয় জানেন। তাই বলতে পারেন খাদ্য দিবস নামের এই কবিতায়

গোগ্রামে খাও
বাড়াবাড়ির খাওয়া
লজ্জা কোরো না
আগো এক, পরে আবার
ডিনার কিংবা ডালভাত
আমিষ কি নিরামিষ
সব উই অস্পষ্ট করে আও
খাও
খাওয়া কখনও শেষ হয় না
কোনও দিন কোনওভাবে শেষ হবে না তার
এখনকার পেটে এখন
খাও
সেই যা মানুষে খায়
সাপটানো খাওয়া—
যা কিছু কঠিন, ঠাসা আর ছলকানো
লম্বা ঠাসা, গোল আর ঝরঝরে
যদি রক্তে যায়
যদি ভাঙে
খাও
খাওয়া ছাড়া আর আমাদের কী আছে তাই?

শেষের এই লাইনটি এবং সেখানে এই 'ভাই' বলে ডাক্টুকু বুকের মধ্যে মোচড় দিয়ে ওঠে। এই নিরম দেশের মানুষের কথা জুলজুল করতে থাকে ভালোবাসায়। কোথাও তা স্নোগানমুখৰ নয়। আবার অতিরিক্ত শিল্প কৌশল এসে কোথাও বিষয়ের প্রাণবন্ধকে পাথরচাপা দেয়নি। অথচ কী নিপুণভাবে ওরই মধ্যে গুঁজে দেওয়া একটি দুটি লাইন—যদি রক্তে যায় / যদি ভাঙে। খাদ্য তো ভেতরে গিয়ে ভাঙে, পৃষ্ঠিতে রূপান্তর পায়। ঠিকই। তবু এই সমস্ত কবিতাটির মধ্যে দিয়ে অন্য দিকেও আলো ছুটে যায়। 'যদি ভাঙে' এই কথাটায়। গোপনে, ইন্তাহার পাচার করার মতো জামার ভেতরে পেটের সঙ্গে বেঁধে দেওয়া বুলেটিনের বাস্তিল যেন। যদি ভাঙে। কাদের কথা এ কবিতা বলছে? তাদেরই জন্য বলা যদি ভাঙে। ভাঙবে তো একদিন বটেই। পুরোনো ব্যবহার ইমারত। ভাঙবে। সেই বিশ্বাস। সেই রৌদ্রালোক। যে বিশ্বাস বলতে পারে, 'তুমি ভাই, তুমি আগায়ে এসো / বন্ধনরূপকে একটা মার দাও।'

বন্দেশ সেনের কবিতায় দৃঢ়ে কেউ ভেঙে পড়ে না। সেখানে হতাশ হয়ে শয্যা নেয়নি কোনো অবসাদ। কারণ, বেঁচে থাকার জন্য বড়ো অঞ্চল চাহিদা যে তাঁর। আবারও বলি, এ কবি আমার অপরিচিত, তাঁর জীবন যাপন জানি না। কিন্তু তাঁর কবিতা যে জীবন কাটায়, তাতে অঙ্গেই তার মন ভরে ওঠে। অঙ্গেই চলে যায় বন্দেশ সেনের কবিতার সংসার।

বাংলাদেশের আনন্দ নিয়ে আছি
পাই পাতার বড়া আর কি চাহি
পাঠ্য বইয়ে সুরভি গাই থাকবেই হল
তালগাছে লতানো জংলাংলা

শিশুদের পাঠ্য বইতে গাড়ির ছবি, সেই কত আনন্দ। তালগাছের দীর্ঘতা জড়িয়ে উঠে গেছে লতাগাছ। সেই হল জংলাবাংলা। কী সুন্দর! তার সঙ্গে 'আমি দেখি পুরুরপাড়ে ঘটি হাতের রহস্য।' কে একজন চান করছে। খোলা হাত আর ঘটি। নাকি আগের কালের ঘটি হাতা ব্লাউজ পরেছে সে? এই দেখাটা ভারি সুন্দর। 'ভাতে ডাল কলাই লেগে আছে। কড়াই ধরে হাত উঠছে, নোড়া লাগছে শিলে।'

ঘর উঠোন পুরুরের নিতান্ত আটপৌরে ছবি তবু এই দেখা যেন এক মাঝলিক মন্ত্র।

জননী পেপে
পেকে আছে অকুল ভৱে
দূরে

যেন এক আশীর্বাদ। এই আমাদের সাধারণ জীবনযাপনকে, এই অভাব-অভিযোগের ঘর নির্মাণকে, এই হাড়গুঁড়া মাথার ধাম পায়ে ফেলা কে, এই দেশ প্রকৃতিকে যেন আশীর্বাদ

করে চলেছেন এক কবি তার কবিতায়। বলছেন—

থখন তেতোর ডালও আপন হয়ে গেল
তখন কে তোমাকে রোদে সেঁকে খাওয়ায় মেলে দিল

তোমার তো খাওয়া হয়নি খাবার থালা।

সত্যি তো! সবার খাওয়া হয়ে গেল কিন্তু খাবার থালা তো খায়নি এখনও। এ কথা
কে বলতে পারে! কার নজর এত সবার ওপরে। এই দৃষ্টি প্রায় সৈক্ষণ্যের মতো। মায়েদের
কথা মনে পড়ে। সবার খাওয়ার জোগাড় করে তাঁদের জন্যে কী থাকে? অভাবী সংসারে?
ফলস্ত গাছের পেঁপে দেখে কে ভাবতে পারে জননী? কে বলতে পারে

বেলতোড়ায় আটকে আছে

খোকন একটি বাতাবী ফল

বাতাবি ফলকে এই খোকন বলা? কেউ আগে সবৈছে কখনও? এই আদিগন্ত মেহ?
'একটা মাদারি গাছ বলেছিল লাগেনি তো খেল' সন্তান সন্ততির অবিরল চলে আসবার
প্রবাহে তিনি দেখতে পান শুধু মানুষকে শুধু, উদ্ধিজগতকেও। এই দেশের ছায়াপাতায়
যাওয়া গাছপাতাকে ছোঁয়া যেন হাত ঝুঁজে দেওয়া ছেলের মাথায়।

এই হল সেই দেখা যাকে বলে মায় :

কেউ আছে যার দেখে ফেলাই জয়!

এই দৃষ্টি কবির দৃষ্টি। যিনি বলতে পারেন, 'যদি ছবির মতো ধান গোলায় না-হয় তবে
আমাকে এই মাটির উপর জমতে দিও।' গোলা যদি না পাওয়া যায়, তবে মাটিতে স্তুপ
করা ধানের মতো জমা হব আমি। এই স্বপ্ন, এই বাসনা কি আর কোনো কবি জানিয়েছেন?
সেইজন্যই এই কবি বলতে পারেন : 'পৃথিবীতে তুমি কখনও বোলো না জায়গা নেই।'
বলতে পারেন এমন ময়নাকে ভাবো সারি দিয়ে যার সমস্ত গাছপাকা / ওই আবুলি মন্দির
ওই রাভা ঠাকুর, শ্রীমধূসুদন / ওই ভূমিতল ওই উর্ধ্বর্গমন ওই ছুটস্ত ই-মেল।

এই লাইনগুলির সঙ্গে ছুটস্ত ই-মেল-কে ভাবা যায় না। কিন্তু জগৎ ছুটছে, বার্তা ছুটছে,
প্রণ তীরবেগে চলমান, আর ভূমিতল বুক পেতে ধরে রয়েছে সব, গতি আর স্থিতি একই
পৃথিবীবাণ্ণ করে রয়েছে।


শেক্সপিয়র লিখেছিলেন তাঁর কিং লিয়র-এ :

গাঁথপনোস ইও অল। স্বদেশ সেন জানেন : কাঁচা বললেই একটা অপেক্ষা। পেকে ওঠা,

পূর্ণতা-র দিকে চলেছে এই মানুষ, প্রকৃতি জগৎ। সেই জগৎকে এক নবীন স্নেহ দিয়ে স্পর্শ করছেন এই কবি। বলছেন, ‘ফুটিয়ে দিলাম, ও যে অফুটস্ট ছিল’। বলছেন, ‘প্রথমভাগের হাসি / তার পাশেই বসো / বসো মানিক।’ শিশুবেলার হাসি তো আমাদের জীবনের প্রথমভাগের হাসি। আবার এখানে বিদ্যাসাগরের প্রথমভাগও মনে পড়ে। মনে পড়ে কোনো শিশুর পড়তে বসার আনন্দ। সেও যেন এক খেলাই। এক আদর। এই আদর করে বলাটাই নানাভাবে বিছিয়ে আছে তাঁর কবিতায়। এর ফলে সমস্ত অচেনা মানুষ ছড়ানো ঘর সংসার, গাছ, গাছের পাতার ঝাঁক দিয়ে চলে যাওয়া হাওয়া, ভোরবেলার কাজে বেরোনো লোক, উড়ে যাওয়া পাখি, চেনা-অচেনা কুলি-কামিন সবই যেন তাঁর নিজের পরিবার-এর অঙ্গর্গত হয়ে যায়। স্বদেশ সেন-এর কবিতায় কেউ যেন বাইরের লোক নেই। ওই দূর দিগন্ত পর্যন্ত যা যা দেখতে পাওয়া যায়, তেপাস্তরের শেষে এই তালগাছ পর্যন্ত তাঁর আঘায়। আর আঘায় বলেই তাঁর কবিতা বলে ওঠে, ‘সাহায্য করো বললৈ আমি যেতে চাই, ইচ্ছে করে সব দুধ তোলায় সাহায্য করি।...’ আর দিগন্ত পর্যন্ত যা কিছু চোখে পড়ে তাই যখন আঘায় হয়ে যায়, তখন এসে পড়ে বিশ্বলোক।

যার যখন নিজের কোনো কথা নেই সে অপরিচিত পিপিডিতে এনে বসাও।
দেখো কীভাবে কী হয়। যেদিকে যা শূন্য তার অন্তর্বালে কত কিছু হয়। আপনা
আপনা প্রাণ ধকধক ধকধক করে। স্পষ্ট করে শুকে তোলো সাত সকালের
তোলা, শব্দের সারিতে এনে বসাও। একবার তোলা চোখের দৃষ্টি দাও। কর্ণমূলে
কথা রাখো, বুকে দাও কাজ গরম জ্বর। দেখো কী দিয়ে কী হয়। আশ্চার দুধ
হলকে ওঠে কি না তলপেটে। বৃক্ষকাছ থেকে ভালো আর খুব বিশ্বাস নিয়ে
চলে এসো টেবিল থেকে প্রতিলে কার দু'কাপ ঢায়ের বরাত। বলো, গত
উইলকিনসন, দাঢ়ি কাটো, মুখ ধোও, প্রকাশিত হয়ে এসো, শিউরে ওঠো
ঝানের জলে, তৃষ্ণিতে খাও, আগামী ও অবশ্যজ্ঞাবীর জন্য সুন্দর হও। চোখে
যে জল তা হ্বভাবের চোখে নতুন ফেঁটা হয়ে উঠুক। চন্দ্রসূর্য সাক্ষী, এক
বাগানের থেকে সব বাগানের ঘাসে, বিশ্বলোকে এনে অনবরত বসাও।

এক বাগানের থেকে সব বাগানের ঘাসে...ঠিক, নিজের পম্পি পরিজন প্রতিবেশী থেকে,
চরম একাকী অপরিচিত কথা হারানো মানুষটির কাছেও পৌঁছে দেওয়া যায় বিশ্বলোকের
সৌন্দর্যের সাড়া। কাছে ডেকে বসানো যায়। এই কাছে ডেকে বসানোটাই স্বদেশ সেনের
কবিতার মেহমর্ম। চন্দ্রসূর্য সাক্ষী, এই মমতা মাখা ভালোবাসাই, স্বদেশ সেনের স্বদেশ।



৭

গোস্বামীবাগানের পাঠকরা যেভাবে সাড়া দিতে শুরু করেছেন, তাতে আমার মন ভরে গেছে। যেমন গত সপ্তাহে অস্ত পাঁচজন আমার কাছে অবিজ্ঞত চেয়েছেন, স্বদেশ সেন-এর কবিতা কীভাবে বা কোথায় পাওয়া যাবে। কলেজ স্টিলে খৌজ করার কথা জানিয়েছি তাঁদের, কৌরব-এর কথা বলেছি, আমার কাছে যে ব্রহ্ম আছে, তা থেকে ফোটোকপি করে দেব, বলেছি তাও।

এই আমার আনন্দ! কবিতা পড়ে, অন্ধকার সঙ্গে ভাগ করে নেওয়ার। তবে এই এক্ষুনি যে পাঠকদের কথা বললাম, এই যে পাঁচজন, এঁদের মধ্যে কিন্তু একজনও কবিতা লেখক নেই। কেউ বিজ্ঞানী, কেউ নাট্যচিত্রের নির্দেশক ও অভিনেতা, কেউ বা রবীন্দ্রগানের শিল্পী, কেউ সারা জীবন অভিনয় নিয়ে কাটানো, শস্ত্র মিত্রের সময়কার বহুবৃপ্তি দলের সদস্য পঁচাত্তর উত্তীর্ণ যুবক। এই পাঁচজনের মতো আরও আরও সব পাঁচজনের দেখা আমি জীবনের এপথে ওপথে বারবারই পেয়ে গেছি, গোস্বামীবাগান লিখতে এসে আবারও পাচ্ছি। রাশিদ খান বা উল্লাস কোশলকরের গান যেমন কেবল সংগীত রিসার্চ অ্যাকাডেমির ছাত্রছাত্রী বা অন্য গায়ক গায়িকারাই শোনেন না, অনেক সাধারণ অগায়ক শ্রোতাও গিয়ে সম্মেলনগুলিতে প্রেক্ষাগৃহের পিছন সিটে বসে থাকেন তাঁদের গানের জন্য। কবিতারও এমন অনেক পাঠক আছেন, যাঁরা নিজেরা সাহিত্যচর্চা করেন না। যাঁরা নিজেদের খানিকটা লুকিয়ে রাখেন, দৈবাং তাঁদের প্রিয় কবির সামনে গিয়ে পড়লেও কেমন সংকুচিত হয়ে পড়েন। বলার কথা খুঁজে পান না। একজন প্রতিষ্ঠিত চিকিৎসককে জানি, সমাজের নানা ক্ষেত্রের অনেক উচ্চ পর্যায়ের মানুষজনই টেবিলে শয়ে তাঁর নাকে কাপড় বাঁধা টুপি ও আপ্রন পরা মূর্তি দেখেছেন, সে সব জায়গায়, মানে ওটি-তে তিনিই সর্বোচ্চ। আমি বলে থাকি, আপনি মানুষের জীবন মুঠোয় নেন। তাঁকে বইমেলার মাঠে আঙুল দিয়ে দেখালাম, ওটি যে মানুষটিকে দেখাচ্ছেন, অন্য দুজনের সঙ্গে কথা বলছেন, উনিই অলোকরঞ্জন দাশগুপ্ত।

আসুন, আলাপ করিয়ে দিই। না না, আমি কী কথা বলব! অলোকরঞ্জনের কবিতাসমগ্র প্রথম খণ্টি নিয়ে ইনি মুঢ়, জানতাম। তাই বললাম। কিন্তু দেখি, মুখোমুখি কথা বলতে কুঠা। এই কুঠা আমি বুঝতে পারি। একবার ঘরোয়া এক সমাবেশে রাশিদ খান খুবই কাছাকাছি ছিলেন আমার, আলাপ করিয়ে দেওয়ার মতো বক্স ছিলেন, কিন্তু গেলাম না। মনে হল, কী বলব, আপনার গান ভালো লাগে? এই কথাটা দিয়ে কতটুকু অর্থ বহন করাতে পারব? আমার জীবনের কত একাকী মুহূর্ত, ভালোবাসার মুহূর্ত ভরে ছিল ওই গায়কের সুরে, তা কি কখনও বলা যাবে?

আর বলার চেষ্টাই বা করব কেন? আমার সেই একাকী মুহূর্তটিকে কি আমি ওই সমাবেশের মধ্যে তাঁর সামনে ফুটিয়ে তুলতে পারব? তার চেয়ে নীরবতাই শুন্দি। শ্রেয়। উপ্পাস কোশলকরকে দেখলেই আমার কী মনে পড়ে, তা কি আমি কখনও বলতে পারব?

তাঁকে দেখলেই আমার মনে পড়ে একটি বিশেষ গানের কথা। গগন ঘন ঘমাণ কি। দেশ-এর একটি বন্দিশ। আমি দাঁড়িয়ে আছি পাঁচতলার একটা ফ্ল্যাটবাড়ির ছাদের দরজায়। ঘন কালো-নীল মেঘে বৃষ্টি এল এই মাত্র। চারদিকে ঘমঘাম আওয়াজ। ওই নীল-কালো মেঘের মধ্যে ফাটল ধরিয়ে, খিলকে উঠল বিদ্যুৎ। আমার মনে পড়ল একটি মেঘের কথা। সে এই কিছুক্ষণ আগে আমাদের বাড়ি থেকে বেরিয়েছে বাড়ি যাবে বলে। এখন নিশ্চয়ই রাস্তায়। তখন এত মোবাইলের ক্ষেত্রে নিল না, জানার উপায় নেই। আমি শুধু নীচে নেমে এসে কাঁকেটাকে জিঞ্জেস করলাম, ওকে একটা ছাতা দিয়ে দিয়েছিলে তো? কাবেরী বলল, ক্ষেত্রেই নিল না, বলল, হারিয়ে ফেলব। আমি ভাবতে লাগলাম, নিশ্চয়ই বৃষ্টিতে ভিজে জুরে পড়বে মেঘেটা। তারপর দ্রুত সেই উদ্বেগও চলে গেল। মনে মনে সেখতে লাগলাম বৃষ্টির ভেতর দিয়ে ছাতাহীন হাঁটতে হাঁটতে বাড়ি ফিরছে সে।

এ কথাটা মেঘেটিকে কখনও বলা হয়নি। উপ্পাসজিকে বলার তো প্রশ্নই নেই। আমার এই ঘটনাটুকু জানে কেবল ওই দেশ রাগ।

উপ্পাসজি না হয় বিখ্যাত গায়ক, সন্ত্রম ও শ্রদ্ধামেশানো একটি দূরত্ব থাকা স্বাভাবিক। কিন্তু সেদিনের ছেলে সন্দীপন? সন্দীপন সমাজপতি? সে তো আমার থেকে কতই ছোটো। এক আসরে গাইল, এই দেশ-ই : মেহা রে-এ, বন বন ডারে ডারে...! কী বলব? অবাক আমি তরুণ গলার গান শুনে। কিন্তু এ কথা বললেও কিছুই বলা হয় না। মেট্রোতে একদিন দেখা হল সন্দীপনের সঙ্গে। এ কথা সে কথায় সময় গেল। বলতে তো পারলাম না, তোমার গানটা আমার কী করেছে। ওর ওই আসরের পরদিনই গেছি শাস্তিনিকেতনে। সেখানে তিনতলার ঘরে এক দুপুর। সামনে বারান্দায় দাঁড়ালাম। ঘন গাছপালার পিছন থেকে স্তুপ করা কালো মেঘ উঠে এল। আমার ভিতরে শুরু হল আগের সন্ধ্যায় শোনা সন্দীপনের ওই গান : মেহা রে...। সেখানে সন্দীপন নেই। কোনোভাবে তার গানটাই আছে। দেখতে দেখতে আকাশ ছেয়ে ফেলল মেঘ, হাওয়া বইতে লাগল। তারপর মেঘ

এসে দাঁড়াল ছাদের ওপর। যেভাবে সন্দীপন, গানের শুরুতে ‘মেহা রে’ গাওয়ার সময় পা থেকে নি-তে যেতে খুব যত্ন করে দেরি করল, তারপর নি-তে সামান্য অপেক্ষা করে, অবশ্যে সা-য়ে গিয়ে দাঁড়াল—মেঘটাও অবিকল সেইভাবে সময় নিল গাছপালার পিছন থেকে উঠে আমাদের ছাদের ওপর এসে দাঁড়াতে। সা রে মা পা নি সা। পুরো দেশ রাগ দিয়ে দিগন্ত থেকে ছাদ পর্যন্ত আকাশ ঢেকে গেল। বৃষ্টি শুরু হল এক ফোঁটা দু-ফোঁটা করে। বড়ো বড়ো ফোঁটা পড়ছে বারান্দায়। এখনও বৃষ্টি পুরো ঝাপটা নিয়ে আসেনি। ঘরের দরজায় এসে একজন দাঁড়িয়েছে। বলছে, খেতে চলুন, তিনটে বেজে গেল যে। তার মুখের দিকে তাকাতে পারি না অনেকদিনই। এখন আরও পারছি না। এ গাছ থেকে ও গাছে ডাকতে ডাকতে উড়ে গেল কী যেন পাখি। সন্দীপন যেন তখন অন্তরাটা ধরেছে: কারি ঘটা ঘন ফির উমরাওত। পাপিহা বোওলে সদারঙ্গ কি মনওয়া লরজে... ওই পাখিটা মোটেই ‘পাপিহা’ নয় আমি জানি। এমনকি ওই বৃষ্টিতে কোথাও সদারঙ্গ আছেন, ওই ঝোড়ো বাতাস আর গাছপালার দোলায় আছেন সদারঙ্গ, যিনি এই গানটি বেঁধেছেন। মেঘ দেখে যে সদারঙ্গের মন খুশি বলে এই গান দাবি করছে। কিন্তু আজ, এই শান্তিনিকেতনের দুপুরবেলায়, কেউই জানে না, ‘পাপিহা’ কোথায়। দেশ-এ কোমল গা কি সচরাচর লাগে? না তো। লাগে না তো। কিন্তু গানের কথার মধ্যে ‘পাপিহা’ আসতেই কোথা থেকে যেন কোমল গা গিয়ে পড়ল তার কপালে। যার জীবন্তব্যখন প্রেম আসা উচিত নয়, জীবনে যখন প্রেম এলে খারাপ দেখায়, ঠিক তখন কুস্তও, যদি কারও দরজায় এসে দাঁড়ায় প্রেম, তাহলে কী হয়? তাহলে সে, ওই ‘মেহা রে’ গানের বিবাদী স্বর লাগা ‘পাপিহা’ হয়ে যায়। একরকম ঢোট লাগা পাখি যেন। অমহায়ভাবে বেদনাময়—যখন বেদনাই তার সৌন্দর্য। সেই ‘পাপিহা’র কথা তার গায়কে গিয়ে বলা যায় না। গানটিকেই শুধু বলা যায়। কবিতার পাঠকও তাই। তার কাছে এসে যখন পৌছোয় কবিতাটি, তখন কবিতাটিকে সে নিজের অভিজ্ঞতার মধ্যে বসতে জায়গা করে দেয়। তার ভিতরকার সংক্ষিপ্ত অভিজ্ঞতার পরিবেশের সঙ্গে কবিতাটির যে অভিজ্ঞতার সংশয়, তা মেলামেশা করতে শুরু করে।

গোসাইবাগানের প্রথম সংখ্যায় লিখেছিলাম, অলোকরঞ্জন-এর ‘নির্বাসন’ কবিতাটির কথা। যার শুরু এইভাবে—‘আমি যত গ্রাম দেখি / মনে হয় / মায়ের শৈশব।’ সেই কবিতাটিই শেষ হচ্ছে—‘ঝর্ণার পরেই নদী, নদীর শিয়রে / বাঁশের সাঁকোর অভিমান / যেই দেখি, মনে হয় / নোয়াখালি, শীর্ণ সেতু, আর সে নাছোড় ভগবান।’ এই কবিতাটি সম্পর্কে আমার লেখা পড়ে চেমাইয়ের ব্যাক অফিসার দীপকর গুপ্ত একটি সাক্ষাতের সুযোগে খুব সংকোচের সঙ্গে জানালেন, ‘আপনার লেখা তো ঠিকই আছে। কী আর বলব! কিন্তু আমার আরও একটা কথাও মনে পড়ে।’ দীপকর জানালেন, এই কবিতার মধ্যে কোথাও গান্ধিজির কথাও বলা আছে বলে উনি মনে করেন। কবিতাটি পড়বার সময় নোয়াখালি শব্দটি থেকে ঠার নোয়াখালির সেই দাঙ্গার কথা মনে হয়েছে, মনে হয়েছে গান্ধিজির সেখানে যাওয়া, এমনকি ঝুঁকে তেঁটে যাওয়ার ভঙ্গি।

এর কিছুকাল পরে দেখলাম পাণ্ডুয়া থেকে প্রকাশিত ও শেখ নসরত আলি সম্পাদিত ‘চিরাগ’ পত্রিকায় রাষ্ট্রদেব সরকার এই কবিতাটির শেষ লাইনগুলি উন্নত করে লিখেছেন, ‘যাঁরা নোয়াখালির দাঙ্গার কথা জানেন তাঁরা শেষের লাইনটি পড়লেই বুঝতে পারবেন, যে ওই শীর্ণ বংশের সেতু বেয়ে গাঞ্জিজির একটি ফোটো আছে, নোয়াখালিতে যখন উনি দাঙ্গাবিধন্ত এলাকায় যান।’

আমি স্তুপ্তি হয়ে গেলাম দীপকরের অনুভব ক্ষমতায়। এই অজানা দীপকর, অচেনা রাষ্ট্রদেব, এন্দের মতো পাঠক আছেন বলেই না আজও আমি কিছু শিখতে পারি।

গোসাইবাগানে একবার লিখেছিলাম শক্তির একটি কবিতার কথা : ‘হলুদ শস্যের মধ্যে হাত পেতে দাঁড়িয়ে রয়েছে / একা লোকটি...’ এই কবিতার মধ্যে একটি ডাক ছিল: ‘অন্নপূর্ণা, অন্ন দাও’ বলে... মাঠে একা দাঁড়িয়ে রয়েছে...। সুত্রত মুখোপাধ্যায় লিখে পাঠালেন, এই ডাক-এর কথা শুনে তাঁর মনে পড়েছে ভবানীচরণ দাসের গান : ‘অন্ন দে, অন্ন দে, অন্ন দে মা, অন্নদা।’ ভ্যান গথ-এর আঁকা বীজ ছড়ানো কৃষকের ছবি আমার মনে পড়েছিল কবিতাটি থেকে। মনে পড়েছিল দুর্গার সামনে দাঁড়ানো মহাদেব-এর ভিক্ষুকমূর্তি। আর একজনের মনে পড়ল ভবানীচরণ দাসের গান। একটি কবিতা থেকে অনুভবেরখা কত ভিন্ন ভিন্ন দিকে যায়, অনুভবের মস্ত একটা পৃথিবী—কবিতা, ছবি, গান, নাটক—এক শিল্পের সঙ্গে অন্য শিল্পকে যুক্ত করতে করতে মুক্ত এ শুধু পাঠকরাই শেখান আমাকে। অথচ কতই না কুঠা তাঁদের। আজকের গোসাইবাগান যখন পাঠকদের নিয়েই তখন এক পাঠিকার গল্প বলে শেষ করি।

কলকাতায় থাকেন এক কবি যার শিলচর থেকে মাঝে মাঝে তাঁর কাছে এসে পৌঁছোয় চিঠি। যিনি লেখেন তিনি তিনি শিলচরের কাছে ডাকবিভাগে চাকরি করেন। সাধারণ চাকরি। কিন্তু তাঁর কবিতা পড়ার মনটি অসাধারণ। খুব ঘন ঘন যে চিঠি লেখেন, তাও নয়। কখনও এক বছরে একটি। তারপর দু-বছরে একটি। দুই চিঠির মধ্যে বিরতি লম্বা হতে থাকে। এক সময় চিঠি আসা বন্ধই হয়ে যায়।


একদিন একটি ফোন আসে কবির কাছে। অচেনা একটি যুবক ফোনেই প্রণাম নিবেদন করে আর্জি জানায় তাঁর কাছে যে, একদিন একটু দেখা করতে চায় সে। এমন অনেক ফোনই আসে কবির কাছে। এমন অনেকেই দেখা করতে চায়। তিনি জানিয়ে দেন, কোনো রবিবার সকালে দশটা-এগারোটায় আসতে পারে সে।

সাধারণত রবিবার সকালে এই কবি কোনো কাজ রাখেন না। সকলের সঙ্গে দেখা সাক্ষাৎ করেন। সেই রবিবার সকাল এগারোটায় তাঁর ঘরভর্তি লোক। এইসময় বেল বাজতে চুকল এক যুবক। বলল, আমার আসবাব কথা ছিল। কবি বললেন, এসো, এসো। দেখা গেল, সে একা আসেনি। তার সঙ্গে আছেন এক নারী। বয়স মোটাই বেশি নয়। কিন্তু সামনের চুলে স্পষ্ট হয়েছে রূপোলি রেখা। ছেলেটি বলল, আমার পিসি। মোটা কাচের ১শামান ভিতর থেকে তাকিয়ে নমস্কার করে তিনি জানালেন, যে শিলচর থেকে তিনিই মাঝে

মাঝে চিঠি লিখেছেন। কবি সৌজন্য করে বললেন, অনেকদিনই তো আর চিঠি আসে না আপনার। ভাবি, কী হল। যুবকটি ধীরে ধীরে জানায়, যে তার পিসির চোখে কিছু একটা অসুখ। কী অসুখ, তার দুর্বোধ্য একটি নাম বলেন সেই নারী। তিনি আর চিঠি লিখতে পারেন না। ডাক বিভাগের চাকরিটি কোনোমতে রক্ষা করছেন সহকর্মীদের সহায়তায়। আর যে-অসুখটি দেখা দিয়েছে, তা চোখের নয়। মন্তিষ্ঠের। ত্রেনে একটি অপারেশন হবে। তাই তিনি কলকাতায়।

অপারেশন কি হবে কলকাতায়? কোথায় হবে? আর কবে? না, অপারেশন হবে বোম্বেতে। কিন্তু ডাক্তাররা বলছেন অপারেশনের পর দৃষ্টিশক্তি হারানোর সম্ভাবনা পঞ্চাশ ভাগেরও বেশি। যদি তাই হয়, তাহলে, আঘায়স্বজনদের তো আর কখনও দেখতে পাবেন না। তাই কলকাতায় এসেছেন প্রিয়জনদের চোখ ভরে দেখে যেতে।

থেমে থেমে, বললেন সেই নারী। যদি অঙ্ক হয়ে যাই, আপনার কবিতা হয়তো কেউ পড়ে শোনাবে—কিন্তু কবিকে তো আর দেখতে পাব না। কবিকে কি না-দেখেই অঙ্ক হয়ে যাব? তাই এলাম একবার। দেখে যেতে। এই নিন, এই ধূতি আর পাঞ্জাবি এনেছি আপনার জন্য। পরবেন। কবি তাঁর সামনের জানলা দিয়ে তাক্তমচ্ছ বাইরে। ঘর ভর্তি লোক নিজেদের মধ্যে নানা ভাগে ভাগ হয়ে গল্প করছে। কাবি দেখলেন, বাইরে শুন্দি সারং-এর সময় এখন। রোদের দাপট। অথচ তিনি দেখলেন দুনিয়ার অবরোহণের কোমল ঝৰভ যেন ছেয়ে আছে দিগন্ত। কবি ভাবছেন, কবিতার জন্য সবচেয়ে বড়ো পুরস্কার এইমাত্র এসে পৌঁছোল আমার জীবনে। কিন্তু সে কথা আমি কাউকে বলতে পারি?



৮

আমার যে লেখাপড়া হয়নি, তার কারণ আমাদের ইঙ্গুলের পাঁচিলে একটা ফুটো ছিল। বড়োসড়ো একটা গর্তই বলা যায়। সেটা আবার ছিল একটু আবডাল মতো জায়গায়। জল খেতে যাওয়ার সময় সেই গর্তটা চোখে পড়ত।

একবার চোখে পড়ে গেলে নিজেকে আর আঁচকানো যেত না। ফুটো গলে বেরিয়ে পড়তাম। কোনেদিন টিফিন পিরিয়ডে। কোনেদিন আবার টিফিন পর্যন্ত তর সহিত না।

বেরিয়ে পড়লে স্কুলের পিছনে একটা ঝুক হয়ে যাওয়া বাজার। সেটা পার হলেই সরু লম্বা রাস্তা চলেছে, তার শেষেই একটা ঝুক আছে। বটগাছে অনেক মোটা সরু ঝুরি। বটগাছের সামনে দিয়ে একটা নদী চলেছে। ঝুকের ছাড়া নদীটা সারাবছর রোগাই থাকে। তার নাম চূর্ণি। বইয়ের বাঞ্ছ হাতে নিয়ে নিয়ে ধারে গিয়ে দাঁড়িয়ে আছি। কত ছেলেপুলে বটের ঝুরি ধরে দোল থাচ্ছে, দুলতে দুলতে ঝপাং করে ঝাপ থাচ্ছে জলে। মাথাটা ডুবে যাচ্ছে। ভেসে উঠছে পরক্ষণে। সাঁতরে ফিরতে শুরু করছে ঘাটের দিকে। কেউ কেউ আবার মাঝনদীর দিকে চলে গেল। পারাপার করছে যে খেয়া নৌকো দুটো, তার কোনো একটার কিনার ধরে ভেসে ভেসে রইল। খেয়া নৌকো এপারে আসছে। আমার দিকেই। ঘাটে বাঁধা আছে একটা বাঁশ পেতে পেতে তৈরি করা মাচা-পথ। তার ওপর দিয়ে খড়মড় করে যাত্রীরা নামছে। আমি উঠে যাই খেয়ায়। খেয়া চলেছে লোকজন নিয়ে। ছাগল, সাইকেল, পোষা কুকুরও চলেছে খেয়ায়। ওপারে চলে গেলাম। ঘাটের ওপরে বড়ো একটা টালির ঘরের সামনের দাওয়ায় বসে আছে দুটি লোক, তাদের সামনে অজন্ম খুচরো পয়সা। আমি তিন পয়সা দিলাম পকেট থেকে বার করে। দু-রকম তিনরকমভাবে তিন পয়সা দিতে পারি। দু-নয়া আর এক নয়া। অথবা পুরো একটা তিন নয়া। নয়তো পাঁচ নয়া দিয়ে দু-নয়া ফেরত নেওয়া। এই পয়সা দেওয়া, ভাঙানি ফেরত নেওয়া ব্যাপারটার মধ্যে বেশ একটা বড়োদের মতো শান্ত থাকে। স্বাধীনভাবে পয়সা দেওয়া নেওয়া করছি। স্বাধীনভাবে ঘূরে বেড়াচ্ছি। দামানগুলে তো একটু আগে ইঙ্গুল পালালাম।

এবার চানাচুর খেতে হবে। ঘাটের সামনে দিয়ে ঢালু রাস্তা উঠেছে ওপরদিকে। তার পাশেই দোকান। সাড়ে চারভাজা নামে একরকম চানাচুর পাওয়া যায় সব দোকানে। দু-রকম দাম। ছোটো প্যাকেট পাঁচ নয়। বড়োটা দশ নয়। চার আনা নিয়ে বেরিয়েছি বাড়ি থেকে। ইঙ্গুলে ঢোকার সময় একফালি চালতার আচার খেয়েছি। পুরো দু-আনা আছে এখনও। এখন ঘুরি তো। পরে রাস্তায় তিলের খাজা দেখলে খাব। রাস্তার দুপাশে কালকসিন্দার জঙ্গল। সাদা প্রজাপতি, কালো প্রজাপতি আর ফড়িং উড়ছে। নদী যখন পার হচ্ছিলাম, খেয়া থেকে দেখলাম কচুরিপানার একটা ঝাঁক ভেসে যাচ্ছে মাঝানদীতে। সেই পানার ঝাঁকে একটা বড়ো ডাঁটি উঠে আছে, তাতে ফুল। সেই ফুলটার সঙ্গে সঙ্গে একটা ফড়িং চলেছে। একটা তো নয়। দুটো। একটার ওপরে একটা। তখন বুবিনি, কিন্তু আজ জানি, মিলনের কোনো স্থান কাল নেই।

হাঁটতে হাঁটতে হাইওয়ের ধারে পৌঁছে গেলাম। বড়ো বড়ো ট্রাক পিঠের ওপর মোট চাপিয়ে ছুটে যাচ্ছে। পিছন পিছন উড়ে আসছে ধূলো। হাইওয়ের ধার ধারে ঢালু রাস্তার চড়াই ধরে উঠে পড়লাম বিজে। নীচেই শৃশান। সাদা ধোঁয়া। নদীর ওপার দিয়ে সূর্য তখন পাটে বসেছেন। বিজের পরেই সিনেমা হল। দিলীপকুমার মার বৈজয়ন্তীমালার মুখ। রং দেওয়া লাল বরফ বিক্রি হচ্ছে খেলাম না। তার পাশেই বুড়ি নিয়ে একজন বউ বসে আছে। তার কাছ থেকে একটা পেয়ারা কিনে নেওয়া থেকে ক্রান্ত মুখে ধূলিধূসরিত পায়ে যখন বাড়ি ফিরলাম, মা ভাবল ইঙ্গুল থেকে পুরায়েছি। দেরি হল কেন? মাঠে ফুটবল খেলা হচ্ছিল মা, তাই দেখছিলাম।

এমন কিন্তু একদিন নয়। প্রায়ই ঘৰতাম। ইঙ্গুলের ওই পাঁচিলের গর্তটা দিয়ে বেরিয়ে যেতাম। মাস্টারমশাইরা তেমন খেয়াল করতেন না। আবার করতেনও। মা ছিল ওই ইঙ্গুলেরই সকালবেলার দিদিমণি। আমাদের কোনো একজন স্যার মা'কে বলে দিলেন। বাড়িতে চড় চাপড় খেলাম। আবার যে কে সেই। আমি বলে দিলাম, আমার ভাইকে। যে স্যার মাকে বলে দিয়েছিলেন, তিনি আমাদের পাড়া দিয়ে ছাত্র পড়াতে যেতেন। আমার ভাই মল্লিকদের ছাদে উঠে লুকিয়ে থাকত। স্যারকে একটা গলি পেরোতে হত। স্যারকে গলির মুখে দেখা গেলেই আমার ভাই তার কাজ শুরু করত। স্যারের নাম ছিল নরেন্দ্রনাথ তলাপাত্র। কিন্তু, কোনো অজানা কারণে, তাঁকে 'মশা' বললে তিনি নাকি রেগে যান, এমন জনশ্রুতি ছিল। গলির মুখে চুকেই স্যার শুনতে পেতেন কেউ যেন বলছে, 'কী মশা রে বাবা...', 'কী মশা হয়েছে...'! আবার বেশ জোরে জোরে ডাকছে 'মশা-আ-আ...'। অত্যন্ত অপ্রসন্ন মুখে তিনি চারিদিকে তাকিয়ে কাউকে দেখতে পেতেন না। কারণ ভাই তো তখন মল্লিকদের ছাদে শুয়ে পড়েছে। মল্লিকদের বাড়ি দুই বৃক্ষ বৃক্ষ থাকতেন, তাঁরা কেউ সিঁড়ি খেঞ্চে ছাদে উঠতেন না। কাজের বউটি যা ছাদে যাওয়ার যেত। দুপুরে সামান্য যা কাপড় গোমা শুকোতে দেওয়া ছিল, তা নিয়ে আসত। বিকেল-সঙ্গেয় ছাদে কেউ যাওয়ার নেই। এরপর ভাই ধলত, 'আই মশা, নালশে মসা, হাঙুর খাবি, হাঙুর খাবি?' এই 'হাঙুর

খবি...' কথাটা কেন বলত ভাই, তা আমার অজানা ছিল। কোনো মশার পক্ষে হাঙর খাওয়া বাপারটা যে অসম্ভব, তা কি ভাই জানত না? আমি একটা পাঁচিলের আড়াল থেকে দেখতাম স্যারের হনহন করে হেঁটে বিপজ্জনক গলিটা পার হয়ে যাওয়া।

কীভাবে যেন নরেন তলাপাত্র স্যার আন্দাজ করলেন এর পিছনে আমার ভাই আছে। আমি আর আমার ভাই একই ক্লাসে পড়তাম। নরেন তলাপাত্র স্যার এক সপ্তাহের মধ্যে ভাইয়ের কান মূলে থাবড়া মারলেন, ক্লাস থেকে বের করে দিলেন। রোদে নিল্ডাউন করিয়ে রাখলেন। অবশ্য আমি বা আমার ভাই যে পড়াশোনায় ভালোছিলাম, এ কথা আমাদের অতি বড়ো বন্ধুও বলতে পারত না।


এর মধ্যে মা করল কী, ওই তলাপাত্র স্যারকে আমাদের প্রাইভেট টিউটর করে নিয়ে এল। মুশকিলে পড়লাম আমরা। এমনিতেই স্যার আমাদের দু-ভাইকে একটু সন্দেহ করতেন যে, আমরা ওঁকে 'মশা' বলি। তার ওপর আমাদের তো পড়াশোনার ওই অবস্থা। তবে, তলাপাত্র স্যার যতটা ক্রুক্র হবেন ভেবেছিলাম, ততটা কিন্তু হলেন না। আমরা ভাবলাম প্রথম প্রথম হয়তো একটু চুপচাপ আছেন। পরে নিজমূর্তি দেখাবেন। কেন-না, যে শিক্ষকই আমাদের পড়াতে আসতেন, দু-দিন না-যেতেই তাঁর অগ্রিম চেহারা আমরা দেখতাম। এমন বাঁদর সব ছাত্র পেলে কোনো মাস্টারমশাইয়ের মাথা ঠিক থাকে? তাঁরা তিতিবিরক্ত হয়ে নিজেরাই আসা বন্ধ করে দিতেন।

ভাই ঠিক করল, তলাপাত্র স্যারের আসাও শিগাগির বন্ধ করার ব্যবস্থা করতে হবে। তার জন্য ভাই নতুন পদ্ধতি বার করল। ঠিক করে মারামারি করা হবে। তলাপাত্র স্যার পড়াতে আসতেন সকাল সাড়ে সাতটায় তখন আমরা শুকতারা পড়তাম। কিংবা সচিত্র বেতালের গল্প। পড়ার বই ওই সময় পড়া কেন? মা ছ-টায় স্কুলে চলে যেত। বাড়ি ফাঁকা। জনতা স্টোভে ওমলেট বানিয়ে খেতাব। এই সময় মূর্তিমান অশাস্ত্রির মতো তলাপাত্র স্যার এসে হাজির হতেন। তলাপাত্র স্যারের বয়স কত? তখন তো আর স্যারেদের বয়স নিয়ে ভাবতাম না। আজ ভাবলে মনে হয়, বয়সটা যেন কমই ছিল। একটা বড়ো খাটের দু-দিকে আমরা দু-ভাই বইখাতা নিয়ে বসতাম। খাটের মাঝখানটায় একটা চেয়ার টেনে বসতেন তলাপাত্র স্যার। মা আমাদের শিক্ষিত করার জন্য ইংরেজি, বাংলা দুটো খবর কাগজ বলে দিয়েছিল। অঙ্ক করতে দিয়ে বা কিছু লিখতে দিয়ে স্যার কাগজটা দেখতেন। আমি আর ভাই আমাদের প্ল্যান চালু করলাম একদিন। ভাই হাত বাড়িয়ে আমার পেনটা টেনে নিল। আমি, 'অ্যাই, আমার পেন দে', বলে হাত বাড়ালাম। ভাই সজোরে একটা চাপড় মারল আমার হাতে। স্যারের চমক ভাঙল। খবর কাগজ থেকে চোখ তুলে স্যার বললেন, 'কী হচ্ছে কী?' ভাই নালিশের সুরে বলল, 'আমার পেনে লেখা পড়ছে না স্যার'। আমি বললাম, 'তাই বলে আমার পেন নেবে কেন?' স্যার বললেন, 'তাই তো। তাই তো। ওর কলম নেবে কেন। দাঁড়াও আমার কলমটা দিছি তোমাকে।' আমি বললাম, 'আমাকে মারল স্যার। দেখেছেন, আমার হাতে মারল।' স্যার বললেন, 'সতি তো, মারলে কেন?' কিন্তু আমি

স্যারের বিচারের আশায় বসে না-থেকে আইন নিজের হাতে নিলাম। কবিয়ে এক চড়লাগলাম ভাইকে। ভাই আমার চুলের মুঠি ধরে ঝুলে পড়ল। আমরা দূজনে গড়তে লাগলাম খাটের ওপর। আমাদের ঠেকাতে গিয়ে ঝুঁকে পড়লেন স্যার। আর আমাদের কারও হাতের ধাক্কায় স্যারের চশমা ছিটকে উঠল। খাটের ওপরেই পড়ল তাই ভাঙল না।

আশ্চর্য! স্যার কিন্তু রেগেও উঠলেন না। মারলেনও না। বরং হতভম্ব হয়ে বসে রইলেন। বললেন, ‘ছুটি দিয়ে দিচ্ছি। আজকের মতো তোমাদের ছুটি দিয়ে দিচ্ছি। অঙ্গুলো বাড়িতে করে রেখো।’ পরের দিন আমাদের দু-ভাইয়ের জন্য দুটো রাইটার কলম কিনে আনলেন। যাতে মারামারি না হয়। আমরা এবার হতভম্ব। হঠাৎ একদিন, স্যার আমাদের অঙ্গ কবতে দিয়ে বললেন, তোমরা অঙ্গ করো, আমি একটু বারান্দায় বসি। একটু পরে জানলা দিয়ে উঁকি দিয়েই দেখি, স্যার বারান্দায় তক্ষপোশে বসে, ঝোলা থেকে একটা খাতা বার করে তাতে কী যেন লিখছেন। মুখে একটা হাসি হাসি ভাব। আবার থেকে থেকেই ভুঁক দুটো কুঁচকে মুখটা গোমড়াপান হয়ে যাচ্ছে। স্যারের ওইরকম মুখ আগে কখনও দেখিনি। এরপর থেকে, প্রায় রোজই স্যার আমাদের কিছু লিখতে দিয়ে বাইরে চলে যেতেন। আমাদের বারান্দার সামনের পাঁচিলটা ভেঙে পড়ে পড়ে যায়েছিল, সারানো হয়নি। তার পিছনে ছিল গাছপালা ঘেরা একটা পুকুর। সেদিকে তাকিয়ে থাকতেন স্যার। আর খাতায় কীসব লিখতেন।

একদিন, ‘অঙ্গ হয়ে গিয়েছে স্যার...’, বলে আর থেকে বেরিয়ে এল ভাই, পাশে আমি। দেখি, স্যারের ঝোলাটা রাখা, তার পাশে দুটো ছোটো দুটো পত্রিকা। ভাই একটা নিল হাতে। আমি আর একটা। একটা পত্রিকার নাম সন্ধ্যাদীপ। আর একটার নাম চূর্ণি। স্যার হাঁ হাঁ করে উঠলেন। কিন্তু একটু মুঠে ছুটে পালিয়ে গেছে ভাই অন্যটা নিয়ে চলে গেছি আমি। দুটো পত্রিকার ওপরেই সুন্দর হস্তাক্ষরে লেখা ‘কবি নরেন্দ্রনাথ তলাপাত্র। সৌজন্য সংখ্যা।’ আমরা দু-ভাই এতদিন অনেক পত্র পত্রিকা দেখেছি। শুকতারা, শিশুসাথি, দেশ। কিন্তু পত্রিকায় লেখা ছাপা হয়েছে, এমন কোনো লোক কখনও দেখিনি। ততক্ষণে ভাই সৃষ্টিপত্র দেখে খুঁজে বার করেছে স্যারের নাম। এক পাতা এক পাতা করে কবিতা ছাপা হয়েছে। আমরা ঝুঁঝুঁস্বাসে পড়লাম। কিছু বুঝলাম না। স্যারের দিকে হাঁ করে তাকিয়ে রইলাম। আমি বললাম, আপনি বুঝি কবিতা লিখতে পারেন স্যার। কী দারুণ। মুখ নীচ করে স্যার বললেন ওই একটু আধটু। স্যারের মুখের ভাবটা তখন একেবারে অন্যরকম। ক্লাসে ছেলেরা অক ভুল করলে যেমন হয় অনেকটা তেমন। আবার তেমন নয়ও। অকারণে চশমা মুছতে শুরু করেছেন স্যার। আমাদের হাঁ করে তাকিয়ে থাকা দেখে লাজুক হেসে স্যার শুধু এইটুকু বললেন, কবিতা দুটো তোদের এই বারান্দায় বসেই লেখা। আমি তখনও অবাক হয়ে তাকিয়ে আছি তাঁর দিকে। সেই, ধরা পড়ে যাওয়া ভাব, সেই লাজুক হাসি ছাইদের সামলাতে না-পারা সেই বিরত মুখটি আমার সারাজীবন মনে থাকবে। কেন-না, সেই নরেন্দ্রনাথ তলাপাত্র ছিলেন আমার জীবনে দেখা প্রথম কোনো কবি।



১

কবিকে বলা হয় দূরদ্রষ্টা। অনেক দূর দেখতে পান কবি। কতদূর? রক্তকরবী অনেক দূর দেখতে পেয়েছে বলে আমরা জানি। জীবনানন্দের কবিতা দেখতে পেয়েছে বহুদূর। কতদিন ধরে কত মানুষের মনকে দেখতে পেয়েছে রবীন্দ্রনাথের শিখ। আর মহাভারত দেখতে পেয়েছে যেন পুরো সভ্যতাকে। এই সবই আমরা জানি। আনা তর্ক সত্ত্বেও মোটামুটি মেনেই নিয়েছি। এই সকল রচনাই এক কালে বসে আলেক দূরের ভবিষ্যৎ সময়কে দেখতে পেয়েছে। কিন্তু আজ আমার মনে পড়ছে সম্মতিক্রম দূরকে দেখার একটি কবিতার কথা। বলি তবে সেই কবিতা :

২০০১ খ্রিস্টাব্দের ২৫ জুন

মঙ্গলগ্রহ পৃথিবীর সবচেয়ে কাছে এসেছে।

সঙ্ঘেবেলা বার বার ঘরবার করি, পূর্ব আকাশে তাকাই

মঙ্গল কি উঠল?

এক সময় সাতটা সাড়ে সাতটায় দেখি, রাস্তার পাশের

দেবদারুর মগডাল ছাড়িয়ে সে উঠে বসে আছে।

মেঘ করেছে।

মাছির চোখের মতো তুচ্ছ আলো জ্বালিয়ে একটা প্লেন

গৌঁ গৌঁ করে মেঘের ফাঁকে

দমদমের দিকে উড়ে গেল।

মঙ্গল প্রেমের গানের রাঙা মুকুলের মতো দিনশেবে ফুটেছে, একলা,

পাতলা মেঘ জলকণা দিয়ে তার রাগ আর নিঃসঙ্গতা মুছিয়ে দেয়।

আমি অনেকক্ষণ তাকিয়ে আছি

সেই নিঃসঙ্গ যোদ্ধা ধীরে ধীরে ওপরে উঠে

পাঁচতলার কার্ণিশের ওপরে

চলে গেল।

আর কয়েকদিন তাকে ওইরকম উজ্জ্বল দেখব,
তারপর ক্ষীণ দেখব,
তারপর আর দেখব না।
সে অথবা আমি, যে কেউ একজন
অনঙ্গ দূরে চলে গিয়েছি।

মঙ্গল। মনীষ ওপু। শ্রেষ্ঠ কবিতা।

এই কবিতা হল আকাশে তাকালে যে দূরত্বকে দেখা যায়, সেই দূর দেখার কবিতা। কাগজ পড়ে জানা গিয়েছে যে, আজ ২৫ জুন মঙ্গল পৃথিবীর সবচেয়ে কাছে আসবে। তারই জন্য একজন মানুষ সঙ্গে থেকে ঘর বার করছে, কখন সেই লালগ্রহকে দেখা যাবে? ভোরে ধূমকেতু দেখা যায় শুনে আমরাও তো অনেকে শেষরাতে উঠে ছাদে যেতাম। এ অনেকটা সেইরকম। তারপর একসময়ে দেখা গেল, সে, মানে মঙ্গল, দেবদারুর মাথা ছাড়িয়ে উঠে বসে আছে। এখানে ছোট্ট দুটি জিনিস চোখে পড়ে আমার, একটা হল, ঠিক কখন মঙ্গলকে দেখা গেল, তা নিশ্চিত নয়, সাতটা সাড়ে সাতটার মধ্যে কোনো একটা সময়, এমনকি পরেও হতে পারে—মঙ্গল দেখাটা এত জরুরী যে, সময়টাকে কে আর অত নির্খুঁত করে মনে রাখে। দ্বিতীয় হল, এই দূর গ্রহ মঙ্গল কেবল চেনা কেউ, উঠে বসে আছে, এই বলাটার মধ্যে সেই আল্লায়তার ভাবটুকু আছে। আরে কখন উঠে বসে আছে, আর আমি কি না হাপিত্যেশ করছি সেই থেকে। এমন একটা ভাব, যা আমরা আপন কেউ চেনা কেউ সম্পর্কে বলি। কেন চেনা হবে না? ক্ষত ছোট্ট থেকেই আমরা মঙ্গলগ্রহ সম্পর্কে নানা তথ্য খুঁজে খুঁজে পড়ি। নানা আবিষ্কৃত জানতে পারি। ওই জন্য সে একদিকে চেনা। আর একদিকে অচেনাও। কারণ আমরাকে মঙ্গলগ্রহের কত রহস্য তো বিজ্ঞানীরা জানতে পারেননি এখনও। অবশ্য যেকোনো আকাশবন্ধুই আমাদের কাছে রহস্যময় অচেনা। এমনকি, অত যে চেনা বিমান, সে তো যন্ত্র মাত্র, মানুষের তৈরি যন্ত্র, কিন্তু গোঁ গোঁ করে মেঘের ফাঁকে যে উড়ে গেল, তা দেখেও কি ভেতরটা কেমন হয়ে গেল না! আমার তো হয়। হয়তো যশোর রোড দিয়ে যাচ্ছি, একটা প্লেন টেক অফ করল, উঠছে, উঠছে, শূন্যের দিকে উঠে যাচ্ছে—মনে কী যে একটা হতে থাকে। অথচ প্লেনের ভেতর বসে নীচে ত্রুমশ ছোট্ট হয়ে যাওয়া বাড়ি ঘর দেখলে তেমনটি হয় না, কিন্তু মাটিতে দাঁড়িয়ে আকাশে আরও আরও শূন্যতায় চলে যাওয়া বিমানকে দেখলে যেমন হয়। এখানে মঙ্গল একলা, মেঘ করেছে। আজকে সে জুলজুল করছে একটু বেশি, কারণ আজ পৃথিবীর সবচেয়ে কাছাকাছি তো ওই গ্রহ। তার রং লাল, আমরা জানি, তাই রাঙা মুকুলের কথা এল। প্রেমের গানের রাঙা মুকুল। কিন্তু দিনশেষে, অর্থাৎ প্রাত্ম বয়সে যে প্রেমের মুকুল ফোটে, সে তো একলা, সাংঘাতিক একলা—লাইনের শেষে তাই সাদামাটা ভাবে রেখে দেওয়া আছে ‘একলা’ শব্দটি। এই ‘একলা’ শব্দটি এবার আরও একটু চলতে থাকে। পরের লাইনেই আছে পাতলা মেঘ জলকণা দিয়ে তার রাগ আর নিঃসঙ্গতা মুছিয়ে দেয়। ‘রাগ’ কথাটা এল। আর ‘একলা’ কথাটির বদলে এলো ‘নিঃসঙ্গতা’ শব্দটি।

এই দুটি কথার মধ্যে এ কবিতায় ছোট্ট একটি তফাত আমি দেখতে পাই। দিনশেষে

যে রাঙা মুকুল, জীবনপ্রাণ্তে এসে যে প্রেম, সে তো একলা, ঠিকই, সেই প্রেম আসার পরেই হঠাৎ সে সাংঘাতিক একলা হয়ে পড়ল একদিক দিয়ে। দিন শেষে ফুটেছে, একলা। আবার তার একটা ফুটে ওঠাও আছে। কিন্তু ‘নিঃসঙ্গতা’ কথাটার মধ্যে তার অনেকদিন ধরে একাকী থাকার একটা আভাস আছে। আর নিঃসঙ্গ থাকতে থাকতে অনেক সময় মানুষ কেমন যেন রাগী হয়ে যায়। মঙ্গলকে দেখতে পাওয়ার পরের কথাটাই ছিল, মেঘ করেছে। মেঘ করার থমথমে আবহটি রাগ কথাটির পূর্বভাস তৈরি করেছিল। এমন হতে পারে, সেই মৃহুর্তে আকাশের বর্ণনা হিসেবেই মেঘ করেছে কথাটি এসেছিল, কিন্তু আড়াল থেকে তা ওই রাগ ও নিঃসঙ্গতার আবহ গঠন করছিল যেন। এই জায়গাটায় একসঙ্গে অনেকগুলি জিনিস এল। দিন শেষে রাঙা মুকুলের প্রেমচিহ্ন। তার ফুটে ওঠ। যদিও এ কবিতা কখনোই প্রেমের কবিতা নয়। একটি লাইনে মাত্র একটি গানের উল্লেখে প্রেম এসেছে, চলেও গেছে। তবু, ‘ফুটেছে’ আর ‘একলা’ কথা দুটির জন্যই এতটা বললাম এই নিয়ে—কেননা, আমার একটি স্বভাব হল, নিজের জীবনকে একটু মিশিয়ে না-নিলে কোনো কবিতাকেই আমি দেখতে পাই না। প্রেমের প্রসঙ্গটি এখানে কণ-স্বরের মতো লেগেছে। বাদক যেমন গান্ধারটিতেই আসলে জোর দেবেন, কিন্তু নথের কোনা দিয়ে একটু ছুঁয়ে এলেন মধ্যমকে, অপ্রত্যাশিত সৌন্দর্য এল পদটিতে। তেমনই স্বরের কণার মতো প্রেমের কণিকামাত্র লাগল এখানে। এরপরই এই লেখা অধিকতর নিঃসঙ্গতার কথা বলে। কারণ, আমরা দেখি ওই লালগ্রহ মঙ্গল এখানে নিঃসঙ্গ যোদ্ধা। সে যুদ্ধ কি ক্ষণের একাকী থাকার জন্য যুদ্ধ? অথবা লাল রং কি ক্ষেত্রের রং? একটু আগে, ওই লাল রঙই রাঙা শব্দের রূপে প্রেমের গানের কথা মনে করিয়েছে? এখন কি সেই লাল রং হয়েছে যুদ্ধের রং? তাই সে এখন যোদ্ধা? যদিও একাকিন্ত তার ঘোচেনি, তাই সেইসঙ্গ যোদ্ধা। এদিকে সঙ্গে-রাত উত্তীর্ণ হল; সেই রক্তবর্ণ গ্রহ, ওপরে উঠতে উঠতে চোনা একটা ফ্ল্যাটবাড়ির কার্নিশের আড়াল হয়ে গেল। কবিতাটিতে কিন্তু আড়াল হয়েগেল লেখা হয়নি। লেখা আছে ‘কার্নিশের ওপারে চলে গেল’। কেন, সে প্রসঙ্গে পরে আসছি। তার আগে বলি, এরপরই এই কবিতাটিতে বিরাট একটি আশ্চর্যকে আমরা দেখতে পাই।

এই যে আজ লালগ্রহ মঙ্গলকে এত স্পষ্ট দেখা গেল, এ তো কেবল এইজন্য যে, আজ ২৫ জুন ২০০১, সে পৃথিবীর সবচেয়ে কাছে এসেছে। গত কয়েকদিন ধরেই যেমন তাকে উজ্জ্বল দেখা গেছে, এরপরও কয়েকদিন তেমনই দেখা যাবে। যদিও ক্ষীণতর হতে থাকবে তার আভা, একসময় আর দেখা যাবে না। যে মানুষটি সঙ্গে থেকে ঘরবার করছিল পৃথিবীর সবচেয়ে কাছে আসা মঙ্গলের রূপটি দেখবে বলে, সে বুঝতে পারছে, তাকে আর দেখব না। এরপরই দুটি লাইন আছে :

সে অথবা আমি, যে-কেউ একজন
অনন্ত দূরে চলে গিয়েছি।

এতক্ষণ কবিতাটিতে আমরা দেখছিলাম, মঙ্গল ফুটে উঠল, তারপর ফ্ল্যাটবাড়ির আড়াল থয়ে গেল, কদিন উঞ্জুল থাকবে, তারপর আর তাকে দেখা যাবে না। এইসব কথা আনতে

পারছিলাম। দেখাটা চলছে কবিতায় এইভাবে। এইবারে শেষ দুটি লাইনে এসে দেখাটা ঘরে গেল। মহা আকাশের মধ্য থেকে যদি পৃথিবী গ্রহের মানুষটির দিকে তাকানো যায়?

কবিতাটি পড়তে পড়তে আমরা সবাই মাটি থেকেই লাল আলোর গ্রহটিকে দেখছি। ভাবছি, ওই তো গ্রহ, দেখা দিচ্ছে, কাছে আসছে, সরে যাবে এবার। আমিও যে মহাজগতের মধ্যে একটি বস্তু, আমিও যে প্রতি মুহূর্তে সরে সরে যাচ্ছি অবিশ্বাস্য বেগে, তা কি এতক্ষণ মনে রেখেছিলাম। কেবল এই গ্রহটি সরে যাচ্ছে, কে বলল? আমিও তো দ্রুত ধাবমান মহাশূন্যে? এই ঘূর্ণমান পৃথিবীর সঙ্গে? এক মুহূর্তে সব ওলট-পালট হয়ে গেল। এই কবিতাটির শেষপ্রাপ্তে এসে শরীর শিরশির করে। মনে হয়, যেন দুলছে এই মহাপৃথিবী। আমাকে নিয়ে সে অনন্ত দূরে কোথাও চলে যাচ্ছে। প্রতি সেকেন্ডে...কোথায় যাচ্ছে, তার বিন্দুবিসর্গ আমি জানি না। এতক্ষণ, মাটিতে দাঁড়িয়ে, এই কবির সঙ্গে, নিরাপদে, আকাশের তারা দেখছিলাম। এক নিম্নে আমার স্থিতির বোধ পালটে গেল। বিরাট ও অজানা ব্রহ্মাণ্ডের মধ্যে আমি ছুটে চলেছি। এই গোল বল আমাকে নিয়ে কোথায় চলেছে? চারিদিকে এত তারা? এক ঝলকে স্ট্যানলি কুরিকের তৈরি স্পেস ওডিসি ছবিটির একটি দৃশ্য মনে ভেসে যায়: যেখানে এক নভচর দুর্ঘটনার মাঝে সংযোগ ছিল অবস্থায় মহাকাশে হারিয়ে যাচ্ছিল ক্রমশ। দূরে সরে যেতে যেতে এক সময় সে মুছে যায় স্পেসের ভেতর। তেমন একটা পরিবেশ তৈরি হয় মনে। প্রায় বিশ্বাস দেখার অভিজ্ঞতা জন্ম নেয় যেন।


অথচ পুরো এই কাজটাই, এই কবি মনীন্দ্র গুপ্ত করেছেন ‘সে অথবা আমি’ এই কথাটুকু মাত্র ব্যবহার করে। আরও লিপ্তিট করে বলতে গেলে শুধু ‘আমি’ শব্দটি এখানে এসে পুরো কবিতাটিকে মহাকাশবাসী অনন্তে স্থাপন করল। এ এক আশচর্য দেখা। অপ্রত্যাশিত দেখা। অনন্ত দূর থেকে এক হিসেবে নিজের অবস্থান দেখা। ওই দ্রুত সরে যাওয়া গ্রহটি থেকে যেন দেখা যাচ্ছে পৃথিবীর মাটিতে দাঁড়ানো এক মনুষ্য প্রাণীকে।

এই কবিতার শেষ দু-লাইন পড়বার পর এক অকল্পনীয় অভিজ্ঞতার অংশভাগী হই আমরা, যা পূর্বে কখনও ধারণা করিনি। বা করলেও, জীবনানন্দ থেকে ধার করে বলা যায়, তা এমন কৃতার্থ সংস্থানের মধ্যে ছিল না।

অন্যদিকে, যারা কবিতার পাঠক, তাঁদের কাছেও এটা অরণীয় ঘটনা হিসেবে দেখা দেয়, মাত্র ‘আমি’ শব্দটির স্থাপনার ফলে এত বড়ো একটি অভিজ্ঞতার কাছে যাওয়া যায়। এখানে, কবি, ইচ্ছে করেই বিবৃতিমূলক কবিতার ছদ্মবেশে লেখাটিকে হাজির করেছেন প্রথম থেকে। যে-কোনো পাঠক, মনীন্দ্র গুপ্তের কবিতাগ্রন্থের সঙ্গে কিছুকাল থাকলেই এগতে পারবেন, এই কবির হাতে খুব সহজ ও তুচ্ছভাবে বলা কথা চিরকালীন কবিতার অঙ্গর্গত হয়ে যায় কত অনায়াসে।

এখানে ‘কার্নিসের’ পরে ‘ওপারে’ কথাটি ব্যবহার করেছিলেন তখন, কারণ, তারপরই শুনি অনন্তের মধ্যে স্থাপন করবেন পাঠককে। ‘ওপারে’ কথাটির মধ্যে ভরা ছিল অনন্ত এণ্ডাণ্ডের একটি লুকোনো সংক্ষেতে।

এমনটি সব সংকেতে সংকেতে ভরে আছে মনীন্দ্র গুপ্তের কবিতা। তা নিয়ে আমরা আগাম এখা প্রণয় অন্য একদিন।



১০

আগে বলেছি না, ইস্কুলের পাঁচিলে একটা বড়ো গোল ফুটো ছিল বলে লেখাপড়া হয়নি আমার? ওই গোল গর্ত দিয়ে পড়াশোনা থেকে পালাতাম, পালাতে পালাতে কবে এসে পড়েছিলাম কবিতার নাগালের মধ্যে। সে আমাকে মৃত্যু জানানোর, একটু একটু করে জানিয়ে যায়। রোজ রাত্তিরে শুভে যাওয়ার সময়ত্বাত্ম, রোজ সকালে উঠে ভাবি, কী পড়ব, কী শুনব, জানব কী কী উপায়ে। বই ছেঁয়ে পড়েই মানুষ, কিন্তু এই যে রাস্তা, এই যে দোকানপাট এসবও কি পড়া যায় না? কিন্তু ভরে কত কত লোক! কত বিচ্ছিন্ন পেশার মানুষ—এত যে বিদ্যুৎ বেগে ছুটে ছুটে যাচ্ছে চারদিকে, এদেরই কাউকে কথনও পড়ে দেখার চেষ্টা করেছি? সেরক্ষিতে করিনি! দেখেছি, ‘আছা?...’ বলে অবাক হয়েছি। তাইতো বলে চিন্তিত হয়েছি কিছুক্ষণ। ‘দেখেছ?...’ বলে সঙ্গীকে দেখিয়েছি। তারপর চলে গিয়েছি নিজের রাস্তায়। উপেক্ষা করিনি হয়তো, তাই বলে, মনেও রাখিনি। ভুলে গিয়েছি প্রায় পুরোপুরি।

কবিতা কিন্তু ভোলে না। ডিঙিয়ে পার হয়ে যায় না। ধরে রাখে সেইসব জীবিত পাঠ্যবস্তুকে। কেন ধরে রাখে? কারণ, তার মধ্যে আছে দরদ। সহমানুষের জন্য একাকী, নিঃশব্দ ভালোবাস।

কে সেই সহযাত্রী মানুষ। এক এক করে দেখা যাক।

ট্যাক্সিওয়ালা

ট্যাক্সিওয়ালাদের জন্য মন কেমন করে না আপনার?

সারাদিন গাড়িবন্দি। গাড়িতেই ঘূম, বসে থাকা।

জুনের জুলন্ত গাড়ি। তেতে ওঠা টিনের মডেল।

আমনামাড়ের পেটে গর্ত করে আশ্রয় নিয়েছি।

শুধু একটা ঢালু কাচ। সেটাই আমার বিষ্ণ, স্ত্রীন।
মা কালী। লোকনাথ। ধূপদানি। স্কু-ড্রাইভার
হলুদ কাচস্বা ন্যাতা, ‘বর্তমান’। গুটনো, কালকের।

এর মধ্যে বসে বসে ট্যাঙ্কিওয়ালা বিষণ্ণ হবে না?
প্যাসেঞ্জারকে শুধু শুধু ‘না’ ‘না’ করি, নিই না ট্যাঙ্কিতে?

এক্ষুনি দমদম থেকে ফিরে এসে শুকনো ছোলা খেয়ে
আবার দমদম যেতে ভালো লাগে কারুর, বলুন?

কত ট্যাঙ্কি ড্রাইভার দেখেছি আমিও। তাদের কারও-কারও সঙ্গে কত গল্পও করেছি
যেতে যেতে। কিন্তু তার জীবনটা কি কোনোদিন তলিয়ে ভেবেছি! এ কবিতা শুরুই হচ্ছে
তাই, ট্যাঙ্কিওয়ালাদের জন্য মন কেমন করে না আপনার মন থেমেই ঠিক জায়গাটাকে ধরে
ফেলল এ কবিতা। ধরে ফেলল, কলকাতায় যে এত ট্যাঙ্কি চলে, আমরা মধ্যবিত্ত, ট্যাঙ্কিতে
প্রায়ই উঠি, কিন্তু ট্যাঙ্কিড্রাইভারদের সম্পর্কে কখনও ভেবেও দেখি না। কীরকম জীবন
তার?

সারাদিন গাড়িবন্দি। গাড়িতই ঘূর্ম, বসে থাকা।

রোজই তো রাস্তার ধারে থেমে থাকা ট্যাঙ্কিতে ড্রাইভার ঘূর্মিয়ে আছে দেখি। দেখি
তাদের জানলায় কলুই রেখে বসে থাকা। সারাদিনের রোদ্দুর লেগে গাড়ির ভেতরটা
ফার্নেস। এখানে ‘টিনের মডেল’ কথাটির ব্যবহার অব্যর্থ। কারণ কবিতাটি লেখা হচ্ছে
ড্রাইভারের জবানিতে। ঠিক পরের লাইনেই সেটা স্পষ্ট করে জানতে পারছি আমরা।
যেখানে আছে অ্যামবাসাডারের পেটে গর্ত করে আশ্রয় নেওয়ার অপূর্ব উপমা। প্রথমত এই
পচও গ্রীষ্মের হাত থেকে বাঁচবার জন্য একজন মানুষ যে ওই গাড়ির ভেতর, ওই তেতে
ওঠা টিনের মডেল-এর পেটে চুকে বাঁচার চেষ্টা করছে, এ তো এক কথা। অন্য কথাটি হল,
এটি তো তার জীবিকা। গ্রাসাছাদনের জন্য ও তো এই অ্যামবাসাডারের পেটে গর্ত করে
আশ্রয় নিয়েছে। এই গর্ত করে আশ্রয় নেওয়া কথাটি শুনলেই আমাদের মনে হয়
স্বাভাবিকভাবে কোথাও স্থান সংকুলান না হওয়ায় এই গর্ত খোঁড়া। অর্থাৎ, কোনো মতে
জীবনধারণের জন্য এই পেশা। সকলেই হয়তো নয়, কিন্তু অনেকেই পাকেচকে
ট্যাঙ্কিড্রাইভার হয়ে পড়ে। আমরা, সাধারণ মধ্যবিত্ত মানুষও কিন্তু, অনেকসময়ই যে পেশা
বির্বাচন করি, তাতে স্থির হতে পারি না। এদিক ওদিক ঘূরে শেষে একটা পেশায় এসে পড়ি,
যা হয়তো পূর্বপরিকল্পনায় ছিল না। সেও ওই গর্ত করে আশ্রয় নেওয়ার মতোই। অর্থাৎ
অধিকাংশ মানুষের জীবনেই যে জীবিকার একটি নিয়তি-বাধ্যতা ও নিরূপায়তা আছে, কষ্ট
দুনিয়ার পাঠক এক হও! ~ www.amarboi.com ~

হলেও তাকে সেটি চালাতে হয়, এ কবিতা সে কথাও বলে নিল। এর পরের তিন লাইনে ট্যাক্সিড্রাইভারের সামনে যা যা থাকে তার অনবদ্য ডিটেল ফুটেছে। এই তীক্ষ্ণ পর্যবেক্ষণই হস, অন্য মানুষের, আমার সহযাত্রী মানুষের জীবনকে পাঠ করার প্রমাণ। মা কালী ও লোকনাথবাবার ছবি, ধূপদানি, পুরোনো স্কু-ড্রাইভার, আধময়লা হলদে কাপড় ঈষৎ পশমি, এবং তুলনাহীন এই অর্ধেক লাইন : ‘...বর্তমান। গুটোনো, কালকের।’ পুরোনো খবর কাগজ। ঠিকই কিন্তু ‘বর্তমান’ শব্দটি শুধু সংবাদপত্রের নাম-ই নয় এখানে। শব্দটা বলতে চায় এই ড্রাইভারের কাছে সমস্ত বর্তমান-ই পুরোনো। কারণ এর জীবন একথেয়ে! এর আগেও এমনই একটি অর্ধেক লাইন আমরা পেয়েছি : সেটাই আমার বিশ্ব, স্ক্রিন। চালকের সামনের কাচ সম্পর্কে বলা হচ্ছে। এখানে স্ক্রিন কথাটিই অমোগ। স্ক্রিন বললে আমাদের কম্পিউটারের স্ক্রিন মনে পড়ে, মনে পড়ে টিভির-পর্দা। আমরা টিভি আর কম্পিউটারের পর্দা থেকে, জগৎ ও জীবন সম্পর্কে অনেক কিছু জানতে পাই। স্যাটেলাইট থেকে তোলা অঙ্গরিক্ষে ভাসমান পৃথিবী নামক গ্রহের ছবি, চাঁদে মানুষের পদচারণা, গভীর সমুদ্রের তলদেশের জগৎ—সবই আমরা দেখতে পাই, টিভি আর কম্পিউটারের স্ক্রিন থেকে। এই ড্রাইভারের বিশ্ব দেখার উপায় ওই সামনের কাচ। তার মধ্যে দিয়ে সে রাস্তা দেখে। রাস্তাই তার বিশ্ব।

এর মধ্যে বসে বসে ট্যাক্সিওয়ালা বিষণ্ণ হয়ে নয় হবেই তো। এই চূড়ান্ত বৈচিত্র্যাহীন জীবনে? কবিতাটিতে, সারাক্ষণ ট্যাক্সিওয়ালা বলা হচ্ছে, কারণ, এরা নিজেদের ট্যাক্সিওয়ালাই বলেন, ট্যাক্সিড্রাইভার বলার তেমন রেখাগুলি নেই। এ-কবিতা ‘ট্যাক্সিওয়ালা’র দিক থেকে লেখা, ‘চিনেরমডেল’ শব্দটি যেমন, এই পেশার লোকেরা যে ভাষা ব্যবহার করেন, তারই চিহ্ন। পরের লাইনে প্যাসেঙ্গার প্রদের মধ্যেও তারই প্রমাণ। বাকি, গুটিয়ে রাখা খবর কাগজ-এর মধ্যে, যেমন জীবনের বিষাদ, বিবর্ণ হয়ে যাওয়ার ইঙ্গিত ছিল, তেমনই হলুদ কাচঘষা ন্যাতা, এখানে ‘ন্যাতা’ শব্দটির ব্যবহারের মধ্যেও এক ঘেয়ে নেতিয়ে পড়া, আকর্মণ ও উজ্জুলতাহারা জীবনের কথাকে ছুঁয়ে যাওয়া আছে। ‘ন্যাতা’ শব্দটির, ক্ষেত্রে আমার কেবল মনে হয়, কবিতাটির লেখক একজন নারী বলেই এমন আশ্চর্যভাবে আনতে পারলেন শব্দটিকে। আমাদের সমাজে, একজন নারী যেমন ভেতর থেকে গৃহস্থালির কাজ জেনে বড়ো হয়ে ওঠেন, একজন পুরুষ সে সুযোগ সাধারণত গ্রহণ করেন না। ফলে, গৃহস্থালির কাজে লাগা জিনিসপত্রগুলোকেও বড়ো মর্মে মর্মে চিনে নিতে পারেন কোনো নারী। এখানে, ন্যাতা কথাটির মধ্যে তিনি অনেক অর্থ ভরে দিলেন। কাচঘষা কাপড় ব্যবহার করলে এই অধিকতর অর্থ দ্যোতনা আসত না।

কবিতাটির শেষ দু-লাইনে, এই ‘ট্যাক্সিওয়ালা’ যেন আমাদের বক্ষু হয়ে যায়। যে-সুরে কবিতাটি কথা বলে শেষ দু-তিন লাইনে, ওই সুরে বক্ষুই বক্ষুর সঙ্গে কথা বলতে পারে। আপনাদের শুধু ‘না’ ‘না’ করি সারাক্ষণ। এটাই দ্যাখেন! আর আমি কি একটা মানুষ না। আমারও তো একটা ভালো লাগা-মন্দ লাগা আছে, বলুন? ট্যাক্সি ড্রাইভারের সঙ্গে যাত্রীর

দেওয়া-নেওয়া, আমাকে গস্তব্যে পৌছে দাও, আর ভাড়া নাও তার জন্য—এই নৈব্যক্তিক বিনিময়ের বাইরে আমাদের টেনে আনে এ কবিতা। এখানে, একজন ট্যাঙ্কিওয়ালার ভেতরকার মানুষটি বেরিয়ে এসে কথা বলে, একজন প্যাসেঞ্জারের ভেতরকার মানুষটির সঙ্গে। কথা বলে, সম্পর্ক তৈরি করে। মানুষে মানুষে সম্পর্ক। বন্ধুর সঙ্গে বন্ধুর সম্পর্ক। এখানে ট্যাঙ্কিড্রাইভার মহতা এবং সমর্থন চাইছে, যেমন বন্ধুর কাছে আমরা চাই। এখানেই এ কবিতা বড়ো করে ধরে মানুষে মানুষে সম্পর্কের মূল একটি জায়গাকে।

এমন সম্পর্ক স্থাপনের কবিতা এ কবির হাতে আরও এসেছে যেমন:

চাওলা

খড়গপুর লাইনে আমি চা বিক্রি করতাম।
বড়য়ের ক্যানসার হল। মরে গেল। তার
জন্য সব চলে গেল। বুঝে শুনে, ভাই,
এ জিনিস সাংঘাতিক। মেয়েছেলে। ধৰন। চা বিক্রি।

বড়ো খুরি। না, আট আনা আরও। এ কী চলতে পড়ে গেল?
তাহলে আরেকটা নিন। ঘাস বড়। মুঠো দাম নেব না।
ভোগে লাগেনি তো কারও। আশেক আমারও যাক। নিন।

পুরুচশমা চাওলা, আপমাণ উষও চা খাবার জন্যই আসলে
আমরা দুজন আসি তেখে করতে হাজরার বাগানে।

আম্যমাণ চা বিক্রেতাকে নিয়ে এই কবিতা। এ কবিতাও শুরু হয়েছে চা বিক্রেতার জবানিতে। মাঠে ঘুরে ঘুরে চা বিক্রি করতে করতে জীবনকথা বলছে লোকটি। মাঠে বসতে আসা জোড়ায় জোড়ায় যুবক-যুবতিদের ভাঁড়ের চা দেওয়া তার বিকেল সঙ্গের কাজ। রোজ দেখতে দেখতে মুখচেনা হয়ে যায় কোনো কোনো যুগলের সঙ্গে। তেমনই একটি যুগলকে মনের দুঃখের কথা বলছে লোকটি। চা দিতে দিতেই বলছে। ছেলেটিকে হৃশিয়ার করছে, কেন-না, ছেলেটি তো নতুন। সংসার করার স্বপ্ন নিশ্চয়ই দেখছে মেয়েটিকে নিয়ে। বড়য়ের ক্যানসার হল। মরে গেল। এবং তার জন্য যা কিছু সঞ্চয় ছিল, শেষ হল। নিশ্চই ধারকর্জও হল। সব দোষ হল যেন সেই বউটির। কেন তার ক্যানসার হল? হল তো হল। কেন সে মরে গেল? আসলে কিন্তু তীব্র অভিমান। বউকে নিশ্চয়ই খুব ভালোবাসত লোকটি। তাই না সে যথাসর্বস্ব নিঃশেষ করে চিকিৎসা করিয়েছিল। মারা যাওয়ার পর তার সব রাগ পড়ল বড়য়েরই ওপর। কেন থাকল না। এ কিন্তু একরকম প্রমেষণ প্রকাশ। ওদিকে কথা বলতে বলতে ছেলেটি বা মেয়েটি চায়ের ভাঁড় নামিয়েছে

ঘাসের ওপরে। বড়ো বড়ো ঘাস। তার চাপে ভারসাম্য রাখতে না-পেরে চায়ের ভাঁড় কাত হয়ে পড়েছে। আর তাই আরেকটা দিছে লোকটি। পুরো দাম নেবে না সে। তার সব গেছে, কিন্তু এটুকু তো বেঁচে আছে এখনও। না থাকলেও অবাক হওয়ার মতো কিছু ছিল না।

এই কবিতা, নাটকের পদ্ধতিকে সচেতনভাবে ব্যবহার করেছে। আগের কবিতা, ‘ট্যাঙ্গিওয়ালা’তেও সেই পদ্ধতির প্রয়োগ ছিল। কিন্তু এই চা-অলা কবিতায় সংলাপ-এর পদ্ধতি এসেছে তীক্ষ্ণভাবে, প্রায় প্রতি পদক্ষেপে বাঁক তৈরি করে এগিয়েছে। প্রথম অংশ চা বিক্রেতার কথা নিয়ে এগোয়। শেষ দু-লাইনের উপসংহার বলে মেয়েটির কথা। ‘‘মেয়েটি’’ কেন বললাম? কেন-না, এ কবিতার লেখক একজন নারী। এ কবিতার শেষ দু-লাইনে যে বিশেষ মমতাধারা সঞ্চারিত হয়েছে, তা নারীর সহজাত। পুরুষের সাধ্য নেই এত অঞ্জে সেখানে পৌঁছোনোর। এ কবিতাও তো বড়ো অঞ্জে বলেছে নিজেকে। আমার উনিশ বছরের মেয়েকে ডেকে পড়ে শোনালাম কবিতা দুটো। উচ্চারণ করে পড়তে গিয়ে দেখি শেষে চোখে জল আসছে। কেন? অবাক লাগল। ভেবে দেখি, চা বিক্রেতার একটি বর্ণনা মাত্র আছে এ লেখায়। পুরু চশমা চা-ওলা। কোথাও যেন একটি শ্রদ্ধাও আছে লোকটি সম্পর্কে। মমতা আর শ্রদ্ধা একত্রে মিশে আছে: ওই বক্ষটি করে চলা লোকটি কোথাও আপনজন ওই ছেলেটি-মেয়েটির। কবিতাটি পড়ার পর মনে হয় সে কি আমাদেরও আপনজন নয়। এমন মানুষ কি আমরাও দেখিনি কখনও! নিজ নিজ স্মৃতিতে টান পড়ে। কবিতাটি পড়ার পর এমন চরিত্র ভেসে ওঠে যেনো যেহেতু তৃতীয় চরিত্র নির্ভর লেখা। তাই নাটক-সূক্ষ্মতা বড়ো অভ্রান্তভাবে কাজে দেখেছে এখানে। বাঙালি জীবনে এমন মুখ আমরা দেখি আর ভুলে যাই। কবির শক্তি এখনেই—তিনি আমাদের ভুলে যাওয়া এইসব মুখকে মনে করিয়ে দেন। ভালোবাসন্ত শেখান। কবিতা সম্পর্কে বলতে গিয়ে জীবনানন্দ দাশ জানিয়েছিলেন, সত্যিকার কবিতা পড়ে আমাদের কী মনে হয়। মনে হয়, এ জিনিস আমারও অভিজ্ঞতায় ছিল। কিন্তু এমন শ্রেষ্ঠ, কৃতার্থ সংস্থান-এর মধ্যে ছিল না। ‘ট্যাঙ্গিওলা’ ও ‘চা-ওলা’ কবিতা দু-টি পড়ে মনে হয় এদের আমরা দেখেছি। চিনিও। কিন্তু এভাবে তো দেখিনি কখনও। শেষ লাইনের আগের লাইনে ‘উষ্ণ’ শব্দটির ব্যবহার অসামান্য। আপনার উষ্ণ চা খাবার জন্যই আসলে—উষ্ণ কথাটি চায়ের উষ্ণতার কথা বলছে না শুধু। ওই মানুষটির স্বভাবের উষ্ণ আন্তরিকতার কথা বলছে। লোকটিও তো এই ছেলে মেয়ে দুটোকে রোজ দেখতে দেখতে আপনজন ভাবতে শুরু করেছে অজান্তেই। তাই না এমন করে বলে। ওই মেয়েটির সামনেই বলছে, এই জিনিস সাংঘাতিক। মেয়েছেলে। নিজের বউয়ের সম্পর্কে বলছে। কিন্তু মেয়েটার মনে কোনো বিদ্রো বিরুপতা জাগছে না। সে তো জানে, এ কথা প্রেমেরই অন্য রূপ। আরেকরকম ভাবে বিচ্ছেদ যন্ত্রণাকে বলা। আর ছেলেমেয়ে দুটিকে একসঙ্গে দেখার তাদের যুগল অবস্থার একটি স্থীকৃতিও তো ওই মানুষটির মধ্যে পাওয়া যায়। তার স্বভাবের উষ্ণতার মধ্যে। আবার এ কথাও তো ঠিক, মেয়েটির মনে হওঁও তো পারে, এ লোকটি তো আমার বাবারই বয়সি হবেন। তাই পুরুচশমা চাওলা,

যার নামটাও জানি না, তিনিও নিকটজন হয়ে যান কীভাবে কথন। এও হল একরকম পড়া, মানুষকে পড়া, অচেনা ও অন্য জীবনের মানুষকে পড়া। কবি-ই তো পারেন অচেনাকে আপনজন করে নিতে।

আবার অচেনা লোক অচেনাই থেকে গেল, তবু সম্পর্ক হল একরকম, তাও কি ঘটে না?

উৎসব

করমর্দনের পর নীরবতা। কথা বলতে ভুলেই গিয়েছি।

আশ্রয়। শ্রদ্ধার বাক্য। তারপরেই ‘এদিকে’। ‘এদিকে’।

ডাইনিং টেবিলে দেখা। বুকে সিস্টেমের খাওয়া-দাওয়া।

ফ্রাইয়ের ভিতর শুধু চেলে দেওয়া সর্বের তরল।

স্বাস্থি পাছিঃ না কোনো। পাখাওলো একদিকে ফেরানো।

ঘামে বসে আছে চুল। ক্লাস্টি লাগছে হেসে যেতে আলি।

বন্ধুরা জটলায়। শুধু একজন সিগারেটভোর্ণী।

রাস্তায় দাঁড়িয়ে তার বাতাসসেবন। ধূপচন্দ।

অন্যায়, অন্যায় হচ্ছে। এরপর ধৈর্যে বসে যাবে।

বন্ধ ঘরে আগুন জ্বালানো শুকরি ছাতের তলায় ছাতনাতলা।

খোলামেলা নেই কোনো শুল নেই। বাতাস আসছে না।

সোনালি রাংতায় শৈঁড়ো পুরোলো বাঞ্ছবী বসে আছে।

সকলের হাসাহাসি। একজনের চুপ করে থাকা।

সকলের আজ্ঞা। ঝুঁকে বর দেখা। একজন নীরব।

দুজন একাকী লোক বিয়েবাড়ি থেকে বেরোলাম।

দুজন একাকী লোক। আর দেখা হবে না কখনও।

স্বাভাবিক একটা বিয়ে বাড়ি। যেমন হয়। নতুন অনেকের সঙ্গে আলাপ হয়। তেমনি আলাপ হল একজনের সঙ্গে। প্রথম আলাপের পরেই একটা নীরবতা দূজনের মধ্যে। কেউই কথা খুঁজে পাচ্ছে না। তারপর আবার বিয়েবাড়ির ছড়োষ্টড়ি। খাওয়ার সময় আবার দেখা। বুকে সিস্টেমের স্বাধীন ঘুরে বেড়ানো খাওয়া। সেই যাওয়া আসার ফাঁকেও কি দু-চারবার চোখে চোখ পড়ে যাওয়া নেই? দুজনই দুজনকে দেখছে, দেখে ফেলছে যেন। এখানে আছে ফ্রাইয়ের ভিতরে শুধু চেলে দেওয়া সর্বের তরল। একটা ঝাঁঝ, জুলা, উপভোগ করা যায় এমন গুলা, চেপে রাখা অঙ্গীর অঙ্গীর একটা অনুভূতি, সবই ওই একটিই লাইনে বেরিয়ে এল।

পরের স্তবকের শুরুতেই প্রমাণ রয়েছে সেই অস্থিরতার। স্বন্তি পাছিনা। যেন গরম লাগছে। সুন্দর ডিটেল-'ঘামে বসে আছে চুল'। বন্ধুদের গোল হয়ে গঁজ করা। তার মধ্যে একজন শুধু সিগারেট টানছে একা একা। এই বন্ধু অবস্থাটি কিছুটা কাটাতে যে সামনের রাস্তায় বেরিয়ে এসেছে একা সিগারেটের অছিলায়। আরও একজন একা কিন্তু রয়েছে সেই বিয়েবাড়িতে। যে দেখছে একজনের সিগারেট হাতে একা বেরিয়ে আসা। বিয়েবাড়ির এই বর্ণনার মধ্যে সারাঙ্গশ একটা হাঁপধরা, দমবন্ধ ভাব তৈরি রাখা হয়েছে, যেখানে কেবলই হেসে যেতে ক্লান্ত লাগে। ভাড়া করা বাড়িতে বিয়ে, যেমন হয়। ফলে বন্ধু ঘরে আগুন জুলানোর মতো বিপজ্জনক কাজ হচ্ছে। সাধারণত ছাতনাতলা বললে আকাশখোলা একটা জায়গা বোঝায়, যেখানে ছাতনাতলা তৈরি হয়। কিন্তু, এখানে তাও ছাদ দিয়ে ঢাকা। একালের বিয়েবাড়ির এমন নিখুঁত ছবিও কি আগে কখনও পৌঁছেছে বাংলা কবিতায়? এত যে বন্ধু লাগছে, গরম লাগছে, তা কিন্তু দু'জন নারীপুরমের ভিতরের অস্থিরতা। কেউই কোনোভাবে পরম্পরের কাছে এসে কথা বলতে পারছে না। আবার এমন কথাও এর মধ্যে প্রচলন যে, এই যে বিবাহের অনুষ্ঠান, এ যেমন বাঁধা ধরা, বিবাহ বন্ধনটিও তো এক ধরনের বাঁধা-পড়া অবস্থারই প্রকাশ। এরা দুজন যে দুজনের সঙ্গে সব ভেঙে ছুটে গিয়ে কথা বলতে পারছে না, তার ক্ষেত্রে, অনুমান করা যায়, দুজনেই জীবনের এমন একটা পর্যায়ে দাঁড়িয়ে, যেখানে, অত্যন্ত বয়স ছেলেমেয়েদের মতো ইচ্ছে করলেই ছুটে যাওয়া যায় না। অনেক দিক ভাবতে ছুটে। সংকোচ হয় তার ফলে। বিবাহিত হওয়াটাও সে সংকোচের অন্যতম কারণ কি? এই ইঙ্গিতও আছে? কবিতাটিকে যদি নিজের দিক থেকে দেখি, যা দেখা আমার স্বভাব তাও সে ইঙ্গিতও পাই। কেটারার অধ্যুমিত, অত্যঙ্গ নিয়ম-বাঁধা ভাড়া করা বিয়েবাড়ির সম্মান্যোজনের পিছনে যে কোথাও একটা প্রাণহীন যান্ত্রিকতা আছে। আবার সামাজিক জীবে সভ্যভব্য বলে পরিচিত হয়ে যাওয়া দুটি নারীপুরমের পরম্পরের সঙ্গে আরও একটু কথা বলতে না-পারার নিরূপায়তা, তার সঙ্গে বিবাহবন্ধনের সম্ভাব্য বন্দিত্ব—সব একসঙ্গে আসছে। দুটি লাইন না তুলে পারছি না: খোলামেলা নেই কোনও, ফুল নেই, বাতাস আসছে না। সোনালি রাত্তায় মোড়া পুরোনো বান্ধবী বসে আছে। শেষের এই ছবিটি নিখুঁত। পুরোনো বান্ধবীর আজ পুতুলে রূপান্তরিত হওয়ার সঙ্গে সোনালি রাত্তা শব্দটির অমোঘ ব্যবহারে জাঁকজমকের মিথ্যাটি প্রকাশিত। রাত্তা সোনালি কেন? কারণ সোনার গয়না তো কনের গায়ে অনেকই আছে। সেই সোনার রং রাত্তাই তো হয়ে যাবে যদি পুরো উৎসবটাই সাজানো আর দমবন্ধ হয়। শুধু কি উৎসবই সাজানো আর দমবন্ধ? অনেক সম্পর্কও কি তাই হয় না? পুরোনো নানা বিবাহিত যুগলের পরিণতি মনের ভেতর থেলে যায় হয়তো, পুঞ্জিকা ওই মেয়েটির বসে থাকা দেখে। যথাসময়ে খাওয়াদাওয়া শেষ। বাড়ি ফেরার পালা। সকলের হাসাহাসির মধ্যে ছিল যে একজনের চুপ করে থাকা, মেয়েদের ঝুঁকে ঝুঁকে বর দেখার মধ্যে একজন যে অনাগ্রহী ছিল, একজন যে নীরব—সেই 'দু'জন একাকী লোক' বিয়েবাড়ি থেকে বেরিয়ে এল। এখানে লোক শব্দটির ব্যবহার আশচর্য। মেয়েটিও এখানে একটি নাকি। 'দু'জন একাকী লোক' শব্দ বন্ধাটি পরপর দুটি লাইনের প্রথমে এসে পাঠককে

নিঃশব্দে আঘাত করে। তার বুক ভার হয়ে আসে। কবিতাটির শেষ বাক্য—আর দেখা হবে না কখনও—হাহাকার হয়ে পড়ে থাকে।

কী করেই বা দেখা হবে। কেউ তো কারও ঠিকানা নেয়নি। ফোন নম্বর বিনিময় করেনি। এমনকি, প্রাথমিক আলাপের পর সৌজন্যসম্মত ‘শ্রদ্ধার বাক্য’ ছাড়া কথাও বলেনি। শুধু প্রথম আলাপের পর দুজনেই কথা হারিয়ে ফেলে ওই শ্রদ্ধার বাক্য বিনিময়ের মধ্যে আশ্রয় খুঁজেছিল। কর্মদন্তের পর নীরবতা। ‘কথা বলতে ভুলেই গিয়েছি।’ নিঃশব্দ প্রেমের এই কবিতার পর আমরা পাঠকরাও নীরব হয়েই থাকি। ভাবি, এত অল্প নিয়েও কি এমন কবিতা লেখা যায়?

নানা ধরনের সম্পর্ককে খুলে দেখানো এই যে কবিতাগুলো নিয়ে কথা বলছি, সেসব কবিতা আছে রেডিয়ো-বিতান নামক একটি বইতে। বইটি লিখেছেন যশোধরা রায়চৌধুরী। জনজীবনের মধ্যে ভিড় হয়ে থাকা মানুষকে কীভাবে পড়তে হয়, এ লেখাগুলো তার এক ধরনের নির্মূল দৃষ্টান্ত।

কবির সামর্থ্যের প্রমাণ একদিকে যেমন তাঁর শব্দ ব্যবহারে, অন্যদিকে তেমন তাঁর দৃষ্টির সূক্ষ্মতায়, পর্যবেক্ষণ শক্তিতে। কবি কী দেখছেন, সেটা কুণ্ঠ জানতে চায় পাঠক। কারণ তাঁর দেখার মধ্য দিয়ে সেও যে দৃষ্টিশক্তিকে নতুন করে ফিরে পায়। অন্যথায় সে অঙ্ক থাকে। চা-ওলা ও ট্যাঙ্কওয়ালা কবিতা দুটি যেমন কুণ্ঠনি আমাদের চক্ষুস্থান করে তুলল।

এবার আমরা অন্য একটি কবিতায় যাব।

পিকনিক

উড়াতে এসেছি মজা, মাঠভরতি। তোরা যে চাদর
পাতবি বলে এনেছিলি, তাতে সব বড়ো বড়ো ছোপ
সে কী রে, রক্তের নাকি? রূপি তোর হানাবাঢ়ি থেকে
আর কী কী এনেছিস : শৌখিন চামচ, কাঁটা, ছুরি...

দে তো কাঁটা দুটো, আমি লোফালুফি দেখাৰ, ব্যালেন্স
বাঁদিকে আপনারা বউদি ডানদিকে তোরা খুকুমণি
আমি ঠিক অধ্যখানে সোডার বোতল
কিছুক্ষণ ভূসভূসিয়ে তারপর চুপ যেৱে যাব, নেশা হলে...

মাঠময় উড়ে যাচ্ছে হাসি ও ফড়িং
মাঠময় উড়ে যাচ্ছে ইয়ার্কি, মজাক
উনুন, যা কোনোদিক ধৰে উঠতে পাৰে না পুৱেটা
ওকে আমরা জ্বেলে দেব হৃদয়ের মুহৰত, মায়া দিয়ে দিয়ে

সেবারে পিকনিকে মায়াদিও ছিল না রে? ডিসেম্বর মাসে
কাপড়ে আগুন লেগেছিল, ও শেষসময়ে ভুল বুঝতে পেরে
নেভানোর ইচ্ছে নিয়ে বিছানায় এসে গড়াচ্ছিল
বেডকাভারে...বেডকাভারে...এটা তবে সেই বেডকাভার?


আমরা সকলে মিলে মজা মারছি যেটার ওপরে...

মাঠে পিকনিক হচ্ছে। চাদর পেতে সকলে বসা হয়েছে। সবাই আনন্দ করছে। কবিতাটিতে একবারও অবশ্য ‘আনন্দ’ কথাটি বলা নেই। বলা হচ্ছে মজা। অথবা আরও তীব্র : মজাক। যে চাদর বসার জন্য পাতা হয়েছে, তাতে ছোপ ছোপ দাগ। কীসের দাগ? রঙের? একবার রক্ত কথাটি এসে দ্রুত চলে যায়। দাগ ধরা চাদরে বসে সবাই কী কী মজা করছে, তার বর্ণনায় চুক্তে পড়ে কবিতাটি। একজন খুব হাইচাই করছে। সে যেন তুমুলভাবে মেতে থাকতে চায় হলোড়ে। একদিকে বিবাহিত মাঝবয়সি মহিলারা বসেছেন, ও পাশে কিশোরীরা। একজনের মধ্য থেকে স্ফূর্তির ফোয়ারা যেন ভস্তুসিয়ে উঠছে। সে নিজেই জানে চুপ মেরে যাবে একটু পরে। সকলের স্ফূর্তি উপরাগের বর্ণনাটি তুলনাহীন। যা তৃতীয় স্তবকে আছে। আছে এ কথাও, উন্নুন যা কেবলোদিন ধরে উঠতে পারে না পুরোটা, তাকে আমরা জ্বলে দেব হাদয়ের মুহূর্বত, মাঝেদিয়ে দিয়ে। এই মুহূর্বত কথাটা কিন্তু আচমকা আসেনি। কে জানে, ওই হলোড়ের মধ্যে হিন্দি ছবির গানও হচ্ছিল কি না। এই হাইচাই-এর যা ধরন, তাতে হওয়াই ঝাঞ্জারিক। কিন্তু এই কবি মুহূর্বত-এর আগে হাদয়কে রেখে সংঘর্ষ তৈরি করেছেন, দিল কথাটাকে কোনোভাবে আনেননি কিন্তু! অন্যদিকে মুহূর্বত আনবার আগে মজাককে এনে রেখেছেন। আর শুরুতেই তো বলে নিয়েছেন ‘উড়াতে এসেছি মজা’ মজা করতে এসেছি তো বলেননি। অর্থাৎ মুহূর্বত-এর পূর্বভূমিকা হিসেবে শুধু নয়, বিশেষ একটি বাকভঙ্গি, হিন্দি-মেশানো এই বুলি, প্রথম থেকেই মিশিয়ে আসছেন। কেন-না, এই কবিতাটির যে প্রধান অস্ত্র শ্লেষ। তা আরও তীক্ষ্ণ ভাবে ফুটে উঠছে। আসলে এই শ্লেষের অস্তরালে আছে গভীর যন্ত্রণা। যে যন্ত্রণায় একজন ছটফট করছে। আর যন্ত্রণাকে বুঝতে না দেওয়ার জন্য, সেই ছটফটানিকে যেমন রূপান্তরিত করছে প্রবল হলোড়ে, যেন সবচেয়ে বেশি মেতে আছে সে-ই, এমন একটা ভাব দেখাচ্ছে—এই কবিতাটিও তেমনই শ্লেষের আড়ালে ঢাকতে ঢেস্টা করছে তার তীব্র কষ্ট। কার জন্য কষ্ট পাচ্ছে এই কবিতা? মায়াদির জন্য। এমনই একটা পিকনিকে আগের বার, মায়াদিও ছিল। যে মায়াদি আর নেই। পুড়ে মরে গেছে। গায়ে আগুন লেগে। আস্থাহত্যার কথা স্পষ্ট করে বলা নেই, কিন্তু ‘শেষ সময়ে ভুল বুঝতে পেরে’—এই বাক্যাংশের মধ্যে আস্থাহত্যার হিসিত আছে। বেডকভারে যে ছোপ ছোপ দাগ কি সেই পোড়া ছাপ। নাকি রঙের? তা কখনও হয় নাকি? ওই চাদর কেউ ব্যবহার করে কখনও? মনে হয় কথাটিকে আক্ষরিকভাবে বোওয়ার কথা বলাত্তে না কবিতাটি। আসলে, এত লোকের মধ্যে একজনের শুধু মনে পড়ছে

: 'মায়াদিও ছিল না রে?' একবার নয় বারবার মনে পড়ছে। পিকনিক করতে আসার শুরু থেকে মনে পড়ছে। তাই জন্যই না কবিতা আরম্ভের বাক্য : 'উড়াতে এসেছি মজা!' দ্যাখো তুমি ওইভাবে মরে গেলে, কিন্তু আমরা মজা করতে এসেছি। এখানে আরও একটু তথ্য চাপা অবস্থায় রয়ে গেছে। কোনো একজনের উদাসীনতা। রূপি নামে কেউ। যার বাড়ি থেকে এই পিকনিকের অনেক জিনিসপত্র এসেছে। 'হানাবাড়ি' কথাটা ব্যবহার করা আছে এখানে। অর্থাৎ এই সেই বাড়ি, যে বাড়িতে ওই 'মায়াদি'-র অপঘাত ঘটেছিল সে ইঙ্গিত স্পষ্ট। রূপির প্রতি একটু ভর্তসনাও আছে। যে ভর্তসনা আসলে নিজেকে। 'কেন এসেছি? কেন এসেছি?' এবং শেষ লাইনে যে ভর্তসনা চূড়ায় পৌঁছোয় : আমরা সকলে মিলে মজা মারছি যেটার ওপরে। পাঠক শিউরে ওঠে শেষ লাইনটিতে এসে। মনে হয় আমিই যেন বসে আছি ওই বেডকভারের ওপর। আমিও সমান অপরাধী। আমি পাঠক, কিন্তু জীবনে এমন ভুলে যাওয়ার মুহূর্ত, ভুলে গিয়ে মজা করবার মুহূর্ত কি আমিও কাটাইনি?

স্বজনের প্রতি, বস্তুর প্রতিই তীব্র ভালোবাসার কবিতা রচিত হয়েছে এক গভীর অপরাধবোধ মেশানো শোকের দ্বারা দন্ত হতে হতে। অর্থ সেই দন্ত হওয়াকে প্রথম থেকে লুকিয়েছে হাসিঠাটা, শ্লেষের আড়াল। যন্ত্রণার সহেদরা শ্লেষ। যে শ্লেষ অপরকে, বা কোনো প্রতিপক্ষকে বিদ্ধ করে না। বিদ্ধ করে নিজেকে। নিজের কৃতকর্মকে। নিজের ভুলে যাওয়াকে। সারক্ষণ আনন্দ করার কথা বলছে রুবিভুটি আর সে পিঠে করে বইছে প্রচণ্ড ভারী একটি মৃত্যুঘটনা। এই সংঘর্ষটিকে সারাঞ্জন ধরে রয়েছে কবিতা। 'হাদয়ের মুহূর্ত' শব্দটি ব্যবহারের মধ্যে যে সংঘর্ষ বেরিয়ে আসে স্ফুলিঙ্গ তুলে, তা সেই কারণেই আরোপিত বলে মনে হয় না। কবিতাটির ভেতরেই তো সেই সংঘর্ষ সারক্ষণ চলেছে।

যে কবিতাগুলোর কথা লিখলাম, সে সব কবিতাই আমাদের জানায় দরদ-এর কথা। মমতার কথা। অনিবারণীয় ভালোবাসার কথা। মনে রাখতে হবে, কবি যশোধরা রায়চৌধুরী, এই কবিতাবলিতে যে চরিত্রদের এনেছেন, তারা কেউই কিন্তু কবির খুব কাছের মানুষ নন, পড়লেই বোঝা যায়। এমনকি এই মায়াদিও ঠিক বস্তু নন। চেনাশোনা। অনেকটা বস্তুর মতো হতেও পারেন। 'সেবারের পিকনিকে মায়াদিও ছিল না রে?' এই জিজ্ঞাসার মধ্য দিয়ে মায়াদির সঙ্গে সম্পর্কের দূরত্বকুণ্ড বোঝা যায়। কিন্তু সব দূরত্ব ঘূচিয়ে অনাদ্যীয়কে আদ্যীয় করেছেন কবি। মানুষগুলোকে পাঠকের একান্ত নিজের করে তুলেছেন। এই কাজ পৃথিবীতে সম্ভব করতে পারে ভালোবাসা। এই রকম ভালোবাসাকে সঙ্গী করতে করতে রাস্তা হাঁটছে যশোধরা রায়চৌধুরীর কবিতা। আমরা তাকিয়ে আছি।



১১

ডায়েরি লেখার মতো একদিন কবিতা লেখা আরম্ভ করেছিলাম। সত্যি বলতে, ‘একদিন আরম্ভ করেছিলাম’ কথাটা ঠিক বলা হল না। ডায়েরি লিখতাম। কেন, তা জানি না। অথবা এখন ভেবে দেখতে গেলে, জানি। ব্যাপারটা কল মাথায় কথা আসত। রাস্তা দিয়ে যাচ্ছি দোকানে। মা কিছু কিনতে দিয়েছে শিশুদ্বারা কল মাথায় কথা আসত। রাস্তা দিয়ে যাচ্ছি দোকানে। মা কিছু কিনতে দিয়েছে শিশুদ্বারা কল মাথায় কথা আসত। দাঁড়িয়ে আছি। শিশুদ্বা জিঞ্জেস করলেন, কী দেব? উত্তর দিতে দেরি করছি। শিশুদ্বা বললেন, কী রে, কী নিতে এসেছিস ভুলে গিয়েছিস? না, না, ভুলে গিয়েছি। বললাম। কিন্তু কেন দেরি করছিলাম উত্তর দিতে? মাথায় কথা আসছিল। এমন সব কথা যার সঙ্গে শিশুদ্বার দোকান, মা-র আনতে বলা জিনিসপত্র, হাতে ধরা টাক্কা কানো কিছুরই সম্পর্ক নেই। এমনিই কতগুলো লাইন পরপর মনে আসছে। আবার ভুল বললাম। লাইন বলাটা ভুল। তখন তো লিখি না। ফলে লাইন হিসেবে মনে আসছে না। কয়েকটা কথা হিসেবে মনে আসছে। একেবারেই গদ্যকথা। ছন্দমিল কবিতার ছাঁদ এসব কিছুই নেই তাতে। কারও সঙ্গে যেন কথা বলছি, ওইভাবে আসছে। বেশ একঘণ্টা, দেড়ঘণ্টা মনের মধ্যে ওইরকম কথার এসে পড়া চলছে। কার সঙ্গে কথা বলছি জানি না কিন্তু। শুধু বলছি। ওই দু-একঘণ্টা একটা ঘোরের মধ্যেই যেন আছি। তারপর একসময় সেই ঘোরটা আবার চলেও যাচ্ছে। আপনমনে একা কথা বলে যাওয়া চলতে চলতে অনেক সময় জোরে জোরেও কথা বলে ফেলতাম। কবে যেন একসময় অর্ধেক ফুরোনো একটা অক্ষ খাতার মাঝামাঝি জায়গা থেকে লিখতে শুরু করলাম। মনে যা আসে তাই। সেটা ছিল পুরোপুরি গদ্য। একদিন দেখি, ভাই তার বন্ধুদের সামনে সেই খাতা থেকে জোরে জোরে পড়ে শোনাচ্ছে। আমি যাওয়া মাত্র, সবাই আমাকে দেখে খুব হ্যাঁ হ্যাঁ করে হাসতে শুরু করল। আমি আর ভাই এক ক্লাসে পড়েছি। আমার পুনরাই ছিল ভাইয়ের বন্ধু। মর্মাণ্ডিক রাগে দৃঢ়ে আমি তখন ভাবছি বাড়ির পিছনের পুনর্বাস্তায় দুনে মরি।

সেই খাতা ছিঁড়ে ফেললাম। সিদ্ধান্ত নিলাম আর কখনও ওপথে যাব না। ডায়েরি লেখা বন্ধ করে দিলাম। ভাই অবশ্য মাঝে মাঝে বিচ্ছিরি হেসে জিজেস করত, আর লিখছিস না?

বন্ধ তো করলাম কিন্তু স্বভাব গেল না। একলা থাকলেই মাথায় কথা আসে। আপন মনে জোরে কথা বলার অভ্যাস থেকে সরে যাব বলে খাতায় লিখতাম কারণ লেখার মধ্যে গেলে আর বিড়বিড় করার পাগলামোটা লোকের চোখে পড়বে না। কিন্তু সেই তো আবার আপনমনে কথা বলার প্রয়োচনা অস্তর থেকে শুরু হল। শেষমেশ আবার খাতাকলম টেনে নিলাম। জানি, যে, আমার কথাটা আমি লুকিয়ে রাখতে পারব না। আমার ভাই ঠিক খুঁজে বার করবে। তাই এবার লিখতে শুরু করার সময় একটা মতলব করলাম। লিখব, কিন্তু এমনভাবে লিখব যে ভাই পড়লেও ব্যাপারটা ধরতে পারবে না। ইশারা দিয়ে দিয়ে লিখব। অর্থাৎ লিখতে চাই, আবার একইসঙ্গে লেখার বিষয়টাকে আড়ালও করতে চাই। একইসঙ্গে নিজেকে প্রকাশ করা আবার নিজেকে লুকিয়ে রাখা এই অস্তুত একটা পদ্ধতির মধ্যে নিজের অজাস্তেই নেমে পড়ছিলাম। তারপর কখন একসময় কবিতা লেখার মধ্যে এসে পড়লাম। দেখলাম, যা লিখছি তা কবিতা-আকার দিয়েই লিখতে চেষ্টা করছি। গদ্যর আকারে আর কিছু লিখছি না। অবশ্য কবিতা পড়বার অভ্যাস আমর ছিল ওই শৈশব কৈশোরের সময়টাতেই। দেশ নিয়মিত পড়তাম। তাতে কবিতার ঘটা থাকত। পুজো সংখ্যাগুলোতে থাকত অনেক পাতা কবিতা। সেসব কবিতা পড়ে শ্রদ্ধে কিছুই বুঝতাম না। কিন্তু কেন যেন আবার ফিরে ফিরে পড়তাম। একটা লহীয়, আবছাভাবে হয়তো গেঁথে রইল মনে। কোনো কোনো কবিতা পড়ে হতবুদ্ধি হয়ে থাকতাম। তারপর তো একসময় নিজেই একটা দুটো করে কবিতা লিখতে শুরু করে নিলাম। টুকরো-টাকরা কাগজে লিখি। লিখে একটা বড়ো লম্বা সাইজের খাতার মধ্যে টুকরো কাগজগুলো ভাঁজ করে রাখি। ওই খাতাটা যেন সিদ্ধুক আমার। খুব দামি সব শ্রাণমাণিক্য রাখা আছে। তখনও কেউ জানে না আমার কবিতা লেখার কথা। কিন্তু একটা জিনিস বুঝতে পারলাম।

কবিতা লিখলে একটা গভীর আনন্দ হয়। কাউকে বলি না, কিন্তু মন্টা কেমন একটা আলোয় ভরে থাকে। রাতের বেলা, যখন ওই খাতা বা সিদ্ধুকটা খুলি, টুকরো কাগজগুলো দেখি, তখন কেমন একটা রোমাঞ্চ হয়। সবশেষে যেটা লিখেছি, হয়তো সেদিনই দুপুরে—সেই কাগজটা দেখি সবার শেষে।

কবিতা পড়াটাও তখন পাগলের মতো। যা পাই তাই পড়ি। এর কিছুদিন আগে জানতে পেরেছি লিটল ম্যাগাজিনের জগৎ-এর কথা। একটি ক্রিকেট ফ্লাবের চোদ্দো নম্বর খেলোয়াড় ছিলাম আমি। জল নিয়ে মাঠে চুকত টুয়েলভথ ম্যান। ব্যাট বদলে দিতে হলেও সে যেত। ফিল্ডিং-এ নামত মাঝে মাঝে। তারপরও কোনো দরকার হলে তেরো নম্বর যেত। চোদ্দো নম্বরকে কখনোই কারও দরকার হত না। তা ছাড়া টুয়েলভথ ম্যান পরের ম্যাচে চেঞ্জ হত। সে হয়তো শ্রথম এগারোয় ঢুকে গেল। কিন্তু চোদ্দো নম্বর কোনোদিন চেঞ্জ হত না। আমি মাঠের বাইরে বসে দলের জয়ের সম্ভাবনা দেখা দিলে তার উত্তেজনা ও

উল্লাসে অংশ নিতাম। টিম হারলে সকলের সঙ্গে বিষণ্ণ হতাম। এর বেশি নয়। তবে খেলা থাকলে সকাল সাড়ে ন-টার মধ্যে চানটান করে সাদা জামা-প্যান্ট পরে মাঠে চলে যেতাম। অনেকে হাসত। আমাদের ট্রেনার ভৃগুবাবু বলতেন, এসেছ, ভালো হয়েছে, নরেনকে সঙ্গে নিয়ে যাও ওই প্যাডটা সেলাই করে নিয়ে এসো। অথবা যাও তো সাধনের দোকান থেকে চট করে একটা বল কিনে আনো। এই নাও টাকা। কিছু একটা কাজ করতে দিয়ে শুরুত্ব দিতেন আমাকে।

এই ভৃগুবাবু লোকটি ছিলেন কিছু আস্তুত। নেটে, প্র্যাকটিসের সময় বলতেন, পরেশকে দেখেছ, যেন ভিন্ন মানকড়ের মতো ফ্লাইট দিচ্ছে। কিংবা বাঃ বাঃ, পেঁয়াজি ব্যাকফুটে তো একেবারে ওরেলের মতো। কাউকে কভারে দাঁড় করালেন, বললেন শোন, মনে রাখবি হ্যাম্প কভারে দাঁড়াত। ভৃগুবাবু ছিলেন রোগা, ছ-ফিট লম্বা, ঈগলের মতো নাক, তীক্ষ্ণ চোখ—সামনে কেউ কিছু বলতে পারত না। আড়ালে হাসত। কলকাতার প্রথম ডিভিশনে ক্রিকেট খেলেছেন এই ভৃগুবাবু। আমি বাউভারি লাইনের ওপার থেকে চার হওয়া বলগুলো কুড়িয়ে, ফেরত পাঠাতাম আর দেখতাম আমাদের ছোট এই মফসস্ল টাউনের গাছেরা বেলতলা ঘাঠ কীভাবে যেন লর্ডস বা মেলবোর্ন-এ রূপালভিত হচ্ছে, আমাদের খেলার সঙ্গীরা সব ইতিহাসপ্রসিঙ্গ খেলোয়াড়ে পরিবর্তিত হচ্ছে। পোড়াড়তে গাদা করা ইংরেজি-বাংলা ক্রিকেট বই ছিল ভৃগুবাবুর। সঙ্গেবেলা ফেরার প্রম্যুক্তি প্রায়ই একটা করে নিয়ে আসতাম। আজ বুঝি, কবিতার বীজ, আমার জীবনে ভৃগুবাবুর হাত ধরেও এসেছে। ক্রিকেট যে একটা মহান খেলা, আর আমরা যে ক্রিকেট নই কেবল কোনোভাবে এই বড়ো খেলাটার সঙ্গে সংযুক্ত হয়েছি বলেই—বিরাট একটি ঐতিহ্যের অংশ ধরে যে আমরা এসেছি— এমনই কিছু তিনি মনে করিবেন নিজে চাহিতেন তাঁর ছেলেদের। একটি সাধারণ জায়গায় দাঁড়িয়ে, কোনো দূর অসাধারণকে কল্পনায় আনা আমার তাঁর কাছেই শেখা। এই ধরনের দৃষ্টিভঙ্গি নিশ্চয়ই আজ অচল। কিন্তু সেদিন আমাকে রোমাঞ্চিত করত তাঁর শুইরকম সব কথা। আজও করে।

এই ভৃগুবাবু, আমাদের সেই নবাকুর ক্লাব থেকে, প্রতি বছর পুজোর তিনদিন ধরে একটা প্রদর্শনীর আয়োজন করতেন। স্থানীয় একটি স্কুলে তিনটি ঘর নিয়ে প্রদর্শনী হত। চিত্রকলা ও লিট্টল ম্যাগাজিনের প্রদর্শনী। দুটি বড়ো ক্লাসরুমে টাঙ্গানো ছিবি। আর একটি ঘরে বিছিয়ে রাখা অজস্র লিট্টল ম্যাগাজিন। সারা বাংলা খুঁজে ভৃগুবাবু সেইসব লিট্টল ম্যাগাজিন সংগ্রহ করে আনতেন প্রদর্শনীর জন্য। আমি, একজন ভলান্টিয়ার হিসেবে পুজোর তিনদিন লিট্টল ম্যাগাজিনগুলোর সামনে দাঁড়িয়ে থাকতাম। মাঝে মাঝে পাতা উলটে পড়তাম। লিট্টল ম্যাগাজিন নামক বহুমাত্রিক আলোকবিজ্ঞুরণকারী বস্তুটির সঙ্গে ভৃগুবাবুই আমার পরিচয় করিয়ে দেন, সেই শেষ-ষাট, প্রথম-সপ্তাহে।

তিনদিনের এগজিবিশন মিটে যাওয়ার পরে, ভৃগুবাবুর বাড়ি থেকেও উঁই করা পত্র পত্রিকা বাড়ি নিয়ে আসতাম আমি। আধুনিক কবিতার বিরাট ও বৈচিত্র্যময় জগতের সঙ্গে

তখন আমার জানাশোনা পুরোদমে শুরু হয়ে গিয়েছে। অন্য একটা জিনিসও হত। ছাপা কবিতাগুলো পড়বার পর অনেকসময় মনে হত, আমার নিজের লেখাগুলো কী খারাপ! পাশাপাশি মিলিয়ে দেখতাম। আবার একটা কবিতা যদি খুব ভালো লাগল, ভালো লাগল মনে সবটা তো বুঝিনি, কিছুটা ভালো লেগেছে, সেই রকম লেখা—তাকে পাশে রেখে ওইরকম আরেকটা কবিতা লেখার চেষ্টাও করতাম, করেছি। তাহলে হয়তো আমার লেখাটা একটু ভালো হবে। খুব নকল করার চেষ্টা করতাম রত্নেশ্বর হাজরার কবিতা। ওঁর একটা কবিতার ফাস্ট লাইন হচ্ছে, ‘এই ছন্দে চুরি হয় চোখ থেকে ঘূম আর আস্তাবল থেকে ঘোড়াগুলো।’ এমন একটা লাইন যে লিখেছে সে তো দেবতা! প্রথম লাইনটা পড়ে চোখ বুজে বসে রইলাম। তারপর পুরো কবিতাটা তন্ম তন্ম করে পড়লাম। কী ছন্দে যে চোখ থেকে ঘূম আর আস্তাবল থেকে ঘোড়া চুরি হচ্ছে সেটা কিন্তু কোথাও লেখেনি। ততদিনে এতটুকু বুদ্ধি হয়েছে যে বুবাতে পারছি এই ছন্দটা কিন্তু ঠিক কবিতার ছন্দ নয়। মাত্রাবৃত্ত, অক্ষরবৃত্ত বা স্বরবৃত্তের কথা বলছে না। অন্য কোনো ছন্দ, যা হয়তো জীবনের কোনো রহস্য, কিছু একটা সকলের অগোচরে হয়—সে কথা বলছে! কিন্তু, তবু সেই ঘোলো-আঠারো লাইনের কবিতাটার আগাপাশতলা খুঁজে মরছি, যদি মেঝেও বলে ছন্দটা আসলে কী। বললাই না। তখন আস্তে আস্তে বুবাতে পারছি কবিতা তাহলে বলব বলোও কিছু কথা বলে না। এমনকি, মূল কথাটাও সে গোপন করে যেতে পারে। কবিতার তখন এমন মুড়—মূল কথাটার ক্ষেত্রেই চুপ করে থাকল। অনেক সময় হয় না, কারও কাছে একটা কিছু বলতে গেছি, কিছুতেই বলতে পারলাম না। কথাটার আশপাশ দিয়ে ঘোরাঘুরি করে চলে এলাম।

অথবা মূল কথাটা হতে পারে যাক হোল-এর মতো। তাকে দেখবার তো কোনো উপায় নেই। কারণ কোনো বিকলিষ্টসে পাঠাচ্ছে না। কিন্তু তার চারপাশে মহাকাশের মধ্যে যে গ্রহ-নক্ষত্ররা রয়েছে, সেইসব আকাশ বস্ত্রের তো কিছু কিছু প্রতিক্রিয়া হয় কাছাকাছি ঝ্যাকহোল থাকলে—তাদের প্রতিক্রিয়াগুলো পরিমাপ করেই বোঝা যায় ঝ্যাকহোল কোথায় আছে, কী ধরনের চরিত্র তার—সেইরকম আর কী।

সেইসময় একজন খুব লিখতেন, অলোকন্ধার মুখোপাধ্যায়। তাঁর লেখায় পড়লাম,

এইভাবে শীত আসে, এসে থামে আমাদের পুরোনো উঠোনে
উনোনের আঁচে মুখ লাল করে তুমি বুনে নাও মোজা
ছোটো মেয়েটার সোয়েটার...

ভেতরটা যেন কেমন হয়ে গেল। ছেট ছেট স্পর্শ। আমাদের তো বারান্দার সামনে উঠোনে আছে। লেবু গাছ আম গাছ পেয়ারা গাছ। শিউলি আর রজনিগঙ্ক। কয়েকটা পেঁপেগাছও। আমাদের উঠোনটাকে দেখতে পেলাম। না-দেখা একটি মেয়েকে দেখতে পেলাম। যে উনোনের আঁচে মুখ লাল করে সোয়েটার বুনছে। তখনও তো আমার জীবনে

কোনো গোয়ে আসেনি। কবিতার মধ্য দিয়ে এল। শামসের আনোয়ারের লেখায়
দেখলাম :

লঠনের পাশে জুলে রয়েছে তোমার মুখ
যেন অপর একটি লঠন।

মনে হল এর চেয়ে সুন্দর কোনো মেয়েকে দেখিনি। আর বাস্তব জীবনে রাস্তায়
কোনো মেয়ের মুখোমুখি পড়ে গেলে তখন সাহস করে তাকাতে পারি না।

শশ্রূনাথ চট্টোপাধ্যায়ের লেখায় পড়লাম

এমন আশচর্য কিছু স্মৃতিচিহ্ন
যা তোমাকে দিতে পারি

তুমি তো নিজেই স্মৃতি, অগয়অঙ্গুরী
আমি অনামিকা থেকে কখনও খুলি না, কোনোসমি...


অথচ আমাকে তুমি কী সহজে বসিয়ে দেবেছ
প্রতীক্ষার রেঙ্গোরাঁয়, কফি দিয়ে,
নিজে গেছ নতুন দোকানে
কী যেন ভীষণ ভালো বৃক্ষমুক্তি কিনে নেবে বলে
আমার পছন্দ ছিল অন্যকিছি, সামুদ্রিক ঝিনুকের মালা
এ জীবনে, সে-মালা নেওয়াই আর কখনও হবে না

এই শেষ বিকলের নরম আলোয় তুমি এখনও
ফেরোনি...

এবার্ডিন মার্কেটে কিউরিও শপ

এ কবিতা পড়ে তখন বুকের ভিতর টনটন করে উঠত। মনে হত আসুক, কেউ আসুক।
ওই কবিতার মেয়েটির মতোই, ছেড়ে যাওয়ার জন্যই আসুক। তারপর সত্যিই ছেড়ে যাক
একদিন। আমি বসে থাকি। যদি লিখতে পারি অমন একটি কবিতা।

কবিতাটিতে যে শেষ বিকলের কথা বলা আছে, আজ আমার জীবন এসে পৌঁছেছে
তার কাছাকাছি কোনো অপরাহ্নকালে। আজ আর কারও আসবাব অপেক্ষা করি না। কারও
ছেড়ে যাওয়ার ভয় পাই না। কেবল দেখতে পাই ওই কবিতাটি থেকে পূর্বী রাগের কোমল
রে এসে প্রবেশ করছে আমার জীবনে। আমার কিশোরবেলার সকল জানা অজানা কবির
কথা মনে পড়ে তখন। তাঁরা না-থাকলে আমি যে কবিতার কাছে আসতেই পারতাম না।



১২

সেটা সন্তবত ৭৯ সাল। আমি তখন থাকি রানাঘাটে। শহরে এসেছি। দেখা হয়েছে এক কবি বন্ধুর সঙ্গে। আমরা বললাম একটা দোকানে। সে বলতা, চা খাবেন না কফি? আমি চা বলতে সে একটা চায়ের অর্ডার দিল। আর দুটো ক্ষেত্রফল। বললাম, আপনি চা খাবেন না। সে বলল, আমি এই সময়টা নীচে কিছু খাই মাস পরে বুরোছিলাম, তখন সঙ্গে নেমে গিয়েছিল। তখন তার মন অন্য নেশার জন্য চুক্তিফল করছিল। সেই অন্য নেশাই হল ওপরের নেশা। চা কফি সেখানে অনেক নীচে চুক্তিফর নেশাকে ঠিক নেশার পর্যায়ে ফেলা যায় না। সিগারেট অবশ্য নেশা। এবং স্মার্টিকর বলেই পরিচিত। সে নেশাও আমার নেই। ফলে নেশা নিয়ে কিছু লেখা তো আজোর অধিকারের মধ্যে পড়ে না।

শক্তি চট্টোপাধ্যায়ের সঙ্গে এক অফিসে কাজ করেছি এবং কবিতা লিখি, অথচ তাঁর সঙ্গে কখনও একপাত্র থাইনি—এ দিয়ে কেউ কি আমাকে ছ্যা ছ্যা করেনি? করেছে! তবে শক্তি চট্টোপাধ্যায়ের সঙ্গে সকলেরই এক আধটা গল্প আছে। আমারও কি নেই? একটা প্রায়-গল্প এই সূত্রে বলে নেওয়া যায়। দেশ পত্রিকার চাকরিতে তখন সদ্য চুকেছি। আমি বস্তাম শীর্ষেন্দু মুখোপাধ্যায়ের ঠিক পাশের চেয়ারে। একদিন সকাল এগারোটা নাগাদ শক্তিদা এলেন। তখনও শীর্ষেন্দু এসে পৌঁছোননি সেদিন। শক্তিদা সাধারণত সকালে ওই সদয়টায় এসে সাগরদার ঘরে চুকে কথাবার্তা বলতেন, আর আমার টেবিলে এসে পৌঁছোত শক্তিদার নতুন একটা বা দুটো কবিতা। ঝকঝকে হস্তাক্ষরে লেখা। পাশে সাগরদার সই, S.C.। আমি গোগ্যাসে কবিতা দুটো পড়েই পাশে পয়েন্ট মার্কিং করতে শুরু করতাম প্রেসে পাঠানোর জন্য। সেদিন কিন্তু শক্তিদা সাগরদার ঘরে গেলেন না। বরং আমার পিছনে দাঁড়িয়ে বললেন, কী করছ? আমি তো উঠে দাঁড়িয়েছি। কিছু না, শক্তিদা। শক্তিদা বললেন, ধোঁয়া, বেঁড়য়ে আসি।

আঞ্চলিক ভাবে এই গান্ধাটিই বললেন, আমি একটও বানিয়ে বলছি না। কারণ, পাঠকের

এ কথা হয়তো মনে পড়ে গেছে যে, 'চলো বেড়িয়ে আসি' নামে শক্তি চট্টোপাধ্যায়ের একটি ভ্রমণের বই আছে। আমি মন্ত্রমুক্তের মতো আবার কিছুটা ভয়ে ভয়েও, পিছু পিছু চললাম। উনি আনন্দবাজার অফিস থেকে বেরিয়ে পাশের চাং-হোয়া রেস্টোরাঁয় গিয়ে বসলেন। শশব্যস্ত ওয়েটার দৌড়ে আসতেই বললেন, দুটো। ব্যস, আর কিছু না।

আমি ঘামছি। দুটো? কার জন্য দুটো? শক্তিদা বললেন, জয়, একটু রাম খেয়ে দেখবে নাকি? করুণ স্বরে আমার উত্তর বেরোল: আমি কোনোদিন খাইনি শক্তিদা! আর কিছু বললেন না। ওয়েটার আসতেই বললেন, দাও, দুটোই এদিকে। কিছুক্ষণ পর যখন ফিরে এলাম অফিসে, তখন শীর্ষেন্দুদা এসে গিয়েছেন। কিছু একটা লিখছেন। ঘরে আগে শক্তিদা তুকলেন, পরে আমি। শীর্ষেন্দুদা মুখ তুলে বললেন, আয় শক্তি। তারপরেই আমাকে দেখে চমকে গিয়ে, আরে, জয় তোর সঙ্গে কোথায় গিয়েছিল? শক্তিদা বললেন, এই একটু বেড়িয়ে এলাম। শীর্ষেন্দু আমাকে আপদমস্তক পর্যবেক্ষণ করলেন। তারপর কিছুটা আশ্চর্ষ ভঙ্গিতে পুনরায় খাতা কলমের দিকে মুখ ফেরাতে ফেরাতে বললেন, ও। তা তুই একাই বেড়ালি, না জয়ও বেড়াল? গল্পটি যদিও শক্তিদাকে নিয়ে, তবু, এ-খেলায় জয়সূচক রানটি শেষে নেমে শীর্ষেন্দুদাই নিয়েছিলেন।

আমার নেশার গল্প এইটুকুতেই শেষ। কিন্তু আমারও কি নেশা হয় না?

নাটকে নেশা হয়। নেশা হয় গানে। এক নাটক ঘুরে ঘুরে দেখি। সেও কি নেশা নয়? এক গান বাবাবার শুনি। সেও তো নেশা। সুমন কবীর সুমন, প্রতি রবিবার বসেন ছোটো এক আজ্ঞায়। গান নিয়ে কথা বলেন, আজ্ঞাজনে গেয়ে শোনান, কয়েকজন তরুণ বন্ধুর সামনে। বাড়ি ফিরে আসার পর রাত্রে ঘোর লেগে যায়। পরদিন, সকালে, লিখতে বসে, স্পষ্ট হ্যাঙ্গভার চলে। কোনো ক্ষণে মন দিতে পারি না। গত সন্ধ্যার কথা আর গান ঘুরতে থাকে মনে।

আরেক আমার সুরের বন্ধু, তিনি যন্ত্রী, সরোদ বাদক তেজেন্দ্রনারায়ণ। এক সন্ধেয় বসে আছি তার কাছে, কথা বলতে বলতে টেনে নিলেন যন্ত্র। বেহাগ, নট-বেহাগ ছায়া নট, জয়জয়ষ্ঠী, একটা পর একটায় চলে গেলেন যেন এমনই ভাবে চলে পথ।

এমন মাধুর্যময় আর অনায়াস সেই গমন রেখা—সারারাত আমার মধ্যে আবছা, অনতিস্পষ্ট এইসব সুরের চলাচল। লিখেছিলেন কবি বীতশোক ভট্টাচার্য একটি কবিতায়, “সঙ্গীত কেবল ছিল কল্পনায়, আমি শুধু চর্মচোখে প্রস্বর শুনেছি।” আমিও তাই, কোনো অঙ্গ পুরুষ যেমন তার নারীকে শুধু স্পর্শে স্পর্শে, হাত দিয়ে ছুঁয়ে ছুঁয়ে আসলে দেখবারই চেষ্টা করে, আমিও তাই। চর্মচোখে প্রস্বর শোনার চেষ্টা করি। কী অপূর্ব এই লাইনটি, যেখানে চোখ আর কান-কে পালটাপালটি করে নেওয়া হল।


আমার এই দুই সুরের বন্ধুর মধ্যে কিন্তু আলাপ পরিচয় নেই। পরম্পরের প্রতি যথোচিত শ্রদ্ধা নিয়ে তাঁরা যথ আছেন যে যার নিজের কাজের মধ্যে। আমি শুধু ভাবি, এরা দুজন গান নিয়ে কথা বলছেন, আর আমি সেখানে বসে আছি। খুব মিলিয়ে দিতে ইচ্ছে করে

ওঁদের। একদিন রাত্রে স্বপ্ন দেখলাম। একটা রাস্তা দিয়ে ওঁরা দুজন চলেছেন। আধা গ্রামা
রাস্তা। কালভার্টের নীচে জল। চারদিকে গাছ। গাছের পাতায় বৃষ্টিকণ। পিচ রাস্তার দু-ধারে
খেতভরা জল কাঁপছে বাতাস লেগে। ওঁরা দুজন গল্প করতে করতে চলেছেন আগে আগে।
গিছনে আমি আর আমার মেয়ে বুকুন; খানিকটা তফাতে। হঠাৎ ওঁরা দাঁড়ালেন, সুমন ফিরে
বললেন, ‘এই যে দেখুন, এই জায়গাটা হল গান্ধার।’ আমি বললাম, ‘তাই?’ তেজেন্দ্র
বললেন, ‘এইমাত্র কোমল গান্ধার পার হয়ে এলাম আমরা।’ আবার আমরা চলতে
লাগলাম। একটু পরেই সুমন থামলেন। বললেন, ‘বুকুন, এবার মধ্যম-এ এসেছি।’ ঠিক
আগে যেমন হয়েছিল। এবারও তাই হল। সমস্ত গাছের পাতার কাঁপন, জলভরা খেতের
ওপর দিয়ে বাতাস বয়ে যাওয়া, সব কিছু থেকে মৃদু সূর উঠছিল, গা-আ-আ। এবার মধ্যম
লেগে কাঁপছে সব। কিন্তু মৃদু সেই কাঁপন। আকাশে যে-রোদের আলো, সকালের রোদ,
সেও সূরে বলছে, মা-আ-আ। আবছা, অনতিস্পষ্ট সূর। আমি আর বুকুন, ওঁদের সঙ্গে
চলেছি। ওঁরা একমনে গল্প করতে করতে আগে হাঁটছেন। আসলে আমরা চলেছি যে-
রাস্তায় সেটি সপ্তকের পথ। সুমন বললেন, ‘পঞ্চম আসতে আর দেরি নেই। পঞ্চমে পৌছে
আমরা একটু দাঁড়াব। একটু বিশ্রাম নিয়ে আবার চলব। ওই দূরের গাছগুলো, ওইখানে
ধৈবত, নিষাদ।’

‘ওই, ওই যে।’ এখান থেকে তাদের ঝাপঝাপ শব্দ। আবার রোদ বিকশিক করে।
তেজেন্দ্র বললেন, ‘দূরে দূরে ওই যেসব পঞ্চমের দেখা যাচ্ছে, ওইখানে রাগরাগিণীরা
থাকেন। আমার খাঁ সাহেবের সঙ্গে আছেও এসেছি এখানে।’ আমি বললাম, এখানে
রাগরাগিণীরা থাকেন বুঝি? মারোয়াব সঙ্গে দেখা হয় না একবার? সুমন হাসলেন। আমরা
অতক্ষণ থাকব না। ওই ওই দিঘাপত্তির ধারে যে আকাশ ঢালু হয়ে গিয়েছে, ওইখানে শেষ
বিকেলে মারোয়া-র আসার কথা। তার আগেই আমরা ফিরে যাব। তা ছাড়া, মারোয়া তো
আসবেন উষ্টাদ আমীর খাঁ সাহেবের সঙ্গে দেখা করতে, সেসময় ওঁদের বিরক্ত করার
দরকার নেই। চলুন আমরা এগোই। পঞ্চম-এ আমরা পৌছে যাব এবার।

কিন্তু পঞ্চমে আসা পর্যন্ত আর দেখতে পাইনি এই স্বপ্ন। তার আগেই ঘোর ভেঙে
গিয়েছিল। মনে রয়ে গেল সেই সপ্তকের পথ, যেখানে কোনো জায়গায় গান্ধার বেজে
উঠছে অস্ফুটে কোথাও মধ্যম বেজে উঠছে। তারপরের সারাটা দিন মনে ঘূরে বেড়াচ্ছে
ওই দৃশ্য আর পরিবেশ। সারাক্ষণ যেন সেই গান্ধার আর মধ্যম পার হয়ে পঞ্চমের দিকে
যাচ্ছি। চারপাশের আলো আর জল সূরে কাঁপছে, জুলজুল করছে। ঘোর কাটছে না।

নেশার ঘোর কি একইরকম হয়? মনে হচ্ছে, আবার যদি এই স্বপ্নের ভেতরে ঢুকে
পড়তে পারতাম। নেশা করলে কি এক স্বপ্ন দু-বার দেখা যায়? কী জানি! কিন্তু নেশার
আমার দরকার কী? সুর দিয়েই তো আমি নেশার জগতে চলে যেতে পারি!



১৩

নালিশ

তখনও ট্রেনের কিছু দেরি আছে দেখে আমি নিরত হয়েছি
মিথ্যে এত ছুটোছুটি
রিকশা ওয়ালটার কাছে খুচরো পয়সা মেওয়াই হল না।
তখনও ট্রেনের কিছু দেরি ছিল তবে আমি
‘মাস্টার মাস্টার,
নালিশ লেখার খাতা! দেখ—
ব'লে তার আপিসে ঢোকেছ।

বিশাল খাতার মধ্যে দ্রুত লিখে ফেলি :
কেন যে ট্রেনেরা রোজ দেরি ক'রে আসে,—ক্ষতি হয়।

শুধু ওই?
শূন্য গ্যালারির মতো ঝলটানা প্রকাণ্ড কাগজ
অথচ এসেছে মাত্র ক'টি মৃদু কথা এক কোণে;
‘ক্ষতি হয়!’
ভেবে একটু লজ্জিত হলাম।
আসলে, নালিশ ছিল যথেষ্ট জোরালো
রেলকর্তৃপক্ষ কিংবা বিধাতা, সমাজ, রাজনীতি
জীবিকা বন্ধুত্ব—সব কিছুর বিরুদ্ধে ছিল বিষম বিক্ষেপ।

অথচ কলম খুললে হিংসা চলে যায়। মনে হয়
 ক্ষতি যা হ্বার তা-তো হয়ে গেছে
 ক্ষতি হল খুব,
 নষ্ট সময়ের স্তুপ ডেঙে তবু শব্দ আসে তার,
 একেবারে না-আসার চেয়ে সে কি ভালো নয়!

বিশাল খাতাটা পড়ে থাকে—
 দেরি করে যে এসেছে, ইচ্ছে করে, ভালোবাসি তাকে।

কবিতা বার্তা দেয়। কিছু একটা জানায় সে আমাকে। এখুনি যে কবিতাটি বললাম সে
 কবিতাটিও জানায়। শরৎকুমার মুখোপাধ্যায়ের লেখা এই কবিতা তাঁর অন্য অনেক খ্যাত-
 পরিচিত লেখার মধ্যে পড়ে না। এটি পাঠকের চোখ এড়িয়ে যাওয়া একটি লেখা। কিন্তু
 এই কবিতার মধ্যে আছে একটি দরকারি কথা। ট্রেনের জন্য অপেক্ষারত এক মানুষ তিন্ত-
 বিরক্ত হয়ে অভিযোগ করতে এসেছে স্টেশন মাস্টারের অফিসে। কমপ্লেক্স বুক চেয়ে
 নিয়েছে সে। তীব্র ক্ষোভের প্রকাশ এখানে রেখে যাবে নেই। আসলে তার নালিশ ট্রেন
 লেটকে উপলক্ষ্য করে হলেও, অনেক কিছুর জন্য জড়িথাকা ক্ষোভ একসঙ্গে তার ভিতরে
 কাজ করে তাকে নালিশ লেখার খাতার কাছে তেজ আনল। ব্যক্তিগত জীবনে বন্ধুর সঙ্গে
 মনোমালিন্য, জীবিকা বিষয়ক খুটিনাটি অসম্ভাব্য, সামাজিক নানা ঘটনাকে মেনে নিতে না
 পারা, অন্যায়ের প্রতিবাদ করার সুযোগ না সাহস না থাকা, সমস্তটা ভিতরে সঞ্চিত হয়ে ছিল
 দিনে দিনে। যেমন আমাদের সকলেই হয়। কত খারাপ লাগার কথা মুখ ফুটে বলতে পারি
 না আমরা। কিন্তু ভেতরে সমস্তটা জমে থাকে। ঘূর্ণি তৈরি করে। তারপর হঠাৎ ট্রেন লেট
 বা এই ধরনের কোনো ব্যাপার ঘটলে, সেই কারণটাকে সম্বল করে সমস্ত ক্ষোভটা বেরিয়ে
 আসতে চায়।

এখানেও তাই হল। প্রবল হাঁকড়াক করে তো আনানো হল কমপ্লেক্স বুক। কিন্তু কী
 লেখা হল তাতে?

লেখা হল, কেন যে ট্রেনেরা রোজ দেরি করে আসে—ক্ষতি হয়। সাধারণ একটি কথা,
 অত্যাঙ্গ নশ্বভাবে বলা। অত যে মনের মধ্যে ঘুরপাক খাওয়া অভিযোগ, সব কোথায় যেন
 হারিয়ে গেল। এর উত্তরই আছে তৃতীয় স্তরকের প্রথম লাইন। কী বলছে সেই লাইন।

অথচ কলম খুললে হিংসা চলে যায়।

এইটিই হল, সেই বার্তা! মনে রাখতে হবে, নালিশ লেখার খাতা যিনি আনিয়েছিলেন
 তিনি একজন কবি। কবির কাছে কলম খোলার অর্থ আলাদা। কলম যখনই সে স্পর্শ
 করছে, ভিতরকার লেখকধর্ম জেগে উঠছে তার অজান্তেই। একজন কবি যখন লেখেন,
 শব্দ বিশেষ প্রকাশ করার জন্য হিংসা প্রকাশ করার জন্য লেখেন না। তাই কলম খুলে
 নিখতে গেলেন ফোড়, ত্রেপ-- কিন্তু মুহূর্তে তা দূর হয়ে গেল।

বিদ্বেষ প্রকাশ করার জন্য লেখা নয়—এই বার্তা কবিতাটি আমাদের জানায়। আজকের দিনে খুবই জরুরি এই বার্তা। যদিও, এ কথা কারও মনে হতে পারে, আমি আমার চারপাশে তাকালে কি হিংসা দেখি না? সৃষ্টির মনের কথা মনে হয় দ্বেষ, এ কথা সেই কবেই কি লিখে রেখে যাননি জীবনানন্দ? তা ছাড়া আজকের দিনে চারিদিকে তাকালেই কোনো সহপাঠী, সহকর্মী, সহযাত্রী, সতীর্থের বদলে কেবল প্রতিদ্বন্দ্বীকে দেখা যায়। এই যথন সমাজের অবস্থা, তখন কবিতাকেই শুধু বিদ্বেষের বাইরে রাখা তো অনুচিত। সে তো জীবনের বাইরে চলে যাওয়া, সে তো একপ্রকার অসত্যকে প্রশংস্য দেওয়া। তাহলে তো এক ধরনের বানিয়ে তোলা লেখা হয়ে দাঁড়াবে বিদ্বেষের স্পর্শবর্জিত কবিতা! জীবনে বিদ্বেষ, জীবিকায় বিদ্বেষ, বিদ্যাচর্চার ক্ষেত্রেও বিদ্বেষ। শুধু কবিতাকে বিদ্বেষমুক্ত রাখতে হবে, এ কেমন কথা?

নতমন্তকে স্বীকার করি, ঠিক এই যুক্তি। নিশ্চয়ই বিদ্বেষের চর্চাও আসছে কবিতায় জীবন থেকেই তো কবিতা আসে, জীবনে যে বিদ্বেষ পোষণ করে বা বিদ্বেষের মুখোমুখি হয়, কবিতাতেও সে প্রতি-বিদ্বেষ আনুক।

ধরা যাক দু-জন বিজ্ঞানীর কথা। একজন হয়তো মিলজীতের পরিশ্রমে একটি ওষুধ তৈরি করলেন যা কোনো কালাঙ্গক ব্যাধির নিরাময় করে। আবার অন্য একজন তেমনই পরিশ্রম করে বানালেন এমন একটি তেজস্ত্বৰ্ত্তীষ্য, যা হয়তো বিমান থেকে প্রতিপক্ষ দেশের মাটিতে ছড়িয়ে দিলে সব শস্য মচে ফের, গাছ অফলা হয়, মাছ মরে ভেসে ওঠে, বক্ষ্যা হয় নারী-পুরুষ। দুজনেই শক্তিশালী বিজ্ঞানী। দুজনেরই উদ্ভাবনী ক্ষমতা প্রশংসনীয়। দুজনেই প্রতিভাবান। প্রশ্ন হল আমন্ত্রিত অনুযায়ী কে কোন দিকটা বেছে নেবেন। জানা যায়, লিওনার্দো দ্য ভিঞ্চির মচে শিল্পী, যিনি একজন ইঞ্জিনিয়ারও ছিলেন, নতুন যুদ্ধান্ত্রের নকশা করতেন, তার বিনিময়ে উপযুক্ত অর্থও নিতেন। বিজ্ঞানী আর্কিমিডিসও সে যুগের পক্ষে নতুন একাধিক অস্ত্র বানিয়ে ছিলেন। সুতরাং মারণাস্ত্র বানাতেও প্রতিভার প্রয়োজন। কবিতা দরকার ভালোবাসার কারণে। মারণাস্ত্র দরকার হিংসার কারণে।

এখানে আমি বলছি কলম খুললেই যার হিংসা চলে যায়, তার কথা। এমন লোক নেই তা নয়। হিংসা চলে গিয়ে কী আসে।

বলছি কী আসে। কমপ্লেন বুক, তার এক কোণে একটুখানি অসুবিধার কথা নিয়ে চুপ করে রয়েছে সে ছবিটা দেখি। তারপর?

বিশাল খাতাটা পড়ে থাকে—

দেরি করে যে এসেছে, ইচ্ছে করে, ভালোবাসি তাকে।

হিংসা চলে গিয়ে কী এল? ভালোবাসা এসে পড়ল। যদিও শেষ লাইনটা পড়ে বোঝা যায় এটা আর ট্রেন নিয়ে লেখা নয়। সম্পূর্ণ অন্য কারণে, নিশ্চিতই কোনো এক নারীকে মনের মধ্যে নিয়ে লেখা। কবিতার কোন লাইন যে কখন কার প্রতি যায়, সে কি কবি

নিজেও আগে থেকে জানেন? অথবা হয়তো আমারই ভুল। হয়তো বিশেষ কাউকে মনে
রেখে লেখা নয়। সেই ভালোবাসাকেই ভালোবাসা।

কিন্তু কবি তো প্রথমে মানুষ! মানুষেরই তো ধৈর্য টলে যায়। সব জানা, সব আত্মশিক্ষা
সত্ত্বেও কি সে কখনও বেসামাল হয়ে পড়ে না? আর তখন জন্মায় অনুশোচনা।
আত্মধিকার।

কেন তুমি

কেন তুমি হঠাতে ক্ষমার শিক্ষা ভুলে গেলে?

এত ক্রোধ

ভাল নয়, নেহাত নির্বোধ, সে-ও জানে।

কেন তুমি কঠ থেকে যজ্ঞ-উপবীত ছিঁড়ে ফেলে
ভাসালে গঙ্গায়?

যা কিছু তোমার পাশে যায় আসে

সবই তার তোমার রচনা, ইচ্ছাধীন।

তা তো নয়

একা তুমি কতকুকু পারো?

আছে ধারে-কাছে দের অন্তর্য আত্মীয় প্রতিবেশী

সন্তবত পরাথবিদ্বেষী, ইনমন্য, কিন্তু তুমি তাই বলে
ক্রোধী হবে, আরও ক্রোধী হবে?

মানুষ কী অনন্য বিষণ্ণ জীব

কী পরনির্ভর

তুমি পূর্বেও দেখেছ, দেখ নাই?

তবে কেন হঠাতে ক্ষমার শিক্ষা ভুলে গেলে?

কেন তুমি কঠ থেকে যজ্ঞ-উপবীত ছিঁড়ে ফেলে

ভাসালে গঙ্গায়?

এইসব কবিতা আমার কাছে ডায়েরির মতো। এক্ষেত্রে, আমার এই ডায়েরি লিখেছেন
শরৎকুমার মুখোপাধ্যায়। চারপাশের পৃথিবীর কথা না হয় দূরে থাক, নিজের একান্তজন
যারা, তারও কি আমার মত অনুযায়ী চলে? কেনই বা চলবে? সকলেই নিজের নিজের
মতো হবে। কিন্তু এই নিজের মতো হতে হতে কখনও কোনো সীমা ছাড়ানো নিষ্ঠুরতা ক্ষত
করে দেয় মনে। পুরোনো ক্ষত বহন করা এক কথা। আর আচমকা আঘাতের সামনে
দাঢ়ানো অন্য ডিনাস। এটসময় ধৈর্য ধরিয়ে যায়। নিমেষে ক্রোধ জাগে। আর ক্রোধ
দুনিয়ার পাঠক এক হও! ~ www.amarboi.com ~

প্রকাশের পর যখন শূন্য হয়ে যায় মাথা, অনুত্তাপ এসে ঘিরে ধরে, তখন এসে দাঁড়ায় এই কবিতা। এইরকম মুহূর্ত কি আমাদের সকলের জীবনেই কখনও-না-কখনও আসেনি?

আগের কবিতাটিতে রয়েছে অথচ কলম খুললে হিংসা চলে যায়। আর পরের লেখাটিতে আছে, কেন ভূমি যজ্ঞ-উপবীত ছিঁড়ে ফেলে ভাসালে গঙ্গায়। যখন মনের মধ্যে নালিশ জমে থাকে, নানা ক্ষোভ এসে কবির দৃষ্টির স্বচ্ছতাকে ঢেকে দেয় শুকনো মরা পাতা পড়ে ঢেকে যাওয়া দিঘির মতো। ব্যক্তিগত আপত্তি ও অপচন্দগুলোতে আটকে থাকে চোখ, মনে চাপা অশাস্ত্রির স্বোত চলতে থাকলে লেখায় তা মিশতে চায়—অন্যদিকে লেখা যে একটা মুক্তি। সেই মুক্তিটা হারিয়ে যায় তখন।

মুক্তি বলতে নির্গমনও বলতে পারে কেউ। যা ক্ষোভ তা উগরে দিলাম লেখাতেই। কেন-না লেখাই আমার রাস্তা। এ কথাও বলা যায়। যদিও নির্গমন আর মুক্তি ঠিক এক জিনিস নয়। মুক্তির মধ্যে একটি উচ্চতা আছে। একটা আকাশ আছে। নির্গমন বলতে মনে আসে নালা বা নর্দমা।

সেখানেই আসে দ্বিতীয় কবিতার লাইনটি। যজ্ঞ-উপবীত এসে পড়ে।

প্রাচীন ঝৰিরা যখন অভিশাপ দিতেন, উপবীত ছিন্ন করে অভিশাপ দিতেন, এ কথা আমাদের মনে আছে। যখন শাস্তি ঝৰি ক্রেয়ে হিতেন তখনই উপবীত ছিন্ন করার মতো ঘটনা ঘটত।

যজ্ঞ ও উপবীত-এর সঙ্গে ধ্যান কথাটির পূজা কথাটির সম্পর্ক আছে। এখানে আমি, কে ঈশ্বরবিশ্বাসী আর কে বিশ্বাসী নয়, সে কথা বলছি না। পূজা বা ধ্যান-এর সঙ্গে মনঃসংযোগ এবং গভীরভাবে মিলিষ্ট হওয়ার একটা অনুষঙ্গ চলে আসে। কবি যখন কবিতা লিখছেন, তখন, নিজের অজান্তেই তিনি, নিজের মনের এক ধরনের গভীর নিবিষ্ট অবস্থায় প্রবেশ করছেন। অস্তুত রচনার সময়টুকুতে বিশেষ একটি মনোনিবেশের ঘোরের মধ্যে চলে যাচ্ছেন। যাঁরা প্রেরণা নির্ভর রচনার বিরুদ্ধতা করেন, বলেন, প্রেরণা কেবল স্ফৱাবকবিদের এলাকা, তাঁদের সঙ্গেও আমার কোনো তর্ক নেই। আমি কেবল তাঁদের পাশে দাঁড়িয়ে, হাঁটতে হাঁটতে একটা কথা বলতে চাই। কথিত আছে, কোলরিজের প্রেরণানির্ভর কবিতা কুবলা খানের রচনা-বৃত্তান্ত শুনে পল ভালোরি নাকি বলেছিলেন, আমি সচেতন অবস্থায় গৌণ কবিতা লিখতে চাই বরং, কিন্তু অমন ভর-হওয়া প্রেরণাপ্রোতে ভাসমান অবস্থায় মহা কবিতাও লিখতে চাই না।

ঠিক, ভালোরি সম্পর্কে সকলেরই জানা যে, তিনি কবিতা লেখা বন্ধ করে দিয়ে কুড়ি বছর একাধিকসমে গণিতচর্চা করেছিলেন। কুড়ি বছরের জন্য কবিতা ছেড়ে গণিতের কাছে চলে যাওয়া এ বড়ো সাধারণ কথা নয়। আমাদের মনে পড়বে গণিতে কবিতায় যাঁর সমান যাতায়াত ছিল সেই বিনয় মজুমদারের কথা।

কিন্তু ভালোরি, সচেতন অবস্থায় যিনি গৌণ কবিতাই লিখতে চান, তিনি অন্য এক গায়গায় কবিতা বুচনা সম্পর্কে কী বলেছেন?

বলেছেন, প্রথম লাইনটা আসে স্বর্গ থেকে, বাকিটা তুমি তৈরি করে নাও। তাহলে? এটা কোথাও স্থীকার করছেন যে প্রথম লাইনটা স্বর্গ থেকে আসছে! অর্থাৎ কোনো অজানা থেকে আসছে। নিশ্চয়ই আমার নিজের ভিতরকারই কোনো অজানা? একেই প্রেরণা থেকে আসা বলতে দোষ নেই।

সেই অজানার, সেই স্বর্গের, সেই প্রেরণার সামান্য স্পর্শ ছাড়া হয়তো কোনো সত্যিকারের কবিতাই সম্ভব নয়। তবু, প্রথম লাইনটা তো স্বর্গ থেকে এল, তারপর বাকিটা যখন তুমি তৈরি করে নাও, তখন? তৈরি করে নেওয়ার সময়টা তুমি কী অবস্থায় থাকো? গভীর একটা মনোনিবেশের মধ্যে থাকো না? সারাদিন সামাজিক স্বাভাবিকতার যে অবস্থাটা তুমি বজায় রেখে চলেছ এতক্ষণ, লেখার সময়টা, সেই অন্যরকম মনোনিবেশের মধ্যে চলে গিয়ে তুমি একটু বেশি পরিমাণে একাকিন্ত্রের উপর বসে থাকো না! সেই একাকিন্ত্র তখন যেন এক পদ্ম যার উপর তুমি উপবেশন করেছ। সেই এক পদ্মাসন।

যদি ওই উপমা না-ও মেনে নাও, এটুকুই শুধু আমার বলার, যে, ওই মনোনিবেশের সময়টুকুই হল কবির পক্ষে ধ্যানের সময়। সেই তার পূজা। যখন বাকিটা তুমি তৈরি করে নাও, প্রেরণার বিরুদ্ধতা করেই হয়তো তৈরি করো, কিন্তু শুষ্ঠু পুরো সময়টা, এক মনে ওই পরিশ্রম, তোমার পক্ষে পূজানিবিষ্টতা। সেইজন্যই, যজ্ঞ-উৎসূত এত প্রাসঙ্গিক এই লেখায়। কারণ এই কবিতার লেখক, শরৎকুমার মুখোপাধ্যায়ে সারাজীবন ব্যয় করেছেন কবিতার সঙ্গে সঙ্গে থেকে। বাংলা ভাষার একজন প্রমাণকবি হিসেবে স্বীকৃতি পেয়েছেন চার দশকের বেশি। এখনও তাঁর কবিতা নতুনজনের জীবিত হয়ে উঠে, যেমন কয়েকদিন আগে পড়া ‘তুমই একা’ লেখাটি।

মনের মধ্যে যদি প্রতিহিংসার প্রয়োগ থাকে, কলম খুললেই তা চলে যায়। এ কথা ইনি বলতে পারেন। অনুত্তাপ করতে পারেন, উপবীত ছিঁড়ে কেন তুমি ভাসালে গঙ্গায়। ক্ষমা করতে পারলে মন শান্ত হয়। বিদ্বেষের বিষ চলে যায় মন থেকে। আর ক্রেষ্টী হলে মানুষ নিজেই তার উপবীত ছিঁড়ে ফেলে।

উপবীত স্পর্শ করে মন্ত্র জপেন, ধ্যান করেন পুরোহিত। আবারও বলি, পূজা, যজ্ঞ, ধ্যান এগুলোকে আচ্ছরিকভাবে চিহ্নিত করতে চাইছেন না আমাদের এই কবি। বলছেন কলম খুললে হিংসা চলে যায়। কবিতা যখন লিখছেন, কলম খুলছেন, মন একাগ্র হয়ে উঠছে। যেন যজ্ঞের সামনে পূজারি। উপবীত স্পর্শ করে মন্ত্রোচ্চারণের সময় মন একাগ্র হয়, ওই যজ্ঞাপ্রিয় সামনে। কবিতাও যখন তাঁর ধাতায় জুলছে, কবির মনও একাগ্র, নিবিষ্ট, তাঁর হাত কলম স্পর্শ করে রয়েছে। কবিতা রচনাই তখন এক যজ্ঞ। কলম আর যজ্ঞ-উপবীত আসলে একই কথা তাহলে। যা স্পর্শ করলে আঘ্যবিস্মরণকে অতিক্রম করতে পারা যায়। মনকে উদার ও বিস্তৃত করা যায়।

মানুষের মধ্যে যেমন ভালোবাসার চেয়ে প্রতিহিংসার শক্তি বেশিদিন ধরে কাজ করে, নথের বদলে নথ, চোখের বদলে চোখ উপড়ে নেওয়ার জন্য পৃথিবীর অধিকাংশ মানুষ যেমন হন্তে হয়ে আছে, কবিরও মধ্যে তো কাজ করে এই মানবস্বভাব। তাঁরা তো

মানবজাতির বাইরে নন। তাই প্রতিহিংসার কবিতা যেমন লেখা হয়, তেমনই—অথচ কলম খুললে হিংসা চলে যায়, এই অমোঘ সত্য, অত্যঙ্গ বিনীতভাবে উচ্চারিত হয়ে একপাশে দাঁড়িয়ে থাকে, অবিচলভাবে। রাগ বা ক্ষেত্রের কবিতাকে তখনই পাঠক বক্ষে ধারণ করে, যখন তা সময়ের কোনো আলোড়ন স্পর্শ করে। কোনো গণহত্যা, কোনো নিপীড়ন, শাসক বা রাষ্ট্রের অন্যায়ের বিরুদ্ধতা করে যে কবিতা, তা কখনও প্রতিহিংসার কবিতা নয়। তা আসলে আহত ভালোবাসার কবিতা। যেমন বীরেন্দ্র চট্টোপাধ্যায়ের কবিতা। কিংবা নেরুদা যখন লেখেন পরপর তিনবার একই লাইন :

কাম অ্যান্ড সি দি ব্লাড ইন দি স্ট্রিটস

কাম অ্যান্ড সি

দি ব্লাড ইন দি স্ট্রিটস

কাম অ্যান্ড সি দি ব্লাড

ইন দি স্ট্রিটস

তখন তা এক মন্ত্রোচ্চারণই হয়ে যায়। ক্রোধী মন্ত্রোচ্চারণ, ফৌজি অন্যায়ের বিরুদ্ধে। আসলে, দুঃখ আরও বড়ো হলে তাকে নিয়ে ঘর ঝরী যায়—লিখেছিলেন প্রণবেন্দু দাশগুপ্ত। লিখেছিলেন, এইসব ছোটো ছোটো যন্ত্রণার ক্ষেত্রে কেবলই বিরুদ্ধ করে...

এইসব বিরুদ্ধি থেকে, তিক্ততা ও বিদ্বেষ জন্মাব। মনকে আচ্ছন্ন করে রাখে। কবিতা লেখার সময়ও কেবলই চুকে পড়তে চায় এইসব বিদ্বেষ বিষ। সংক্রমণের মতো শব্দে মিশে যায়। ভাষাকে ব্যক্তিগত ক্রোধ মেটানোর উপায় হিসেবে ব্যবহার করার কাজে নামিয়ে আনতে চায়।

তার বিরোধিতাও কবিকেই করতে হয়। নিজেকে কেবলই প্রশ্ন করে! আমি এমন হয়ে যাচ্ছি কি? আমার ভেতরে কি দুর্দার করে যে এসেছে ইচ্ছে করে ভালোবাসি তাকে, এই লাইনটি বসতে জায়গা পায়! যজ্ঞের আগুনকে আমি কি সম্মান করতে পারি? উপবিত্ত ছিঁড়ে ফেলি না তো? কবিতা আর গান ছাড়া তো নিজের মনকে বাঁচানোর কোনো উপায় আমার নেই! ঠিক সময়ে ঠিক কবিতা কি আমি মনে করতে পারি, যে কবিতা আমাকে আগলাবে? যেমন রৌদ্রে ভরা গাছপালার দিকে তাকিয়ে আমি কি এমন কবিতার কথা মনে আনি যাতে আমার মনে প্রসংস্কৃতার আলো এসে পড়ে, কোনো প্রতিহিংসা জাগে না?

পারি তো, শবৎকুমারের লেখা একটি কবিতাই তবে বলি?

নিম বা সজিনা

দুরজার দু'পাশে দু'টি ফক্কড় ছাতিম

বাবরি নেড়ে শিস দিছে, উদ্দেশ্য—কী জনি

বেরিয়ে বুঝলাম—ওই রাস্তার ওপারে একটা নিম

(নিম না, সজিনা)

পঙ্ক্তি মেলাবার জন্য নাম বদলে দিছ, তা বুঝি না!
আপনার বৌমাকে বলি, একই কথা, আসল ব্যাপার
উভয়ে সেবক, কিন্তু ছাতিমরা একদম বেকার)


ঠাট্টা করে শোনাচ্ছিল, শোভাঞ্জনবাবু
এমন হাড়-সার দশা, রং-খেলার দিনে দেখছি কাবু।
সজিনা বা নিম
চূড়ায় একমুঠো রাঙা পাতা নেড়ে বলল, হে ছাতিম
তোমরা রং খেলো, শাস্তিনিকেতনে গিয়ে ডিগ্রি নাও,
আমি গৃহস্থের কাজে জাগি
পাতায় বক্সলে।

দু'টি ডাল পেড়ে আনবে? আপনার বউমাটি শুনে বলে।

সারাজীবন নানারঙের ভালোবাসার কবিতা লিখেছেন শ্রীকুমার।
যাকে প্রেমের কবিতা বলে, তা তো তিনি অজস্র লিখেছেন। কিন্তু ভালোবাসার কবিতা
আলাদা। তেমন একটি কবিতা দিয়েই, আজকের ~~মেসাইবাগান~~ শেষ করি।

পাখি ও ছাতিম গাছ

একটি পাখি
সারা সকাল উড়ে খোড়িয়েছে
কাঢ়াকাঢ়ি, মারামারি, চুরি, ছিনতাই
ছেটোখাটো লুঠতরাজ সেরে, দেখো
নির্জন দুপুরে ছাতিমডালে ঠোঁট ঘষছে,
আপন মনে শুমরোচ্ছে অনুশোচনায়
আর ছাতিম গাছ
তার সহজবাহ তুলে, দুলে দুলে, দেখো
ফিশফিশ করে বলছে
ক্ষমা, ক্ষমা। ক্ষমা।



১৪

শেখার যে কোনো বয়স নেই, এ কথাটা নতুন করে শিখলাম সম্পত্তি। আমার একটা বদ্ধমূল ধারণা ছিল, ‘স্বপন’ শব্দটি দিয়ে এখনকার কবিতায় আর কোনো কাজ আদায় করা যাবে না। গত তিরিশ বছরে যেসব কবিতা আমার ভুক্ত লেগেছে, তার কোথাও ‘স্বপন’ শব্দটি নেই! রবীন্দ্রনাথের গানে থাকলে আলাদা করা। ‘স্বপন যদি ভাঙিলে রজনী প্রভাতে’, বা ‘স্বপনে দোহে ছিনু কি মোহে’ এসব গানে ‘স্বপন’ কথাটি যথার্থ। এমনকি, রবীন্দ্রনাথের পরেও, ‘স্বপন যদি মধুর এমন হোক সে যাইছে কল্পনা’, সেও তো আমার প্রিয় গান। কৃষ্ণচন্দ্র দে-র গলায় কথাটি যখন সুরে পদ্ম চতুর্থন ‘স্বপন’-এর কোনো দুর্বলতা আছে বলে মনেই হয় না।

কিন্তু কবিতায় ‘স্বপন’ কথাটি মেনে নিতে পারি না। আর এ ধারণা বদ্ধমূল হয়েই গিয়েছিল। যদিও নীতি হিসেবে একথা কিন্তু জানি যে, কবিতায় কোনো শব্দই অচ্ছুৎ নয়। সব শব্দেরই সমান সম্ভাবনা ও অধিকার, যদি ঠিক লক্ষ্যে লাগানো যায়। একথা জানি ঠিকই। তবু, ‘স্বপন’ কথাটিকে তা থেকে সরিয়ে রেখেছিলাম। সেদিন একটি কবিতা পড়লাম, যাতে ‘স্বপন’ কথাটা আছে :

গোপনে স্বপন আঁকি
স্বপনের মুখ
আমারে গিলিয়া খায়
বেটা সর্বভূক
কে জানে সুখের ছবি
আদি অস্ত বাঘ
বোঝে না মানবতত্ত্ব

নিত্য তার রাগ
আমারে গিলিয়া খায়
আহা সে কী মজা
জানে না উদরে তার
রেখেছি দরজা।

(সুর)

এ কবিতা পড়ে আমি স্মৃতি। লিখেছেন মুজিবর আনসারী। আমার অচেনা এক তরুণ কবি। 'স্বপ্ন' শব্দটিতে স্তরে স্তরে অর্থ যোগ করতে করতে চলেছেন উনি। অথচ 'গোপনে স্বপ্ন আঁকি', এই লাইন দিয়ে কবিতা শুরু। মনে হবে কী দুর্বল লাইন। কিন্তু পরবর্তী ধাপ থেকে কবিতাটি অপ্রত্যাশিতকে ডাক দিতে শুরু করেছে। কবিতাটি শেষ পর্যন্ত পড়ে বোঝা যায়, শুরুতে ওই ধরনের লাইন কোনো দুর্বলতা নয়, বরং কবির এক সচেতন ছদ্মবেশ। যেই বললেন 'বেটা সর্বভূক', তখনই আশ্চর্যের আগমন হল। স্বপ্ন তো সত্যিই আমাদের বাধ্য নয়। অন্যদিকে স্বপ্নই তো মানুষকে বাঁচিয়ে রাখে। আবার তাকে গ্রাস করেও বাঁচায়। 'আমারে গিলিয়া খায়' লাইনটি দু-বার এসেছে, দ্বিতীয়বার, দ্বিতীয়রকম অর্থ যোগ করেছে। বলেছে, আহা সে কী মজা! এ আমরা ভাবতে পারবো। কারণ এতক্ষণ কবিতাটিতে স্বপ্ন যে আমাকে ভক্ষণ করে এ নিয়ে অভিযোগ করা চলছিল। মুহূর্তে বাঁক নিয়ে এসে পড়ল 'আহা সে কী মজা' শব্দবন্ধ। এবং তারপরই অমোগ শেষাংশ, 'জানে না উদরে তার রেখেছি দরজা'। স্বপ্নের ভিতর দিয়ে নিজে আরও গভীরতর চেতনার দিকে চলে যাওয়ার সংকেত। বাস্তবের যে-ঘেরাটোপে আমরা সবসময়ে বসবাস করি সেটাই যদি সব হত, তবে তো মানুষ শুকিয়ে মরে যেত। ফেনো সৃষ্টিধর্মিতাকেই সে বাঁচাতে পারত না। স্বপ্ন দেখতে পারে বলেই তো সে সৃষ্টি করে। আবার ঘুমের মধ্যেও তো স্বপ্ন আসে : ঘুমের ঘন গহন হতে যেমন আসে স্বপ্ন / তেমনি উঠে এসো এসো...। ঘুমের মধ্যে যে-স্বপ্ন আমরা দেখি প্রত্যেকদিন, সেই স্বপ্ন আনবার ক্ষেত্রে মানুষের অবচেতনার ভূমিকা থাকে। অবচেতনাই আমাদের ঘুমের মধ্যে স্বপ্নকে জাগায়। আবার, কিছু কিছু কবিতার মধ্যেও, ছবির মধ্যেও অবচেতনার ভূমিকা প্রবলভাবে ক্রিয়াশীল থাকে। পৃথিবীর ইতিহাসে এমন চিত্রকর ও কবিদের দেখা মিলবে, যাদের সৃষ্টিতে অবচেতনার বড়ো ভূমিকা রয়েছে। তবে সব ধরনের কবিতায় বা ছবিতে যে তার ছাপ খুব স্পষ্ট দেখা যাবে, তা নয়। কবিতা রচনাকালে অবচেতনার যে ক্রিয়াশীলতা সেই বিষয়ে এসে পৌঁছেছে এ লেখাটি। স্বপ্ন, যে আমাদের বাঁচায়, অন্যপক্ষে তাড়িয়ে নিয়ে বেড়ায়—সেই বিন্দু থেকে শুরু হয়ে, কবির সৃষ্টিকালীন চেতনারহস্যের কথায় এনে এ-কবিতা পাঠককে দাঁড় করায়। সে এক রহস্যদরজা। মনে রাখতে হবে, এ কবিতার প্রথম শব্দটি ছিল 'গোপনে'। স্বপ্নের সমস্ত ক্রিয়া এবং কবিতার উৎসবও মানুষের মনের গোপনেই ঘটে। প্রেম বা শরীরে স্বপ্নও মানুষের মনের গোপনেই আসে প্রথমে।

এ কবিতাটি কোথায় পোলাম? ‘জাগো জন্ম জাগো ভিটা’ নামে একটি ছোট্ট বইতে পেয়েছি। বইটি পড়তে পড়তে পাতায় পাতায় চমকে উঠেছি। কথায় আছে না, আট ছয় আট ছয় পয়ারের ছাঁদ কয়? সেই আট ছয় পয়ারকেই মুজিবর আনসারী বেছে নিয়েছেন— কিন্তু চোদো মাত্রাকে এক লাইনে ফেলেছেন না। প্রথম আটমাত্রা এক লাইন, দ্বিতীয় লাইনটি তৈরি করছেন পরবর্তী ছ-মাত্রাটি দিয়ে। বইয়ের প্রতিটি কবিতা এই নিয়ম অনুসারে চলেছে। অথচ, কী আশ্চর্য, নিয়ম বলতে যে একটি যান্ত্রিকতার আশঙ্কা হয়, তা কোথাও নেই। প্রতিটি আটমাত্রার পর, একটি অর্থন্তি আপনা থেকেই যুক্ত হয়েছে। ফলে দ্বিতীয় লাইনটির জন্য একটি সাসপেন্স একটি আকুলতা তৈরি হচ্ছে পাঠকের মনে। আবার, অপূর্ণ-থাকা ছ-মাত্রার টানও ওই আকুলতার সঙ্গে যোগ হচ্ছে। প্রায় সবকটি কবিতায় সেই গোপন টানটি নতুন এই কবি কী অনায়াসে বজায় রেখেছেন দেখে অবাক হয়ে গিয়েছি। পুরোনো পয়ারের ছাঁদ যেমন নিয়েছেন তেমনই অনেক জায়গায় নিয়েছেন সাধু ক্রিয়াপদ। নিয়েছেন প্রাচীন শব্দ। যেমন : ‘সজিনা গাছের আঠা / সমুদয় কাণ্ডে / হায় কে করিল বাহ্যে / অমৃতের ভাণ্ডে।’ অমৃতের ভাণ্ড একটি প্রাচীন কথা। কিন্তু কী অভাবনীয় তার প্রয়োগ! ‘হায় কে করিল বাহ্যে’-র জন্যই ‘অমৃতের ভাণ্ড’ নতুন হয়ে উঠেছে। কৌতুক নতুন। দেখায় নতুন। আর দেখা-ই তো ‘দর্শন’ নিতান্ত সাধারণ জীবনের মধ্যে ‘অসাধারণ’-কে আবিষ্কার করার একটি দর্শন এ-কবিতাগুচ্ছের সর্বত্র উপস্থিত। অথবা :^{প্রত্যেক} বড়ো তীক্ষ্ণ মিহি / পেট বড়ো ভুখা / সাজো গো তামাক টানি / কালোকীর্ণ হঁকা। ‘মিহি’-র আগে ‘তীক্ষ্ণ’ কথাটা যেমন আশ্চর্য তেমনই পরের লাইনে ‘পেট বড় ভুখা’^{বাস্তু} পড়বে আমরা কেউ কি ভেবেছি? প্রতিটি কবিতাই সমিল। অথচ মিলগুলো খুবই স্বাভাবিকভাবে এসেছে। একটি ক্ষেত্রেও কবিতা পড়া শেষ হওয়ার পর আলাদা হচ্ছে কোনো মিল চোখে পড়ে না বা মিলের জন্য মনে কোনো স্বতন্ত্র বাহবা জাগে না। কেননা কবিতাগুলির বিশয়ের সঙ্গে মিল ও ছন্দ একাকার হয়ে আছে। ‘মাঝি কোথা নিদ্রা যায় / বন্ধুরে না হেরি / অকুলে বেয়াকুল প্রাণ / কী হইবে আখেরি।’ এখানে ‘আখেরি’ কথাটি কী অপূর্ব। অথচ দেখলেন, ‘হেরি’ লিখতে ভয় পাননি কবি। এই বইয়ের মিলগুলি চমক সৃষ্টিকারী নয়, বরং মিলগুলির বিশেষত্ব হল এই যে, অনেক জায়গাতেই মিল এসে একটি অভাবনীয় অর্থমূখ খুলে দিচ্ছে, যার ফলে নতুন স্তর যুক্ত হচ্ছে কবিতায়। পুরোনো ভাষাকে সচেতনভাবে আশ্রয় করে একেবারে নতুন কবিতা লিখেছেন মুজিবর আনসারী। থেকে থেকেই আশ্চর্যের জন্ম হয়েছে এই স্কুল পুস্তিকাটিতে। ‘তমসা’ কবিতাটি পড়ে আমার মেয়ে বলল, মনে হল যেন একটা গান শুনলাম। ঠিক। এই কবিতাগুলির মধ্যে একটি গীতধারা বয়ে চলেছে। যেমন আমাদের প্রাচীন কবিতার মধ্যে গান ছিল। চার লাইনের এককে অগ্রসর হয়েছে কবিতাগুলি, সেখানেও গীতধর্ম থাকে। দু-লাইনকে ভেঙে চার লাইন করা হলেও চার লাইনের স্বতন্ত্র একক তৈরি হচ্ছে এখানে। আবহমান এসে এ বইতে ধরা পড়তে চেয়েছে। ধরা পড়েছে দরিদ্র, কৃষিজীবিত বাংলাও। এটি বইটির মধ্যে কোথাও একটি আনন্দও ধরা আছে। সঙ্গে আছে লুকোনো কৌতুক।

কোথাও কোনো বিদ্বেষ নেই বা কবিতাগুলো কোনো প্রতিপক্ষের বিরুদ্ধে লেখা নয়। আমার কেমন ধারণা ছিল, আড়ালে বসে কেউ অসাধারণ কবিতা লিখছে, সকলের থেকে আলাদা কবিতা লিখছে— কিন্তু আমি জানতে পারছি না। এইবার তার প্রমাণ পেলাম। পাঠক, এ বই হয়তো আপনার হাতে পড়বে না। তাই কয়েকটি কবিতা আপনাদের দিলাম ‘গোসাইবাগান’-এর উপহার হিসেবে। এই বইয়ের সুন্দর প্রচ্ছদটি এঁকেছেন কৃষ্ণেন্দু চাকী।

নাগর

জাগো তৃষ্ণা আদি ফুল
অরূপ সাগর
তব রূপে মজি আমি
অশ্পৃশ্য নাগর
আধেক পিরিতি আহা
আধেক যাতনা
মধ্যখানে শঙ্খচূড়
তুলে আছে ফণা
সজিনা গাছের আঠা
সমুদয় কাণ্ডে
হায় কে করিল বাহে
অমৃতের ভাণ্ডে

তমসা

তমসা নদীর তীরে
আমাদের ঘর
ঘৃটঘুটে অঙ্ককার
ঘরের ভিতর
কখন যে বান ডাকে
ঘরে ঢোকে ঢেউ
কেউ কাঁপে থরথর
অবিচল কেউ
জলে ভাসে চৰ্ণ চাঁদ
মিটিমিটি তারা
গহিছে অনন্ত শ্রোত
তমসার মারা।

AMARBOI.COM

কেচছা

কেচছা নহে মন্দ কিছু
কান্দো কেন বসি
কেচছা রসবতী কাব্য
রজনিতে শশী
সব কেচছা জগতের
মধুর বচন
কান্দিও না রাধাসোনা
লায়লাকাঞ্চন
তোমার আমার কেচছা
কী আনন্দ হায়
অস্ত্রে অনস্ত্রকাল
বঙ্গবাসী গায়

অতল

সম্মুখে পাষাণগিরি
পশ্চাতে সূনীল
অতলাটে ভজন কাল
বাস্তু স্বরূপীল
কে পুরি লভিষ্বে এসো
অস্ত্রিক্ষে বসি
সুপক ফলের আশে
লাগাই আঁকশি
আন্দোলিত কাণ্ডস
বৃক্ষ দণ্ডবৎ
তোমারে ঘিরিয়া নাচে
সমুহ জগৎ

মুলুক

পৰনের ঘোড়া তুমি
উড়িয়া উড়িয়া
নগর ছাড়িয়া যাও

আসমান ফুঁড়িয়া
চাঁদ সূরজের দেশ
কাজল পাহাড়ি
আরও দূরে বঙ্গ যার
পুতিয়াছে নাড়ি
ওখানে দাঁড়াও নত
ক্ষণকাল বুকে
দেখো জাগে গঙ্গাম
আপন মূলুকে

উঠান

পোলাবে লইয়া বুকে
হইয়া নতমুখ
ধান পাছড়ায় বধ
ফুদুক ফুদুক
গুঁড়া উড়ে চূড়া হয়
স্বর্ণবর্ণ ধান
ধানে পাণে পথাঞ্চা
গরবি উঠান
খোলা মুক্ত দোল খায়
পেলামসুখদুখ
ধান পাছড়ায় বধ
ফুদুক ফুদুক

দোসর


সুমতি কুমতি কাঁদে
আদি দুই বোন
একই গৃহে বসবাস
কেমনে গোপন
করিবে যাতনা হায়
একই ছেঁড়া শাড়ি
দু'জনে পিক্কিতে গিয়া
এখনি কাঁড়াকাড়ি

নিত্য কলহ তবু
অবিচ্ছেদ্য জোড়া
সুমতি কুমতি কয়
এই মত মোরা

পিঁড়ি

বৃত্তপথ থেকে নামো
এসো আদি ভিত্তে
দেখো গজগিরি ঘাস
আকৃত পিঁড়িতে
বসিয়া যুগের বুড়া
সেবিছে তামাক
উড়িছে কুশলী ধূম
পুড়িছে দেমাক
লতাগুল্মে ঢাকা ঘর
চপলা ঘরনি
রাঁধিছে শাকান স্বাদ
লুটিছে ধরনি

মেলা
দুখের প্রতিমা তুমি
দীক্ষিত সোপানে
ওঠো নাকি নেমে যাও
ষুঙ্গরের গানে
কে যেন পাতিয়া কান
পুলকে ব্যথায়
অনন্তে বিছানা পাতি
সুখে নিদ্রা যায়
সম্মুখে ভুবনমেলা
অবিরত ঢেউ
কেউ মঞ্চে ছিল আগে
আজও নাচে কেউ



১৫

গেঁসাইবাগান পড়েন, এমন দু-একজন আমাকে প্রশ্ন করেছেন, আপনি সব কবিকেই ভালো বলেন কেন?

তাহলে এখন আর কারও লেখায় কোনো ভুল-ক্রটি হয়ে থা! নাকি আপনি সবাইকেই খুশি রাখতে চান!

আমি সবাইকে খুশি রাখতে চাই কি না এ প্রশ্নটি উভয় দিতে আমার বাধে। তাই নীরব থাকব।

কিন্তু তার আগের প্রশ্নটি হয়তো আমার অচেনা কোনো কোনো পাঠকের মনেও এসে থাকতে পারে, তাই এ-প্রসঙ্গে দু-একটা কথা বলি।

আমি শুধু আমার ভালোলাপন করিবতার কথা আমার পাঠকের সঙ্গে ভাগ করে নিতে চাই। এইটুকুই আমার লক্ষ্য। একটা ভালো লেখা পড়লে, একটা ভালো রেকর্ড শুনলে মনে হয় না, বঙ্গুকেও ডেকে শোনাই! এ হল সেইরকম।

ক্রটির কথা উঠলে বলব, ধরুন আপনি একটা কবিতার রই পড়লেন। তাতে কয়েকটা লেখা আপনার ভালো লাগল না। কিন্তু যে-লেখাটা ভালো লাগল তার দাম কি কম? ওইটা নিয়েই আমি খুশি।

স্বীকার করি, মানুষ ক্রটিযুক্ত। ক্রটিহীন মানুষ হয় না। একমাত্র দেবতাই হয়তো সম্পূর্ণ ক্রটিহীন। মানুষ তো আর দেবতা নয়। মানুষ ক্রটিযুক্ত, তাই তার শিল্পও ক্রটিযুক্ত। যে-শিল্প সম্পূর্ণ ক্রটিহীন, তা মানবিক নয়। আমি যখন প্রথম লেখার চেষ্টা শুরু করেছি, আজ থেকে ৩৭-৩৮ বছর আগে, তখন শুনতাম বাংলা কবিতা কেউ পড়ে না। কারণ তা দুর্বোধ্য। আজ প্রায় চার দশক পরেও, সেই একই কথা শুনি। এবং এ কথা সত্যি, কবিতার পাঠক চিরকালই কম। গল্ল-উপন্যাসের প্রতি চিরকালই অনেক বেশি পাঠক আগ্রহী। কবিতায় যে অল্প কয়েকজন পাঠক মনোযোগী, তাদের প্রাথমিক অবস্থায় কিছু সমস্যা হয়। যেমন আমার হও। অথচ এই সময়ের মধ্যেই কত ভালো কবিতাও তো পড়েছি। তাদের কথা জানাতে হওয়া এখন।

মনে আছে, তখন আঁতিপাঁতি করে খুজতাম। অনেক কবিতাই বুঝতে পারতাম না। বলা ভালো, কেমন যেন একটু একটু বুঝতে পারতাম, আর অনেকটাই না-জানা থাকত। এক-একটা লাইন পড়ে চুপ করে বসে থাকতাম। মনে হত, কারও সঙ্গে যদি এটা নিয়ে একটু কথা বলা যেত।

আমি স্বীকার করব, কবিতা পড়তে গেলে এখনও আমার মাঝে মাঝে এরকম হয়। প্রথম বয়সে, এমন হলে নিজের বোধ-বুদ্ধির ওপর একটা অনাঙ্গা জন্মায়। অনেকের আবার কবিতা ব্যাপারটার ওপরই রাগ হয়ে যায়। তাদের সঙ্গে যদি বিষয়টা নিয়ে একটু কথাবার্তা বলা যেত তবে হয়তো খুলে খুলে যেত জট-বাঁধা ব্যাপারটা। আমার সেই প্রথম বয়সে যেমন নানা দ্বিধা জন্মাত, ভালো কবিতা খুঁজে পেতাম না, বা ভালো কবিতা পড়েও ধরতে পারতাম না কেন ভালো, তেমনই, ঠিক আমারই মতো দিশাহারা পাঠক নিশ্চয়ই কোথাও কোথাও আছেন এখনও। যাঁরা হয়তো কবিতা ভালোবাসি, এ কথাটাও জোরের সঙ্গে বলতে সাহস পান না। প্রধানত তাঁদের কাছেই এই গৌসাইবাগান-এ আমি মন খুলে কথা বলি।

তবে, কবিতা নিয়ে কথা বলতে গেলে কোন কবির ক্ষেত্রে কবিতা ভালো লাগেনি তাও কি বলা উচিত নয় আলোচকের? অবশ্যই উচিত। কিছু নিজেকে আলোচকের মর্যাদা আমি দিই না। আমার ভূমিকা সামান্য এক উপভোগকারী^{পৃষ্ঠা ৫} কোনো লেখা যদি মনকে না-ছাঁয় তবে আমি অন্য লেখা ঠিকই পেয়ে যাই যা আজকে মুঢ় করেছে। সেটুকু নিয়েই কথা বলি। নিজের জন্য এই ভূমিকা আমি নির্দিষ্ট করছি।

সেদিন একজন বলছিলেন, এখনকিরকাবতায় আর কল্পনাশক্তির দেখা পাওয়া যায় না। নতুন কোনো কল্পনার ছোঁয়া আজকের কবিতায় নেই। তা অনেক সোজাসুজি বা ধারালো। তিনি নিজেই বললেন, সত্যই^{পৃষ্ঠা ৬} তা, কল্পনার জায়গা কোথায় আজকের জীবনে! ঠিকই। রবীন্দ্রনাথ যে কল্পনার কথা বলেছেন, জীবনানন্দের কাছে এসে যা হল কল্পনাপ্রতিভা, সে সবের আর কোনো প্রয়োজন নেই আজ।

যিনি এ কথা বললেন, তিনি কোনো কবিতা লেখক নন। শিঙ্গজড়িত মানুষ। বয়স সন্তুষ্ট পার হয়েছে। তখন কিছু বলিনি। তাঁর জন্য একটি-দু'টি কবিতা আজ বলি :

অন্ধকার না-হতেই সমস্ত আকাশ জুড়ে একদল অন্ধ
মানুষের যাতায়াত শুরু হল। তাদের লাঠির চাপে ফুটে
উঠল শত-সহস্র নক্ষত্র ও গ্রহরাজি। তারা, উদ্ভ্রান্তের
মতো, অথচ সাবধানে ঘোরাঘূরি করে। কী চাইছে কে
জানে? বোধহয় রাত্রির আহার, চরিতার্থ কাম আর নরম
বিছানা। সে-সব কোথায় পাবে? ছ-নম্বর দেওদার বাগানে
ঘর ভাড়া পাওয়া যেত। তবে এত রাতে কিছু কি আর
গোলা আছে? শিয়ালদায় চেষ্টা করে দেখতে পাবে।

দু-একটা ফোন করুক। এই সব ভাবনার ফাঁকে ফাঁকে, দেখি
তাদের লাঠির চিহ্নগুলি ধীরে ধীরে মুছে যাচ্ছে। বুঝি ভোর হল।
তারা কোথাও না কোথাও আশ্রয় পেয়ে গেছে, মনে হয়।

(রাত্রির আকাশ, অগ্রহিত কবিতা : উৎপলকুমার বসুর শ্রেষ্ঠ কবিতা)

এই কবিতার লেখক উৎপলকুমার বসু। সারা রাত কেটে গেছে এই কবিতার, রাত-জেগে। এই যে একটা দুটো করে তারা ফুটতে সান্ধ্য আকাশে আমরা রোজ দেখি, তারা যে মহাশূন্যে ঘোরাঘুরি করা অঙ্গ মানুষদের লাঠির চাপে ফুটে উঠছে, এমন কখনও ভেবেছি? শহরে এসে পৌঁছোনো সব আশ্রয়ইন ও অপারগ মানুষের কথা বলছে এই কবিতা।

একেবারে বাস্তবের নানা প্রয়োজনের কথা ও বলছে। দু-একটা ফোন করুক, বা ছ-নম্বর দেওদার বাগানে ঘর পাওয়ার মতো তথ্যও আছে এখানে। অথচ তার সঙ্গে মিশিয়ে দেওয়া হয়েছে 'মহা বিশ্বলোকের ইশারা'। শুধু আকাশে ফুটে-ওঠা, ফুটে-থাকা তারার দিকে তাকিয়ে তার সঙ্গে নিরাশ্রয় অঙ্গ পথিকের সংকটকে যুক্ত করে দেওয়া। দুটি স্বতন্ত্র জগৎকে মিলিয়ে তৈরি এই কবিতা বলে, দেখি, তাদের লাঠির চিহ্নগুলি ধীরে ধীরে মুছে যাচ্ছে। বুঝি ভোর হল। এবং কবিতাটি আমাদের আশ্চর্ষ করছে যেমন পথিকরা নিশ্চয়ই আশ্রয় পেয়েছে।

আকাশের দিকে তাকিয়ে সন্ধের তারগুলোতা দেখা অথবা ভোর-হওয়া, তার বর্ণনা তো আমরা কতদিন ধরেই কত কবিতায় পড়েছি। তবু এখানে কী আশ্চর্যভাবে নতুন হয়ে উঠল সব! এবং তা হল কল্পনাশক্তির স্বত্ত্ব। দৃষ্টিহারা মানুষের পাশাপাশি তাদের পথ খোঁজার সূত্রে তারা জুলে-ওঠা রাখা হচ্ছে। বুঝি এবং কল্পনা একত্র হয়ে কাজ করেছে এখানে। এই কবিরই আরেকটি কবিতা বলতে ইচ্ছে করছে :

বাড়ি ফিরে দেখি, বারান্দায়, টবের গাছে, ছেটো এক
সাদাফুল ফুটে আছে। এ-ও কী সন্তুষ্য। আমার অবিশ্বাসী
দুই চোখ জলে ভরে যায়। আমি চুপ করে ওখানেই
দাঁড়িয়ে থাকি। বহুক্ষণ। যেন কত কাল। এই প্রসূতি
এবং তার শিশুটিকে নিয়ে কী করব ভেবেই পাই না।
প্রতিবেশীদের খবর দেব তো বটে। কাগজের লোকদেরও
ডাকব। কিন্তু আমাকে যে অবিলম্বে এদের জন্য রোদ্রের
ব্যবস্থা করতে হবে। চাই বাতাস এবং জল সুশীতল। এবং
কিছুটা খাদ্য। সে কোথায় পাব। আপাতত অস্ফুটে বলি :
আমি একটু ঘুরে আসছি। তার আগে তোমাদের এক সীমাইন
ভালোবাসার কথা জানিয়ে যাই যা মানুষকে কাঁদায়,
নয়তো কবিতা লেখায়, নয়তো বাজারে পাঠায়।

(সুখ-দুঃখের সাথী : ২৮)

টবের গাছে একটি সাদা ফুল ফুটে উঠেছে। তাই দেখে একজন মানুষ স্তুতি হয়ে দাঁড়িয়ে। টবের গাছ ও ফুলটিকে দেখে তার মনে হচ্ছে, এই প্রসূতি ও শিশুটিকে নিয়ে কী করব ভেবেই পাই না। এই যে প্রসূতি ও শিশু বলে টবের গাছ ও ফুলকে ভাবতে পারা, এ এক আশ্চর্য নতুন কল্পনা।

পক্ষান্তরে উদ্ধিজগতের সঙ্গে এক গভীর আঘাতীয়তা বোধ করাও এর মধ্যে আছে। বরীপ্রনাথের 'বলাই' গল্পের সেই চেতনা কত আলাদা ও কত নতুন রূপ নিয়ে জন্ম নিল। মানুষের কত আগে বৃক্ষ ও উদ্ধিদ এসেছে পৃথিবীতে। আজ বৃক্ষকে বাঁচাতে আন্দোলন করতে হয়। নইলে সে লুপ্ত হয়ে যাবে। এই কবিতা, এক হিসেবে, এইখানে এসে জাতিস্মর-কবিতা। আবার এই কবিতা সীমাহীন ভালোবাসার কবিতাও। এই যে টবের গাছ, তার ফুলটি, এরাও আমার স্বজন। যেন এদের সঙ্গে আমার রক্তের সম্পর্ক। কবিতাটির কথা ভাবলে গায়ে কাঁটা দেয় আমার। এই কবি, উৎপলকুমার বসু, তাঁর কবিতার জগৎ যে অনেক বড়ো, সে-প্রয়াণ রেখেছেন নিজের সারাজীবনের কবিতায়। একবার তারাজগৎকে মুক্ত করলেন অঙ্গ নিরাশ্রয়ের সঙ্গে, পরক্ষণে বাড়ির টবের গাছ ও ফুলকে বললেন প্রসূতি ও শিশু। যেন এই মা ও শিশুর খবর পৌছে দিতে হবে দিকে দিকে। অন্য এক কবিতার শেষ অংশে তিনি লিখেছেন :

... লেঁঁপড়া ভুলে গেলে
কার ক্ষতি, অক্ষর মাড়িয়ে-ফেরা অনেক তো হল, আজ শুধু
ঘাসে শুয়ে থাকি,
খড়কুটো ডালপালা নাতি-নাতনির মতো পাশে শুয়ে থাকে।

(সুখ-দুঃখের সাথী ৩৯)

এ কবিতা মৃত্যুইচ্ছার কবিতা। ঘাসে শুয়ে থাকার কথা আছে এখানে। মাঠের খড়কুটো ডালপালা সব নাতি-নাতনির মতো হয়ে গেল এখানে। এও এক নতুন কল্পনা। আর মৃত্যু রইল না। মন্ত্র বড়ো এক জগতের অস্তর্গত হয়ে গেল এ কবিতা।

বোঝা যায়, প্রসূতি ও শিশুকে যিনি দেখে প্রতিবেশীদের খবর দিতে ছুটেছিলেন, তিনি এক গর্বিত পিতামহ। উদ্ধিজগতের সঙ্গেও তাঁর রক্তের সম্পর্ক। তাই ডালপালা নাতি-নাতনি। এইসব চিঞ্চা ও কল্পনা কি নতুন চিঞ্চা-কল্পনা নয়? আজকের বাংলা কবিতায়? এবং এই সবই উৎপলকুমার বসুর সাম্প্রতিক রচনা। এখানে জানিয়ে রাখি শক্তির মৃত্যু, ভাস্কর ও সন্দীপনের মৃত্যু নিয়ে তিনটি অসামান্য কবিতা উৎপল লিখেছেন গত দশ-বারো বছরে। এই তিনটি কবিতার বিষয় মৃত্যু হলেও তাঁর পরিণামে কোথাও আছে জীবনের পুনর্জাগরণ। এই বিশেষ তিনটি কবিতা নিয়ে কথনও কথা বলার ইচ্ছে রইল।

আজ উৎপলের মৃত্যু সম্পর্কিত আর একটি কবিতা বলার লোভ সামলাতে পারছি না।

থেকে গেল বাঢ়বস্তের এই ঢাল, এই ডাঙা জমি, পড়ে রইল

যোগিনীর পথে পথে ঘোরার পাদুকা—
 ছেঁড়া কিছু অঙ্গবস্ত্র, খণ্ডনি ও পিতলঘূঁড়ুর,
 জলের পাত্র আর মাটির থালাটি বাইরেই তোলা রইল—
 হ্যাঁ, একটা বস্তামতো থলির ভিতরে তেলচিটে বালিশ-চাদর
 পাওয়া গেছে এবং মেডেল এক, নামহীন, হয়তো রূপোর,
 ময়লায় কালো ও বিকৃত—এইসব সৌন্দর্যের মধ্যে তার
 শবদেহ পাওয়া গেছে, বয়েস অনেক, পাশ ফিরে শুয়েছিল,
 ভূগভঙ্গি নিয়ে, পা শুটিয়ে, হাতের আঙুল মুখেতে পোরা—

যেন মায়ের পেটের মধ্যে অনন্ত সাগরে ভাসছে।


(চূসু আমার চিন্তামণি : ২০)

এক যোগিনীর মৃত্যুর ছবি এখানে। পথে পথে ঘূরে বেড়ানো, আবারও আশ্রয়হীন এক মানুষের কথা। এই কবি, যেমন অবচেতনার শক্তিকে তুলে আনতে পারেন কবিতায়, তেমনি, উত্তিদেজগৎ, তারাগজগৎ, এবং সম্পূর্ণ অনাস্থায় পথবাসী বা সহায়সম্বলহীন মানুষের সঙ্গে নিজেকে যুক্ত করতে পারেন ভালোবাসুর শক্তিতে। রুক্ষ রাঢ় বাংলার ডাঙা জমি, যা ছিল এই যোগিনীর মাধুকরীর ক্ষেত্র, কৃত্তি ব্রাহ্ম-বৃষ্টি সে পার হয়েছিল এই দেশে, সব পড়ে রইল, তার খণ্ডনি, জলের পাত্র, মাটির থালা, আর ময়লা বস্তার মধ্যে তেলচিটে বালিশ, চাদর—এইসবের মধ্যে তার শবদেহ পাওয়া গেছে। কীভাবে?

পাশ ফিরে শুয়েছিল, ভূগভঙ্গি নিয়ে, পা শুটিয়ে, হাতের আঙুল মুখেতে পোরা। শেষ লাইনটি আমাদের স্তুতি করে দেয়। এক শবদেহের শয়নভঙ্গি দেখে মনে হয়েছে যেন সে গর্ভস্থ ভূগ! বা ভূগ নয়, সম্পূর্ণ শরীর তৈরি হয়ে গেছে। এইবার জন্মানোর সময় হল। অনন্ত সাগর, মায়ের গর্ভের জল। চকিতে প্রলয় সমুদ্র মনে পড়ে।

মৃত্যুকে এই কবিতায় যেভাবে অভিক্রম করা হল, তার মধ্যেও কি সম্পূর্ণ এক নতুন কল্পনাশক্তির প্রয়োগ নেই? এই কবিতাও এক জাতিস্মর কবিতা। মৃত্যুমুহূর্তকে ঘূরিয়ে জন্মমুহূর্তের বিন্দুতে মিলিয়ে দেওয়া কবিতা।

উৎপলকুমার বসু, খুবই অনাড়ম্বরভাবে সম্প্রতি সন্তুর বছর পার হয়েছেন। কেউই তেমন জানে না। এ হল সেই বয়েস, যেখানে পৌঁছে কবিরা অবসন্ন হয়ে পড়েন, নতুনত্বের অভাব জীর্ণ করে তাঁদের লেখাকে, কেবলই পুরাতন খ্যাতি নির্ভর করে বাঁচতে হয় তাঁদের। অথচ উৎপল, তাঁর কবিতায় কেবলই, একের পর এক আশ্চর্যের মুখোমুখি দাঁড় করিয়ে দিচ্ছেন আমাদের। তাঁকে আমাদের অশেষ কৃতজ্ঞতা জানাই।



১৬

একবার নক্ষত্রের পানে চেয়ে—একবার বেদনার পানে
 অনেক কবিতা, লিখে চলে গেল যুবকের দল
 পৃথিবীর পথে পথে সুন্দরীরা মূর্খ সম্মানে
 শুনিল আধেক কথা—এইসতে ঘাধির নিশ্চল
 সোনার পিণ্ডল মৃতি : তবু জাহা, ইহাদেরই কানে
 অনেক ঐশ্বর্য ঢেলে ছলে গেল যুবকের দল
 একবার নক্ষত্রের পানে চেয়ে—একবার বেদনার পানে।

এটি জীবনানন্দের একটি বিখ্যাত কবিতা। নাম : ‘ইহাদেরই কানে’। ৫০ বছরের অধিক কাল ধরে এ কবিতা পাঠকদের জানা। এ-কবিতায় ‘মূর্খ সম্মানে’র মতো আশচর্য ও অপ্রত্যাশিত শব্দের প্রতিবেশিতা আছে, আছে কানে ‘অনেক ঐশ্বর্য’ ঢেলে চলে যাওয়ার মতো কথাও, যেখানে, ‘ঐশ্বর্য’ শব্দটির একটি সম্পূর্ণ নতুন ব্যবহার ঘটেছিল সে-যুগে। এই কবিতাটির মধ্যে একটি অভিমানের কথা বলা আছে। যুগে যুগে যুবক-কবিরা তাঁদের জীবন কবিতায় ঢেলে দিয়েছেন নারীদের উদ্দেশ্যে, নারীরা তা যথেষ্ট শোনেননি, এমন অনুমোগই এ কবিতার মর্মে। তাঁদের উদ্দিষ্ট প্রেমিকারা না হয় না-ই শুনলেন, তবু বেদনা ও নক্ষত্রের দিকে কবিরা চিরকালই চেয়ে থাকবেন ও তাঁদের কথা বলে যাবেন। এই ধরনের অভিমান-চিহ্নিত কবিতা বিনয় মজুমদারের ‘ফিরে এসো, চাকা’র মধ্যেও দেখা যায়। যেমন—

তালবাসা দিতে পারি, তোমরা কি গ্রহণে সক্ষম?
 লীলাময়ী করপুটে তোমাদের সবই ঝরে যায়
 হাসি, জোান্না, নাগা, স্মৃতি অবশিষ্ট কিছুই থাকে না

আবার এর পালটা অভিমানও আছে। শঙ্কি চট্টোপাধ্যায়ের 'সন্ধ্যার সে-শান্ত উপহার' গ্রন্থে 'জন্মদিনের মধ্যে' নামক সংলাপ কাব্যে তার দেখা পাওয়া যায়। কোনো খ্যাতনামা কবির ৫০ বছরের জন্মদিনের অনুষ্ঠানে কবির উদ্দেশ্যে তার প্রাক্তন প্রেমিকা বলছেন:

আমার পৃথক প্রেম অঙ্কুরিত হলে
ওর জন্য কষ্ট হত,
কেন না শুনেছি,
শুধুই আমার জন্যে তছনছ করেছে
জীবনযাপন, বৃত্তি, সেখাপড়া সবই—
কবি বনে গেছে আর লিখেছে সুন্দর
দোষারোপ করে।

সেই নারী, যিনি নিজেও কবিরই বয়সিনি, এ-কাব্যে যাঁর প্রাথমিক পরিচিতি জনেকা নামে—তিনি এরপর বলেন :

অথচ কীভাবে সহস্র অজন্ম পদে
অভিযুক্ত করেছ আমাকে
মনে পড়ে ?

এই যে অভিযোগ, বা এই যে 'সুন্দর দোষারোপ'—অভিমানের বলয় থেকেই তার জন্ম। তুমি কিন্তু আমাকে বুঝলে না, নারীর প্রতি পুরুষের এবং পুরুষের প্রতি নারীর এই চিরদিনের অভিমান মাঝে মাঝে যে প্রেমের কবিতায় ছায়া ফেলে যাবে, এ তো খুবই স্বাভাবিক। তবে যে-কবিতা বলে 'আর আমিই কি তোমাকে বুঝতে পারলাম?' সে-কবিতা আরও একটু বড়ো জায়গায় গিয়ে দাঁড়ায়।

অন্যদিকে এমন কবিতার কথাও তো মনে আসে, প্রিয়কে কাছে পেয়ে যে-কবিতার মন ভরে আছে।

আমি যেন বলি আর তুমি যেন শোনো
জীবনে জীবনে যার শেষ নেই কোনো...

অমিয় চক্রবর্তীর বিখ্যাত এই দুই কবিতাপঙ্কতি, কতবারই তো কতজনের মনে এসেছে গত ষাট বছরে। আবার অর্ধেক শতাব্দী কাল অতীত হয়ে যাওয়ার পর পরবর্তী যুগের এক কবি যেন না-জেনেই এক উলটো দিকের কথা লিখলেন,

কে তোমার কথা শোনে? তুমিও বা শোনো কার কথা!
তোমার আমার মধ্যে দু-মহাদেশের নীরবতা।

একটি কবিতা বলছে গানের তানের মতো একের পর এক বলে যাওয়া কথাস্নোতের বৃত্তান্ত, চিরকাল বয়ে চলার মধ্যেই ধার সৌন্দর্য, অন্যটি বলছে, দুটি হাদয় যেন সমুদ্রের এপারে ওপারে স্থাপিত দুই মহাদেশ। যেন রাত্রির সমুদ্র মাঝখানে। বিরাট নীরবতা। কেউ কারও কথা শুনতে পাচ্ছে না এখানে। কবিতাটি শঙ্খ ঘোষের লেখা। ‘শবের উপর সামিয়ানা’ কবিতাগ্রহের কবিতা এটি। একেবারে শেষ কবিতা।

আর একেবারে শেষ কবিতা বলেই একটি অন্য কথাও মনে হয়। কেবলই কি দুটি নারী-পুরুষের প্রেম সম্পর্কের নির্যাস এতে আছে? সেই সম্পর্ক-নিয়তি শরীরে ধরে নিয়ে এ-কবিতা কি একটু চলে যাচ্ছে না পাঠকের দিকেও? যেহেতু বইটি সম্পূর্ণ হল এই দুটি লাইন দিয়ে। অনেকটা যেন কণ-স্বরের মতো। আপনি লাগাবেন গাঞ্জার। গাঞ্জার-ই প্রধান লক্ষ্য আপনার। কিন্তু নখের কোনা দিয়ে আলতো একটু মধ্যমক্ষেত্রে ছাঁয়ে এলেন। অন্য সৌন্দর্য এল। পাঠকের সম্পর্কে মনে মনে অভিমান বহন করা অসম্ভব এই কবির প্রকৃতি নয়। বাংলা কবিতার দুর্বোধ্য পাঠকের প্রতি বই উৎসর্গ করেছিলেন শক্তি চট্টোপাধ্যায়। আর ‘কী বা এসে যায় কিছু ভাবে যদি তোমার পাঠকে?’ এই মধ্যে একটি কবিতা শেষ করেছিলেন বিষ্ণু দে। কিন্তু এই কবি, শঙ্খ ঘোষ, তাঁর কবিতার বলেছেন :

তুমি কি কবিতা পঢ়ো? তুমি কি আমার কথা বোঝো?
ঘরের ভেতরে তুমি নাহিরে একা বসে আছো রকে?
কঠিন লেগেছে বড়ো? চেয়েছিলে আরো সোজাসুজি?
আমি যে তোমাকে পড়ি, আমি যে তোমার কথা বুঝি!

এই কবিই লিখেছিলেন, আমার বিশ্বাস আছে আমাকে বিশ্বাস করো তুমি। এ লাইনও প্রাথমিক ভাবে নারী-পুরুষ সম্পর্কের কথা শরীরে ধারণ করলেও, কীভাবে যেন পাঠকের দিকে চলে যায়। চলে যায় সভ্যতারও দিকে। কারণ এ-কবিতার মধ্যেই আছে, আমাদের পৃথিবীতে কখনও ফেরে না হিরোশিমা। আর ওই যে একটু আগে বলেছি দু-মহাদেশের নীরবতার কথা, এই নীরবতা বা নিঃশব্দকে কিন্তু এই কবি, শঙ্খ ঘোষ, অনেক দিন ধরে সঙ্গে রেখেছেন। এই নীরবতা কিন্তু ওঁর কাছে বোৰা ও বধির নয়। যেমন :

বলিনি কথনও?
আমি তো ভেবেছি বলা হয়ে গেছে কবে

এভাবে নিখর এসে দাঁড়ানো তোমার সামনে

সেই শ্রাঙ্গ গলা

দুনিয়ার পাঠক এক হও! ~ www.amarboi.com ~

‘আমি যেন বলি আর তুমি যেন শোনো’-র পাশে ওই ‘নিখর এসে দাঁড়ানো’ আর ‘বলিনি কথনও’-ও এক সেতু তৈরি করে। প্রথমে জীবনানন্দের যে-কবিতাটি দিয়ে আজ শুরু করেছি, যেখানে অনেক কবিতা লিখে চলে গেছে যুবকের দল, সেই কবিতার যে গভীর অভিমান বা দুঃখ, তা-ও কিন্তু কেবল প্রিয়তমা নারীদের প্রতিই নয়। যুবকের দল অত যে কবিতা লিখে চলে গেল, তারা তা অর্ধেক শুনল, মনেও নিল না—এই যারা অর্ধেক শুনল, তাদের তো কোথাও পাঠক হিসেবেও আশা করেছিল সেইসব যুবক। তারা পড়বে, তারা বুঝবে। তাই না? তাহলে, এই অভিমান কোথাও নিজের যুগের পাঠকের প্রতিও যায়? আমার প্রেম তুমি বুঝালে না, এ হল একরকম অভিমান। আর আমার প্রেমের কবিতা তুমি মন দিয়ে পড়লে না, শুনিলে আধেক কথা, এ আরেকরকম। হতাশ যুবক-কবিরা তাই বেদনা ও নক্ষত্রের পানে ঢেয়ে তাদের কবিতা লিখে চলে গেল। জীবনানন্দের ‘মহাপৃথিবী’ বইয়ের এই কবিতা লেখার পরও ষাট বছর পার হল।

জীবনানন্দের মৃত্যুর পরে জন্মানো এক কবির বইয়ে পাওয়া গেল এই কবিতা :

গোলমাল করার জন্য আমাদের থেকে ওরা দূরে চলে গেছে।

আঘসুঝী ছেলে ও মেয়েরা। যশোলোভী কম্পিউটা ময়ূরপুচ্ছের গঞ্জ

এত জানা, এইবার আমরা কোনও বিজ্ঞ পাড়িনি।

শেষবার সম্মিলিতভাবে

বলেছিলাম : নিজেদের কথা বলো বলতে বলতে আমাদের কথা

যেন তাতে চুকে যায়। তেমন্তের চেখের ঝর্নাতে

আমাদের রাতগুলো আমাদের সমাজের বিভীষিকা সমাজের ওপরে উদার

আকাশের হাতছানি কে লুক্ষ ধরা দ্যায়। শোনেনি ভায়েরা।

কেবল নিজের কথা, যৌনসুখ, বাথরুমে বমির গঞ্জ, আলপথে

শ্রেণীবাদী সংগ্রামী কৃহকী গঞ্জ, শেষতক

‘আমি আমি’ করতে করতে দূরে চলে গেল তারা, লিখে গেল,

আমরা পড়িনি।

আমরা ডাকিনি।

এই কবিতার নাম ‘পাঠকের কথা’। লিখেছেন সংযম পাল। জীবনানন্দের ওই কবিতার এক প্রত্যন্তর যেন। পাঠকদের পক্ষ থেকে এই কথা যাচ্ছে কবিদের দিকে। ‘গোলমাল করার জন্য আমাদের থেকে ওরা দূরে চলে গেছে।’ এই প্রথম লাইনটি একটি গুরুত্বপূর্ণ কথা বলছে। গোলমাল করার জন্য কারা আমাদের থেকে দূরে চলে গেছে? কবিরা। কবিরা? তারা কী এমন গোলমাল করতে পারে? এ-প্রসঙ্গে পরে আসব। এখানে আরও একটি জরুরি কথা আছে। সেইটি আগে বলে নিই। ‘বলেছিলাম : নিজেদের কথা বলো, বলতে নিয়ে আমাদের কথা / যেন তাতে চুকে যায়।’ এ কথাই আরও চল্লিশ বছর আগে

বলেছিলেন শরৎকুমার মুখোপাধ্যায়, তাঁর ‘কোথায় সেই দীর্ঘ চোখ’ কাব্যগ্রন্থের একটি কবিতায়। ঠিক এক কথা নয়, তবে অনেকটা মিল-থাকা কথা। বলেছিলেন :

নিজেকে সরিয়ে রেখে কিছু লেখো, নিজেকে বাদ দিয়ে
দেখ এই বিশ্বে কত মানুষের ওড়াউড়ি
মজ্জমান সূর্য নিয়ে অমরত্ব খেলা।
অনেক গোপন কথা প্রত্যেকে ঘষ্টের মতো পুষে রাখে, তুমি
কলসি কাঁও করে
গেলাসে গেলাসে সব ঢেলে দিছ; বলছ না, বৃষ্টি রে
ঝেঁপে আয়, চতুর্দিক থেকে এসে তোরা স্নান করা।...

এরপর শরৎকুমারের সেই কবিতা বলেছে অবিস্মরণীয় কয়েকটি একান্ত লাইন। যা পাঠকের একাকী কাতরতা।

আমারও গোপন কথা কিছু ছিল, তুমি জেনে যাও।
দেখা হলে যে-কথা লজ্জায়
বলিনি, চিঠিতে লিখতে পারিনি যে-কথা
আমাকে দেখেই তুমি বুঝে নাও।

পাঠক মুখ ফুটে বলতে পারেন না। কিন্তু মনে মনে আশা করেন, আমার মনের কথাটি নিশ্চয়ই বলেছেন এই কবি। সেই আশাতে বই তুলে নেন হাতে। না-পেলে ভাবেন, আমার সামান্য জীবন, সামান্য কথা, এই আর কী এমন গুরুত্ব যে, কবিতায় তা খুঁজে পাওয়া যাবে।

এখনও পর্যন্ত রবীন্দ্রনাথের গানে-কবিতায় সাধারণ মানুষ সবচেয়ে বেশি নিজের কথা খুঁজে পেয়েছে বলে আজও রবীন্দ্রনাথের মার নেই। জীবনানন্দের ‘ইহাদেরই কানে’ কবিতায় বলা আছে, ‘অনেক কবিতা’ লিখে চলে গেল যুবকের দল।’ আর ‘পাঠকের কথা’ কবিতাটি বলছে, ‘আমি, আমি’ করতে করতে দূরে চলে গেল তারা, লিখে গেল, আমরা পড়িনি।’

এ-কবিতা, এক পক্ষে, আত্মসমালোচনারও কবিতা। কেন-না, পাঠকের কষ্টস্বরে বসে এ এক কবিরই লেখা। সত্যিই যদি নিজের জীবন বা নিজের প্রতিবেশী জীবনকে খুঁজে না পান পাঠক—তিনি দূরে চলে যেতে থাকা কবিদের আর ডেকে আনতে উৎসাহ পাবেন না। সেই জন্যই শেষ লাইনে ‘আমরা ডাকিনি।’ এই শেষ লাইনটি থেকে আর একবার প্রথম লাইনটির দিকে চোখ পড়ে আমার। ‘গোলমাল করার জন্য’ কথাটি নজরে আসে ফের।

এ কথা সকলেই জানেন, কাব্য-চর্চাকারীদের মধ্যে নানা ধরনের স্কুল বা মতবাদ থাকে। একটি স্কুলের সঙ্গে আর এক ধরনের স্কুলের মতবিরোধ তর্ক-সংঘর্ষ চলতেই থাকে। এবং তা চলে আসছে বছর বছর ধরে। সর্বকালেই এক কবির রচনা নিয়ে অপর কবির আপত্তি, এ ধরনের লেখা এখন চলবে না, অন্যরকম লেখা প্রয়োজন—এ-ধরনের তর্ক উত্থাপিত

হয়েছে এবং তাকে খুবই স্বাস্থ্যকর বলেই মনে করা হয়। যদিও তার পরিণামে সব যুগেই কোনো কোনো কবির মুখ দেখাদেখি বঙ্গ হয়ে যায়। কথনও সাময়িক ভাবে বঙ্গ কথনও-বা স্থায়ী ভাবে। পরবর্তী প্রজন্মের কবিরা এসব উত্তেজনা থেকে অনেক সময় কৌতুক অথবা আগ্রহ বোধ করেন ও নিজেরা ওই ধরনের বা আরেক ধরনের প্রশ্ন-প্রতিপ্রশ্নে জড়িত হয়ে তর্কবিষ্টার করতে থাকেন। যাঁরা কবিতার গবেষক তাঁরা নব নব যুগে নব নব রসদ খুঁজে পান গবেষণার।

কিন্তু যে কবিতা লেখে না, কবিতা নিয়ে গবেষণাপত্র লিখতে চায় না, বা পত্রপত্রিকায় কবিতা বিষয়ক গদ্যরচনা ছাপাতে চায় না, কিন্তু কবিতা পড়তে ভালোবাসে, এই ভালোবাসা সে হয়তো পেয়েছে তার মায়ের কাছ থেকে—সে কী করবে? এমন পাঠকরা যে আছেন, সে-কথা আমি ‘বাতাস আছেন’ বা ‘গাছ রয়েছেন’-এর মতোই সত্য অভিজ্ঞতা থেকে জানি। এক মা-মেয়েকে জানি যাঁরা অনেক পত্রপত্রিকা কেনেন বইমেলা থেকে। সেখানে এই ধরনের বিরোধিতামূলক গদ্য যে ক্রমশ ঝাঁঝবহুল ও আক্রমণাত্মক হয়ে উঠছে তা জেনে নিরৎসাহ হয়ে পড়েন। আমাকে জিজ্ঞেস করলেন তাঁরা—এগুলো জেনে আমাদের কী হবে? আমি গন্তব্য ভাবে বললাম, জানা তো সবসময়ই ক্ষিপ্ত। মেয়েটি বলল, কবিতার মধ্যেও এগুলি দেখতে পাই অনেক সময়। আমি বলি কবিতা তো কবিদের জীবনের অঙ্গ। তাই, তা নিয়ে যা সব তর্ক-বিতর্ক তাও তো কবিতায় আসবে। এগুলি ঠিক তর্ক নয়, বলে স্নান মুখে চুপ করে যায় মেয়েটি। শেষে তাঁল, এগুলি আর পড়তে ইচ্ছে করে না।

এই মেয়েটি বা তার মা—তাদের আশঙ্কিত হওয়ার কথা কোনোদিন জানাতে পারবেন না। ঠিক এই কথাটাই সংযম পাল করে দিয়েছেন তাঁর এই ‘পাঠকের কথা’ কবিতায়। কবিতা রচনা, কবিতা প্রকাশনা, কবিতা সমালোচনা ও সেই সংক্রান্ত বঙ্গ-পরিচিতদের নিয়ে তৈরি হয়েছে ছোটো ছোটো সমৃজ। তার মধ্যেও নানা দোলাচল, প্রীতি ও সংঘাত আছে। যে-ধরনের লেখার কথা মেয়েটি বলতে চায়, সেসব লেখাও নিশ্চয় কোথাও বাহবা পায়, বা কাউকে ক্রুদ্ধ করে, কিন্তু তা ঘটে খুবই ক্ষুদ্র একটা বৃত্তের ভেতর। যারা নিজেরা লেখাদেখি করেন তাদের নিয়েই সেই বৃক্ত।

কিন্তু কবিতা রচনা ও তাঁর প্রকাশনার বৃত্তের বাইরে আছে বড়ো আর বহুমান মূল জীবন। সেই জীবনে অংশগ্রহণকারী কেউ কেউ যখন কবিতার কাছে আসেন, তিনি, রচনার প্রকাশসমস্যা ও রচনাতত্ত্বের কথা জানার চাইতে, বহুমান জীবন দেখতে চান। কিন্তু সে-প্রত্যাশা মুখে বলতে কুঠা বোধ করেন। কেননা কবিদের তাঁরা শ্রদ্ধার চোখ দিয়ে দেবেন। ভালোবাসার চোখ দিয়ে। দুটি বড়ো ঘরানার মধ্যে গায়ন পদ্ধতির কী কী তফাত তা জানলে ভালো। কিন্তু ঘরানাগুলির অস্তর্গত কলহ-সংবাদ জেনে কোনো শ্রোতার কী লাভ, যখন সেই দু-ধরনের গান থেকেই কিছু না কিছু আনন্দ সে নিতে পারে? কবিতার তত্ত্ব ও প্রকাশ-সংক্রান্ত তর্করচনাগুলিতে ধীরে ধীরে, অনেক সময় লেখকের অজাঞ্জেই, তাঁর চেপে রাখা রাগ-ক্ষোভ-বিদ্বেষ মিশে যায়। সেই একই বিষয় বয়ে চলে আসে কবিতায়। পাঠকের মনে হয় এই নিজেদের মধ্যে গোলমাল, এগুলো খেঁবে আমাদের কী হবে। ধীরে ধীরে দূরে সরে যান তারা।

কিন্তু বাংলা কবিতার ঐশ্বর্যের তো আজও সীমা নেই। তাই দূরে না-যাওয়া পাঠকদের জন্যে, বিশেষত, সেই মা আর মেয়েটির জন্যে, শেষ একটি কবিতা নিবেদন করি। ‘কৃধ্বাপ্রাণ’। এটিও লিখেছেন সংযম পাল। এই কবিতাটিও, জীবনানন্দের সেই ‘চাল-ধোয়া-হাত’-কে মুখড়া হিসেবে ব্যবহার করে শুরু হলেও, দেখিয়ে দিয়েছে, এ গান কতটা নিজস্ব!


সোনামুগ ধোয় যে-মেয়ের
কালো হাতে শ্যামল আঙুল
ক্ষমা করে দিই সে মেয়ের
সকালের খুটিনাটি ভুল
আমি ওর হাতে হাত রেখে
ভাত ও ডালের সমাহারে
পেরে যাই অর্ধেক বিজয়

মনে হয় কোন সে বাতাস
নিচু স্বরে লোভে বেজে ওঠে
এরকম আমারও মায়ের
শাখা পলা আঁচলের ঝুঁটি
চেয়েছিল—কৃধ্বাপ্রাণ বাবা
পাত পেতে বসে বারান্দায়
বলে ওঠে : ‘ছবি, ভাত দাও

দুপুরের বেলাটি গাঢ়ায়

একটি চিরকালীন বাংলা এই কবিতার মধ্যে আছে। নিজের ঘরনীর খেতে দেওয়া দেখে, দেশের বাড়ির মা আর বাবার কথা মনে পড়ে যাচ্ছে। শুধু ডাল-ভাত মেখে খাওয়ার মধ্যে সাধারণ মানুষের যে-আনন্দ, তার প্রকাশ আছে এখানে, তা যেন অর্ধেক রাজ্য জয় করে আসা। খিদে-পেটে থালা নিয়ে বসে মাকে নাম ধরে ডেকে বাবার ভাত দিতে বলা, এ-ছবি কি পুরোনো হওয়ার? এ-কবিতার একদিকে জীবনানন্দ দাঁড়িয়ে আছেন।

এ-লেখা শেষ হওয়ার পর এসে দাঁড়িয়েছেন অক্ষয় বড়াল ও কুমুদরঞ্জন। মাঝখানে বাংলার সংসার, বাংলার মেহমতাময় অন্নজল।



১৭

প্রথম যখন কবিতা লিখতে শুরু করেছিলাম, কারণ কী ছিল? সত্যি বলতে, এককথায় কোনো কারণ বলা যাবে না। এমনিই মাথায় কতগুলো কথা আসত। সে কথাগুলো মাকে বলার জন্য নয়। ভাইকে বা বন্ধুদের বলার জন্যও নয়। কেবল মনে হত, লিখে রাখি। প্রথমে গদ্য করে ডায়রির মতো লিখতাম। তারপর একসময় সেগুলো কবিতার আকার নিতে থাকে। এটুকুই ঘটনা।

কিন্তু ভেবে যদি দেখি, তবে খুঁজে পাচ্ছেসব কথা কেন আসত। প্রাথমিক ভাবে সে-সব কথা তৈরি হত কোনো সামাজিক ঘটনার প্রতিক্রিয়া হিসেবে। বা, কোনো কথার উদ্দৃত হিসেবে। কেউ কোনো কথা বলেছে, বা কোনো ঘটনা ঘটেছে, তারই ফলে মনে প্রতি-উদ্দৃত হিসেবে কথাগুলো আসছে। এই ঘটনা কোনো মেয়েকে দেখে এক ঝলক ভালোলাগা হতে পারে।

আবার সেই সময়টায়, ১৯৭০-'৭১ সালে, চারিদিকে রক্তপাত চলছে, এই বাংলায় নকশাল আন্দোলন ওই বাংলায় ২৫ মার্চের গণহত্যা ও মুক্তিযুদ্ধ আর স্টেশনে স্টেশনে উদ্বাস্তুর দল, এইসব থেকেও কোনো কোনো কথা মাথায় ঢুকে পড়ে, অস্থির করে, লিখে রাখার চেষ্টা করি। লিখতে লিখতে অনেক সময়ই জিনিসটা আর আমার হাতে থাকে না। আরঙ্গের সময় ধারণা ছিল না, শেষে এরকমটা হবে—এই বিস্ময়ের মুখোমুখি হয়ে পড়াটা চলতে থাকে। যেটা আমার পরিকল্পনা, বা জ্ঞানাশোনার মধ্যে একটু আগেও ছিল না, সেরকম কিছু একটা এইমাত্র লিখে বসলাম, এই ধরনের হতবুদ্ধি অবস্থা হত। সত্যি বলতে কবিতা লেখার সময় আজীবনই এ ধরনের অবস্থার মধ্য দিয়ে চলেছি। প্রায়ই আমার কয়েক মিনিট আগেও না-ভাবা কোনো মোড় এসে দেখা দিয়েছে লেখার মধ্যে, আমি তার কাছে আগ্রাসমর্পণ করেছি। বা, করতে বাধ্য হয়েছি।

অন্য কবিদের কবিতা রচনাকালে যেহেতু আমি উপস্থিত থাকিনি, ফলে ঠিক ঠিক কী

হয়, তা ভালো জানি না। কেউ কেউ, যারা তাদের কোনো একটি কবিতার রচনাকথা বা ক্রিয়েটিভ প্রসেস লিখেছেন, আতে অস্তত কিছুটা জানতে পেরেছি।

কবিতা লেখার সময় কারও সামনে বসে থাকলে, তাঁকে রচনায় ব্যস্ত দেখা যাবে, কিন্তু তাঁর মনের ভিতর দিকে কী কী ঘটছে তা তো আর দেখা যাবে না। ফলে কোনো কোনো কবি যদি সামনে কোনো পত্রিকা সম্পাদককে বসিয়েও কবিতা লিখে দেন, তাহলে, ওই বিশেষ কয়েক মিনিট বা আধ ঘণ্টার জন্য তিনি মনের গভীরতর স্তরটিতে অজান্তেই প্রবেশ করে যান—সে-মুহূর্তে তাঁর চারপাশের পৃথিবী যতই কোলাহলমুখের তাড়াহড়োর মধ্যে থাকুক না কেন। নইলে কফিঘরে কী রেস্তোরাঁয় কিংবা সংবাদপত্র দপ্তরে অথবা ছাপাখানায় বসে ফ্রফ সংশোধন সূত্রে লেখকরা লিখতে পারেন কীভাবে! পারেন, কারণ সেই বিশেষ মুহূর্তটিতে নিজেকে তাঁরা ডুবিয়ে দিতে পারেন। বাইরের পৃথিবী তাঁকে ছুঁতে পারে না কোথাও।

আমি নিজে অমন্টা পারিনি কখনও। কফিঘর, রেস্তোরাঁসংবাদপত্র দপ্তর বা প্রেসে বসে কবিতা লেখার মতো মানসিক নিবিষ্টতা কখনও পাইনি। এটা বুঝেছি, সব মানুষের স্বভাব যেমন একরকম নয় সব লিখিয়েও একরকম হয় না। আমি এখনও একটা কবিতা লিখতে লিখতে, সপ্তম লাইনে এসে হঠাতে পঞ্চম লাইনটির পরিবর্তন করি। নবম লাইনে এসে মনে হল ষষ্ঠ লাইনটিকেই বদলানো দরকার। মুলে ১৩ নম্বর লাইনে রয়েছি, তখন জানি না কবিতাটি ১৭ লাইনে শেষ হবে না, রেখাইনে। এই যে নিজের লেখার মধ্যপথে এসে, এত বয়সেও, বুঝতে পারি না লেখাটি কোন দিকে যাবে বা কতবার বদলাবে, জানতে পারি না তার উদ্দেশ্য বা গন্তব্য কী—এটা আমি মনে নিয়েছি। এবং এ জন্যই, অন্যদের কীভাবে কবিতা লেখা উচিত, বা এখনকার কবিতার ভাষা কেমন হওয়া উচিত—এ-বিষয়ে কাউকে কিছু বলার কথা ভাবি না। নিজের মনের মধ্যে চুকেই আমি পথ দেখতে পাই না—কীভাবে তবে আমি অজানা অনেক মানুষের মনের মধ্যে চুকে বলব এইভাবে লেখা উচিত! রচনাকালে অপর লেখকের মন কীভাবে ক্রিয়া করছে, তা যেহেতু জানার কোনো অগ্রিম উপায় আমার নেই, তাই আমি এ-ব্যাপারে সবসময় চুপ করে থেকেছি। কারও একটি কবিতা পড়বার পর তবে আমি কিছুটা বুঝতে পারি, কবিতা-লেখকের মন কীভাবে কাজ করেছে এই কবিতাটির পিছনে।

গত চালিশ বছর ধরে, বিভিন্ন সময়ে, বিভিন্ন জনের গদ্য রচনা পড়েছি, এখনকার কবিতার ভাষা কেমন হওয়া উচিত সে-বিষয়ে নির্দেশ বা পরামর্শ-সহ। মুখেও বলতে শুনেছি—‘এখন লেখা কেমন হওয়া উচিত’। এখানে ‘এখন’টা কখনও ছিল ‘৭৩ সাল, কখনও ছিল ‘৭৮-’৭৯, কখনও ‘৬৫, কখনও ‘৮৬, কখনও ‘৯৭, কখন-বা ২০০৭। সে-সব রচনা আমি শ্রদ্ধার সঙ্গে পাঠ করেছি। এসব বিষয়ে তর্কবিতর্ক ও আলোচনা হলে, তা-ও পড়েছি। এ তো আজকের ব্যাপার নয়, চিরকালই কবিবা, এসব নিয়ে কথা বলেছেন। এতে কার্যতা সম্মতের আবহাওয়া বেশ প্রাণচক্ষুল থাকে। তবে আমার মনে হয়, একমনে দুনিয়ার পাঠক এক হও! ~ www.amarboi.com ~

বসে যে একটা কবিতা লিখছে, অভিজ্ঞতা বুনছে, তার সেই অভিজ্ঞতা প্রকাশের ভাষাটা তাকে খুঁজে নিতে দেওয়াই শ্রেয়।

তা ছাড়া কবিতার পাঠক যারা, তারা এগুলো দেখে কিছুটা পিছিয়ে আসেন, বা একটু নিরুৎসাহিত বোধ করেন। পাঠক কোনো কবিতা পড়লে সেই কবির মনটুকু ছুঁতে চান। আমিও, নিজস্ব স্বভাব অনুযায়ী, দেখতে চাই কী কী অভিজ্ঞতার কথা এই কবিতা বলছে।

কখনো-কখনো চেনা অভিজ্ঞতা খুঁজে পেয়ে মনে হয় ইনি আমার আঙ্গীয়, একই রোদ একই বৃষ্টি একই মাঠপ্রান্তের লোকালয় আমরা ভাগ করে বাস করছি যেন। আবার আমার অচেনা জিনিস দেখলে মনে হয় ইনি আমাকে একটি নতুন দেশে নিয়ে যাচ্ছেন, নতুন অভিজ্ঞতার কথা জেনে পূর্ণতর হচ্ছি।

যদিও অভিজ্ঞতা নতুন হওয়া মুশকিল, এ কথা স্বীকার করি। এমনই বেশির ভাগ সময়ে হয় যে, চেনা অভিজ্ঞতা এমন নতুন দৃষ্টিতে দেখা হল, এমন নতুনভাবে বলা হল যে আমার মনটাও কিছুক্ষণের জন্য নতুন হয়ে উঠল।

এইরকম, জানা অভিজ্ঞতা কীভাবে সম্পূর্ণ নতুন হয়ে উঠতে পারে তার একটি আশ্চর্য প্রমাণ আমার কাছে এই কবিতাটি :

স্তন

তোমার স্তনে হাত রাখলে মনে হয় যে একটা

ছেট্ট পাখি চেপে ধরেছি মুঠোর ভিতর;

জোরে চেপে ধরলেই মরে যাবে—

আঙুলের ডগা বুলিলে বুলিয়ে আমি তোমার

স্তনের পালকগুলো খাড়া করে তুলি।

স্তনের ঠোটের মুখে গুঁজে দিই মমতার ক্ষুদ এবং কুঁড়ো,

তখন খুশিতে ডাকতে শুরু করে তোমার স্তনদুটো—

ডানা ঝাপটে উড়ে বেড়ায় আমার মুখ, কপাল, বুক এবং ঘাড়ের ওপর।

এই কবিতাটি লিখেছেন শামসের আনন্দয়ার। ‘স্তন’ বিষয়টি নিয়ে রবীন্দ্রনাথের কবিতা আছে। ‘স্তন’ শব্দটিতে নতুন শক্তি ভরে দিয়েছিলেন জীবনানন্দ। বাংলা ভাষায় অনেক কবির কবিতায় ‘স্তন’-এর ব্যবহার আছে। সার্থক ও সুন্দর ব্যবহার। কিন্তু শাস্ত এই কবিতাটিতে একটি অপ্রত্যাশিত বিভাব এসে দেখা দিয়েছে। তা হল স্নেহ। কাম-ই এর বিষয়, এবং এর ধাপে ধাপে অগ্রসর হওয়ার মধ্যে শারীরিক ঘনিষ্ঠতা যেহেতু বাড়ছে, তাই উন্মাদনা আসার কথা। কিন্তু সেই উন্মাদনা প্রকাশিত হচ্ছে স্নিফ্ফ শাস্ত একটি স্নেহের মধ্য দিয়ে। ‘জোরে চেপে ধরলেই মরে যাবে—’ অভিবাস্তিটির তো তুলনা নেই। এটি একটি পুরামৈর লেখা, যে তার পৌরামৈর প্রবলতা সম্পর্কে সচেতন এমনকি কোথাও অহংকারীও।

তবু, এই যে স্তনে আদর করা, এই বিষয়টি এখানে এমনভাবে প্রকাশ পাচ্ছে যেন, পুরুষটির মধ্যে একটি মা-পাখি রয়েছে, যে তার শিশুটির মুখে খাবারের ছোটো ছোটো দানা, খুদ কুঁড়ো ভরে দিচ্ছে। এর উলটোটা যদি প্রকাশ পেত, যা অনেক সময় পুরুষ আদরের সময় নারীর কাছে আশা করে ও পায়, তাহলে তত অবাক হওয়ার কিছু ছিল না। কবিতার শেষে বোঝা যায় আদর আরও ঘন হচ্ছে বা বৃদ্ধি পাচ্ছে।

কিন্তু, উন্মাদ-তোলপাড়ের পরিবর্তে এখানে প্রকাশিত হচ্ছে স্নেহসবুজ খুশি। পুরুষটির এই আদর করার মধ্যে ফুটে উঠছে প্রেমিকার প্রতি একটি গভীর মায়া। যে-মায়ায় বাংসল্যও এসে পড়েছে অবধারিত ভাবে। নারীর স্বাভাবিক শারীরিক প্রতিক্রিয়াও এখানে বলা হয়েছে, কিন্তু তা খুঁজে পেয়েছে একেবারে নতুন এক্সপ্রেশন। ‘আঙুলের ডগা বুলিয়ে বুলিয়ে আমি তোমার / স্তনের পালকগুলো খাড়া করে তুলি।’ কামের সীমার ভেতর যখন কবিতা চুকে পড়ে তখন তা স্বাভাবিক ভাবেই শরীরপ্রধান হয়ে ওঠে। সেই শরীর-প্রাধান্যও চমৎকার কবিতা হয়ে উঠতে পারে, এমন অনেক সার্থক দৃষ্টান্ত আছে বাংলা কবিতায়। প্রেম থেকে শুরু হয়ে শরীরে পৌঁছেনোই তখন সেসব কবিতার গতিপ্রকৃতি। এমনকি শুধু শরীর-তাড়না বা তার উপভোগ থেকেও সুন্দর কবিতা জন্মেছে, এমন দ্বিতীয়রণ তো আছেই।

এই কবিতাটি সারাক্ষণ শরীরের মধ্যেই ডুবে রয়েছে অথচ শরীরকে কোথাও ছাপিয়েও উঠেছে। যে পড়ছে, তাকেও কোনো মায়ায় জড়িয়ে নিচ্ছে এ-লেখা, যা কেবলই শরীর-সংক্রান্ত উত্তেজনা নয়। তাকে অতিক্রম করে আনুষের অনুভূতির আরও নানা স্তর ধরতে পারছে। শারীরিকতার সময়ে মানুষের সম্মত স্মৃতি প্রবলভাবে আলোড়িত হয়ে চলে বলে কাম-এর সঙ্গে স্নেহ, কখনও প্রতিইংসাম, কখনও রাগ, এসব এসে মিশে যায়। ঠিক কবিতা লেখার সময় যেটা ঘটে। এখানে কবিতাটি স্নেহের সুরটিকে বিস্তার দিয়েছে।

মাটি দশকের এই কবি, শামসের আনোয়ার, অকালে আমাদের ছেড়ে গিয়েছেন, আজ থেকে পনেরো বছর আগে। এই কবির সঙ্গে আমার কখনও দেখা হয়নি ‘শামসের আনোয়ারের ‘শ্রেষ্ঠ কবিতা’ বইটির ভূমিকায়, তাঁর বক্ষ, ভাস্তর চঞ্চবর্তী, জানিয়েছেন, ‘নতুন শতাব্দীর যাঁরা তরুণ কবি, তাঁরা হয়তো অনেকেই জানেন না, ‘কৃত্তিবাস’ যখন খ্যাতির চূড়ায়, সেই সময়ে প্রথম কৃত্তিবাস পুরস্কার পেয়েছিল শামসের আনোয়ার! আমাদের সেই তুমুল ইচ্ছাই এখন প্রায় শূন্তি।’

ভাস্তরও চলে গিয়েছেন, কিছুদিন আগে। শামসের সম্পর্কে ভাস্তরের অত্যন্ত সংক্ষিপ্ত অথচ অসাধারণ ভূমিকাটি থেকে আরও কয়েক লাইন জানাই পাঠককে, তার মধ্যে দিয়ে শামসেরকে আরও একটু জানা যাবে—‘শামসেরের সঙ্গে বন্ধুত্বটাই ছিলো একটা বাঘের সঙ্গে বন্ধুত্বের মতো। এতটাই উদ্দামতা, সজীবতা, দৃঢ়সাহসিকতা ছিল শামসেরের— এতটাই আক্রমণাত্মক, বিষম আর ক্ষুদ্র—এতটাই আন্তরিক ছিল শামসের—এতটাই আন্তরিক যে, প্রকৃত শামসেরকে খুঁজে পাওয়াই ছিল মুশকিল।

খুঁজে অবশ্য ঠিকই পাওয়া যায় শামসেরকে, তার কবিতায়।’

আমরাও যাঁৰা তাঁকে দেখিনি, তাঁৰ কবিতাতেই খুঁজে পাই তাঁকে। যেমন একটি কবিতায় তিনি লিখেছিলেন, লঠনের পাশে জুলে রয়েছে তোমার মুখ যেন অপর একটি লঠন। সেভাবেই তাঁৰ কবিতাও আমাদের দিকে তাকিয়ে রইল। তাঁৰ আৱ একটি কবিতা দিয়ে আজকেৰ গৌসাইবাগান শেষ কৰি।

পৌরাণিক


আজ আমি খুৱপি নিয়ে শুয়েছি
কোপাবো নিজেকে
মাটিতে গড়াবে শামশেরের বীজ...
জন্মাবে আৱও অনেক হাজাৰ শামশের
যে শামশেরের জিভ লম্বা হয়ে ঢেকেছে
পায়ের কাছে

ঘাড়ে উষ্ণ জলপ্ৰবাহ
আৱ যাব চোখেৰ পাতা রক্তেৰ সমুদ্রে ডিজে আছে
কপাল থেকে যাব আছাড় খেয়ে পড়ে বুলি অশথ গাছ
যাব শৰীৰে শ্যাওলা আছে, দাম আছে
মাংসেৰ শক্ত গিঁটে ভৱে গেছে মার্বণিঠ
যে অনেক আগেই খেয়ে ফেলেছে ইৱাৰ সফল ছৰা
আকাশে তাৰাগুলি ক্লিপেৰ মণ্ডো বিঁধে থাকে যাব মাংসপেশীতে
যে এপাশ ফিৱলে স্মৃতি উকনো পাটকাঠি

মড় মড় কৰে ভেঙে যায়

ওপাশ ফিৱলে নষ্ট সুযোগ বিৱাট ধাৱালো কঁটা
বিধে থাকে...

জন্মাবে, সেই পৌরাণিক কষ্ট-বিদ্ব শামশেৰ আৱো
হাজাৰ শামশেৰ হয়ে জন্মাবে
বিষ-ফুলেৰ লতা জড়ানো থাকবে তাদেৰ গায়ে
ৰোজ সকালে লতাৰ শৰীৰ ছিঁড়ে গজাৰে ফুল
অস্তুত ফুল, দস্তুৱ কুকুৱেৰ মণ্ডো ওৱা ডাকবে—
হাজাৰ হাজাৰ নতুন শামশেৰকে।



১৮

কখন যে কোন কবিতা আমাকে অবাক করে, তার ঠিক পাই না। হয়তো প্রধান কবি নন,
একটা-দুটো বই লিখেই লুকিয়ে পড়েছেন, এমন কম্পিউট যে হঠাৎ কোথা থেকে এসে
আশ্চর্য করে দেন, তা কে জানে। গত কয়েকদিন ছল কাঁধের বোলায় একটি পাতলা বই
নিয়ে ঘুরছি, পাতা ওলটাচ্ছি। তার কয়েক পদ আপনাদেরও দেখাই।

একটি মৃত্যুদৃশ্য

ওঁ সেই কখন থেকে জাড় টিপে বসে আছি
এখনও ভীত ধূকপুক!
এতবার বাইপাস করলে তুমি
এত ছুরি কাঁচি গজাল চালালে

আগে থাকতেই ফ্রিজে এতগুলো যুবকের
টিটকা কলাজে ঢুকিয়ে রেখেছি
একবার প্রাণপাখিটা ফুড়ত হলোই
ওদের কারওর একটার মধ্যে আবার ঢুকিয়ে দেবো
শিয়রে গঙ্গাজলও রেডি
তবু তোমার প্রতি প্রেমটা মরতে—
বেহায়া!

উজ্জবুক!

এও সময় নিশ্চে হয়।

থেমের কবিতা। কিন্তু একেবারে নতুন ধরনের এক্সপ্রেশন। সারাক্ষণ নিজেকে ঠাট্টা করে চলা। নিজের অসহায় অবস্থাটিকে ধিকার দেওয়া। কিন্তু পুরো জিনিসটাই এমন মজা করে বলা যে, আমরা যেন উপভোগ করতে থাকি। যেন যন্ত্রণাটা দেখতে না পাই। যন্ত্রণাকে ঢাকা দেওয়াটাই যেন এক্ষেত্রে লেখার কারণ। হ্যাঁ, যন্ত্রণা তো আছেই। এই কবিতাটিতে দেখা যাক যন্ত্রণার একটি কারণকে।

ভয়ের কবিতা

আমার চোখের তারায় সেই বাঘিনির ওঁত গেতে থাকা
দেখে ফেলার পর খেকেই
তুমি ভয়ে আর আমার চোখে
চোখ ফেল না

পাছে সেই উপোসি বাঘিনি
ঝাপিয়ে পড়ে তোমার ঘরে
আগুন দেয় তোমার চালে
ঙ্গী-পুত্র নিয়ে পালাতে ভুলে যাও তার

পাছে ঘূম ভাঙে তোমারও উপোসি বাঘের—

যাকে ভালোবাসি, সে অনেক এই কথা জানার পরেও যে-ভালোবাসা যেতে চায় না,
তাকে নিয়ে সবচেয়ে বেশি রাগ হয় নিজের ওপর। তার হাত থেকে মুক্তি পাওয়া দরকার।
কার হাত থেকে? সেই মানুষটির হাত থেকে? না। সে তো স্বেচ্ছায় দূরে চলেই গেছে।
কিন্তু তার সম্পর্কে দুর্দর টান কিছুতেই যেতে চাইছে না। নিম্নলিখিত ইতিহাস সত্ত্বেও।

ট্রেকিং

মানুষ তো মাঝে মাঝে সিংহ হয়ে উঠতে চায়
জীবন মৃত্যু পায়ের ভূত্য বলতে চায় যাত্রার ঢঙে
মানুষ তো মাঝে মাঝে ট্রেকিং-এ যায় নন্দাঘুণ্টি কিম্বর

তেমনি এসেছিলে তুমি
আমার বেপরোয়া বেহিসেবী উড়নচগু পাহাড় চূড়ে
আমার ঠাবু গুটিয়ে কখন ফিরেও গেছ

ঘরে

সমতলে

নিরামিষ যাছের বোল ইসবগুল আর বট-এর কোলে

বেহিসেবের প্যারা ফাইডিং

ভয়ে ভয়ে দু-একটা দিন

(গুরুপাকে চশমামার্কা অঙ্গজীন সহযোগে)

লোকে যেমন ট্রেকিং-এ যায় কয়েকদিনের জন্য, এই প্রেম হয়তো, অন্যপক্ষের কাছে,
তেমনই কয়েকদিনের জন্য একটা ছুটি কাটানোর বেশি ছিল না। একটু আ্যাডভেঞ্চারাস ছুটি
কাটানো। তারপরে সে নিজের স্বাভাবিক ও নির্দিষ্ট আগ্রায়ে ফিরে গেছে। নারী-হৃদয় বুঝতে
পারছে, এবং হয়তো, অন্যরাও তাকে বলছে, ভুল করেছ। ভুল করেছিলে। ভুল, ভুল, ভুল।
আর সেই সূত্রেই এসে পড়ছে এই ভুলের কবিতা।

আঃ ভুল!

উন্মত মুদ্রায় নাচতে নাচতে এগিয়ে আসছে ভুল

ধৰ্ম নামছে রক্তে

ও...ই ছাদের কার্নিশ পেরিসো উচ্চ-পালট উড়ে যাচ্ছে

ঠোঙ্গায় মোড়া চাকরি ধার্জপাতায় পাপবোধ, পলিব্যাগে শালীনতার সংজ্ঞা

আঃ ভুল আসছে।

চিবুকের-সূঠাম হাড়, কামানো ঘাড়, হাত পায়ের অনায়াস মুদ্রা ধেকে

কুলু কুলু শ্রোত আমায় ঘিরছে

ভাষা জানি না ভুলের

ভুলের চোখে চোখ পায়ে পা মিলিয়ে কি উদ্বাগ নাচছি!

উড়ে যাচ্ছে সব মৃত রাত।

এই ভুল, যাকে ভুল বলে চিহ্ন দেয় সমাজ, পাশাপাশি, নিজে যখন নিজের মুখোমুখি
হও, তখনও স্বীকার করো যে ভুল জায়গাতেই ছুড়ে দিয়েছ তোমার মন, জগতে কেউই
ওখন পাশে থাকে না, এমনকি নিজের পাশে নিজেকেও দেখা যায় না—তখন মনে পড়ে,
না হয়ে থাকে। কী হয়।

রিলিফ ক্যাম্পে

অতর্কিতে একদিন তিনি ডাক দিলেন

এই জন্য এতদিন বেঁচেছিলাম?
অঙ্গরাঙ্গিরে তোমার স্বর শুনে
সমস্ত ওভাষ করিয়ে কেবল হাত বাড়িয়ে দেবে বলে?

অঙ্গকার দেহের এত মণিমাণিক্য ঝালর দেখব
পথের প্রান্তে পরমেশ্বরের সঙ্গে দেখা হবে
তিনি শ্রিত হেসে মাংসগঙ্গ বুকে তুলে নেবেন

তাই এতদিন এমন না খেয়ে শুকিয়ে মরেছিলাম?

এ ছাড়া তো সেই

আবার কবে ত্রাণ আসবে
মাত্রপত্যেশ ডোরবেলে কান পাতা

যদিও ভুখ দেবীরা জানে

পরমেশ্বর ব্যস্ত দেবতা

এই যে সে আসে, যে অপ্রাপ্যীয়, এবং যে অবধারিত ভাবে চলে যায়, তারপরের
ধিকিধিকি জুলে যাওয়া শূন্যতা ভরাবার জন্য নানা ভাবে জীবন নিজেকে ব্যস্ত রাখতে চায়।
প্রতিশোধ নিতে চায় নিজের ওপর। আর তারপর, একমাত্র বা অধান প্রেমকে আবারও
স্থীকার করে। কিন্তু তার মধ্যেও না-পাওয়ার অপমান ও বঞ্চনার কালো মিশে থাকে।

সেলামি

তোমাকে ভালোবাসতে বাসতে
দু'মিনিট চোখ বুঁজে খিমিয়ে নিয়েছিল
প্রেম

ওই সব অন্য অন্য ভুল যুবকেরা
আসলে সেই তন্ত্রার ঘোর।

চটকা ভাঙতেই উঠে বসেছে প্রেম

তোমার সামনে এভাবে জীবনব্যাপী সেলাম হয়ে
বুঁকে থাকতে যে ও কত ভালোবাসে

তা তো তুমি জানো!

এই ক্ষেত্র থেকে এসে পৌঁছোয়, প্রেমের সঙ্গে একেবারে অঙ্গাঙ্গী সম্পর্ক যার, সেই
দীর্ঘ। এসে পড়ে এক ধরনের হিংস্রতা।

ঠাণ্ডা মিষ্টি আরক প্রস্তুত প্রণালী

রূপকথার রান্নিরা কেউ পুরুষ পেত না পর্যাপ্ত
বড়ো মেজো সেজো পাট সুয়ো দুয়ো মিলে
সাকুল্যে এক রাজা নিয়ে বুক চাপড়ে
নিত্য চুলোচুলি—

ফিশফাশ বড়যন্ত্র আড়ি পাতা মিলের পুরিয়া

আমারও ঠিক অমনি হয় জানো
তুমি যখন অন্য অন্য ভেয়ের দিকে ফেরো
ঝাঁঝালো টক অস্বলো জলে বুক গলা পেট
দু' কষ বেয়ে ফেনা বরে
হিঙ্গা ওঠে
সুতোর ডগায় দুলতে থাকে প্রেমাতুর আণ

তোমার খোলা ছাড়িয়ে টুকরো করে
মিঞ্জিতে ফেলে ঘূর্ণি তুলি
থকথকে কাথে চিনি, জল ও সুরভি দিলেই
ঠাণ্ডা মিষ্টি ঠাণ্ডা আরক
ঈর্ষাতুর গলা এবং বুক পেরিয়ে নিশ্চিষ্টে পেটে

রূপকথার সেই গল্পটার কোনো রিপ্রিন্ট না বেরোয় আবার!

কিন্তু এই হিংস্রতাও আসলে একপ্রকার অসহায়তাই। মন উপায়হীন জ্বালায় ছটফট

করতে করতে কথনও বা এমন হিংস্রতায় পৌঁছোয়। আবার তা শাস্তি হয়েও আসে। তখন ঘুরে দেখতে ইচ্ছে হয় নিজেকে। তখন মনে আসে :

বাঁশি

এরকম ভয়াবহ সৎ জীবন আমারও হতে পারত
সকালের রামাঘরে হাঁড়িতে বুড়বুড়ি কাটা ভাত
ছেলে ও স্বামীর ঢিফিন বাক্স
শাশুড়ির চা ও শৃঙ্খলোমস্থন

ছেলের স্কুলের পড়া
এবং রাস্তিরের ঝটি
ঘুমের আগে রোমাঞ্চহীন
নিয়মমাফিক—

এরকম আদ্যাস্ত সতীজীবন আমারও হতে পারত
যদি না তুমি এসে চতুর কানাই
রোজ নতুন নতুন রঙের আগুন মাস্তাতে
বাঁশিতে।

এই কবিতায় ‘ভয়াবহ সৎ জীবনানন্দ দাশের একটি কবিতা থেকে নেওয়া হয়েছে। যদিও পাঠক নিশ্চয়ই ধূঁধতে পারছেন, জীবনানন্দের কবিতার সঙ্গে কোনোরূপ সাদৃশ্যই নেই এই কবির লেখার। জীবনানন্দের লাইনটি হল ‘তার ভালোবাসা’ পেয়ে ভয়াবহভাবে সৎ হয়ে আছি—ভাবি’ যদিও এই কবিতাগুলো, ‘তার ভালোবাসা’ না পাওয়ার উপরে উপরে জুলস্ত, সারাঙ্কণ।

যে-বইটি থেকে এই কবিতাগুলো তুলে দিচ্ছি, তার নাম হল ‘বাঘিনীর ছেলে দেখা।’ লেখক, অঞ্জনা চক্রবর্তী, এখানে সরাসরি কথা বলেছেন। এই ধরনের আক্রমণাত্মক ও ভ্রুদ্ধ প্রেমের কবিতা বিরল। ‘রিলিফ ক্যাম্পে’ কবিতাটিতে ‘ওভার’ শব্দটির ব্যবহার তুলনাহীন। পুরো বইটিতেই নানারকম ইংরেজি শব্দের ব্যবহার আছে। আছে হিন্দি শব্দের ব্যবহারও। ‘বাঘিনী’ শীর্ষক কবিতা আছে কয়েকটি। যেমন ‘বাঘিনীর জন্য সভ্য মেনু’। এ বইয়ের কবিতার অনেকগুলো নাম বেশ অস্তুত কিন্তু আঘাতকারী। ‘উইলস মেড ফর ইচ আদার কল্টেস্ট জিততে হলে’, ‘অ্যাকশন থ্রিলার’, ‘ক্সমেটিক সার্জারি’, ‘বিধিসম্মত সতর্কীকরণ’, ‘জানেমন তারকাকে নোবেল প্রস্তাব’, ‘মেয়ে দেখা সংক্রান্ত প্রাক-প্রস্তুতি’।

পিণাথযোগ্যা কন্যাকে পাত্রপক্ষের সামনে বসানোর যে-প্রথা চালু আছে, তাকে আঘাত

করেও ‘বাধিনীর ছেলে দেখা’ নামটির আরেকটি তাৎপর্য পাওয়া যায়। এই বইয়ের কবিতাগুলো কোনো কোনো পাঠকের কাছে স্টান্টধর্মী মনে হতে পারে। কিন্তু কবিতা তো নানা ধরনের হয়। বেঁচে থাকার মাঝখানে বড়ো বড়ো ঝাঁকুনি আসে, প্রায়ই। কোনো কোনো লেখক সেই ঝাঁকুনির চলনকে ধরে দিতে চান। সেই ঝাঁকুনির মধ্য দিয়েই তখন অভিজ্ঞতাকে দেখতে পাওয়া যায়। তা ছাড়া, একটি বড়ো আঘাতের যন্ত্রণা এর অন্তঃস্থলে কাজ করছে এ-কথাটি যখনই বইটি পড়তে-পড়তে উপলব্ধি করা যায়, এই বইয়ের লেখকের কবিতাশক্তি সম্পর্কে সংশয় থাকে না।

আমার অস্তত নেই। এই কবি সাধারণে একেবারেই পরিচিত নন। কবিতার পত্রিকাগুলো খুঁজলেও এর লেখা খুব কমই দেখতে পাওয়া যায়। এ ছাড়া বইটিতে ছন্দে লেখা কবিতা প্রায় নেই বললেই হয়। সরাসরি গদ্যে লেখা বইটি। যে-সম্পর্কের কোনো সামাজিক পরিণতি সন্তুষ্ট হয় না, তেমন কোনো সম্পর্কের আগুন ও বিষ এই বইটি বহন করছে। কিন্তু বিষ, আগুনের দাহ-ই এর শেষ কথা নয়, কারণ এর অন্তঃস্থলে আছে তীব্র এক প্রেমাত্ম। আরেকটি কথাও পাঠকদের জানিয়ে দিতে ইচ্ছে করছে আমার। বইটির উৎসর্গপত্রে-তে লেখা আছে :

পাগলকে—যাকে বিয়ে করেছি।

এই বইটি প্রকাশিত হয়েছে প্রায় বছর প্রায় আগে। আগেই বলেছি, এই অঞ্জনা চক্রবর্তীর কবিতা পত্রপত্রিকায় প্রায় দেখিয়েছি। হঠাৎই সেদিন কবিকল্প নামে এক পত্রিকায় চোখে পড়ল অঞ্জনার কবিতা। কবিতাটি পড়ে, তাঁর ইদানীং না-লেখার কারণ হয়তো কিছু অনুমান করা যায়।

হনিমুন

বিয়ের পর থেকে এমন হল আমার

সেই যে আমরা শরীর পলাশ আর
কি একটা হলুদ ফুলের বনে বেড়াতে গেলাম

তুমি যেই আমাকে ছুলে
আমার কপাল গাল বুক
দু'হাত দু'পা থোকা থোকা লাল কমলা ফুল

আমার সারা শরীর সদ্য ফোটা ভোর

তারা ঢোখ রাঙ্গিয়ে রাত আসতে দিল না


চারদিকে অঙ্গুত আলো হয়ে রইল

রাত এল না, অন্ধকারও না মন খারাপও না

বিয়ের পর থেকে এমন হল আমার
যে লেখা টেখা সব বন্ধ হয়ে গেল

ওসব অন্ধকারটার একটুও না থাকলে
কি লেখা যায়
বলো?

এই বইয়ের কবিতাগুলো পড়ে অন্য একটি কথাও মনে হল। কবিতা রচনার প্রস্তুতি হিসেবে, নবীন বয়সে, আমাদের লেখার নানা প্রকরণ শিখা করতে হয়। যাতে বিভিন্ন অবস্থায়, মনের মধ্যে জেগে-ওঠা ভিন্ন ভিন্ন কথা, নিক মতো বলতে পারি। তাই জন্য প্রয়োজন প্রকরণের উপর দখল থাকা। দেখা যায়, তাম্রে এমন হয়, নানা করণ-কৌশলের প্রয়োগের দিকেই মন চলে যায়, মনের কথাটি কোথায় গেল, তাই খুঁজতে বয়স বাড়তে থাকে। মনকে যিনি সোজাসৃজি কবিতায় ক্ষুণ্ণ করতে পারেন, তাঁর বয়স যতই কম হোক না কেল, বা যতই কম পরিচিতি থাকে তাঁর, তিনি কোথাও আমার শিক্ষাস্থল।



১৯

কবিতার লাইন কখনো-কখনো প্রবাদবাকে রূপান্তরিত হয়, এ কথা আমরা সকলেই জানি। যেমন ‘ফুল ফুটুক না ফুটুক, আজ বসন্ত’। যেমন ‘মুখ মেঝে থায় বিজ্ঞাপনে’। যেমন ‘অঙ্গ হলে কি প্লয় বস্ত থাকে’। যেমন, ‘যেতে পারি, কিন্তু কেন যাবো?’, অথবা ‘কেউ কথা রাখেনি’। এমন অনেকই বলা যায়। তবে, প্রয়োগে প্রাপ্ত প্রবাদ হওয়া কবিতার লাইনকে নতুন দৃষ্টিতে দেখে, তার ওপর আলো ঢেকে, তা থেকে আবার নতুন মৌলিক কবিতা রচনার একটি দৃষ্টান্ত খুঁজে পেয়ে বিশ্বাস করলাম। কোনো কবিতার পঞ্জক্ষি প্রবাদে পরিণত হতে গেলে, স্বাভাবিক ভাবেই, অনেকটা সময় পার হয়ে আসতে হয়। নইলে তা প্রবাদ হবে কী করে? ব্যক্তিজীবন ও সমাজের নানা বিচিত্র মুহূর্তে বারবার লাইনটির কথা মনে হতে থাকবে, কোনো কোনো ঘটনা বা অভিজ্ঞতার পর মনে পড়বে, আরে অমুক কবিতাটি তো এই কথা আগেই বলে দিয়েছিল—এইরকম মনে পড়া পুনঃপুনঃ ঘটতে থাকলে, তবে একদিন সেই লাইন প্রবাদে পরিণত হয়ে যাবে, সকলের অজ্ঞানেই। আমি এক্ষুনি যে লাইনগুলো উল্লেখ করলাম, তার মধ্যে শৰ্ষের লাইনটিই সবচেয়ে কমবয়সি। মাত্র পঁচিশ বছর বয়স তার। তবু, পঁচিশ বছরও খুব অল্প সময় নয়।

ঁারা নিজেরা কাব্যের চৰ্চা করেন, তাঁদের নিজেদের মধ্যেও মুখে-মুখে ঘোরে কিছু লাইন, যা তাঁদের কাছে একরকম প্রবাদের মর্যাদা পায়। যেমন অলোকরঞ্জনের ‘কে যেন বলল ট্রামে উঠবার আগে / এবার কিন্তু আঙ্গিক বদলান’। যেমন রণজিৎ দাশের, ‘তাদেরকে দিও তুমি ছন্দজ্ঞান, লজেস দিও না’। আলোক সরকারের ‘অসম্ভব সরোবর / চারিদিকে স্ফূরিত বিশ্বামৈ জাগে’। বীতশোক ভট্টাচার্যের ‘সঙ্গীত কেবল ছিল কঞ্জনায়, আমি শুধু চর্মচোখে প্রস্বর শুনেছি’। তুষার চৌধুরীর ‘লালা নিঃসরণ হলে কুকুর কি ঘণ্টাধ্বনি খাবে?’ তুষারের এই লাইনটি পাভলভের সেই বিখ্যাত পরীক্ষাটিকে ভেতরে রেখেছে, তেমনই নীতশোকের লাইনটিও বিজ্ঞানলক্ষ জ্ঞান ধরেই চলছে, সাপ তো শুনতে পায় না, এগানে

‘চর্মচোখে’ কথাটি এসে আমাদের চোখ আর কানের চমৎকার পালটাপালটি একটা সংস্থাপন দেখাচ্ছে। এগুলো খুবই বুদ্ধিমত্তা ব্যবহার। রণজিৎ এবং অলোকরঞ্জনের কবিতা পঙ্কজিগুলো প্রধানত কবিতা রচনাকে কেন্দ্র করেই লেখা, রণজিৎ-এর কবিতাটির নামই তো ‘আমাদের লাজুক কবিতা’—সুতরাং যাঁরা নিজেরা কাব্যরচনায় ব্যাপৃত আছেন, তাঁদের এসব লাইন আস্থায় হয়ে উঠবে তা স্বাভাবিক। অলোক সরকারের কবিতাটিরও সূচনার বাক্যটি হল ‘উচ্চারণ সাধ্য নয় সব কিছু।’ অর্থাৎ কোনো একভাবে তা কাব্য রচয়িতাকে সাবধান করছে। অস্তুত অলোক সরকারের ক্ষেত্রে, এ-রচনা মূলত নিজেকেই বলা। অন্যকে কিছু শেখানোর চেষ্টা নয়। বিষ্ণু দে বলেছিলেন, কবিতা রচনা আসলে আস্থাসচেতনতারই এক অভ্যাস, সে-কথাও এখানে আমরা মনে করতে পারি। কিন্তু ‘ছন্দজ্ঞান’ বা ‘আঙ্গিক’ বললানো বা ‘শব্দের ভিতরে এক রাত্রি আছে। যে কোনও শব্দের / ভিতরে গহন এক নিশ্চিথিনী জাগ্রত নীরব’—এসব কথা তো কবিতা রচনা সম্পর্কিত কথাই। কবির জীবনে তো কবিতা রচনাক্রিয়া একটি মস্ত বড়ো অভিজ্ঞতা। সে অভিজ্ঞতার কথা তো তিনি কবিতাতেই লিখবেন, যেখানে তিনি তাঁর সব অভিজ্ঞতার কথা লেখেন! আর সে সব কথা যে অন্য অন্য কবিতা লেখকেরও মনের কথা হয়ে উঠবে—এই তো স্বাভাবিক। আর তাই হয়েওছে। আমি এখন যে কবিতাটির কথা বলতে চাইছি, সে কবিতা পুরোনো একটি প্রবাদকে আস্থা করে তাকে অন্য আলোয় দেখেছি।

অন্দর

কানাগলি। মধ্য দুপুরের রোদে
জ্যাঙ্ক সে কোন
কাগজকুড়নেওয়ালা হাঁটে।
কাগজের পরিবর্তে
যদি সে কখনও পায় একতাড়া নোট,
তাকেও কি, বাতিল কাগজ ভেবে, বেচে
অর্থ আনতে যাবে?

এই কবিতাটি পড়লে প্রথমেই মনে হয়, কী করে এমন আশ্চর্য একটি চিন্তা করলেন লেখক? আর এত সহজ এক সারল্যের সঙ্গে কবিতাটি লেখা, যেন মনে হয়, দ্যাখো, চিন্তাকু মাত্র উপস্থিত করেছি আমি, এর বেশি কিছু নয়। মনের ভিতরটা জলের মতো স্বচ্ছ হয়ে থাকলে, হয়তো এমন নিরাভরণ অবস্থায় কবিতাকে আনা যায়।

যদিও কবিতাটির দিকে অনেকক্ষণ তাকিয়ে থাকলে এর অন্যান্য ঐশ্বর্যও চোখে পড়ে। এই কবিতাটির অস্তরালে রয়েছে একটি প্রবাদ, কবিতা থেকে আসা প্রবাদ, ‘খ্যাপা খুঁজে ফেরে পরশপাথর।’ লেখক যে সচেতন ভাবে এর ব্যবহার করতে চেয়েছেন তা না-ও হতে পারে।

পারে, বরং তা না হওয়াই স্বাভাবিক। সচেতন ভাবে অন্য কবিতা, শৃঙ্খলাকীর্তি কবির রচনা, ব্যবহারের একটি খুবই পরিচিত দৃষ্টান্ত যেমন এইখানে :

নামে সন্ধ্যা তন্ত্রালসা
সোনার কবরী খসা
অগণন ভিড়াক্রান্ত এ শহরে, হে শহর স্বপ্নভারাতুর
লেক আর খালপার, এসপ্ল্যানেড, আর চিংপুর।

হ্যাঁ বিষ্ণু দে। তাঁর বিখ্যাত ‘জন্মাষ্টমী’ কবিতায় যে রবীন্দ্রপঙ্ক্তির প্রয়োগ তা অত্যন্ত সচেতন ভাবেই, যাকে বলে একটা কন্ট্রাস্ট তৈরির জন্যই করা এবং এইরকম অজস্র প্রয়োগ বিষ্ণু দে-র সারাজীবনের কবিতায় তাঁর অন্যতম একটি বৈশিষ্ট্য হয়ে আছে।

কিন্তু আমি যে-কবিতাটির কথা বলছি এখন, তার মধ্যে খ্যাপার খুঁজে ফেরা মিশে আছে। সচেতন ভাবে নয়। কন্ট্রাস্ট তৈরি করার জন্য তো নয়ই। ছোটো থেকে লেখকের অবচেতনে খ্যাপার পরশপাথর ঝোঁজার এই গল্প মিশে ছিল। সুনীল গঙ্গোপাধ্যায়ের কবিতা অনুযায়ী বলা যায়, ‘যেমন জলের মধ্যে মিশে থাকে জলেরও আলো’। তারপর, অন্যদিক থেকে, তা কবিতায় বেরিয়ে এসেছে। কবিতা থেকে চৰি প্রবাদের ওপর ভর করে নতুন কবিতার সৃষ্টি।

তফাত তো আছেই। খ্যাপা জানত খুঁজলে এর মধ্যে পরশপাথর মিলতে পারে। কাগজকুড় নেওয়ালা জানে না। তা ছাড়ে সে ‘জন্মাষ্ট’। এইখানে এক নিমেষে টাইরেসিয়স এসে আমাদের ছুঁয়ে যায়। আর এই একাকী কাগজকুড় নেওয়ালা আরও বড়ো, ট্যাঙ্কিং হয়ে ওঠে। এক হিসেবে এ-লেখাও কবিতার কথা। কবিও কি জন্মাষ্ট নয়? রবীন্দ্রনাথ তাঁর জীবনের শেষ তিনটি কবিতা মুখে-মুখে বলবার সময়ও কি একাধিক বার (অন্তত তিনটি ক্ষেত্রে) শব্দ বদল করেননি? তাঁর সারাজীবনের কবিতাগানের পাণ্ডুলিপিমালা কি বারংবার কাটাকুটিতে ছিন্নভিন্ন নয়? জীবনানন্দের শ্রেষ্ঠ কবিতায় একপাতা ছাপা পাণ্ডুলিপিচিত্রই বা কী বলে? অথচ শতাদ্বী-শতাদ্বী ধরে কবিকে তো দ্রষ্টা বলে আসছে পৃথিবী! জন্মাষ্ট টাইরেসিয়স, তিনিও তো দ্রষ্টাই ছিলেন। দৈবজ্ঞ টাইরেসিয়স? যিনি ভবিষ্যৎকে দেখতে পেতেন? হ্যাঁ, দেখতে পেতেন। পাখির ভাষা বুঝতে পারতেন। দৈববাণী শুনতে পেতেন। কিন্তু নিজের হাঁটার পথ দেখতে পেতেন না। এক বালক তাঁকে হাত ধরে নিয়ে যেত।

কবিও দ্রষ্টা, তাঁর লেখার মধ্যে। কিন্তু যখন লিখছেন, তখন তিনি জন্মাষ্ট, শব্দ খুঁজে-খুঁজে-খুঁজে হাতড়ে-হাতড়ে ফিরছেন। উপর্যুক্ত ভাষা, শব্দ যেন সারা জীবনেও পাচ্ছেন না। খ্যাপা খুঁজে ফেরে যেরকম।

আবার, যে-সংসারে আমরা বাঁচি, যে-বিষয়সম্পদ সংগ্রহ করার জন্য হান্টান করি আজীবন, অর্থকড়ির জন্য উদয়ান্ত দৌড়োই, সেই বিষয়সম্পদঅর্থনামযশ একদিন হয়তো আসে—কিন্তু দেখা যায় মহামূল্য জীবনের প্রহরণলোকেই কবে যেন বিক্রি করে দিয়ে

এসেছি, ফাউন্ট যেভাবে তার আঘা বিক্রি করেছিল মেফিস্টোফিলিসের কাছে। মনে
রাখতে হবে, এই কবিতার নাম ‘অন্দর’। এ-কবিতা শিল্পীমানুষের ভেতরের ট্র্যাজেডির কথা
বলছে।

মহৎ বিষয়কে সন্তুর্পণে ছুঁয়ে, আয়োজনহীন ভাবে যিনি এ কবিতা লিখেছেন, তাঁর নাম
অমিতাভ দেব চৌধুরী। বাংলা কবিতার জগতে মোটেই খুব পরিচিত নাম নন। তাঁর
কবিতায় তিনি নতুন ও অবাক করা বিষয় নিয়ে আসেন।

প্রেমকাহিনি

দুইটি বালক বসেছিল পার্কে দুপুরবেলাতে।
নৈশশব্দ্য চিবিয়ে থায় হিরোহোস্তা—গাড়লের কাশি—
ট্যাঙ্গির ঝাপটা। আর ক্রমে রোদ হয়ে আসে বাসি
শেষে, সূর্য অস্ত গেল দুজনের মাঝখানটিতে।

ছায়ারা ছড়িয়ে পড়ে ঘাসেদের প্রতি রোমকলে
দুজনের মাঝখানে শৃন্যতায় ছিল যে পাখ
তা হঠাতে ফাটে ঝরনা হয়ে। ওই হুমকির স্বর
বালক দুজনে শোনে, শিউরে এস্ত ভয়ে ভয়ে কাঁপে।

সে কাঁপনে খুলে যায় মাঝের ভেতরে আরো রাত
দুইজন নড়েচড়ে সহজে যুক হয়ে যায়।
ঝরনা—সে তো পাখেরের আমিষ-হাদয়! জ্যোৎস্নায়
দুটি ছায়া খুব ঘন। হেডলাইট কখনও করাত।

দুজনে ফিরল ঘরে গোপনে গুটিয়ে রেখে মাস্তান আস্তিন
সারারাত পার্কে ভিজল দুজনের শৈশবের শেষতম দিন।

এই যে বালক দুটির কথা কবিতাটি বলছে, পাঠক নিশ্চয় বুঝতে পারছেন, এরা কিছুটা
বালক, কিছুটা কিশোর। যে-অভিজ্ঞতার কথা, এখানে রয়েছে তেমন অভিজ্ঞতা অনেকেরই
জানা। কিন্তু কবিতায় কখনও লিখিত হতে দেখা যায় না। নারীরা তখনও এদের জীবনে
আসেনি, বা আসার সময় হয়নি। কিন্তু কামনা জেগে উঠবার বয়স এসেছে তার অমোঘতা
নিয়ে। সেই কামনা তার পথ খুঁজছে। তার অবধারিত চাপে, প্রয়োজনীয় নির্জনতা পেয়ে,
তারা ওই যে ‘সহসা যুক হয়ে যায়’ তারই মধ্যে সেই নিষিদ্ধ জগতে প্রবেশের স্বাদ রয়ে
গেছে। নারীহীনতায় অথবা আকস্মিকতায় কিংবা হঠাতে সমকামের জাগরণে, পরম্পরকে

আশ্রয় করেছে তারা। ‘জ্যোৎস্নায় / দুটি ছায়া খুব ঘন। হেডলাইট কখনও করাত’ যেহেতু পার্কে বসেছে, রাস্তা থেকে চলস্ত গাড়ির হেডলাইট এসে পড়ছে গায়ে। অনুমান করা যায়, ছিটকে সরে যেতে হচ্ছে দুজনকে।

এই ছিটকে সরে যাওয়ার কথাটি কিন্তু কবিতায় নেই। যেহেতু ‘হেডলাইট কখনও করাত’, তাই এই ছবি মনে আসছে আমার। করাত কী করে? বিভক্ত করে। হেডলাইট এক্ষেত্রে সেটাই করছে। ছিটকে সরে যাওয়া, অস্তত সরে যাওয়া, এই লেখক না-লিখলেও আমার মনে আসছে কেন? কেন-না, অন্য এক ছিটকে-সরে-যাওয়া আমার পাঠ-শৃঙ্খিতে আসছে।

...মধ্য রাতে, ঘূমস্ত শহরে / সবাইকে চমকে দিয়ে ফিরে যেতে যেতে আমি / দেখতে পাই / সারি সারি / বাতিস্তস্ত দাঁড়িয়ে রয়েছে কিন্তু পৌর ধর্মঘটের কারণে / তাতে আলো নেই / রাস্তার দু'ধারে ছিটকে সরে যাচ্ছে আলিঙ্গনে বন্ধ নরনারী।

চল্পিশ বছর আগে লেখা নীরেন্দ্রনাথ চক্রবর্তীর এই মধ্য রাতের, ঘূমস্ত শহরের কবিতায় ছিল নরনারী—কিন্তু এই কবিতায় তারা দুটি বালক বা কিশোর। সেইখানেই এ-কবিতা আশ্চর্য ও নতুন। কেন-না নরনারীর সম্পর্কের কথা অস্তিত্ব কবিতাই বলে। এ-কবিতা বলেছে দুটি কিশোর-বালকের কথা। দুজনেই এখানে পুরুষ। সত্যি বলতে সেদিনই তারা পুরুষ হয়ে-ওঠার দিকে এগোল। কবিতার শেষ ক্ষণস্তুতি দরকারি : ‘সারারাত পার্কে ভিজল দু’জনের শৈশবের শেষতম দিন।’ এখানে ‘ভিজল’ শব্দটি খুবই গুরুত্বপূর্ণ। কবিতার একেবারে শেষ লাইনে খুব সচেতন ভাবে শব্দটি রাখা হয়েছে। এই লাইনটিরই পর বালক দুটি তাদের শৈশব পার হয়ে গেল, বিনয় মজুমদারের ‘ছেলেবেলা’ নামক কবিতা থেকে একটি লাইন ধার করে বলা যায়: এরপ সবাই হয়, সবার শৈশবই এপ্রকার। শেষ লাইনের আগে যে আছে গোপনীয় শুটিয়ে রেখে মাস্তান আস্তিন, তারা বাড়ি ফিরে যায়, এর মধ্যে রয়ে গেল তাদের সদ্যজাগ্রত পুরুষত্ব, সেই পুরুষত্বকে স্পষ্টভাবে চেনা এবং সমাজ ও অভিভাবকদের কাছে তা লুকিয়ে রাখার কথা।

এরপর যে-কবিতার কথা বলব তার মধ্যেও আছে ছেলেবেলার কথা। একটু পুরোনো ঘুগের ছেলেবেলা। মা-বাবাও আছে যে-কবিতায়।

যুগান্তর

মাটিরই দুর্বল কুঁজো। বাবা-মা’র কথা কাটাকাটি
সহ্য করতে না পারলেই ফেটে যেত। রান্নাঘরে
নকল বন্যার মুক্তি। আমাদের হঠাত উৎসব।
তারপর কিছুক্ষণ ভাববাচ্য। কিছুক্ষণ অকাল-বোধন।
মাটির মানুষ বাবা, মা-ও তাই। গলে কাদা একটু পরেই।
নতুন কুঁজোর সাথে সন্দায় নতুন ক্রপকথা।

আমাদের কুঁজো নেই, হা সভ্যতা, জানিও না কী গিয়েছে খোয়া।
 খাবার টেবিলে রাতে, জমে ওঠে কথা খৌচাখুচি।
 দুর্বল ঘড়ির কাঁটা দুর্যো দেয়। এঁদোকথা, ছেঁদোকথা
 বিনির্মাণ শুরু করে রূপকথাদের।
 আমরা কাচের গ্রাস ভাঙি,
 রক্তের প্রবাহ খৌজে মোহনার বন্ধ্যা পরিণাম।
 শেষমেশ মিশে যায় শীৎকারে ও আর্ত লালায়।

আমাদের নষ্টঘরে, শয়তানও পাঠায় না শিশু।

কবিতাটির শুরুতে আছে ‘মাটির কুঁজো’। বাবা-মা’র কথা কাটাকাটি। সেই সূত্রে কী
 করে যেন ছটোপাটি চলাফেরায়, কারও পা-লেগে হয়তো, কুঁজো ভাঙল। অমনি
 ভাইবোনদের মধ্যে খুশির হইচই। জল থইথই রাঙাঘর। তখনও রাগ পুরোপুরি কমেনি,
 তাই, বাবা-মা’র ভাববাচ্যে কথা বলা। ‘মাটির মানুষ বাবা-মা-ও তাই, গলে কাদা একটু
 পরেই’। মাটির কুঁজোর সঙ্গে কী সুন্দরভাবে মানুষ দুটিকে মিলিয়ে দেওয়া হল। মাটির
 কুঁজো যেমন সহজ অনাড়ম্বর, মানুষ দুটিও তেমনই (কেবল) শব্দটির ব্যবহার লক্ষণীয়। যে-
 মানুষ সহজভাবে থাকে, অন্যরা তাকে দুর্বল ভাবে পিঙ্কেবেলায় নতুন কুঁজো কেনা হয়েছে।
 তাতেই যেন বাড়িতে হাসিখুশির হাট বসে প্রল। ‘রূপকথা’ শব্দটির মধ্যে সেই আভাস।
 আমরা তো সবাই জানি, রূপকথা সত্ত্ব জীবনস নয়, বানানো—তবু তাকে বিশ্বাস করে খুশি
 হই। তখন জীবনটাও ছিল সামান্যতর খুশি। একটা নতুন জলের কুঁজো এল, তাতেই যেন
 বাড়িতে উৎসব। এমন বুক পেচড়ানো, চোখে জল আনা একটি ছেলেবেলার কথা এ
 কবিতার প্রথম স্তবক বলছে। আর এখন? এই লেখকের একটি কবিতায় আছে : দেশের
 বাড়িটি গো আমার! এই ভাস্ত্রে, সতি বলো, ভালো আছ তুমি? বোৰা যায় আমাদের
 অনেকের মতো দেশের বাড়ি ছেড়ে আসা একটি জীবন চুকে পড়েছে এমন সভ্য
 জীবনযাত্রায়, যেখানে রাতে খাবার টেবিলে, কথা খৌচাখুচি। এঁদো কথা, ছেঁদো কথা থেকে
 পরম্পরকে চোরাগোপ্তা আঘাত-প্রত্যাঘাত। শেষে ক্রোধ। কাচের গোলাস ভাঙ। পরিণামে,
 দাম্পত্যশয্যায় শরীরে শরীর দিয়ে বাসনার চাপে সাময়িক এক অমীমাংসিত উপসংহার।
 সেই রূপকথা নেই। কেন নেই? ‘বন্ধ্যা’ কথাটি কবিতার মধ্যে এককোণে লুকিয়ে বসে
 আছে যে! ‘আমাদের নষ্টঘরে, শয়তানও পাঠায় না শিশু’। আধুনিক কালে, অনেক দম্পত্তি হই
 হেছায় সন্তানহীন থাকার সিদ্ধান্ত নেন। কেননা, কাজের ক্ষেত্রে, কেরিয়ার এগিয়ে নেওয়ার
 ক্ষেত্রে সন্তান বাধা হতে পারে। তাকে লালন করতে অনেকটা সময় চলে যায় জীবন
 থেকে। স্বাধীন চলাফেরায় বিঘ্ন হয়। তখন, একসময় দেখা যায়, দুটো মানুষ, একলা হলেই,
 সামান্য কারণে কথা দিয়ে আক্রমণ। শেষে শরীর দিয়ে ক্রোধের নিবৃত্তি। যে-রূপকথা,
 আমাদের অনেকেরই সামান্য জীবনের শৈশবে ছিল, তা আর নেই। কেন নেই? কারণ

আমাদের তো কুঁজো নেই। মাটির কুঁজো। মাটির মানুষও আর নই আমরা। প্রথম লাইনের 'দুর্বল' কথাটি আরেকবার মনে পড়ছে। সেসময়ের আর্থিক অসচ্ছলতার ইঙ্গিত এখানে রয়েছে। বাবা-মা'র কথা কাটাকাটি কেন? নানা অভাবের কারণে নিশ্চয়। কিন্তু আজ শিশুহীন সংসারে, নিজের শৈশবের তুলনায় অনেক সচ্ছল এই জীবনযাপন—তবু এর মধ্যে একরকম হাহাকার আছে, সেটাই তুলে ধরেছে এ-কবিতা।

এই কবি, অমিতাভ দেব চৌধুরী, থাকেন কাছাড়ে। এঁকে আমি কখনও দেখিনি। একটি পত্রিকার সম্পাদকীয় বিভাগের কর্মী ছিলাম যখন, দু-একবার টেলিফোনে দু-একটি কাজের কথা বিনিময় হয়েছে মিতবাক যুবকটির সঙ্গে। এঁর আরও নতুন কবিতা পড়তে ইচ্ছে করে। আপনাদের জন্য অমিতাভের আরও একটি কবিতা দিয়ে দিলাম।

বেগুনি


বারান্দায় শুকোয় শাড়িটি
সাদার ওপরে ছোপ-ছোপ
বেগুনির অসমাপ্ত শিখা।

মা পরত এই শাড়ি।

যেন তার
মনের উদ্যত লাল রং
চাপা দিয়ে বিষময় লিলে
তারপর ধরা দিল এই কৃট রং।

বউকে বলতে হবে:

এ শাড়ি পরে না যেন আর।



২০

মাতৃভাষা

জলের শব্দে মা'র কথা মনে হল।
ঝরনার জল, আর কোন ছেলেবেলা।
জল যেতে যেতে কী পাথরে ঢেকে পেল—
উচ্চলে উঠল, আর সেই ছেলেবেলা;
আলতো পাথর ডিঙিয়ে মায়ের পাশে,
মা'র হাঁটুজল; নীচু করে আজলাতে
জল ভ'রে নিল, বরে গেল অভ্যাসে।
আঁজলাতে রোদ, অঞ্জলি-করা হাতে
ঘিকিমিকি ভ'রে রোদ হেসে মরে গেল;
ভেঙে পড়ে গেল এলোমেলো ভারি খোপা;
ঝরনার জলে মা'র মুখ ভেঙে গেল—
সেই একবার—আর সব বোৰা, বোৰা।

মায়ের কথা আমাদের কার না মনে হয়। এই কবিতাটি সেই মা'র কথা মনে হওয়া থেকে শুরু। আর মা'র কথা মনে হচ্ছে কীভাবে? জলের শব্দে। প্রথম লাইনটি স্মৃতির ভেতর থেকে পুরোনো জলশব্দ আর পুরোনো মা'-কে ধরে ফেলেছে। মা তো পুরোনোই। আমার জন্ম দিয়েছে মা? আমার চেয়ে তো পুরোনো। যেমন এই পৃথিবী পুরোনো। পৃথিবী তো সকলের চেয়ে পুরোনো। মাটির দিকে তাকালে কি মনে পড়ে না, এই মাটি একদিন গুটিখিল? গরম তরল বুদবুদে? মা-ও যেমন আমাকে জন্ম দিতে গিয়ে যন্ত্রণায় আগাংড়িপাগাংড়ি ভাগাংড়িগেন! যেমন সুভাষ মুখোপাধ্যায়ের 'কাল মধুমাস' কবিতায় আছে:

মা তখন আমায় নিয়ে যন্ত্রণায় নীল। না, এ কবিতা সেইরকম তোলপাড় কোনো যন্ত্রণার স্মৃতি তো বলছে না। বলছে শুধু মা-র কথা মনে হল। জলের শব্দে। কীসের জল? ঝরনার জল। সঙ্গে সঙ্গে এল ছেলেবেলা। মা-র কথা মনে হলে তো ছেলেবেলার কথা মনে আসবেই। তৃতীয় লাইনটি বলছে, প্রথম চতুর্থের আসল কথাটি। ওই যে ঝরনার জল চলে যেতে যেতে যেমন পাথরে ধাক্কা খেয়ে লাফিয়ে উঠে, ফেনা তুলে—তেমনই, বর্তমান জীবন স্বাভাবিক ভাবে বয়ে যেতে যেতে, হঠাতে ধাক্কা খেয়ে লাফিয়ে উঠে, ফিরিয়ে আনল স্মৃতি। মা-র স্মৃতি। কীসে ধাক্কা খেল? না, জলের শব্দে।

হ্যাঁ, জলের শব্দে, হয়তো স্নান করতে গিয়ে কল খুললে যে জলের শব্দ—অথবা কুয়ো থেকে জল তুলে চৌবাচ্চায় ভরার শব্দ, অথবা জল ঢেলে চাতাল খোয়ার শব্দ—অন্য কেউ স্নান করে চলেছে, বাইরে আমি আছি, শুনলাম জল ঢালার শব্দ। সংসারে, প্রকৃতি থেকে দূরে, ঘরবন্দি, থাকতে থাকতে; জলের শব্দ শুনে দূর বয়সের খোলা প্রকৃতিকে, আর মাকে মনে পড়ে গেল। আমার কেমন মনে হচ্ছে, কোনো নদীসমূহ বা ঝরনা তীরের জলশব্দ শুনে মাকে আর প্রকৃতিকে মনে পড়া নয় এ কবিতার শুরু—তাহলে, যাকে বলে, বড় অবভিযাস হয়ে যেত, আর হয়তো, কবিতাও লিখতে হত্তিপ কখনও কোনো গন্ধ থেকে আমাদের ছোটোবেলা মনে পড়ে, কখনও কোনো গানেথেকে স্মৃতি ফেরত আসে, এখানে জলের শব্দে এল। জল যেতে যেতে পাথরে ‘ঠেক’ খাওয়ার কথাটি বড়ো সুন্দর, আর অব্যর্থ। ও, একটা কথা। আমি ধাক্কা লিখেছি যাওয়া ভুল লিখেছি। ‘ঠেক খেল’ কথাটা ধাক্কার চেয়ে আস্তে। ধাক্কাটা অনেক কর্কশ আর ব্রহ্মলতার চিহ্ন আনে। ঠেক খাওয়া মানে সামান্য বাধা পাওয়া। স্বাভাবিক জীবন, বর্তমান কাজে ব্যস্ত মন, হঠাতে জলের শব্দে পিছনে চলে গেল। জলের বয়ে যাওয়া, ঠেক যাওয়া দিয়ে, জলের শব্দে স্মৃতি মনে আসার কথা বলা হল। জল দিয়ে জলকে বুঝিয়ে আর একধাপ উঠে গেল অর্থস্তর। দু-রকম কাজ করানো হল জলের এই বয়ে যাওয়া দিয়ে। যেন মধ্যমকে সা ধরে গাওয়া হচ্ছে।

গান বলতেই মনে পড়ল, এই প্রথম চারটে লাইন, যেন সত্যই গান। ‘ছেলেবেলা’র সঙ্গে ‘ছেলেখেলা’র মিল, অথবা, ‘হল’রও সঙ্গে ‘খেল’, কী সাধারণ অথচ কী স্বাভাবিক। মিল বলে চোখেই পড়ছে না। তারিফ করার কথাও মনে আসছে না। আমি কবিতাটির সঙ্গেই এগিয়ে যাচ্ছি।

কী পাছিছ এগিয়ে গেলে! সেই যে ছোটোবেলার ঝরনা, তার আলতো পাথর ডিঙিয়ে মায়ের পাশে দাঁড়ানো—মা তো লস্বা, তাই মায়ের হাঁটুজল—হাতে আঁজলা করে জল তুলছেন মা, জল আবার পড়ে যাচ্ছে। পাশে বালকটি কী করছে তা জানাচ্ছে না এ কবিতা। কারণ, বালকটি তো চুপ করে দেখছে মাকে। বিশ্ব আর খুশি মেশানো মা আর বালক। মায়ের খুশি জলের কাছে এসে, যেমন মেয়েদের হয়, সেই উচ্ছলতা আর বালকের কাছে এ-দৃশ্য নতুন—তার সেই দেখার উপ্লাস—যদিও বালকের সে-উপ্লাসচিহ্ন কোনো চিকিৎসা নেই এ কবিতায়। তবে আছে। আছে অন্যভাবে।

মন্দাক্রান্তা সেন তাঁর একটি কবিতার বইয়ের নাম রেখেছিলেন, ‘বলো, অন্যভাবে’। এ কবিতাও অন্যভাবে বলেছে মায়ের উচ্ছলতা, বালকের উপ্পাস আর খুশি। কীভাবে বলেছে? বলেছে, এ কবিতার ছন্দের চালে। ছ-মাত্রার এই ছন্দ, তার সহজ এই চাল, কবিতার ভাববস্তুকে প্রতি মুহূর্তে প্রকাশ করতে করতে চলেছে। শেষে কবিতাটিতে একটি বাঁক আসবে, তার দিকে এগোচ্ছি আমরা। আঁজলাতে রোদ, অঞ্জলি-করা হাতে যে ঝিকিমিকি রোদ, তা হেসে হেসে মরে গেল। এখানে একটা কথা, ‘আঁজলাতে’ লেখার পরপরই, একই লাইনে, ‘অঞ্জলি’ লেখা হয়েছে। রবীন্দ্রনাথ তাঁর ‘বর্ষশেষ’ কবিতায়, একটি লাইনে ‘পুরাতন পত্রপুট দীর্ঘ করি, বিকীর্ণ করিয়া’ লিখেছিলেন বছকাল আগে, তাই একালের এক লেখক ক্রটি নির্দেশ করে বলেছিলেন, ‘করি’ এবং ‘করিয়া’ রবীন্দ্রনাথের এক লাইনে লিখলেন, এটা দুর্বলতা। এখানেও কেউ বলতে পারেন, ‘আঁজলাতে’ আর ‘অঞ্জলি-করা হাতে’ পাশাপাশি এল, এটা ঠিক নয়। রবীন্দ্রনাথের ‘বর্ষশেষ’ কবিতার মধ্যেও ধ্বনিপৃষ্ঠের শক্তিপ্রয়োগ ছিল এখানেও তাই আছে। বলা দরকার, সাম্প্রতিক কালে অলোকরঞ্জন দাশগুপ্তের কবিতাতেও এমন প্রয়োগ লক্ষ করা যায়। ‘তা হলে এখুনি যা কিছু বলার এক্ষুনি বলো—’ একই লাইনে লিখেছেন অলোকরঞ্জন। ‘এখুনি’ আর ‘এক্ষুনি’কে পাশাপাশি দেখে কেউ একে দুর্বলতা বলে চিহ্ন দিতে পারেন এবং এটা তাঁরাই করেন সাধারণত ধ্বনিশক্তির ওপর দখল যাঁদের অনায়াস থেকে যায়। ছন্দের কথা বলছি না, ধ্বনির কৃত্তি বলছি। তাঁরা আনেক সময় অন্যের রচনায় ধ্বনির শক্তিকে দিয়ে অর্থকে এগিয়ে নিয়ে দেখলে, সেটা ধরতে পারেন না। দুর্বলতা মনে করেন। এ-ও মানব স্বত্ত্বাব। কারণ, আমরা তো নিজের প্রবণতা অনুযায়ী চলে। ‘এখুনি’ যা বলার, সেটাকে ‘এক্ষুনি’ বলতে হলো ব্যবহন লিখেছেন অলোকরঞ্জন, তখন ‘এক্ষুনি’ কথাটি ভেঙে যাচ্ছে ‘এক্খুনি’-তে, কবিতাটি ছ-মাত্রার ছন্দে থাকায়। এই ভেঙে যাওয়ায় শক্তি ও গতি উৎপন্ন হচ্ছে। আর, বল্লে দেওয়ার কথাটার আজোঙ্গি আসছে। মানে ‘তোমাকে বলতেই হবে, এই মুহূর্তে।’ এইরকম একটা মনোভাব ধরা দিচ্ছে কেবল ধ্বনিগুণের মধ্য দিয়েই।

আমি যে-কবিতাটির কথা থেকে এত দূর চলে এলাম, সেই ‘মাতৃভাষা’ কবিতাটিতেও ওই ধ্বনিশক্তিরই ব্যবহার রয়েছে। সেই ধ্বনি ছবি ফুটিয়ে তুলতে তুলতে চলেছে। অলোকরঞ্জনের যে-লাইনটি বললাম, তার মধ্যে চিত্র ছিল না। এখানে আছে ছবি দিয়ে বলা। আঁজলায় রোদ, ওই যে জল তোলা হয়েছে হাতে, রোদ তো ওতেও পড়েছে—যেন আঁজলা ভরে রোদ-ই তোলা হল, জল নয়। তারপরই অঞ্জলি করা হাতে ‘ঝিকিমিকি ভরে রোদ হেসে মরে গেল।’ আঁজলা বললে হাতের অঞ্জলি-ভঙ্গি বোঝায় ঠিকই, কিন্তু ‘আঁজলা’ কথাটির মধ্যে সাধারণ আটপৌরে ভাব আছে। আঁজলা করে জল তোলার মধ্যে অঞ্জলি-ভঙ্গি থাকলেও ‘অঞ্জলি’ শব্দটির মধ্যে যে নিবেদনের সংকেত আসে, তা নেই। আঁজলাতে রোদ, অঞ্জলি-করা হাতে, ওই যে রোদ হেসে মরে গেল। ওইখান থেকে একটি বাঁক নিতে শুরু করল এ কর্বিতা। তারপরই ভেঙে পড়ে গেল এলোমেলো ভারী খোঁপা। মায়ের

খোপা ভেঙে পড়ে যাওয়া স্বাভাবিক। কারণ ও মেয়েটি, তরুণী সেই মা, জল নিয়ে খেলছেন যে, তার ফলেই, নড়াচড়াতে অয়স্তে বাঁধা খোপা তাঁর ভেঙে পড়ে গেল। তৎক্ষণাত, ঘরনার জলে মা-র মুখ ভেঙে গেল। এই মা-র মুখ ভেঙে যাওয়ার পর একটি ডাস রয়েছে। তারপরই সেই অমোগ শেষ লাইন। ‘সেই একবার—আর সব বোবা, বোবা’। ‘সেই একবার’ কথাটি দু-টি ড্যাসের মাঝখানে রাখা। স্মৃতির স্বচ্ছ জলাশয়ে বালকবেলার একটি দৃশ্য, মায়ের সঙ্গে, ভেসে উঠল। তার সূচনা হয়েছিল জলের শব্দে— তারপর উচ্চল খুশির কয়েকটি ছবি—এত দূর থেকে পিছন ফিরে কয়েকটি মুহূর্ত মা-কে দেখা, তারপর সেই স্মৃতিপুস্তরের জল এলোমেলো হয়ে ভেঙে গেল। ছবি চুরমার। আর সব বোবা, বোবা। এই ছবিগুলো, পরপর মনে পড়ছিল, মায়ের সঙ্গে। ছোটবেলার ছবি, ভেসে উঠছিল স্মৃতিজলাশয়ে, তারা যেন কথা বলছিল, ওই বয়সটার কথা, মা-র কথা, বলে চলেছিল। আর হঠাৎ ছবি ভেঙে যেতেই সব বোবা হয়ে গেল। আর কোনো কথা আসছে না।

কেন আসছে না, জলের শব্দে মা-র কথা মনে হল? মা কি আছেন এখনও? হয়তো নেই। নেই-ই। নইলে মা-র কথা জলের শব্দে মনে পড়বে নেই! মা চলে গিয়েছেন। তাই ঘরনার জলে মা-র মুখ ‘ভেঙে’ যায়। তাই ‘ভেঙে পড়ে গেল’ এলোমেলো ‘ভারী’ খোপা। ‘ভারী’ শব্দটাও দু-দিক থেকে আসছে। মায়ের ছবি স্মৃতি। সন্তানবৃত্তি মুবতি, তাঁর অয়স্তে তৈরি হাত-খোপা। এটি প্রথম ও সহজ ছবি। কিটায় অর্থটি প্রবেশ করছে, কবিতাটি শেষ হওয়ার পর। ‘ভারী’-র মধ্যে বুক ভার বল্লুক বেদনা, বা, শোকভার, ছুঁয়ে যাচ্ছে পাঠককে। ‘রোদ হেসে ম’রে গেল’—‘ভারী’ খোপা ভেঙে পড়ে গেল, ‘মা’-র মুখ জলে ভেঙে গেল’—এই সবই আসছে শেষ কষ্টটির দিকে কবিতাটিকে এগিয়ে নিতে। আর সব বোবা, বোবা। বোবা শোক বলছে কবিতাটি, প্রায় একটি সুখের ছবি খুশির ছবি দেখাতে দেখাতে। কেন বলছিলাম রাগসংগীতের সঙ্গে মিল?

মা-র মুখ জলে ভেঙে যাবে। তার পূর্ব-ভূমিকা হিসেবে ভারী খোপা ভেঙে গেছে। ‘ভাঙা’ কথাটা কীভাবে ধাপে ধাপে অর্থস্তরকে বাড়িয়ে দিচ্ছে। তার আগে রোদ হেসে মরে গেল। ওইখান থেকে শুরু হয়েছে তার শোকের দিকে যাওয়া। এই মুহূর্তে পাওয়া শোক নয়। পুরোনো শোক। স্মৃতির কাছে পাওয়া। এখন ধরতে পারা যায়, আঁজলাতে রোদ, তারপরেও কেন ‘অঞ্জলি-করা হাতে’-র প্রয়োজন হল এ কবিতায়, কেন প্রয়োজন হল এই ‘নিবেদন’-এর সংকেতটি। মা যেন, সম্পূর্ণ না জেনেই, ওই খুশি আনন্দের মুহূর্তটি, সন্তানকে নিয়ে খুশি উচ্চলতার জীবনটি, বেঁচে থাকাটি, তখন নিবেদন করে দিচ্ছিলেন জলে। তর্পণের মতো। না-জানা তর্পণ। নিজেরই জন্য। ‘অঞ্জলি’ ধ্বনিটিও বিশ্লিষ্ট হল, ভার আনল, বিছিন্ন, বিশ্লিষ্ট হল শব্দ—সেই ভাঙার ফলে অতিরিক্ত শক্তি বেরিয়ে এল। এর আগে কবিতাটিতে মাত্র একটিই যুক্তাক্ষর আছে, এবং সেটি আছে লাইনের একদম শেষে। ‘ঝরে গেল অভাসে’। তাও, ঝরে যাওয়ার প্রসঙ্গেই আছে। ঝরে যাওয়া মুহূর্ত। শাস্ত সুন্দর নিরাবৃত্তণ

আনন্দে ভরা জীবন কীভাবে, কিছু না-জনিয়ে হঠাতে ঘরে যায়—তারই বিবরণ বলছে এ কবিতা। ওই যে ওই অঙ্গলি করা হাতে ঝিকিমিকি ভরে রোদ হেসে মরে গেল। যেন হাসিখুশি তরুণী মা চলে গেলেন ভরা জীবন থেকে, তারই গোপন চিহ্ন ওই লাইনে। এই লাইনটিতে ‘র’ যেমন এক ধরনের সহজ তরল ঘরে পড়াকে বলছে, গোপনে গোপনে, তেমনই পরের লাইনে ভেঙে পড়ে গেল এলোমেলো ভারী খোপা। তাতে ‘ভ’ আর ‘প’ ‘ভার’-এর অনুভব আনছে। তারপরেই ঘরনার জলে মা-র মুখ ভেঙে গেল—এখানে উপর্যুপরি ‘ল’ এসে স্থির জলে ছবি এলোমেলো হয়ে যাওয়াকে ধরল। এই পরপর চারটি লাইনে ‘ল’ কিন্তু পরপর আছে। আঁজলাতে রোদ থেকেই আছে। ঘরনার জলে মা-র মুখ ভেঙে দেওয়া পর্যন্ত ‘ল’ তার কাজ করে গেল। এই জন্যই সংগীতপ্রসঙ্গ মনে পড়ছিল আমার। যেভাবে নির্বাচিত স্বরের পর স্বর দিয়ে দিয়ে একটি রাগকে ফুটিয়ে তোলেন গুণী—ছেট এই কবিতাও সুখ থেকে শোকের দিকে তেমনই অপূর্ব সব সৃষ্টিতা প্রয়োগ করতে করতে চলেছে। লক্ষ করলে, ‘ল’-এর সংযত বিতরণ কবিতাটির প্রথম থেকেই আছে। যার ফলে ‘জলখেলা’-র ছলোচ্ছল গোপনে ফুটে উঠছে শেষ লাইনের আগের লাইন পর্যন্ত। শেষ লাইনে ‘ল’-এর প্রয়োগ সংগতভাবেই তেই।

এই কবিতাটি লিখেছেন বীতশোক ভট্টাচার্য। ১৯৫৭ সালে তাঁর জন্ম। তিনি প্রতিষ্ঠিত কবি। প্রতিষ্ঠিত অধ্যাপক। পণ্ডিত ও প্রবন্ধলেখক ব্রহ্মপুর খাতনামা। সাহিত্যের অভিধান-প্রণেতা। তাঁর যখন মাত্র তেইশ বছর বয়স তখন ‘তিনজন কবি’ নামক একটি সম্মিলিত কবিতাগ্রহে তাঁর পরিচিতি-পত্রে আরও ক্ষেত্রে দরকারি তথ্যের সঙ্গে ‘শৈশবেই মাতৃহীন এই তরুণ’—এরকম একটি কথা প্রকাশ করেন। বীতশোক ভট্টাচার্য দেশ-বিদেশের সাহিত্য ও কবিতার তত্ত্ব বিষয়ে বিদ্যমান মানুষ। বহু শাস্ত্র অধ্যয়ন করার সুফল তাঁর অনেক কবিতায় সম্পদ হয়ে ফুটেছে। কিন্তু, আজ আমি এখানে, তাঁর যেসব কবিতায় মায়ের কথা ফিরে এসেছে তারই দু-একটি নিয়ে কথা বলছি। যেমন এই কবিতাটি :

হারমোনিয়াম

তোমার নিজের মাকে তোমার আজ ভালো মনে নেই।
 এইটুকু মনে আছে একবার বারান্দায় মাদুর বিছিয়ে
 উঠোনের দিকে চেয়ে, একবার বিকেলের আকাশের দিকে
 তারপর তোমার ওই মুখের ওপাশে চেয়ে গান গেয়েছিল :
 ভেঙেছে চাঁদের হাসি...তারপর থেকে দেই আলো উচ্ছলে পড়ে
 মায়ের দু'ঠোঁট ভরে উঠেছিল, ফুটেছিল চোখে ঝিকিমিকি
 তুমি তা দেখেছ নাকি না .দেখেই চেয়ে থেকে হাসি-হাসি মুখে
 দেখেছ মায়ের হাত বেলো করে তোমার ও আঙুলের একটু ওপরে
 আলঙ্গে আঘাত করে, তারপরে আর কিছু তত মনে নেই।

মায়ের পরনে ছিল ফুলফুল নীল শাড়ি, তবে তাও ভুল হতে পারে :
স্মৃতিটুকু থেকে গেছে, আলতো আঘাত বারে চোখ মুখ নাকের ওপরে।

এই কবিতাটিতে দাঁড়িয়ে, পাঠক, একবার, আগের কবিতাটির দিকে তাকান। প্রথম লাইনটি একেবারে বুক ভেঙে দিয়ে চলে যায়। ‘তোমার নিজের মাকে তোমার আজ ভালো মনে নেই।’ তারপর ভাবুন সেই বারান্দা, সেখানে মাদুর বিছানো। অপরূপ চলচ্চিত্র যেন। এখানে, মায়ের দু-চোখে বিকিমিকি ফুটে ছিল। ওই কবিতায় আঁজলায় ছিল বিকিমিকি রোদ—এই যে মা, ইনি তো তরণী, এর চোখ নিশ্চয় উজ্জল ছিল খুব। মায়ের গান গাওয়ার একটি-দুটি ভঙ্গি শুধু মনে আছে। পাশে বসেই তো গান গাইছেন মা—তোমার মুখের ওপাশে চেয়ে মায়ের গান গাওয়া। তারপরেই এক ছোট ও আশ্চর্য ডিটেল : তুমি তা দেখেছ নাকি দ্যাখোনি ? মা গান করছেন, তাই তোমার মুখ হাসি-হাসি—তুমি কী দেখছ ? ছোটো তো, তাই মায়ের হাত বেলো করছে তোমার হাতের একটু ওপরে—আর তোমার হাতে মায়ের আঙুলের আলতো আঘাত লাগছে। ব্যস, এইটুকুই এ কবিতার বিষয়। মায়ের পরনে ফুলফুল নীল শাড়ি ছিল। ছিল ? নাকি অত-দূরের শৈশবে তাকিয়ে ভুল দেখছ তুমি ! হ্যাঁ। তবে তাও ভুল হতে পারে। কী রয়েছে তবে। স্মৃতিটুকু থেকে গিয়েছে। আর কবিতা ? কবিতায় কী রয়েছে ? রয়েছে, সেই ছোট ছোট আঙুলের পাশে মায়ের বেলো করা আঙুল, ছোট আঙুলে ছোটো ছোটো অনিচ্ছাকৃত আঘাতও দিচ্ছিল, ওই যে ছোঁয়া লাগছিল তোমার আঙুলে—ওই কথাটা থেকে গিয়েছে। মা তো গাইতে গাইতে বাজাচ্ছেন হারমোনিয়াম, তাঁর নিজের পাততে আঙুল চলছে, শিশুর হাতে ধাক্কা লাগছে। সেই আলতো আঘাত বারে চেখ মুখ নাকের ওপরে। এইভাবে থেকে গিয়েছে। ওই সেই কবেকার ছোঁয়া, তা আজ, আদৃশের মতো ঝরছে চোখ মুখ নাকের ওপরে। মা যেন আদর করছে। অত দূরের হারানো বয়স থেকে আজ ফিরে এসে। এইখানেই কবিতা। ওই আলতো আঘাত বা স্পর্শের ওই ফিরে আসাই কবিতা। কে জানে, হারমোনিয়ামকে দেখেই সব মনে পড়ল কি না। আচ্ছা, আমি যদি, ‘তিনজন কবি’ নামক বইতে প্রকাশিত ওই তথ্যটি, ‘শৈশবেই মাতৃহীন’—ওই কথাটি না-জানতাম ? তাহলে কীভাবে কবিতাটি দেখতাম ?

একইভাবে দেখতাম। শুধু, ভাবতাম, একটি তরণী, যার নিজের মাকে আজ তার আর ভালো মনে নেই, এত ছোটবেলায় তিনি চলে গিয়েছেন। সেই মেয়েটির মনে পড়ছে, ছোটবেলায় মা তাকে গান শেখাচ্ছে। হারমোনিয়ামে বেলো করে করে শেখাচ্ছে। কেন ভাবতাম ?

ওই যে, প্রথম লাইন, তোমার নিজের মাকে...। ‘তুমি’ আছে যে। আমি প্রথমেই ভাবতাম, একটি এমন মেয়েকে নিয়ে কবি লিখছেন, যার মা চলে গিয়েছেন খুব ছোটবেলায়। কবির যে মা নেই, এই কথাটি ’৭৪ সাল থেকে জেনে রাখার ফলে আমি

ভাবছি, এ লেখা হয়তো, নিজেকেই বলা, নিজেকেই ‘তুমি’ সম্মোধন করে লেখা। তাও হতে পারে। আমার মা নেই, এমন একটি মেয়ে মনে করছে, তার মায়ের গান শেখানো, তাও হয়তো অসম্ভব নয়। যে যেভাবে দেখবে।

মাকে খুব ভালো করে মনে-না-থাকার কথা অন্য একটি কবিতাতেও উল্লেখিত হয়েছে, কয়েক লাইন বলি তার থেকে :

আমি তো ছিলাম ন্যাংটো, বাবলাগাছ, বড়দি আমাকে
পুজোর পোশাকে ডেকে সাজালেন। মায়ের মতন,
অথচ মাকে তো আমি ভুলে গেছি, আমি এই ভেবে
নদীর ধারের থেকে উঠে এসে ছোট্ট পায়ে ছায়া নিয়ে ছুটে
একলা পথের দিকে চলে গেছি।...

বড়দিকে মায়ের মতন মনে হচ্ছে, বড়দি-র স্নেহভরে ডেকে ন্যাংটো শিশুটিকে সাজিয়ে
দেওয়া—এসবই তো মা থাকলে করতেন। শিশুটি ছোট্টো পায়ে ছায়া নিয়ে নদীর ধার থেকে
রাস্তার দিকে ছুটে যাচ্ছে...এ শিশু যখন যুবক হল তখন সে কী বলেছে?

ফেরি

চাই তো তোমার মত কারণ ভালো লাগুক আমাকে।
ভালো : তা এখনও নানে—এরকম ওই কথাটুকু
বলুক না কোনও ক্ষেত্রে ফুকপরা সতেরোর খুরু
বুকে আলতো দেউ দিক: তোমায় দেখে না, এই, ঠিক মাসিমাকে
মনে পড়ে। মাতৃমূর্তী : খারাপ কী। ছেলে মরা মাকে
মনে রাখে; এতটা না। যেন তা ছড়ার বই : ঘূঘু
সই, পুত কই; হাটে গেছে, কই হাট...একমাথা, ঝুঝু
চুল, আমলকী ডাল, সিঁদুর, কালির ছোপ আঙুলের পাকে
শনাক্ত। হারিয়ে যায়। হারিয়ে ফেললে তুমি, এই চিঠিগুলি
তুমি হারিয়েছ।—ঈর্ষাপথে শাড়ি ঘোরে। পড়লে আঠেরোয়
চলনে নাচের কষ্ট বাঁচে জানি। লম্বা পার অশ্বান সতেরো
ফরসা রোগা হেঁটে যাচ্ছে। কেন ইচ্ছে, ডাকি, ওকে ভুলে বলে ফেলি :
তোমার মুখের রেখা যেন ঝুঝণ শুশ্রাবার ভাঙচুরে ছোঁয়
আমার মায়ের মুখ। সে কী ভয়—তার পরে তুমি যদি ফেরি।

‘তোমাকে দেখে না, এই, ঠিক মাসিমাকে মনে পড়ে।’ এই সামান্য সংলাপ কী যে ঢেউ

তুলে দিয়ে যায় যুবকের মনে। সে-টেউ পাঠকের হাদয়েও এসে লাগে। ওই যে ফ্রক পরা সতেরোর খুকু, ‘বুকে আলতো টেউ দিক’—এই ‘বুকে আলতো টেউ’ কথাটা দু-দিক থেকে আসে। এক, যুবক হাদয়ে টেউ বা স্পন্দন জাগল। দুই, যেহেতু সে ফ্রক পরে আছে, তার বুকের সামান্য স্তনের টেউ, ফুটে আছে, দুটিই আসে। মেয়েটি কেমন? এই কিশোরীটি? এ কবিতায় তার বর্ণনা আছে: ফরসা, রোগা, হেঁটে যাচ্ছে। তার আগে একটি অপূর্ব বাক্যবন্ধন যা পড়ামাত্র সবার মনে ভেসে উঠবে মেয়েটির হেঁটে যাওয়া। পড়লে আঠেরোয় / চলনে নাচের কষ্ট বাঁচে জানি। লম্বা পার অঙ্গান সতেরো। ‘এই লম্বা পার অঙ্গান সতেরো’-র কি কোনো তুলনা হয়? দীর্ঘাঙ্গী এই রোগা কিশোরীকে আমরা সবাই চিনি। কখনো-না-কখনো দেখেছি, আমাদের সবার জীবনে। মেয়েটা কি একটু পাকা? একটু বড়োদের মতো ভাব? আবার বাড়িতে ফ্রক পরে বলে, ছেলেমানুষিও যায়নি। কেন বললাম, বাড়িতে ফ্রক পরে। আগের সময়ে, ধরা যাক তিরিশ-পঁয়ত্রিশ বছর আগে, যখন এই লেখক কিশোর থেকে যুবক হয়ে উঠছেন সেই সময়টায়, এইরকম ইউনিসেক্স পোশাকের চল হয়নি। মধ্যবিত্ত সংসারে কিশোরী মেয়েরা ফ্রক পরত বাড়িতে। অধিকাংশ স্কুলেও এইট পর্যন্ত ফ্রক পরে যাওয়া যেত। নাইন থেকে শাড়ি। ঈর্ষাপথে শাড়ি ঘোরে। অর্থাৎ তখন ওদের মধ্যে যেসব মেয়েরা ‘একটু-দিদি’, তারা শাড়ি পরলে, এই কিশোরীর দৰা হবে, স্বাভাবিক।

‘একটু-দিদি’ কথাটা শরৎকুমারের কবিতা থেকে বললাম, ‘নীল জামাটা একটু-দিদি’ তিনি লিখেছিলেন। তখন ওই কিশোরীর কাছে শাড়ি পরাটা বিরাট ব্যাপার। শাড়ি পরা মানেই বড়ো হয়ে গেলাম। তখন সেই ক্ষণে, যখন বড়ো হতে প্রচণ্ড ইচ্ছে, কিন্তু ‘বড়ো-হওয়াটা’ আসতে যেন কেবলই দেখিকরছে। সেই মেয়ে যখন পড়শি যুবককে বলে, তোমাকে দেখে না, এই ঠিক মাঝসাকে মনে পড়ে, তখন, মায়ের কাছে যে মেহমতার ছোঁয়া পাওয়া হয়নি, ছোটোবেলায় মা চলে গেছে বলে—এক মুহূর্তে এর কাছে তা পেতে ইচ্ছে করে। একে ডাকতে ইচ্ছে করে। আছান করে আসন পেতে বসাতে ইচ্ছে করে—হ্যাঁ, নিজের জীবনে! ইচ্ছে হয়: তোমার মুখের রেখা যেন রুগ্ণ শুঙ্গ্যার ভাঙ্গুরে ছোঁয়। আমার মায়ের মুখ। মেয়েটি যে একটু রোগা, তার রুগ্ণ কোমল লম্বা পার অঙ্গান সতেরোয় তা ধরা আছে। ছেলেটি তো মাতৃমূর্তী। এইবার সে নিজের মুখ না দেখে, দেখছে, ওই মেয়েটির মুখ যেন ক্রমশ তার মায়ের মুখের আদল পাচ্ছে। সেই মায়ের মুখ—নিরূপায় হয়ে এ কবিতাও স্বীকার করছে যেন—‘ছেলে মরা মাকে / মনে রাখে, এতটা না’। আসলে মনে রাখে, মার কথা বড়ো মনে পড়ে, তাই তো ওই বলা, যে, তোমার নিজের মাকে তোমার আজ ভালো মনে নেই। বড় মনে পড়ে, কিন্তু মুখটা, ঠিক ঠিক মনে পড়তে চায় না সবসময়, অত ছোটো তো তখন, কী করে মনে পড়বে—তাই নিজেকে ধিক্কার দিয়ে, ওই মা-র-মুখ-মনে-নেই বলা। আজ ওই মেয়েটির মুখে যখন মায়ের মুখ বসিয়ে নিতে ইচ্ছে হল, তার মধ্যে মেহ পাওয়ার আকাঙ্ক্ষা আর প্রেম একসঙ্গে সঞ্চারিত হতে চাইল, সঙ্গে সঙ্গে মনে পড়ল সামাজিক অবস্থান। ‘সে কী ভয়—তারপর যদি তুমি ফেরো’।

তোমাকে দেখে মাসিমাকে মনে পড়ে, এই কথাটা সহজে বলে, সেই লম্বা পার অপ্লান সতরো, সেই ফরসা, রোগা, সে তো হেঁটে চলে যাচ্ছে নিজের কাজে। তাকে ডাকতে ইচ্ছে হলঁ। প্রাণপণ ইচ্ছে। কিন্তু, একবার ডাক দিলে, সে যদি ফিরে আসে। নিজের জীবনে তাকে বসাবার জায়গা কি আছে এখনও? তার স্থান করে দিতে পারবে কী সে যুবক! তা-ই তার ভয়। তাই সেই ডাক আর না-ডাক ফিরে এল এই কবিতা হয়ে। ফিরে এল সেই চলে যাওয়া কবেকার মা, আর এই এসে পড়া আজকের মেয়েটি। যার মুখে মায়ের আদল চকিতে খেলা করে যেতে দেখেছে যুবক।

এই অসামান্য, বুক মোচড়ানো সুন্দরের জন্ম দেওয়া কবিতাটি একটি সন্তোষ। পেত্রার্কের তৈরি করা নিয়ম প্রধানত অনুসরণ করেছে। এই কবি, বীতশোক ভট্টাচার্য অনেক অজ্ঞ সন্তোষ লিখেছেন, এটি তার মধ্যে একটি। নিয়মবদ্ধ মিলের প্রবল অনুশাসনের মধ্যে থেকে, এ কবিতা একবারও ছন্দমিলের দিকে চোখ ফেরাতে দিচ্ছে না পাঠককে, তার বেদনা-সৌন্দর্য, তার জীবনবস্তু এত মন তোলপাড় করা, যে, মাত্র দ্বিতীয় বা তৃতীয় পাঠে সেসব খেয়াল হয়। বাংলার লৌকিক ছড়া থেকে ‘ঘৃঘৃ সই পুত কই’ এমন করে ব্যবহার করেছেন, মিলের মধ্যে এমন লুকিয়ে রেখেছেন, অথচ তার অমন মননিয়ানা চোখে পড়েই না। কেন পড়ে না? কারণ ওই জায়গাটায় তো আবার মৃতা মায়ের প্রতি ছেলের গভীর অভিমানকে ঝরতে দেখছি। মা যদি আজ আমায় খোঁজে, স্বীকৃত বলে, বলে, ঘৃঘৃ সই আমার ছেলে কোথা গেল, তখন সই যেন বলে দেয়, ছেলে আটে গিয়েছে, হাট কোথায়, তার আমি কী জানি, তুমি কেন ওইটুকু ছেলেকে ফেলে ছেলে গেলে! এক মাথা রুক্ষ চুল নিয়ে সে ঘুরে বেড়ায় আজ! এইখানে মৃত্যু পরবর্তী শুরুদশার অশীচকাল, অন্যপক্ষে, মায়ের যত্ন না-পাওয়া রুক্ষ চুল সন্তানের ছবি একসঙ্গে ফোটে। এ কবিতায় অভিজ্ঞতা এত গভীর, ও জীবনসত্য এত তীব্র বলে কিছুতেই এর করণকৌশলগুলি প্রথম পাঠে চোখে পড়ে না। লুকিয়ে লুকিয়ে থাকে।

মনে রাখতে হবে, ছেলেটি কিন্তু, ওই কিশোরীকে তার মনের কথাটি বলতে পারেনি, লুকিয়ে গেছে। মায়ের জন্য কষ্টও বলতে পারেনি, লুকিয়ে গেছে। মাসিমাকে মনে পড়ে, শুনে তার ভেতরে কী কী বড় উঠল—তা হ্যাঁ, লুকিয়েই গিয়েছে। এ কবিতাও এই দিক থেকে, তার বিষয়বস্তু ও প্রকরণে একাকার হয়ে থাকে। বিষয়ের ধর্মই প্রকরণের ধর্ম হয়ে ওঠে।

বুদ্ধদেব বসুও তাঁর মাকে মনে করতে পারতেন না, অন্তত তেমনই একটি স্বীকারোক্তি আছে তাঁর শেষ কবিতার বই ‘স্বাগতবিদ্যায়’-এর ‘সঙ্কলন’ কবিতায়: মাতার অঞ্চল নাম / অতিকষ্টে মনে পড়ে।...মা, আমি প্রণাম করি তোমাকে, অপরিচিতা, অদৃষ্টা আমার নিরভিমানিনী। সে কবিতায় আছে : মা, আমাকে ক্ষমা করো। আমি, ব্যর্থস্তনী, তোমাকে সরিয়ে দিয়ে / অন্য পুষ্টি খুঁজেছি, নিয়েছি কেড়ে—’ এখানে ‘ব্যর্থস্তনী’ কথাটি মারাওক। বুদ্ধদেব বসুর ক্ষেত্রে, মাকে হারানোর পর দিদিমাই সেই শিশুর মাতৃস্থান পূর্ণ করেছিলেন।

মা যখন সন্তানকে দুধ দিতে পারলেন না, তখনই তিনি 'ব্যর্থস্তনী' যেন। যেন তাঁর স্তন ব্যর্থ হল। সেই না-পারার জন্য মা-ও কি কষ্ট নিয়ে গেলেন না?

বীতশোকের কবিতা মায়ের কাছে ক্ষমা চায়নি। সে এক অন্য যত্নগা বলেছে। বীতশোকের কবিতায়, যে-মা আছেন তাঁকে আমি অনেক অনেকবার দেখেছি, আমার নিজের মাকে হারাবার পরেই দেখেছি বেশি করে। আগেও দেখেছি। বীতশোকের কবিতায় যে মেয়েটি আছে, তাকেও আমি বারবার দেখি। দেখেছি, সে আমার জীবনে এসেছে কয়েকবার। অন্যদিকে, আমার নিজের মেয়েও সতেরো পার হল তিন বছর আগে। তাদের নতুন করে চেনা গেল বলে বীতশোককে আমার কৃতজ্ঞতা জানাই। আর 'গোসাঁইবাগান'-এর পাঠকদের এই সূত্রে পড়তে দিই বিষ্ণু দে-র একটি কবিতা :

এই মুখে বহ চেনা মুখের আদল
শাড়ির ও কাঁচুলির উদ্ধত সংক্ষেপে
ভিন্ন রূপ, তবু কত মেয়ের মায়ের
স্মৃতি মুখে স্মৃতি, শত চিকন প্রলেপে
এ মুখ সাবেক, দেশি, বাংলা মনের
ঐতিহ্যের ছবি—যেন যামিনী রায়ের।


চেনা আরও স্পষ্ট হল, যেদিন বিজলে
হঠাতে সে অস্তরঙ্গ, আবেগে ঝুঁকে
অন্যদিকে চেয়ে চুপ, দান পাশে হেলে
মন্দু কথা বলে, উপরিক্ষে—শ্রোতা নয়,
উভয়ের চেনাজানা যে অন্যজনের
ব্যথা তার দুই চোখে নামায বাদল—

সারা মুখে বাংলার আপ্নুত আদল

পুরাণ আর লোককাহিনি, ত্রুতকথা আর একান্ত-জীবন মিলিয়ে মিশিয়ে বাংলার আপ্নুত আদল বারবার জেগে উঠেছে বীতশোকের কবিতায়। আমি শুধু মায়ের প্রসঙ্গটুকু এখানে বললাম। আর বলতে বলতে, স্মৃতির গাছপালার ফাঁকে ফাঁকে কতবার সরে যেতে দেখলাম রবীন্দ্রনাথকে।

মা বৃঞ্চি গান গাইত আমার দোলনা ঠেলে ঠেলে
মা গিয়েছে যেতে যেতে গানটি গেছে ফেলে।

আসলে, এই তিনটি কবিতাই তো মায়ের ফেলে যাওয়া গান।



২১

যেসব জীবন আমাদের চারপাশে বয়ে চলেছে, যে-জীবনধারা আমি কিছুদুর জানি, তার কথা
বলে চলে আমার এই বাংলার কবিতা। তেমনি, যে-জীবন
তেমন জানি না, আভাসে বা
অন্যের আলাপে একটু কিছু শুনেছি কখনও— তেমন তেমন জীবনের কথাও সে বলে।

বেনেপুতুল

চোখে সুরমা এঁকে আমি কেমনওছি বুকে টেনে আনি
'হাসিতে নেশার রঙ না জাগালে হবে না চপল'
মুচকি হেসে অধিকারী চকোতি কড়া হাতে গাল টিপে দেন
মেয়েছেলের অধম, বলে হেসে ওঠে গঁফো দ্বিজনাথ

শরীরে, শাড়ির ভাঁজে মেয়ে হয়ে উঠতে উঠতে ভাবি
আমি কি পুরুষ নই, আমি তবু মেয়েও নই— তবে
ওগো ও চপলরানি, ভগবান যাত্রা-অধিকারী
তোকে তিনি পাঠালেন ন্যাকড়াবুকে প্রাণ-বাতাস পুরে
সারারাত হেসে খেলে বেনেপুতুলের ছলে পাস
এক-একটি ঝাতের জাদু, কত সব পুরুষের বুকের পাঞ্জর

সে-কাপন ভগবান তোরই হাতে রেখেছেন, মানী,
তাকে ঢেলে ধন্য কর সকলের পুতুলজীবন

এই কবিতাটি এমন এক মানুষকে নিয়ে লেখা, যিনি নিজে পুরুষ, কিন্তু সারাজীবন নারী-
চরিত্রে অভিনয় করেছেন। এ ধরনের অভিনেতারা অতীত দিনের যাত্রা-থিয়েটারে ছিলেন,

যারা পুরুষ হয়েও মঞ্চে নারী সাজতেন। ‘আলকাপ’ নামে যে লোকায়ত নাট্যরীতি আছে, সেখানেও, দুটি পুরুষের, প্রেমিক-প্রেমিকা বা রাধাকৃষ্ণ সেজে অভিনয় করার পথ ছিল অথবা হয়তো এখনও আছে, যা আমি জানি না। এইরকম দুটি নারী ও পুরুষ অভিনেতার তীব্র হৃদয় সম্পর্কের কথা সৈয়দ মুস্তাফা সিরাজের ‘মায়ামুদঙ্গ’ উপন্যাসে তীক্ষ্ণ ও মর্মঘাতী রূপ পেয়েছে।

এই কবিতাটিও আমাদের মনকে বিন্দু করে চলে যায়। এর সূচনার লাইনেই আছে এই অভিনেতা বা অভিনেত্রী সাজঘরে বসে মেকআপ নিচ্ছেন, তার কথা। চোখে কাজল আঁকছেন, এবং ‘বেণীগুছি’ বুকে টেনে আনছেন নারীসুলভতায়। এই কবিতার দ্বিতীয় লাইনটি খুবই প্রশিধানযোগ্য। কেননা, এখানে : ‘হাসিতে নেশার রঙ না লাগালে হবে না চপল!’ এই লাইনটিতে ‘চপল’ কথাটি দু-ভাবে ব্যবহার হল। একজন নারী, যদি নারীর ভূমিকায় অভিনয় করার সময় লাস্য আনেন তাকে নারীটির স্বাভাবিক অভিনয়-দক্ষতা ও স্বভাবের প্রয়োগ বলে মেনে নেয় সকলে। নট-নটীরা মানবহৃদয়ের ও মনুষ্য জীবনের ভিতরকার সব ধরনের অভিজ্ঞতা ও আবেগ নিজেদের মধ্যে সংযোগ করে রাখেন। কোনো বিশেষ চরিত্রে রূপ দেওয়ার সময় এবং নাটকের ভিতরকূর কোনো বিশেষ পরিস্থিতির উপর যেখানে হচ্ছে, সেখানে ভিতরকার কোষাগার সেই আবেগ ও অভিজ্ঞতার অঙ্গসার তুলে এনে প্রকাশ করেন অভিনয়ের মধ্যে নয়, যে, ব্যক্তিগত জীবনে সেই নট বা নটীর অনুরূপ অভিজ্ঞতা হয়েছে। এখানে লেখক বা কবির সঙ্গে তার একটি সাদৃশ্য। কবি ও লেখক, অন্যের জীবনের অভিজ্ঞতা প্রকাশ করিব সুষ্ঠি করেন। লেখক সৃষ্টি সেই চরিত্র, বা কবির রচিত কাব্যের অস্তর্গত কথিক যেমন সর্বদাই, অবধারিত ভাবে, সেই লেখক বা কবি নন, (বিশেষ বিশেষ ক্ষেত্রে আত্মপ্রক্ষেপণ, কল্পফেশন বা আত্মব্যবচ্ছেদের কথা বাদ দিলে) এই নট-নটীদের অভিনীত চরিত্রও তেমনই, তাঁদের অভিজ্ঞতা ও হৃদয়বন্ডার সারাংসার। এখানে, পাঠক বুঝতেই পারছেন, জীবনানন্দের কাছে হাত পাতলাম আবার।

তা ছাড়া, গৌণ বা দুর্বল অভিনেতা যিনি, তিনি তার অগ্রজ বা সমসাময়িক কোনো ক্ষতকীর্তি নটের, বিশেষ বিশেষ মুদ্রা অভ্যাস করে করে আয়ত্ত করে নেন। চরিত্র রূপায়ণের প্রয়োজনে সেসব মুদ্রা অস্ত্র হিসেবে ব্যবহার করেন। যিনি চতুর তিনি দু-তিনজনের মুদ্রা, স্টাইল, বা প্যাচ মিলিয়ে-মিলিয়ে দেন। এখানে, কবি বা লেখকের সঙ্গে তার আরেকটি মিল। যে গদ্যকার বা কবিতা লেখক, তখনও নিজের ভাষা তৈরি করে উঠতে পারছেন না, তিনি অনেক সময় এক বা একাধিক বিশিষ্ট-রচয়িতার স্টাইল, মুদ্রা, এমনকি দৃষ্টিও—হরণ করেন। অনেক সময়ই নিজের অজান্তে। যাঁরা এরই মধ্যে সতর্ক, তাঁরা দু-তিনটি ধরন মিলিয়ে মিলিয়ে দেন—ফলে চট করে ধরা পড়ার আশঙ্কা কমে আসে।

অভিনেতাদের মধ্যে একটি শ্রেণি তবু আছেন, যাঁরা জীবনের সর্বক্ষেত্রে, অন্য মানুষদের লক্ষ করেন। অন্য জীবনধারাকে লক্ষ করেন। কেবল কয়েকজন সার্থক অভিনেতা-অভিনেত্রীকে, লক্ষ করা নয়। এই যে রাস্তায় একজন লোক পান মুখে পুরল, এই যে বন্ধুর নড়ো পিসেমশাই বাজার থেকে এসে থলেটা নামালেন, ওই যে রাস্তার কলে জলের লাইন

নিয়ে তারস্বর ঝগড়ায় অচেনা মেঘেপূরুষরা অংশ নিছে—এসবই সারাদিন ধরে তিনি তাঁর ডায়েরিতে টুকে রাখতে থাকেন। সেই ডায়েরি যে সব সময় কোনো খাতাই হবে তা নয়। সেই অদৃশ্য ডায়েরিটিই হল অভিনেতার কোষাগার। সঞ্চয়ের ব্যাংক। তাঁর মন। তাতে যেমন খ্যাতনামা নট-নটীর অভিনয় মুদ্রা স্টাইল পঁঢ়া ধরা আছে, তেমনই আছে অনামা, সাধারণ সামান্য মানুষের বিভিন্ন অভিব্যক্তি। এই নিয়েই তাঁর কোষাগার। চরিত্রের আবেগ প্রকাশে গোপন সঞ্চয়কেন্দ্র থেকে বেরিয়ে আসে সেইসব অভিব্যক্তি। তখন তিনি হয়ে যান সত্যিকারের বড়ো শিল্পী। আর সাধারণ মানুষ তাকে চিনতে পারে : এ তো আমার কথা বলছে, আমাদের কথা বলছে।

এই জায়গাতেও কবি ও লেখকের সঙ্গে নট-নটীর আরেকটি সাদৃশ্য। লেখকও, সারাদিন যতক্ষণ চারপাশকে দেখছেন—ভেতরে ভেতরে টুকে নিতে থাকছেন রৌদ্র, গাছ, রাত্রি—নারী, পুরুষ, পশু—যানবাহন, রাস্তা, ঘটনা ও ঘটনাহারা জীবন। অন্য লেখকদের শ্রেষ্ঠ ও সার্থক রচনাগুলো মাত্র নয়। সেসব তো আছেই। কিন্তু পঠন-স্মৃতির সঙ্গে তাঁর কোষাগারে প্রতিনিয়ত জমা হয় প্রত্যক্ষ জীবন। তাঁরও কোষাগার এইভাবে গড়ে উঠে। রচনা থেকে রচনা গড়ে তোলা নয়। জীবন থেকে রচনা জন্মানো। তেমনই জীবনবস্তু থেকে অভিনয় জন্মানো। দীর্ঘদিনের পাঠক, দীর্ঘদিনের দর্শক—এইটি উৎসর্কি করেন। একটু আগে কেন বললাম, ‘চপল’ কথাটি দু-ভাবে ব্যবহার হল? এটু ‘চপল’ শব্দটিতে চাপলা প্রথমত লাস্যের অনুষঙ্গে আনা হয়েছে—কারণ ‘হাসিতে ফেশার রঙ’ রয়েছে তো। দ্বিতীয় কারণটি গুরুত্বপূর্ণ। চপল ভাদুঁড়ী নামে এক অভিনেতার কথাও এই ‘চপল’ শব্দটিতে বলা হল, যিনি নারী ভূমিকায় অভিনয় করেছেন আর্জুকুন। যাত্রায় এবং হিয়েটারে। যাত্রায়, অধিকারী থাকতেন, যিনি এক ধরনের হর্তুন্ত। হাসিতে চপল নেশার রং লাগতে হবে—এই কথাটাই বলতে চান তিনি। আর্জুকুন চপল কৈ নাম ধরে সম্মোধনও করলেন কথাটি বলতে গিয়ে। এই কবিতাটির লেখক বড়ো অনুপম ভাবে ‘চপল’ কথাটি লাইনের একেবারে শেষে রেখে দুটি অর্থই টেনে বের করে আনলেন বাক্যটি থেকে। এই হল কবিতা পড়ার সুখ। এই খুশি অন্য কোথায় পাব!

অবশ্য এ লেখাকে কখনোই খুশির লেখা বলা যায় না। তৃতীয় লাইনে যে অধিকারী চক্রোত্তি-মশাই কড়া হাতে গাল টিপে দেন, তার মধ্যে রয়েছে অপমান। যদি সে শারীরিক ভাবে নারী হত, তাকে ওইভাবে গাল টিপে দিতেও হয়তো বাধত না অধিকারী মশাইয়ের। তাতেও অপমানই থাকত। কিন্তু, এ যেহেতু নারী নয়, পুরুষ—নারী ভূমিকায় সাজে মাত্র, তাই তার প্রতি এই অবজ্ঞা, বিক্রম অত্যন্ত উলঙ্গ ও হৃদয়হীন। চতুর্থ লাইনে ‘মেয়েছেলের অধম’ বলে হেসে উঠে যে-‘গুঁফো হিজনাথ’, তার ‘মেয়েছেলে’ বলার মধ্যে এরা যে মেয়েদের কতখানি অসম্মানের চোখে দেখে, তা ফুটে উঠে। কিন্তু তার চাইতেও একটি জরুরি, অব্যর্থ শব্দ প্রয়োগ আছে এই লাইনটিতে। সেটি হল ‘হিজনাথ’-এর আগে বসানো ‘গুঁফো’ শব্দটি। এই হিজনাথ নিশ্চিতভাবে অধিকারী মশাইয়ের কোনো শাগরেদ। মাঝারি পার্ট-টার্ট করে। কিঞ্চিৎ গোমস্তা, কিঞ্চিৎ শাগরেদ। সব ধরনের শিল্পের ক্ষেত্রেই মালিক বা প্রোপাইটার বা ম্যানেজারের এমন শাগরেদদের আমরা দেখতে পাই। কিন্তু, যে-সময়টার

কথা এ কবিতায় বলা হচ্ছে, সেসময়ে আজকের চেয়ে অনেক বেশি নিষ্ঠুর ব্যবহার করতে পারতেন এইসব পুরুষেরা। আজকের দিনে অভিনেত্রীরা মহৎ শিল্পীর সম্মান লাভ করেন নিজ প্রতিভাবলে। তখন নটীদের জীবন ছিল অপমানে ভরা। আর এই শিল্পী, যিনি, নারী ভূমিকায় অভিনয় করেন শরীরে পুরুষ হওয়া সন্ত্রুণ—তিনি দু-পক্ষেরই অপমান অবজ্ঞার লক্ষ্য। ‘গুঁফে’ শব্দটি মারাঞ্চক এইজন্য যে, গৌফ রাখার মধ্যে সদস্ত পুরুষছের ঘোষণা রয়েছে—নারী-রাপে যিনি মধ্যে আসবেন, তাঁর নিশ্চয়ই গৌফ থাকবে না। তিনি কোমল—স্বভাবে, আচরণে, রূপসজ্জায়। কড়া হাতে গাল টেপার মধ্যে এক ধরনের শাসন ও ধর্ষকাম প্রকাশিত হয়। ও শেষ হয় প্রথম স্তবক।

কবিতাটির রচনাশৈলির মধ্যে একটি বিশেষত্ব আছে। ১২ লাইনের এই কবিতার প্রথম অর্ধেক, অর্থাৎ প্রথম ছ-লাইন বলছে নারী-ভূমিকার পুরুষ অভিনেতাটি। যাকে সবাই মেকআপ নেওয়ার সময় ঠাট্টা-বিক্রিপ করছে, সে নিজে ভাবছে, শরীরে শাড়ির ভাঁজে মেয়ে হয়ে উঠতে উঠতে ভাবি—আমি কি পুরুষ নই, আমি তবু মেয়েও নই—তবে, এই ‘তবে’ কথাটি থেকে অনায়াসে এই কবিতার কথকের ভূমিকার রূপান্তর ঘটে। এত অনায়াসে, কোনো ঝাকুনি না দিয়ে একেবারে স্বাভাবিক ভাবে—অভিনেতা বা অভিনেত্রীটির গলা থেকে এই কবিতার কবির কঠে চলে যায় কবিতাটি। রচনাশৈলের এমন অপূর্ব দক্ষতা, পারঙ্গমতা, পাঠককে মুগ্ধ, অভিভূত করে দেয়।

না, দক্ষতা, বা কৌশল কথা দুটো আমার ব্যবহার করা অনুচিত হয়েছে। দক্ষতা বা কৌশল শব্দ দুটি যা বোঝায়, তার তুলনায় অনেক গভীর স্তরে এই রচনার ধারা বইছে কবির মনের মধ্যে। আপাতত শব্দ দুটি ব্যবহারের জন্য ক্ষমা চেয়ে আমি আগে কবিতাটির প্রসঙ্গে আসি।

এই যে অভিনেতাটি সাজ ফেজে মেকআপ নিচ্ছেন, চোখে কাজল দিচ্ছেন, না-থাকা স্তন দুটির মাঝখানে বেণিশুছি টেনে আনছেন, আয়নার দিকে তাকাচ্ছেন কটাক্ষে—এখনই তো তিনি ধীরে ধীরে নারী হয়ে উঠছেন এই প্রতিক্রিয়ার মধ্য দিয়ে। ওই চরিত্রটির মধ্যে চুকছেন। মনে পড়ছে, নিখিল বন্দ্যোপাধ্যায়ের সেতার গাড়ি থেকে নামল। পাঞ্জবি-পাজামা পরা মানুষটি হেঁটে চুকছেন উত্তরপাড়া জয়কৃষ্ণ লাইব্রেরিতে। ১৯ বছরের প্রায় কিশোর আমি—হাঁ করে তাঁর প্রত্যেক অভিব্যক্তি পান করছি, যতটা মনে পড়ে চোখ দুটো খুব আনমনা—তারপর মধ্যে বসে সুর মেলাচ্ছেন কতক্ষণ। যখন আলাপ হচ্ছে খরজে, যদ্দের আওয়াজ শোনাচ্ছে যেন সুরবাহারের মতো, গোরাদার সঙ্গে গিয়েছি, কোর্টপাড়ার গোরাদা, ফুঁপিয়ে উঠল। নিখিল ব্যানার্জির ওই সুর মেলানোর মতো চপলরান্নির ওই মেকআপ নেওয়া। অভিনেতা আয়নার সামনে বসে নিজের ভেতরে জেগে উঠতে থাকেন, চরিত্রিকেও জাগিয়ে তুলতে থাকেন। মোর হাদয়ের গোপন বিজন ঘরে, একেলো রয়েছে নিভৃত শয়ন পরে। প্রিয়তম হে জাগো, জাগো, জাগো। একইসঙ্গে নিজের শিল্পীসন্তার অঙ্গসার ও চরিত্রটি—এই দুটি অংশ যে-শরীরে মিলেছে, সে-ই তখন প্রিয়তম। শরীর মানে, অভিনেতার বাইরের দেহপট নয়—নটের অস্তর্গত জীবনবস্তু ও তার সারবস্তার যে-মনোশরীর। সে তো ঘৃষ্ণন্ত। তাকে জাগাতে হবে না! নইলে অভিনয় করবে কী করে সে!

এই যে বাইরের বাতাস, তা নিষ্ঠৰ—আমি সা লাগাব গলায় কিংবা যন্ত্রে, পরপর কয়েকটি পর্দা লাগাব, তবে তো সুর জন্মাবে। এও সেই রকম। কিন্তু নিখিল ব্যানার্জিকে কেউ সুর মেলানোর সময় ঠাট্টা করার স্পর্ধা করবে না। আর বেনেপুতুলদের করবে। কারণ সে তো মেয়েলি পুরুষ। অথবা অধিকে কবিতাটি ওই বেনেপুতুলের গলায় কথা বলতে বলতে, পাঠককে প্রায় কিছু বুঝতে না দিয়ে চলে এল কবির গলায়। কবি তখন কথকের ভূমিকা নিলেন। এর মধ্যেও রঞ্জিত এক নাট্য। কোনো নাটুকেপনা নয়। বেনেপুতুল, নারীর ভূমিকায় অভিনয় করা সেই পুরুষ, সকলের দ্বারা বিষাক্ত শ্রেষ্ঠ অবজ্ঞায় বিন্দু হতে হতে, আবার নিজের যন্ত্রের সুর তারই মধ্যে মেলাতে মেলাতে নিজেকেই প্রশংসন করছে যখন, আমি কি পুরুষ নই, আমি তবু মেয়েও নই—তখনই প্রায় সংলাপের মতো তাঁর কথা শুরু করলেন কবি। সত্যি! সে কি পুরুষ নয়? কিন্তু তবু নারীও তো সে নয়, জন্মগত কারণে। এইখানে কবির গলা বলে : ও গো ও চপলরানি, ভগবান যাত্রা অধিকারী। এই যে চপল ভাদুড়ীর কথা বলেছি প্রথমে—তিনি চপলরানি নামেই খ্যাত নাট্যসমাজে—এখানে ন্যাকড়া বুকে প্রাণ-বাতাস পূরে, কথাটি, সুরে বাঁশি ‘পুরে’র মতো আরও আরও প্রাণ দিল কবিতাটিকে। ‘ন্যাকড়া বুক’ কেন? কারণ, রূপসজ্জা কালৈ, সকলেই জানে, অভিনেতাকে ন্যাকড়া আর নারকেলের মালা নিয়ে স্তন তৈরি করে লম্ফাচ্ছিত হয়—যে-স্তন প্রকৃতি তাকে জন্মসূত্রে দেননি। ন্যাকড়া দিয়ে সেই কৃত্রিম স্তন তৈরি করতে হয়। তারপর সেই কৃত্রিম স্তনের নারী-সাজা পুরুষের জাদুময় অবিস্মরণীয় অভিনয় দেখতে দেখতে দেখতে, যাত্রার দৰ্শক কখন যেন ভুলে যায়, দৃশ্যের পর দৃশ্য নাইলেও দেখতে দেখতে তাদের একসময় আর মনে থাকে না নটী নন, ইনি একজন নট। কৃত্রিম পুরুষের পাঁজর ভেঙে যায় সেই নারী-চরিত্রির জন্য আকাঙ্ক্ষায় কষ্টে—এমনকি জন্মসাময়। সমস্ত পুরুষ-হনুদয়ে তখন সে-ই নায়িকা।

এইখানে এসে, অবধারিত ভাস্তুর কবিতাটি একটি স্তবকের বিরতি নেয়। আর কী অমোদ ও অব্যর্থ এই বিরতি। কত কবিতায় আমরা স্তবক বিন্যাস দেখি। চার লাইন বা ছ-লাইন বা দুই কিংবা তিন লাইনে কত কবিতা এসে স্তবকের বিরতি নেয়। অনেক সময়ই সেসব বিরতি হয় নিয়মমাফিক স্তবক বিন্যাস। কিন্তু এমন বিরতি পাওয়া বড়ো দুর্ভিত। কারণ, এবার উপসংহারে এসে পৌছোল এ কবিতা। তখন কবিতাটি বলে, সব বিদ্রূপ ঠাট্টা শ্রেষ্ঠ যখন অভিনেতা তাঁর শিল্পের মধ্যে দিয়ে ছাড়িয়ে গিয়েছেন, তখন, শোনা যায় সবার বুকের পাঁজর কাঁপানোর যে ছন্দ—সে-কাঁপন ভগবান তোরই হাতে রেখেছেন, মানী। এখানে আবার, ‘মানী’ শব্দটির প্রয়োগ বড়ো অপরূপ। কার সাধা আছে, শিল্পীকে অপমান করবে! অপমান অবজ্ঞার কথা ছিল এ কবিতার শুরুতে। তখন এ কবিতার কথক ছিলেন সেই অভিনেতা বা অভিনেত্রী। এখন কবি তাকে জানিয়ে দিলেন তুমি, মানী, তুমি, শিল্পকে ধারণ করে আছ নিজের মধ্যে। তোমার মতো বড়ো আর কে? তোমার মতো মর্যাদা আর কার?

তারপর, শেষ লাইনটি চাবুকের মতো এসে বেদনায় আর আনন্দে আমাদের চোখ ভাসিয়ে দেয় চোখের জলে। এই যারা তোমাকে ঠাট্টা করছে, তাদের কি তোমার মতো শিল্পপ্রতিভা আছে! তারা কেউ না! ঘটনাচক্রে তারা তোমার অধিকারীমশাই, তারা তোমার অধিকারীর মুকৰ্মণি শাগদ্দে, তারা বাইরের থেকে তোমার মালিক! কারণ তারা তোমাকে

টাকা দেয়, তোমার অভিনয়ের জন্য মাইনে দেয়। কিন্তু, তারা প্রতিভাবীন শুক্ষ অমানবিক ও সময়ে সময়ে নীচ ও হীনতাগ্রস্ত। ব্যবসার সামগ্রী ছাড়া তোমাকে কিছু মনে করে না তারা।

কিন্তু ওই যে অত মানুষ, যারা সারারাত তোমার অভিনয় দেখল, তারা জানে, বা এই মাত্র জানল, হয়তো আজীবন মনে রাখবে না, কিন্তু একরাতের জন্য কেঁপে গেল তোমার শিল্পের আগুনে। সে-আগুন, সে-কাঁপন, তোমারই হাতে। 'তাকে ঢেলে ধন্য করু সকলের পৃতুলজীবন।' 'আগুন' কথাটি ব্যবহার করাও উচিত হল না আমার। কেন-নাং, ঢেলে কথাটি আছে কবিতায়। সৃষ্টি ক্ষমতার পুণ্য জলশ্বর। ওই যে কাঁপন, প্রেমের, কামনার, দুঃখের, বিচ্ছেদের যে-কাঁপন—তাকে আমরা কে অনুভব করি? আনন্দের বদলে আমরা পাই আমোদ। প্রেমের বদলে শরীর। কামনার বদলে কয়েক মুহূর্তের মনোহীন নির্গমন। আর দুঃখ? তা রূপান্তরিত হয় বিদ্বেষ। বিচ্ছেদ? তাকে তো বদলে দিই কৃৎসা আর কর্দমনিক্ষেপে আর প্রতিশোধ নেওয়ার ইচ্ছাও। একমাত্র, নটরাজ তোমার কাছে তোমার অভিনয়ের সামনে এসে, হয়তো কয়েক ঘণ্টার জন্য আমাদের এই পৃতুলজীবন, সত্যিকার মানবজীবন হয়ে উঠতে পারল। কারণ অভিনয় তো একটা সত্য। একটা সত্য তো অভিনেতা নিজে। সত্যিকে তো আমি কখনও দেখার চেষ্টা করি না। জন্মে না সত্য কী। আমাদের মনের তলায় চাপা পড়া সত্য আবেগগুলিকে কিছুক্ষণের জন্ম জাগিয়ে দিল তোমার অভিনয়। সত্য কাকে বলে তুমিই দেখালে, হে নটরাজ। নটুজ কথাটি বলা মাত্র, আমার মনে অন্য একটি কথা এল। সেই শব্দটি হল অর্ধনারীশ্বর। এই যে অভিনেতা যাঁকে নিয়ে এই কবিতা, যে বলছে আমি পুরুষ নই, আমি তবু জীবিও নই—সে অর্ধনারীশ্বর রূপে উদ্ভাসিত এই কবিতায়। আবার পুরোনো প্রসঙ্গে যিনি যাই—অভিনেতা যখন মেকআপ নিছেন। যদ্বী যখন যন্ত্র মেলাচ্ছেন—আসক্ষে তারা তখন যোগে বসেছেন। জ্ঞানেন্দ্রপ্রসাদ গোস্বামীর একটি আড়াই-তিনি মিনিটের বাংলা রেকর্ড আছে, যোগীশ্বরো হরো ভোলা মহেশ্বরো। উচ্চারণ তিনি যেভাবে করেছেন তা বোঝাতে বানানে 'ও'কার ব্যবহার করলাম। একটি বিদ্যুৎ চমক মিলিয়ে যেতে যতটুকু সময়, তার মধ্যেই স্বয়ং শ্রী রাগ এসে আসন নেন ওই প্রথম লাইনটিতে। আগে ক্ষমা চেয়েছি, দক্ষতা বা কৌশল শব্দ দুটি ব্যবহার করার জন্য! কেন, তা এবার বলি।

কবিতাটির প্রথম অর্ধেক বা প্রথম ছয় লাইনে অভিনেতার কঠ শোনা যায়, তারপর কোনো সংলাপ চিহ্ন, কোটেশন মার্ক ইত্যাদি ছাড়াই খুব সহজ অনায়াসে কবিতাটি কবির গলায় এসে কবিরই সংলাপ হয়ে যায়। কথকের বদল ঘটে, বিনা প্রস্তুতিতে বিনা ঝাকুনিতে, কোনো স্পষ্ট বিভাজন চিহ্ন ছাড়াই। এটি কেবলমাত্র দক্ষতাসংজ্ঞাত হতে পারে না। দক্ষতা একটু বাইরের জিনিস। এক অর্ধনারীশ্বর শিল্পীর প্রসঙ্গে এ কবিতা রচিত হচ্ছে, আর এই কবিতা লিখছেন একজন নারী, তাঁর নাম, সৃতপা সেনগুপ্ত। মনে রাখতে হবে চপল ভাদুড়ী একজন পুরুষ আর তাঁর শিল্পী-নাম চপলরানি। তখনকার দিনে এটাই রেওয়াজ। রানি যোগ করে বলা হত এইসব শিল্পীদের। এন্দের বলা হয় বেনেপুতুল। পৃতুল কথাটি জুড়ে আছে এন্দের শিল্পীপরিচয়ের সঙ্গে, পৃতুল কথাটির ভেতরকার প্রাণটীনতা গুণে আছে তাদের

পরিচয়ে, দুর্ভাগ্যজনক ভাবে। শেষ লাইনে কবিতাটি বলেছে : ধন্য করো আমাদের পুতুলজীবন। কারণ আসলে তো আমরাই পুতুল। ওই শিল্পীর মতো নিরন্তর আগুন তো আমরা বহন করি না। আমরা, সমাজে আর পাঁচটা লোক যেমন, তেমনই। শিল্প-সংস্পর্শহীন। এই সূত্রে, চপল ভাদুড়ীর জীবন-কথাও, যতটুকু আমি জানি, পাঠককে একটু বলি। আগুনের কথাটা কেন বারবার বলে ফেলছি, সেটা তাহলে হয়তো স্পষ্ট হবে।

প্রভা দেবী ও তারাকুমার ভাদুড়ীর পুত্র অভিনেতা চপলরানি, দীর্ঘদিন তাঁর এক পুরুষবন্ধুর সঙ্গে একত্র বসবাস করেছেন। কেন-না, তিনি স্পষ্ট ও খোলা গলায় বলেছেন, তিনি ভালোবাসেন ওই পুরুষকে। দুজন পুরুষের একত্র বসবাস কার্যত আমাদের সমাজে নানা বিরোধিতার ও ঠাট্টা-বিক্রিপের জন্ম দেয়। সেসব তিনি শৌর্যের সঙ্গে সহ্য করেছেন। কালক্রমে, তবু, প্রেমিকের সঙ্গে তাঁর বিছেন্দ ঘটে যায়। তাঁরা চিরতরে আলাদা হয়ে যান। তাঁর নিজের সংসারে ফিরে যান সেই প্রেমিক বা এইরকম কিছু ঘটে। চপলরানি, একজন সত্যিকারের শিল্পীর মতো সেই বিছেন্দে অবশ্যনিয় দৃঃখ পান—এবং আজও মুক্ত কঠে স্বীকার করেন যে সেইটিই তাঁর প্রেম। ওই পুরুষটিই। এইসব তথ্য আমাকে জানালেন, আমার দুই শিল্পীবন্ধু, ঋদ্ধি বন্দ্যোপাধ্যায় ও দেবজিৎ বন্দ্যোপাধ্যায়। তাঁরা অপরিসীম শ্রদ্ধা করেন চপলরানিকে। এর জীবন নিয়ে নাটকও অভিনেতা হয়েছে বলে জানালেন ঋদ্ধি। খোলা জানলা বন্ধ চোখ। নবীন এক নির্দেশদের সঙ্গে কাজ করেছেন প্রবীণ এই নট। তাঁর জীবনকথা নিয়ে নানা লেখাও বেরিয়েছে পত্রপত্রিকায় যা ঋদ্ধির কাছেই আমি জানলাম। ‘রমণীমোহন’ নামে একটি নাটকে এখনও তুলনায়ে মাঝে অভিনয় করেন এই অভিনেতা সে কথা জানালেন অভিনেত্রী টেশিতা মুখুপাধ্যায়। কিন্তু, কবিতাটি যিনি লিখেছেন, সুতপা সেনগুপ্ত, তাঁর কি জানা ছিল এইসব তথ্য। খুবই সন্তু যে জানা ছিল। সুতপা সেনগুপ্ত ব্যক্তিগত জীবনে অভিনেতা ও নির্দেশক রূদ্রপ্রসাদ সেনগুপ্তের ভাতুপুত্রী। তাঁর বাল্য ও কৈশোরে তিনি অজিতেশ, কেয়া, রুদ্র, স্বাতীলেখা, এদের ঘনিষ্ঠ সান্নিধ্য পেয়েছেন। ‘ফুটবল’ নাটকের জন্য গান লিখেছেন তিনি একসময়। কোনো কোনো নাটকের অনুবাদের কাজে যুক্ত ছিলেন। অর্থাৎ পারিবারিক সূত্রেই নাটক ও নাটদের সম্পর্কে তাঁর জানাশোনা থাকা খুবই সন্তু। চপলরানির জীবনকথা তিনি জানবেন না এমন নয়। এই কবিতায় সুতপা একজন অর্ধনারীশ্বরকে অনুভব করেছেন, এবং সেই কারণেই অভিনেতা-কথকের স্বর, অত আয়াসহীন ভাবে কবি-কথকের স্বরে মিশে গেল কবিতাটির দ্বিতীয়ার্ধে। অস্তরে নিজেকে নারী অনুভব করলেও, শরীরে একজন পুরুষ এই অভিনেতা—আর তাই প্রথমার্ধে পুরুষ-স্বর, অভিনেতার—দ্বিতীয়ার্ধে কবি, যিনি একজন নারী, তাঁর স্বর—সব মিলিয়ে কবিতাটি একটি অর্ধনারীশ্বরের রূপ নিয়েছে। কবিতাটির বিষয় একজন অর্ধনারীশ্বর শিল্পী—ফর্মের দিক দিয়েও সেই অর্ধনারীশ্বর রূপটি ফুটল। বিষয় ও প্রকরণ একাকার হয়ে গেল। কোনো বড়ো শিল্প, তার ফর্মকে প্রকট করে দেখায় না। লাবণ্যকে, যেমন শরীর থেকে আলাদা করা যায় না, তেমনই। এই প্রসঙ্গে আর একটি কথাও বলে নিতে চাই। হরমোনের কিছু হেরফেরে কোনো কোনো পুরুষ যে মেয়েলি-স্বভাব প্রাপ্ত হন ও অস্তঃকরণেও নারী হয়ে থাকেন, তা শারীরবিজ্ঞান ও মনোবিজ্ঞান আমাদের অনেক দিনই জানিয়ে দিয়েছে। সভাতাও

এগিয়ে চলেছে এইসব জ্ঞান সঙ্গে নিয়ে, কিন্তু, সেই সভ্যতাই তার বিদ্রূপের নিষ্ঠুরতাও
বজায় রেখেছে পাশা পাশি। অথচ আমার বা তোমার শরীরেও হতে পারত অমন হেরফের।
বাদল সরকারের ‘ভোমা’ নাটকে ছিল পরমাণু বোমার তেজস্ক্রিয়া বিষয়ে এই সংলাপ :
‘তুমি জন্মে গেছ তো? আস্ত জন্মেছ? তোমার ছেলে জন্মে গিয়েছে? আস্ত জন্মেছে?’
আমরা মনে রাখি না সে-কথা যে, হতে পারত হেরফের। এই ধরনের মানুষদের মধ্যে যাঁরা
শিল্পী হয়ে ওঠেন, তাঁরা অর্ধনারীশ্বর রূপ স্পর্শ করেন। শ্লেষবিদ্রূপ পার হয়ে তাঁদের ভিতরে
জেগে থাকে ভালোবাসা। ক্ষমা। সেই ক্ষমা, যা প্রতিশোধস্পৃহায় গ্রন্ত হয়ে আস্থের অপব্যয়
করে না, শিল্পকর্তির অপচয় করে না। বরং সেই ভালোবাসা আর ক্ষমায় ধন্য হয়, আমাদের,
এই বিদ্রূপকারীদের পুতুলজীবন।

এই কবি সুতপা সেনগুপ্তের আর একটি কবিতা বলব।

কাশীবাসিনী

এখানে যে বাবা বিদ্ধনাথের চরণে প্রসাদ পড়ে
তার ইহকাল পরকাল এক, গলিত জীবনস্তুপ
সারারাত ধরে গাঁজা ও জুয়াড়ি, বারবগিতির লীলা
কীভাবে বাঁচাবে তোকে অভাগিনী পুরুষ পরকবাস

সকালে নদীর কোলাহল ভেঙ্গে কথকতা উঠে আসে
পায়রার মতো তীর্থযাত্রী খুঁটে খুঁটে খায় দানা
বিকেলে বাতাসা হরিয়ে লাটের ঘণ্টাখনি ওঠে
আরতিশেষের আঁধাটো বিধবা মেয়েরা বেশ্যা হয়

তবু দ্যাখো ওই কাশীবাসিনীর শরৎচন্দ্র এলে
যে বুকে মরেছে যন্ত্রণাসাড় সে-ঘোমটাণুলি ওড়ে
ঘাটের সিঁড়িতে পড়ে থেকে শুধু বলেছে চোখের জল
শাদা জ্যোৎস্নার কানে সারি সারি শাদা ঘোমটার কথা

এই কবিতাটিতে আগেকার দিনে কাশীতে আশ্রয় নেওয়া মেয়েদের কথা আছে। আছে
এই অমোঘ লাইন : আরতিশেষের আঁধারে বিধবা মেয়েরা বেশ্যা হয়। আছে ‘শরৎচন্দ্র’
শব্দটির অভাবিত প্রয়োগ। যা একাধারে শরৎকালীন চাঁদ ও তার জ্যোৎস্না, অন্যদিকে লেখক
শরৎচন্দ্রকে মনে করায়। মনে করায়, তাঁর কোনো কোনো লেখার কথা যেখানে
কাশীবাসিনীরা উপস্থিত। তবু এই কবিতার শেষ তিন লাইন ভোলা যায় না। ‘যে বুকে
মরেছে যন্ত্রণাসাড়’ এই কথাটির জন্য। কষ্ট পেতে পেতে একসময় কষ্ট পাওয়ার শক্তিরও
মৃত্যু হয় মনে……এই কবিতার বিধবা মেয়েরা তেমন দশাপ্রাপ্ত। কিন্তু শেষ খাইনের ছবিটি

সব যত্নগা পার হয়ে করুণ এক চিরসৌন্দর্যের দিকে নিয়ে যায়। যেখানে জ্যোৎস্নায় ধোয়া
ঘাটের সিঁড়িতে বসে থাকা মহিলাদের, সাদা থান পরা, ঘোমটা দেওয়া, অপার্থিব ছায়ার
মতো মনে হয়। এ জীবন আমি কি জানি? এ ছবি কি আমি দেখেছি? কিন্তু, এটুকু জানি,
এ হল সেইরকম কবিতা, যা এক ধরনের অজানা, অন্ন জানা জীবনকেও যুগ থেকে অন্য
যুগে বয়ে নিয়ে যায়।

আরতি শেষের আঁধারে স্বামীহারা অসহায় বিধবাদের নিরূপায় ভাবে বেশ্যা হয়ে যাওয়ার
কথা এ কবিতা বলেছে, আর সে ছিল অন্য যুগের কথা। আর একেবারে, আজকের
কলকাতার এক শ্রেণির দেহপসারিণীর কথা জানায় সৃতপা সেনগুপ্তের ‘রাস্তার মেয়ে’
কবিতা।

রাস্তার মেয়ে

‘ধন্য আশা কৃহকিমী’ ভেবে তুমি ঘরে ফিরে আসো
ধন্য আশা কৃহকিমী পরদিন আবার দাঁড়াও
প্রচণ্ড ভিড়ের মধ্যে, মিছিলের আনাচে কানাচে
ভাবো, যদি নেতাদের চোখে পড়ে, হিসেবে যাবে

কিছুই হয় না, তবু দাঁতে দাঁত জেজে বেঁচে থাকো
ভগবান চাপা হেসে দেখে যত্নে ভাঙা এসপ্ল্যানেড
কড়াইয়ে মুড়ির মতো ঝটিলতছে বাড়ি ফিরবে বলে

তুমি একা, কালো, পোড়া—

ধন্য আশা, কৃহকিমী মেয়ে

সেকালের কাশীর গঙ্গার ঘাট থেকে এ লেখা চলে এসেছে আজকের সন্ধেবেলার
এসপ্ল্যানেড অঞ্চলে; এই রোগা রোগা, কালো, রং মাখা, যথাসাধ্য উগ্র সাজ করা মেয়েদের
আমরা সকলেই দেখেছি। এরা দাঁড়িয়ে থাকে রাস্তায়। কোনো কোনো মেট্রো স্টেশনের
গায়ে। মেট্রো সিনেমাহলের আশেপাশেও এরা ঘুরে বেড়াতে থাকে সন্ধে হলে। পথচারীদের
দিকে তাকায় : এ যদি আসে। যদি ধরা দেয়। ধরা দিলে কী হবে? দরদস্তর হবে, দরে যদি
পোবায় কোনো সন্তা আস্তানায় নিয়ে তুলবে। এই আশা নিয়ে, ঘরে হাঁড়ি চড়িয়ে রাস্তায়
আসে এইসব মেয়েরা। সেদিনের সেই বিধবা মহিলারা যারা আরতি শেষের আঁধারে বেশ্যা
হতে বাধ্য হত, তারা যেমন সমাজের শিকার—আজকের এরাও তাই। এরা কি প্রতিদিন
কোনো খরিদার পায়, যাতে, দুটো পয়সা জোটে? না, পায় না। প্রায়ই এমন দিন যায় যে
খালি হাতে ঘরে ফিরতে হল। সেই খালি হাতে ঘরে ফিরে আসা থেকে আরম্ভ এ
কবিতার। নবীনচন্দ্র সেনের প্রবাদপ্রতিম কবিতাপঙ্কতি ব্যবহার করে তাই এ কবিতা শুরু।

সেই ধনা আশা কৃষ্ণকীৰ্তি এলেটি, পণ্ডিন সেই গাঞ্জাম যেয়ে আগাৰ গাঞ্জায় দীঢ়াচ্ছে। এমনকি মুক্তিৰ যাচ্ছে যখন, তখনও! সে মুক্তিলেৰ মধ্যে তাকাচ্ছে। যদি কোনো ছেটোখাটো নেতাৰ তাকে চোখে ধৰে যায়, তবে, ভবিষ্যতে তাকে দিয়ে অন্য অনেক কাজ উদ্ধাৰ কৰানো যাবে—এমনও হয়তো ভাবে মেয়েটি। অস্তুত কবিতা সে ইঙ্গিত-ই দিচ্ছে, ‘হিলে হয়ে যাবে’ কথাটিৰ মধ্যে। আজকেৰ দিনে অধিকাংশ পুৰুষ বা নারী, সমাজেৰ কোনো প্ৰভাৱ-প্ৰতিপত্তিশালী ব্যক্তিৰ কাছে পৌঁছাতে চায়, তাকে ধৰতে চায়, খুশি কৰতে চায় কেন? নিজেদেৱ সংসাৱভাগ্যেৰ পতন (এই শব্দটি বুদ্ধিদেৱ বসু রেমাৰ্কট সম্পর্কে লেখায় বলেছিলেন) যাতে না-হয়, বৱং উন্নৰোভৰ উন্নতি হয়—সেইজন্য। যে-কোনো ক্ষেত্ৰে বড়ো নেতাকে, শুধু রাজনীতি নয়, অফিস-দপ্তৰ, শিল্প-সাহিত্য, প্ৰোমোটারি, সৰ্বত্র এইটৈই প্ৰধান ও সহজ পথ। এমনকি কখনো-কখনো শিক্ষা বা পড়াশোনাৰ এলাকাও এৰ বাইৱে নয়। কিন্তু এইমাত্ৰ যে ফিল্ড বা ক্ষেত্ৰগুলিৰ কথা বললাম সেসব জায়গায় কেউই কিন্তু, এই কবিতাৰ মেয়েটিৰ মতো অত দূৰ নিঃসহায় নয়। তাৰাও ‘হিলে হয়ে যাবে’ই ভাৱছে—কিন্তু এই মেয়েটি যেমন কুটো আঁকড়ানোৰ মতো ভাৱছে মিছিলেৰ দিকে তাকিয়ে খুঁজছে, ভিড়েৰ দিকে তাকিয়ে খুঁজছে কোনো সম্ভাব্য পুৰুষ যে আজকে কাস্টমাৰ আৱ ভবিষ্যতেৰ প্ৰোমোটাৰ হতে পাৱে তাৰ—এৰ মতো অবস্থা অবস্থা আৱ কাৱ? অন্যদেৱ সকলেৰই সম্মানজনক জীবিকা আছে, তাৰা আৱও উন্নতিৰ আশায় নেতা বা মুক্তিৰ খৌজে। এই মেয়েদেৱ দুবেলা খাওয়াৰ সংস্থা নহে। দুবেলা খাওয়াৰ সংস্থান যাদেৱ কোনোমতে আছে—তাৰাই ভাঙা এসপ্ল্যানেড দিয়ে বিকেলে বাড়ি ফিরছে। ভাঙা এসপ্ল্যানেড কেন? অফিস ছুটিৰ পৰি ভিড়ে ভিড়ে বিশৃঙ্খল এসপ্ল্যানেড। অফিস-ভাঙা ভিড়ে। এখানে কড়াইয়ে মুড়িৰ মজো ফুটে ওঠাৰ তুলনাটি নতুন ও চমকপ্ৰদ। ছড়ানো হকার, দোকানপাট, ফুটপাতেক টেলাটেলি, ট্ৰাফিক ব্যস্ততা, সব বলা হল। এদিকে, এক কোণে বসে কোনো ভুজাওয়ালা বা বুড়ি হয়তো মুড়ি-চিড়ে ভাজছে কড়াইতে—সেইটৈই সমস্ত বিকেল-সন্ধেৰ কোলাহলমুখৰ এসপ্ল্যানেডেৰ উপমা হিসেবে উঠে এল। এই সূত্ৰে মনে পড়ছে বিকেলেৰ প্ৰবল ব্যস্ত এসপ্ল্যানেডেৰ আৱ একটি অনন্য ছবি ফুটিয়ে তুলেছিলেন আৱ একজন শিল্পী। তিনি অবশ্য কবিতা লেখেননি। কিন্তু সমস্তটা একটি কবিতায় পৌঁছেছিল কয়েক মুহূৰ্তেৰ জন্য। এই শিল্পী হলেন উৎপল দন্ত। ‘দৃঃস্বপ্নেৰ নগৰী’ নামক নাটকেৰ প্ৰথম কাৰ্টেন উঠলে অস্তুত আলোৰ মধ্যে স্থিৰ হয়ে থাকতে দেখা যায় কয়েকজন মানুষকে বিভিন্ন ভঙ্গিতে। হঠাৎই আলোৰ বদলেৱ সঙ্গে সঙ্গে ফ্ৰিজ ভেঙ্গে চলত হয়ে ওঠে সেইসব মানুষ বা চৱিত্ৰা। এক মুহূৰ্তে আমৱা বুৰতে পাৱি সদ্য অফিস ভাঙা বৈকালিক চৌৱৰিচতৰ এতক্ষণ ফ্ৰিজ ছিল, এই চলতে শুৱ কৱল আমাদেৱ প্ৰত্যেকেৰ অসম্ভব চেনা চৱিত্ৰগুলি নিয়ে। কবিতাৰ উদ্ঘাসন নিয়ে এসেছিল সেই নাট্যদৃশ্য। নাটক থেকে আবাৰ কবিতায় ফিরি। ফিরে দেখি, রাস্তায় দাঁড়ানো মেয়েটিৰ তবু হিলে হয় না। সে দাঁতে দাঁত চেপে লড়াই কৱে যায়। প্ৰথম যে কবিতাটি বলেছি আজ, বেনেপুতুল, তাতে ভগবান ছিলেন—এ লেখাতেও আছেন। কিন্তু এখানে তিনি নিষ্ঠুৰ চাপা হেসে সব দেখছেন। আগেৱ দিনেৰ অসহায় বিধবাৱা যেমন,

এই আজকের দিনের রাস্তার মেয়েও তেমনই, নিশ্চাই কোথাও ৬গণানকে পিষাস করে, প্রাধনা করে তাঁর কাছে। অস্তত শাক চোপাম্যায়ের কাণ্ডায়, এমন এক দেহসংরোধের সামাজি গান্ধী মনের ন্যন্তা চাকতে ডাক দিয়ে দেছে : ‘সেই হৈরণ্যের কান্দার শরীর নয় কান্দ অল্পমূলোর পালকের পর। তার তলে প্রজাপতি ঝঘির পট, রুদ্রাক্ষ, চন্দনপাখা, সিন্দুর, পাদুকা, দর্পণ, নারিকেলের জীর্ণ পাতাগুলি, দূরে শৌচকর্মের বারি, প্রতিষেধক আরক, স্তিমিত উজ্জলতা...’। রাস্তার মেয়ে বলতে যেমন চলতি কথায় ‘সন্তার বেশ্যা’ বোঝায় পুরুষলোকেরা—এখানে, ‘অল্পমূলোর পালক’ এসে তেমনি একখানি ঘরের সীমিত সাধের কথা বলল। জায়গা একেবারে নেই বলেই যে-খাটে খরিদ্বারকে গ্রহণ করতে হয়, তারই নীচে প্রজাপতি ঝঘির পট, রুদ্রাক্ষ, চন্দনপাখা, হয়তো শুরুদেবের পাদুকার ছবি রাখা। অর্থাৎ ভগবানের নির্ভরতা। তার অল্প দূরেই রাখা শৌচকর্মের বারি! এই হল শক্তি চট্টোপাধ্যায়ের অনেক আশ্চর্যের এককণা দৃতি।

শক্তির কবিতার সেই বারাঙ্গনার যেমন ঈশ্বর ছিলেন, আমাদের এই কবিতার মেয়েটিরও কি তাহি আছে? আজকে আমি যে তিনটি কবিতার কথা বললাম, তার দুটিতে, স্পষ্টভাবে, লেখক, ঈশ্বরকে তার দুটি হাতে নিয়ে যেন দু-ভাবে ব্যবহার করেছেন। মনে রাখতে হবে, এই কবিতাগুলির লেখকের ব্যক্তিগত ভাবে ঈশ্বরবিশ্বাস আছে কী নেই, তা নিয়ে আমার মনে কোনো দোলাচল হচ্ছে না। থাকতে পারে, নাও থাকতে পারে। ব্যক্তিগত ঈশ্বরবিশ্বাস আছে কী নেই, তা আমার লক্ষ্যও নয়। দুটি কবিতাটি, দু-ধরনের অবস্থায়, ঈশ্বরকে দু-ভাবে দেখা হচ্ছে, ঈশ্বরের ভূমিকাকে। এইখানেই লেখকের স্বাধীন সামর্থ্যের পরিচয়। ভগবান ওই যে চাপা হেসে নীরবে নিষ্ঠিয়ভাবে আমার অবস্থাটা দেখছেন, আমি রাস্তায় দাঁড়িয়ে আছি, আর বিকেল পেরিয়ে সঙ্গে হচ্ছে, সঙ্গে পেরিয়ে রাস্তির, আর কেউ আসছে না আমার কাছে, অন্য অন্য মেয়েরা যারাদাঁড়িয়ে ছিল, তারা একে একে খন্দের পেয়ে অস্তর্হিত হল। আমি তবু দাঁড়িয়ে আছি...আর তুমি, ঈশ্বর, হাসি চাপছ আমাকে দেখে...এ কি মেয়েটির কথা হতে পারে না? কথক নিজের বর্ণনা বলে লিখলেও এখানে দু-দিকে আবার চলে গেল অর্থদৃতি।

মেয়েটি একা দাঁড়িয়ে আছে, সমস্ত লোক চলে যাচ্ছে, সে খরিদ্বার পায়নি, দাঁড়িয়ে আছে এই অবস্থায় চৌরঙ্গি জনতার মতো কবিতাটিও তাকে ছেড়ে চলে এল। ছেড়ে আসবার আগে একবার শুধু পিছন ফিরে দেখল তাকে শেষবারের মতো। কালো, পোড়া? পোড়া কেন? এই প্রতিদিনের অবণনীয় যাতনাময় জীবনদাহ তাকে পুড়িয়ে দিয়েছে। আর এই যে সে আজ রাস্তায় দাঁড়িয়ে আছে—এমন তো সে ছিল না। সে তো কোনো ঘরের মেয়ে ছিল। কে জানে কোনো ঘরের বউ-ই ছিল কি না! যে অবস্থা, যে পরিস্থিতি তাকে আজ এই রাস্তায় এনে দাঁড় করিয়েছে, তারই আগুনে সে পুড়ে কালো। ‘কালো’, এবং ‘একা’র পর খানিকটা জায়গা ছেড়ে ছেড়ে রাখা হয়েছে। তার একাকিঞ্চ বোঝাবার জন্যই হয়তো, লাইন চলাকলীনই লাইনের মধ্যে মধ্যে ওই স্পেস ব্যবহার। রূপহারা ওই মেয়েটিকে ত্যাগ করে কবিতাটি চলে যাচ্ছে ঠিক, কিন্তু একেবারে চলে যাচ্ছে না। আমাদের মনে স্থায়ী করে দিয়ে যাচ্ছে মেয়েটিকে। এরপর রাস্তায়, এসপ্ল্যানেড অঞ্চলে, মেট্রো

স্টেশনের পাশে, সন্টলেক-উপ্টোডাঙ্গা-ভিআইপির মোড়ে, এলগিন রোডে ঢোকার মুখটায়, যতবার অমন কোনো মেয়েকে দেখব, কবিতাটি কথা বলে উঠবে আমাদের মনে। সমাজের কাজ এভাবেও করে কবিতা। বোদলেয়ারের কবিতা-ধারণা বিষয়ে বলতে গিয়ে বুদ্ধদেব বসু একবার বলেছিলেন, কবিতা এই জগতের কোনো কিছু বদলাতে পারে না, শুধু সকল দুঃখীর হয়ে দুঃখ ভোগ করতে পারে। সুতপা সেনগুপ্তের কবিতা সেই কাজটাই করেছে।

কবিতার শেষ লাইনটিতে এসে আবারও একবার অবাক হওয়া বাকি ছিল আমার। ‘ধন্য আশা কুহকিনী’ কথাটি উদ্ভৃতি চিহ্নের মধ্যে রেখে শুরু হয়েছিল আট লাইনের এই কবিতা। উপর্যুপরি দু-বার প্রথম দুটি লাইনে আয় ফ্রবপদের মতো ধন্য আশা কুহকিনী কথাটি এসেছে। শেষ লাইনে, মেয়েটি একা দাঁড়িয়ে রয়েছে। তার কাছে কেউ আসেনি। আসছে না। সে দাঁড়িয়ে আছে। আশা ছাড়তে পারছে না। আর আশাটুকুই তার শক্তি, আশা বিসর্জন দিয়ে ঘরে ফিরলে হয়তো অনাহার। হয়তো! পঙ্ক বাবা। হয়তো বৃদ্ধা মা। কিংবা নিজেই হয়তো। একার পেট, তার জ্বালাও কি কম! কবিতাটি দুটি চার লাইনের স্তবক স্বাভাবিক ভাবে চেয়েছিল। কবিতার যে রচনাস্তোত, তারও তো একটা চাওয়া তৈরি হয়, কবিতাটি লিখতে লিখতে। কবি সেটাকে রাখলেন, আবার রাখলেনও না। স্পেস দিয়ে আলাদা করলেন, শেষ লাইনে মেয়েটির একাকী দাঁড়িয়ে থাকলে—এবং ভেঙে দিলেন লাইনটি, সুব্রত, স্টান রাখলেন না—কেন? মেয়েটির কচে তৈরি কেড়ে এল না—পূর্ণ হল না তো তার জীবিকা-লক্ষ্য—শুধু আশাশক্তি রইল তার কাছে—এইবার তাই ধন্য আশা-র পর একটি কমা—যা নবীন সেনে নেই। আশাই এখন একমাত্র সৈক্ষণ্য। এই কথাটি দিয়ে আশাকে একদিকে আঘাত করাও হচ্ছে, মেয়ের ক্ষমতাও হচ্ছে, অন্য দিকে আশার মহিমাময় সামর্থ্যের কথাও বলা হচ্ছে—আশা ছাড়া কি মানুষ এগোয়? সভ্যতা এগোয়? এই কথা আর একটি কাজও করেছে। ‘কুহকিনী’ কথাটিকে আলাদা করে দিয়েছে। আর তাকে যুক্ত করেছে ‘মেয়ে’ শব্দটির সঙ্গে। চিরকালই নারীকে কুহকিনী বলে প্রশংসাচ্ছলে নিন্দা করে থাকে সমাজ। আর এই মেয়েটি? সে তো রাস্তা থেকে পুরুষ ধরবার কাজই করে। তাই তো সে রাস্তার মেয়ে। ওই মেয়েরা খারাপ মেয়ে। বেশ্যা। ধন্য আশার পর, কমা, একটুক্ষণ থেকে যখন ‘কুহকিনী মেয়ে’ শব্দটি পড়ছি, বুক মুচড়ে উঠছে আমার। হায় কুহকিনী! নবীনচন্দ্রের চিরপরিচিত লাইনটিকে নতুন ঘূর্ণের নতুন বিষয়ের কবিতায় প্রবেশ করানো হল—তারপর, একটি কমা-র প্রয়োগে, তা থেকে নতুন অর্থ বার করে আনা হল। কুহক কোনো পথিককে আকর্ষণ করতে পারেনি, পারছে না আজ। অথচ, নবীনচন্দ্রের কবিতায় আশা-সঙ্গীধনের যে মূল সুর—সেই সুরও কিন্তু একদিকে এ কবিতার মূল সুরের মধ্যে রইল।

এইভাবে, আবারও এক যুগ থেকে, অন্যযুগে বয়ে এল অবিনাশী কবিতাস্তোত। এই ধারা চলেছে। আর আমি, পাঠক হয়ে ঘাটের সিঁড়িতে বসে সেই শ্রেতের দিকে তাকিয়ে আছি।



২২

সারাদিন কীভাবে কাটাই আমরা ? নিশ্চয়ই, নানারকম কাজের মধ্যেই থাকি সকলে। ভাবতে গেলে দেখব, নানারকম অভিযোগের মধ্যেও থাকি। সর্বজনীন দিন আমাদের কেটে যাচ্ছে কাউকে না কাউকে অভিযোগ করে। অন্যের প্রতি অভিযোগ করতে করতে আমাদের কারও এমনও হয়েছে যে, যত মৃদুভাবেই বলি নানেক, স্বর থেকেই বোঝা যাবে তা কোনো নালিশ বহন করছে। থেকেন নালিশ প্রকাশ করার সুযোগ পাওয়া যাচ্ছে না, সেখানে কথাটি হয়ে উঠছে শ্লেষ বা ব্যঙ্গ। কখনও চাপাক্ষণিক তত চাপা নয়। এ থেকে বোঝা যায়, নাবলা অনেক অভিযোগ মনের মধ্যে বহন করেও চলেছি। যা বলতে পারছি না মুখে, কিন্তু মনে মনে সারাক্ষণ বলছি। এইভাবে বাইরে হাসি আর ভেতরে অপরের প্রতি অভিযোগ নিয়ে কেটে যাচ্ছে আমাদের দিন। আর জীবন যখন এইভাবে অবিরত অভিযোগ বহন করে কাটছে, তখন কবিতা লিখতে গেলেও তো সেই অভিযোগই আসবে। শ্লেষ, বিক্রিপ্ত আসবে। কারণ জীবন থেকেই তো কবিতা আসে।

ঠিকই। কিন্তু, আজ যখন আয়ুর চার ভাগের তিন ভাগই পার হয়ে গিয়েছে, তখন মনে হয়, কেবল অভিযোগ করে আর অভিযোগ চেপে রেখে যে দিনগুলো কাটাচ্ছি, এই কি চেয়েছিলাম ? জগতের সবার দোষ আছে, শুধু আমি ভালো ! আমার কোনো দোষ হতে পারে না ? এইখান থেকে কখনো-কখনো শুরু হয় নিজেকে অভিযোগের পালা। নিজেকে প্রশ্ন করা বা ফিরে দেখা নয়। অন্যদের অভিযোগ করে করে বিফল হয়ে, শেষে নিজেকে অপদার্থ, ব্যর্থ বলে ভাবতে শুরু করা। কেউই যখন বুঝতে পারছে না আমাকে, আমার অস্তিত্বের মূল্য কী ? জীবনটা অভিযোগ থেকে বিদ্বেষের দিকে চলে যেতে চায়। তাকে বাধা দিতে গেলে তা ফিরে আসে নিজের দিকে ! মনে হয়, শূন্য, শূন্য সব। সব চিন্তা আর্থনার সকল সময়, শূন্য মনে হয়। শূন্য মনে হয়। তখন, কারও কারও এত দূরও মনে হতে পারে, নিজেকে শেষ করে দিলেই বা ক্ষতি কী ! আমি তো শেষই হয়ে এসেছি। অভিযোগ বহন

করে বেঁচে থাকা একজন মানুষ, অভিযোগ বহন করে বেঁচে থাকা আরও একজন বা আরও একদল মানুষের সঙ্গে মজার মজার কথা বলছে, হাসছে, হাসাচ্ছে—কী মানে এসবের।

যে আমাকে মুখ ফুটে বলেছে, আমি যাকে মুখ ফুটে বলিনি, আমরা দূজনেই, আমরা সকলেই, কখনো-না-কখনো, এই আত্মনির্ধাতনের গহুরে খসে পড়েছি। সেইরকমই একটি মুহূর্তে আমার মনে পড়ে গেল এই কবিতাটি :

চেয়ে দ্যাখো

ততোক্ষণ মাথা ঝুঁকে পড়ে থাকো ব্রিটিশ মিউজিয়ামে—
যদি বই পাওয়া যায়, আর যদি না-ও পাওয়া যায়
চেয়ে দ্যাখো কার্ল মার্কস পড়তেন কোনু প্রাণে বসে,
ইউনেস্কোর উচিত ওই জায়গাটাকে তীর্থ বলে প্রতিপন্ন করা।

কোনো বই পাওয়া যায়নি? এসে যায় না, এই চেয়ে দ্যাখো
শুধুই আজকের জন্য প্রদর্শিত হয়েছে এখানে
কিট্সের হাতের লেখা চিঠি :
'পীসা থেকে এক ভদ্রলোক, শেলি মিট'লিখেছেন
ওঁর কাছে যেতে!'

অন্তত এ চিঠিখানি সংযোগিত আছে সভ্যতায়,
এসো, এই কথা তেজে আত্মহত্যা মূলতুবি রাখি।

এই কবিতাটি লিখেছিলেন অলোকরঞ্জন দাশগুপ্ত। আজ থেকে ২৬ বছর আগে এ লেখা ছাপা হয়েছিল। তারও কত আগে ইনি লিখেছেন :

স্নান্তি

বরবটির খেত ঘুরে রামনাথ বিশ্বাস রোদুর।
তুমি খুশি হও, তুমি অভিযোগ কোরো না,
বোলো না 'অভাব' বলো 'বাড়স্ত সকলি',
বরবটির খেত ঘুরে পর্যটন করছে রোদুর।

আঙুল হেলিয়ে দোলে বরবটির সার
জননী পৃথিবী সুখী, তিনি রাজমাতা,

রত্নগৰ্ভা; আপাতত আর-কোনো শস্য নেই তাঁর,
আর-কোনো চাষি নেই। মনোনয়নের শস্য নেই।

তাবলে কী এসে যায়? কচি-কচি বরবটির মুখে
বাতাস লেগেছে, আর রোদ্দুরের তেজে
বেড়ে উঠে তারা হেসে কুটি-কুটি নেচে-নেচে সারা;
এবার মরতে তিনি রাজি। নৌকো খুলে দাও, মাঝি ॥

এই যে প্রথম চার লাইন, এর মধ্যে ভারি সুন্দর একটা কথা আছে। আমাদের বাড়িতে মা-মাসিরা চাল আনতে হবে বা চাল ফুরিয়ে গিয়েছে না বলে বলতেন, ‘চাল বাড়স্ত’। অর্থাৎ ‘নেই’ বলতে নেই। কেন? নেই-ই যখন, তখন নেই বলব না কেন? বলো, ইচ্ছে হলে বলো। তবে ‘নেই’-কে ‘বাড়স্ত’ বলায় একটি সৌন্দর্য ফুটল। ইচ্ছের সৌন্দর্য। এই ইচ্ছেটুকু যে, আমি চাই সব ভরা থাক। অপার্যাতা ধরিত্বাকল্যা তাঁর একটি কবিতা, জল ভরার কবিতা, শেষ করেছিলেন এই বলে : ‘খালি থাকবে কেন?’ ঠিকই তো, খালি থাকবে কেন। ‘নেই’-কে ‘বাড়স্ত’ বলে বর্ণনা করার মধ্যে আশেষসুগের মায়েরা একটি আশীর্বাদ উচ্চারণ করতেন। একটি মঙ্গলকামনা। এইখানেই কবিতার সঙ্গে তার সাদৃশ্য। কবিতা অনেক সময়ই শুভ মিথ্যা বলে।

বরবটির খেত ঘুরে রামনাথ বিশ্বাস রোদ্দুর! কথাটির মধ্যেও একটি লুকোনো মজা আছে। কেন হঠাৎ রামনাথ বিশ্বাস কৃষ্ণচা এল? একজন বাঙালি পর্যটক ছিলেন যিনি সাইকেলে পৃথিবী ঘুরেছেন। তাঁর মাম রামনাথ বিশ্বাস। আজকে, এই বরবটির খেতে রোদুর যেন রামনাথ বিশ্বাসের মতো ঘুরে বেড়াচ্ছে। সেই জন্যেই চতুর্থ লাইনে, পর্যটন’ কথাটি রয়েছে, পর্যটক রামনাথ বিশ্বাস আগে এসে গিয়েছেন বলেই। তবে প্রথম লাইনে আরও একটি সূক্ষ্মতা রয়েছে। অক্ষরবৃত্তের এই আঠোরো মাত্রার লাইন, আমরা এইভাবে, নিজের অজাঞ্জেই পড়ব—‘বরবটির খেত ঘুরে | রামনাথ | বিশ্বাস রোদ্দুর’। ‘বিশ্বাস’ কথাটা রোদুরের সঙ্গে উচ্চারণ করব অজাঞ্জেই। রামনাথ বিশ্বাস যেমন পৃথিবী ঘুরেছেন, রোদুরও তেমনই। বিশ্বাস আর রোদুর কথাটা পাশাপাশি। ভেতরে বিশ্বাস করার শক্তি থাকলে অভিযোগ আর জয়ী হতে পারে না বলেই, এই ‘জননী পৃথিবী’, তাকে সুধী দেখতে পায়। যে সুধী ‘এবার মরতে তিনি রাজি’। বসুন্ধরার কী মৃত্যু হয়? এই মৃত্যু কোনো বিনাশের কথা বলছে না। এ এক শাস্তির অভিব্যক্তি। আমরা বলি না, এবার মরেও শাস্তি? সেইরকম। এ স্নেহের কথাও, কেন-না, তাঁর সন্তান তো এই শস্যখেত। ভু-পর্যটকের কথা প্রথম লাইনে ছিল। সেই সুত্রে এইবার এসে পড়েছে সমগ্র পৃথিবী। শস্যমাঠ। ‘আঙুল হেলিয়ে দোলে বরবটির সার’—এমন একটি ছবি এখানে আছে—যা একাধারে চিরচেনা ও নতুন। বরবটিকে যে আঙুলের মতো দেখতে কে না জানে! কিন্তু কবিতায় এভাবে তাকে কথনও দেখিনি।

এই কবিতাটির মতো, ‘চেয়ে দ্যাখো’ কবিতাটিও, সেই নিজেকেই বলা। কিছু বইয়ের খোঁজে অলোকরঞ্জন গিয়েছিলেন সেখানে। কিন্তু বইগুলো পাওয়া গেল না। সে এক নিরাশার মূহূর্ত ঠিকই। সেই নিরাশা মূহূর্ত থেকে শুরু হয়ে এ লেখা যেখানে পৌঁছোল, সেখানে, আমাদের সমস্ত নিরাশা ও অভিযোগের মুখোমুখি সে দাঁড়াতে পারে। কীভাবে? মার্কিস যেখানে বসে পড়াশোনা করতেন, সেই জায়গাটায় চিহ্ন দেওয়া আছে। এবং তা দেখে অত্যন্ত সংগত ভাবেই বলা হচ্ছে, ‘ইউনেস্কোর উচিত ওই জায়গাটকে তীর্থ বলে প্রতিপন্ন করা।’ অক্ষরবৃত্তের বাইশ মাত্রার মাপের মধ্যে অলোকরঞ্জন যে ধরিয়ে দিলেন লাইনটিকে তাতে বিস্ময়ের কিছু নেই। কারণ, ’৬৭-তে তো তিনি তারা দেবী, তোমার মন্দিরে কবিতায় লিখে দিয়েছিলেন ‘অনিমা সেনগুপ্ত যেবার কী একটা শিখর থেকে আগ হারালেন,—ওই বাইশ মাত্রাতেই। সুতরাং, তা নিয়ে বেশি না ভেবে আমি শুধু ভাবছি, যে ওই ‘তীর্থস্থান’টি দেখতে পেল না তার কথা। এক্ষেত্রে আমার কথা। কিন্তু, আমার মতো মানুষের জন্য আছে এ কবিতার দ্বিতীয় স্তরক। ‘শুধু আজকের জন্য প্রদর্শিত হয়েছে এখানে, কীটসের হাতের লেখা চিঠি।’ কিটসের চিঠি? তা-ই? কী আছে সে চিঠিতে? সে চিঠিতে কিটস লিখছেন, পিসা থেকে এক ভদ্রলোক, শেলি, চিটিলিখিতেছেন ওর কাছে যেতে।

এই সামান্য সংবাদটুকু আছে। লক্ষ করা যায়, এই কবিতাটির ধরন যেন কিছুটা বিবৃতির মতো। কিছু কিছু খবর বলা হচ্ছে। কিন্তু কী সেটা খবর। শেলি, কিটসকে নিজের কাছে আসতে লিখছেন।

এবং এইখানে ঘুরে দাঁড়িয়ে কবিতাটিকে অমোঘ বিশ্বাসবার্তা জানায় তার শেষ দু-লাইনে। ‘অস্তত, এ চিঠিখানি সংরক্ষিত আছে সভ্যতায় / এসো এই কথা ভেবে আস্থহত্যা মূলতুবি রাখি।’ সব কিছুই হারিয়ে যায়। কোনো সম্পর্ক, কোনো বিশ্বাস, কোনো আশা আর নিরাপদ নয়, ভেঙে যেতে পারে? ভেঙে যায়, ভেঙে গিয়েছে বলে মন যখন নিরাশা আচম্ভ, তখন সে কার দোষে ভাঙল ভেবে অপর পক্ষের দিকে অভিযোগ নিয়ে যায়। আর শেষে মনে হয়, এই নিরাশা আর অভিযোগময়তায় কী-ই-বা মূল্য আছে আমার জীবনের? একে শেষ করে দিলেই তো হয়—তখন এই শেষ দু-লাইন একটা বিশ্বাসের দৃঢ়তা নিয়ে দাঁড়ায়। ‘বরছে কথা আতসকাচে’ নামক কাব্যগ্রন্থে আছে এই কবিতা, যে বই ছাপা হয়েছিল, ১৯৮৫-র এপ্রিলে, এখনও পাওয়া যায়। আশ্চর্য ব্যাপার, আস্থহত্যা ‘মূলতুবি’ রাখার কথা বলা হল। একবারও বলা হল না, কখনও আর ও কথা ভেব না। নিজেকে শেষ করার কথা ভাবতে আছে? ছিঃ। তুমি না মানুষ! এসব বলা হল না কিন্তু। বলা হল, মূলতুবি। এখানে, ‘মূলতুবি রাখি’-র মধ্যে আসলে কিন্তু ‘মূলতুবি রাখো’-ই আছে। কারণ, ‘এসো, এই কথা ভেবে’ এই কথাটি রয়েছে তো। ‘এসো’, এই আহান অপরকে, বন্ধুজনকে সতীর্থকে বলা। যে আমারই মতো। একটু আগে আমি যেমন নিরাশাপীড়িত আর অভিযোগপ্রবণতায় আচম্ভ হয়ে পড়েছিলাম। এ-ও তো তেমনই। তার প্রতি মিথ্যে কোনো স্তোকবাক্য উচ্চারণ করল না এ কবিতা। সে জানে, সংবেদনশীল যে জীবন, তার সামনে বারবার নিরাশা

আসবে। আধাত আসবে। অপরের প্রতি অভিযোগ করে করে বেঁচে থাকার প্লানি থেকে সে মুক্তি পাওয়ার চেষ্টা করবে—আত্মহত্যার মধ্যে দিয়ে। চেষ্টা না করুক, অস্তত চিন্তা করবে। বিশেষত কবিরা, শিল্পীরা, যুগে যুগে, আত্মহত্যা করেছেন। যাঁরা করেননি, তাঁদের অনেকেই জীবনে কখনো-না-কখনো আত্মহত্যার কথা ভেবেছেন, এমনকি পরিকল্পনা করেছেন, এমন দৃষ্টান্ত ইতিহাসের চতুর্দিকে ছড়ানো। সিলভিয়া প্লাথ, ভার্জিনিয়া উলফ, মায়াকোভস্কি বা ভ্যান গথ প্রমুখ। শেলি যে সমুদ্রে ভেসে গিয়েছিলেন, সে নিয়ে প্রশ্ন আছে, অস্পষ্টতা আছে। এই দুর্ঘটনা স্বেচ্ছাপ্রণোদিত কি না। যে-জিজ্ঞাসা উঠেছিল তাঁর বন্ধুদের মধ্যে। আছেন আমাদের জীবনানন্দ এই অস্পষ্টতার কিনারে। সেইজন্যই কোনো চিরকালীন আশ্চাস উচ্চারণ করতে চাইল না এ কবিতা। বলল, জানি, তুমি সেনসেটিভ, জানি তোমার মন বারবার অভিযোগ করবে পৃথিবীকে, জানি তোমার বাঁচতে ইচ্ছে করবে না অভিমানে। আমারও করে না, হে বন্ধু, হে পাঠক, হে ভবিষ্যতের কবি—তবু ওই চিঠিটি, কিটসের যে চিঠিতে শেলির সঙ্গে দেখা করার কথা আছে, ওই চিঠিটা তো সভ্যতা যত্ন করে আগলে রেখেছে। দুজন অত বড়ো কবি পরম্পরের কাছে আসতে চাইছেন, তাঁদের বন্ধুদ্বের সম্ভাবনা জেগে উঠছে—এই উষা-মুহূর্তটি কোথাও ধরা আছে আজ? এইটা কি মন্ত আশ্চাস নয়? এসো, এই কথা ভেবে, অস্তত কিছু দিনের জন্য আত্মহত্যাকে মূলভূবি রাখার এই আহানে কবি নিজেকেও জড়িয়ে নেন অজানা বন্ধুর সঙ্গে পাঠকের সঙ্গে। মানুষ যখন ভয়ংকর একলা বোধ করে, কাউকে দেখতে পায় না তার মনের চারপাশে, তখনই সে আত্মহত্যার কথা ভাবে। এই যে, ‘এসো’ বললে, এই আহান, আর অস্তত একজনকে সঙ্গী করে নিল। আত্মহত্যার সঙ্গী নয়। আত্মহত্যার বিরুদ্ধতা করার সঙ্গী।

এই কবি, অলোকরঞ্জন, বন্ধুবেজ অবিশ্বাসকে নিজের মুখোমুখি দাঁড় করিয়ে মুখোমুখি দাঁড়িয়ে তাকে বিশ্বাসে রূপান্তরিত করতে চেয়েছেন। একটি কবিতার অংশ বলি এইখানে :

আমি তাকে ছেড়ে
চলে যাবো এই কথা ভাবছিলাম, কিন্তু যেই চলে
যাচ্ছি দেখি পৃথিবীতে নতুন মন্দির হবে বলে
কেউ বা মোহর দিল, কেউ বা কাহন
যে শিশু আপন মনে উত্তরের বারান্দায় দোলে
যে তার দোলনটুকু দিয়ে দিল : আর একজন
দারুণ অনিচ্ছা দিয়ে মন্দির সুদৃঢ় করে তোলে।

নতুন মন্দির হবে বলে সাহায্য তোলা হচ্ছে, দান নেওয়া হচ্ছে, এইটুকু ভাবা যায়। যে যার সামর্থ্য অনুযায়ী দিচ্ছে, কেউ মোহর দিতে পারল। কেউ কাহন। কিন্তু যে শিশু বারান্দায় আপনা মনে দোলনায় দুলচ্ছে, সে তার দোলনটুকু দিয়ে দিল? এটা আর ভাবা যায় না। আর


এইখানেই কবিতা শব্দের সীমাবদ্ধ অর্থের বাইরে নিজেকে নিয়ে যেতে পারল। যেমন মন্দির নির্মাণের জন্য অর্থ প্রয়োজন, কিন্তু, শুধু অর্থ নয়, অর্থকে পেরিয়ে অন্য কিছু, হয়তো তা ভঙ্গি, হয়তো তা আত্মনিবেদন, আমার কাছে যেমন তা ভালোবাসা—সেই ভালোবাসা সেই বিশ্বাসের প্রয়োজন সবচেয়ে বেশি। কবিতাও তাই। যে শিশু দোলনায় দুলছে, সে তার দোলনটুকু দিয়ে দিচ্ছে—অত্যন্ত সাধারণ ভাবে বলা এ কবিতা, মুহূর্তে, এমন দৃঢ়ি, এমন আলোর প্রকাশ ঘটায়, যার বর্ণনা করা যায় না। যা অনিবর্চনীয়। আর, এ কথাও মনে রাখতে হবে, নতুন মন্দির তৈরি হোক, এটা কিন্তু সকলে চায় না। তাই একজন অনিচ্ছুকও এ কবিতায় আছে। যে তার দারুণ অনিচ্ছা দিল। দিয়ে, শেষ পর্যন্ত মন্দির সুদৃঢ় করে তুলল।

আমরা বেঁচে আছি, কিন্তু সবই আমার ইচ্ছে আর পছন্দ অনুযায়ী চলবে কেন চারপাশে? বরং সেটা না হওয়াই তো স্বাভাবিক। হাত পেতে তবু মোহর নেব, কাহন নেব, কারণ আমাকে মন্দির গড়তে হবে। সারাজীবন ধরে লেখার সঙ্গে থাকা, সে তো এক মন্দির নির্মাণ। তেমনই অনিচ্ছাও নেব অপরের। অভিযোগও নেব। বিরুদ্ধতাও নেব। সব দিয়েই তো মন্দির, মানে আজীবনের কবিতা-সঙ্গ তৈরি হবে। কবিতা-লেখা যেমন একরকম কবিতার সঙ্গে থাকা—না লেখার সময় থাকাটা তেমনিইও কঠিন। সেই সময়টাও কবিতাকেই ধরে থাকব—মোহর, কাহন যদি দান হয়, সমর্থন হয়, বিরুদ্ধতাও একরকম দান, অনিচ্ছাও। সব দান একটি বড়ো চাদরের মিঝুনে জড়ে করে রাখব। সেই চাদর হল জীবন। ফিরে অভিযোগ করব না। হাসিমুয়ে বিরুদ্ধতা, অনিচ্ছাও নেব। যে যা দেয়। রাস্তা দিয়ে চলেছি দান নিতে নিতে। দু-দিকের মড়িগুলো থেকে আশীর্বাদ পড়ছে, ভালোবাসা, প্রেম এসে পড়ছে চাদরের মাঝাখানে। এসে পড়ছে কষ্ট, ক্ষোভ, অপমান, বিরাপতা, বিক্রৃপ, অননুমোদন। সবই নেব। নইলে মন্দির হবে কী করে? আত্মহত্যার কথা ভাবব না। কেন ভাবব? ওই যে শিশুটি দোলনায় দুলছে, সে তার দোলনটুকু দিয়ে দিয়েছে না আমাকে? আমার মন্দির তৈরির জন্য! আমার আর অভাব কোথায়?

তখন রোদুরের দিকে তাকিয়ে দেখতে পাব অলোকরঞ্জনের এই কবিতাকে, যেখানে আকাশভরা কবিতার স্টল :

অমনোনীত

দেখেছো দিগন্ত আজ ক্রোড়পত্র প্রকাশ করেছে?
 এক একরকম মেঘ জেগে আছে এখানে-ওখানে,
 আমার কবিতা ওরা প্রকাশ করেনি এ সংখ্যায়,
 শুধুই তোমার ছবি সবগুলো স্টলে শোভা পায়,
 আমি আজ আমার এই অমনোনীত হ্বার মানে
 বুঝতে পেরেছি। এত আনন্দেও লজ্জাহীন যেচে
 একবিন্দু ঈর্ষা কেন থেকে-থেকে ধমনী কাপায়!



২৩

‘...আজকে দুজনে তারা চিরস্থায়ী পৃথিবীও আকাশের
পাশে আবার প্রথম এল...’

দুজন: জীবননন্দ দাশ

সেদিন একটি লেখা পড়ে ভালো লাগল। তবিন এক সাহিত্যকার লিখেছে, তার কয়েকটি স্বপ্ন নিয়ে। স্বপ্ন বলতে স্বপ্নই, পরিকল্পনা নয়। পরিকল্পনাকেও তো মানুষ অনেক সময় স্বপ্ন বলে উল্লেখ করে। যেমন ধরো চোমার অনেক দিনের স্বপ্ন একটা ইস্কুল বানাবে। বা সুইৎজারল্যান্ড যাবে। বা শচীম্বুতেভূলকরের সঙ্গে দেখা করবে। এগুলো এক ধরনের আশা-ভাবনা, কিন্তু স্বপ্ন বললে অন্যায় নেই। আমি যে-লেখাটির কথা বলছি, সেটা অবশ্য ঘূমের মধ্যে একজন যে-স্বপ্ন দ্যাখে, তাই নিয়ে লেখা। স্বপ্ন সম্পর্কে প্রবন্ধ নয়। নিজের দেখা কয়েকটি স্বপ্ন, যেমন যেমন মনে আছে, সেটুকুরই বিবরণ লিখেছে সে। সংক্ষিপ্ত লেখা। কিন্তু মনে সোজা চুকে পড়ে। কারণ সত্যি কথা লিখেছে তো!

আমি তাকে নাগালের মধ্যে পেয়েই আমার স্বত্বাব অনুযায়ী হাত-পা ছুঁড়ে খুব বলতে লাগলাম, এমন স্বপ্নের কথা কি তোমার আরও মনে আছে? সে নব্রত্বাবে জানায়, যে, স্বপ্ন তার খুবই মনে থাকে, মাথা থেকে বেরতেই চায় না সকালের দিকে, এটা তার একটা সমস্য। তা ছাড়া, রোজই সে ঘুমে স্বপ্ন দেখে। আমি বলে বসলাম, এইগুলো লেখো না! গদ্যে এরকম ছোটো-ছোটো স্বপ্নবিবরণ? খানিকটা রোজনামচার ধরনে, তারিখ দেওয়ার দরকার নেই। ছোটো একটা বই হতে পারে বেশ। এক-এক পাতায় এক-একটা স্বপ্ন শুরু হবে। এক-দেড় পাতায় ছোটো ছোটো লেখা। সে অবাক হল। আবার বেশ একটা উৎসাহও জাগল তার মনে।

সামনে আমার আর এক বন্ধু নসেচিলেন। সে উঠে যেতে, বন্ধু আমার দিকে তাকিয়ে

বিস্মিত, এটা আপনি কী বললেন ওকে? এরকম লেখা তো আগে হয়ে গিয়েছে। আমি কিছুটা হতভস্থ। হয়ে গিয়েছে? মানে? বঙ্গু বললেন, কেন, কাফকা? কাফকার ডায়রিতে কি স্বপ্নের ডেসক্রিপশন নেই? স্বপ্নের পর স্বপ্ন? পাতার পর পাতায়?

আমি সত্যিই একটু বিপন্ন হয়ে পড়ি। বোঝানোর একটা দুর্বল চেষ্টা করি। যে, আমি যেমন বইয়ের কথা ভাবলাম, তাতে ডায়েরির মতো কিছু থাকবে না। কবিতার বই যেমন আমরা পাতা উলটে, একপাতা, দেড় পাতার একটি কবিতা পড়ি, দু-তিনটি কবিতা পড়ে তারপর কিছুক্ষণ চুপ করে বসে থাকি বই কোলের ওপর উলটে রেখে—পরে, আবার পড়ি, বা আর পড়ি না—এটাও তেমন একটা বই হোক। তবে, কবিতা বা গল্প নয়। কেবল একজন মানুষের টুকরে-টুকরো স্বপ্নবিবরণ। এই বইয়ের কোনো শুরু বা শেষ থাকবে না। স্বপ্নের যেমন প্রথম দৃশ্য, শেষ দৃশ্য থাকে না। স্বপ্ন যেমন হঠাতে মাঝখান থেকে শুরু হয়ে যায়। হঠাতে একসময় ঘূম ভেঙে শেষ হয়। এ বইও হবে অনেকটা তেমন।

বঙ্গু মানলেন না। তাঁর এক কথা, কিন্তু এটা তো আম্বে হয়ে গিয়েছে। ভুল পরামর্শ দিলেন আপনি মেয়েটিকে! সে খেয়ালবশে লিখে পাইকাম্পিবে করেছে, ওই যথেষ্ট। যে-ধরনের লেখা আগে হয়ে গিয়েছে, তা আবার কেবল ঠিক নয়। সবাই বলবে কাফকার প্রভাব। তা ছাড়া, কোন প্রকাশকই বা ছাপতে রাজি হবে এমন উন্নত বই?

এটা অবশ্য আমি এক কথায় মনে রাখিম। কে ছাপতে রাজি হবে, ভেবে দেখিনি। মাথায় একটা কবিতার লাইন যখন আসে—তখন এটা কোথায় ছাপতে দেব, তা আগে না-ভেবে কবিতাটা পুরো লেখার কথা ভেবেছি। সারাজীবন। সকলেই তাই ভাবে। বইয়ের পরিকল্পনাও তাই। মনের মধ্যে বইটা জন্মায়। লেখা শুরু করার পর জন্মায়। লিখতে লিখতে জন্মায়। পুরো বইটা। বা আদল পেতে থাকে। অনেক সময় কয়েকটা লেখা হয়ে যাওয়ার পর জন্মায়। বই, মনের মধ্যে জন্মায়। বাস্তবে সম্পূর্ণ লেখা হতে যদিও তার অনেক দেরি তখন।

ঠিক এই অনুভূতি আমার অন্যের সম্পর্কেও হয়েছে। কয়েকটা কবিতা, এমনকি, গল্প পড়েও মনে হয়েছে, এই নিয়ে একটা বই হতে পারে তো—আরও কিছু লেখা তৈরি হলেই, বইটা রূপ পাবে। অন্যদের বইকেও, আমি কখনো-কখনো, নিজের মনের মধ্যে, জন্মাতে দেখেছি। আর, সে সময়টা আমি যে ধরনের পেশায় যুক্ত ছিলাম, তাতে এই ধরনের অভিজ্ঞতা বারবার ঘটত।

এও একরকম সাহিত্য-সম্পর্কিত অভিজ্ঞতা। নিজে কবিতা লিখতে লিখতে, যেমন হঠাতে একটা বইকে মনের মধ্যে দেখতে পাই—কয়েকটা কবিতা একত্রে, ছেপে-সেলাই করে, বার করা নয়—এ অনেকটা বিশেষ কোনো রাগরাপের মতো, যার কেন্দ্রে থাকে বিশেষ স্বরসমষ্টি, এ ক্ষেত্রে ভাবনাসমষ্টি—তেমনই, কয়েকটি লেখা পড়ে, অন্যের বইকেও মনের মধ্যে অনুভব করা যায়। পরে যখন সেই সব বই প্রকাশিত হয়েছে, তখন, একলা মনে একটা আনন্দ হয়, দুপুরগৱের আনন্দ, আর এই স্বপ্ন হল আসলে পরিকল্পনা বা আশা ভাবনা।

এ হল এমন একটা আশা, যাতে অনেকটা যেন নিজে-লেখার খুশি ও মিশে থাকে, পরোক্ষ একটা সৃষ্টিচঞ্চলতা। একটা সুতো কাউকে হাত থেকে দিয়েছেন, আর সে সুতো নিয়ে দৌড়ে মাঠ পেরিয়ে অদৃশ্য হয়ে গেল, যা আপনার দৃষ্টিসীমায় নেই, কিন্তু, বাপসামতো কিছু একটা অনুমান-কঙ্গনা আপনার আছে—তারপর সে যখন ফিরে এল, সেই ছেলে বা মেয়েটির উজ্জ্বল পরিশ্রান্ত মুখের দিকে তাকিয়ে, আর তার পাণ্ডুলিপি পড়তে পড়তে মন ভরে উঠল—নানা অপ্রত্যাশিতকে সে ধরে ফেলেছে, এইটা দেখার উদ্দেশ্যনায়। তখন, অনেকটা যেন, বিপ্লবস্পন্দিত বুকে মনে হল আমিই লেনিন।

কারও মনে হয়তো কোনো একটি বিষয়ের উন্মেষমাত্র হয়েছে, একটু একটু সে দেখতে পাচ্ছে, দেখতে যে পাচ্ছে, নিজে হয়তো তত গুরুত্ব দিচ্ছে না সেই দেখাটাকে, ভাবছে, এ তো আর এমন কিছু নয়। কিন্তু তোমার যদি ভালো লাগে সেটা, তাকে যদি সেদিকে একটু ঢেলে দিতে পারো, তাহলে, এমন হতে পারে, সে নিজের ভেতরে অবস্থানকারী সেই বিষয়কে পুরোটা না হোক, অনেকখানি তুলে আনল। তবে আনতে গেলে তো নিজের ভেতরকার সেই খনিগহুরে নামতে হবে, সেই খননের পরিশ্রমটুকু তাকে দিয়ে করাতে পারলে—তুমিও অবাক, সে-ও অবাক। আর দেখা গেল, পূর্ণসং একটি উপন্যাসই হয়তো লেখা হয়ে গিয়েছে। সেই লেখক, নিজেও ভুক্ত ভাবেনি। ভাবেনি যে, এমনটা হবে। লিখন-অভিজ্ঞতার এও এক পরোক্ষ আশ্঵াদান পরোক্ষ আশ্বাদনেরও একটা আনন্দ-উদ্দেশ্যনা আছে, তা তো বললামই। আমি কি অনুভূতিশীল হয়ে, এখন, এই মেয়েটিকে ভুল দিকে চালিত করলাম?

কিন্তু, কাফকার মৃত্যুর বাহ্যিক বছর পর জন্মেছে মেয়েটি। পশ্চিমবাংলার জেলা শহরে। কাফকার লেখার সময়, আর এর সময়, কত আলাদা। কত আলাদা দুই দেশব্যবস্থা, জীবনযাপন, বেঁচে থাকা—কত দূরবর্তী। সবচেয়ে বড়ো কথা, তিনি, কাফকা, একজন পুরুষ, আর সে নারী—ইত্যাকার প্রভেদের সারণি মনে মনে গড়ে তুলতে তুলতে খেয়াল হল, আমার বন্ধুও তো উঠে গিয়েছেন কখন। তাঁকে বলা হল না। কিন্তু তাঁর বলা কথাটা মনে ঘুরতে লাগল। এ বিষয় নিয়ে লেখা তো আগে হয়ে গিয়েছে। এই যে কথাটা মাথায় ঘুরতে লাগল, তার একটা কারণ আছে। কারণটি হল, এই ‘বিশেষ’ কথাটি আমি আগেও শুনেছি। অনেকবারই শুনেছি। আমার বয়স যখন ২৩/২৪, তখন আমাকে উৎসাহ দিয়েছে, আমাকে লিখতে শেখানোর চেষ্টা করেছে অনেকেই। তাদের কারও কারও পত্রিকায় তারা যত্ন করে আমার লেখা ছাপিয়েছে। তাদের অনেকের মুখে এ কথা শুনতে শুরু করি তখন। কয়েকজন যুবক একটি পত্রিকা বার করত, দু-তিনবার আমার কবিতা ছাপিয়েছে সেখানে, সেই '৭৬-'৭৭-'৭৮ সালে, আমি কৃতজ্ঞচিত্তে মাথা নীচু করে তাদের কথা শুনতাম। তারা নলেছিল, আমাদের লেখা (তাদের লেখা) শক্তি-সুনীলের স্টাইলের বিরুদ্ধে একটা প্রতিবাদ। আমরা ফিল্মটিভের ধারাটাকে পালটে দেব। আমরা ওদের মতো লিখি না।

আমি অনাক হয়ে ভাবতাম, কিন্তু বলতে সাহস পেতাম না, যে, শক্তি ও সুনীল তো দুনিয়ার পাঠক এক হও! ~ www.amarboi.com ~

একটাই স্টাইল নন। দুজনে কত প্রবলভাবে আলাদা। শক্তি একাই তো কত ধরনের কবিতা লিখেছেন। তা ছাড়া ফিফটিজের মতো মানে কী, তাও বুঝতাম না। আলোক সরকার বা উৎপলকুমার, অলোকরঞ্জন বা বিনয় মজুমদার, তারাপদ বা প্রণবেন্দু বা শঙ্খ ঘোষ—এঁদের কি এক নিশাসে উচ্চারণ করে সকলকে একটাই ধরন বলে চিহ্নিত করা যায়? কিন্তু এসব প্রশ্নের আগে একটা প্রশ্নই বড়ো হয়ে উঠল মনে। তা হল—কোনো মানুষ যে লেখে, তা কী জন্য লেখে? কারও মনের মধ্যে একটা আগুন জ্বলছে, একটা প্রবল অস্থিরতা—তা হয়তো কোনো বলতে না-পারা তীব্র আনন্দ, তা হয়তো কোনো তীব্র অপমান—তাকে প্রকাশ করার জন্য, তাকে প্রশংসিত করার জন্য লেখে। হয়তো বাস্তব অবস্থাটা কিছুই বদলায়নি তখনও, কিন্তু লিখে ফেলার পর যন্ত্রণাটার একটা উপশম আসে। কারও মন গভীর কোনো দৃঢ়খে স্থাবিষ্যত হয়ে আছে, কোনো শোক পেয়েছে সে, কারও সঙ্গে কথা বলতে ইচ্ছে করছে না, প্রতিবেশী বা আঘাতিয়াস্ত্রজন সাঙ্গনা দিতে এলে পালিয়ে যেতে ইচ্ছে করছে, তখন, একটা কাগজ টেনে কয়েক লাইন লিখে ফেলল হয়েত্তা। অর্থাৎ মনের মধ্যে কোনো আলোড়ন বা আগুন বা আদিগন্তভাসমান হির-দৃঢ়খ, অথবা মানুষের হাতে মানুষের নিধন দেখে কিছু করতে না পারায় অসহায় যন্ত্রণা—এই স্থৰ কোনো কিছু প্রকাশ করার জন্য সে লেখে? নাকি বিশেষ একটা কবিতা-স্টাইলের প্রতিবাদে আরেকটা কবিতা-স্টাইল বানাব বলে লেখে? মনের কোন জায়গা থেকে ক্ষেপ্তা জন্মায়? ভেতরটা ছটফট করছে, নিরূপায় একটা অবস্থা থেকে মুক্তি পেতে, নাকি কোনো একটা স্টাইলকে নস্যাত করব—এই জেদ থেকে? কী থেকে লেখে? এই শ্রেণী সেই বয়সেই জন্মাত মনে। এ কথা ঠিকই, লেখার সময় নিজের একটা ভাষা খুঁজতে হত, আজও কবিতা লিখতে গেলে খুঁজতে হয়। হয়তো কারও লেখার স্টাইলের প্রতিবাদ করব বলে নিজে লিখতে হবে এটা ভাবিনি কখনও, তাই, আজও নিজের ভাষা খুঁজতে হয় আমাকে, খোজাটা শেষ হল না আমার। কিন্তু যে-প্রসঙ্গে এ কথাটা তুললাম, তা হল, ‘আগে হয়ে গিয়েছে’। সেই যুবকদের কাছেই প্রথম শুনেছিলাম, ‘এ বিষয় নিয়ে লেখা আগে হয়ে গিয়েছে’ এই ধরনের কথা। আমি অবশ্য তাদের মুখের ওপর তর্ক করিনি। শুনে গিয়েছি। বোঝার চেষ্টা করেছি। তারপর কবিতা যখন লিখতে বসেছি, দেখেছি, জীবনের সেই সময়কার অভিজ্ঞতা প্রভৃতি করছে আমার ওপর, ওদের বা অন্যদের পরামর্শ-কথা মনে থাকছে না। যা লিখছি সেটাই একটা অজ্ঞানার দিকে টেনে নিচ্ছে। কিন্তু, কে বলবে, আমি সারাজীবন ভুল পথেই চলিনি? ওরা যা বলত, বা ওদের মতো আরও অনেকে, কিংবা আমার বন্ধু এইমাত্র যা বললেন—এ বিষয় নিয়ে আগে লেখা হয়ে গিয়েছে— সেটাই হয়তো ঠিক। সেই দৃষ্টিভঙ্গিটাই হয়তো নতুন নতুন কাব্য আন্দোলনের জন্ম দেয়। আবার—আমি কোনো কাব্য আন্দোলনে অংশ নেব—এই ধরনের চিন্তা যে ব্যক্তি করে না—সে কি তবে লিখবে না, সে কি তবে লেখালেখিতে আসবে না?

ভরত দে বলে একজন ছিলেন, চুঁচড়ো-চন্দনগর ওই দিকে কোথায় যেন একটা থাকতেন। তিনি যে কোনো একটা পত্রিকা খুলেই, যার যে কবিতা দেখতেন, বলতেন, দুনিয়ার পাঠক এক হও! ~ www.amarboi.com ~

ভালো, কিন্তু এ তো আগেই লেখা হয়ে গিয়েছে। শাস্তিভাবে বলতেন। বলে মিটিমিটি হাসতেন। শেবে এমন দাঁড়াল, আমি যখনই কিছু লিখতে যাই—দু-একলাইন লিখেই— ভরত দে-র হস্তিটা দেখতে পাই। তাৰি, এটা আগে লেখা হয়ে গিয়েছে কি? লেখা থেকে উঠে পড়ি। শেষমেশ দেখলাম, হয় কবিতা লেখা বন্ধ করতে হবে, নয়তো ভরত দে-র সঙ্গে যোগাযোগ। দ্বিতীয়টাই কৱলাম। সেটা '৭৯।

কিন্তু, আজ, আমার বন্ধু যা বললেন, তাতে অন্য একটা দুর্চিন্তা হল। আমি হয়তো ভুল পথে হেঁটেই লেখা-জীবন কাটালাম। সেটা আমার জীবন। তার দায় আমি নিতে পারি। কিন্তু মেয়েটিকেও আমি ভুল পথে ঠেলে দিলাম না তো! সে হয়তো আজ আমার বয়স আৰ অভিজ্ঞতা মান্য কৱে চলে গেল। সেও একদিন আমার বয়সে পৌঁছোবে। তখন তার হয়তো মনে হবে, আমি তাকে ভুল পথনির্দেশ দিয়েছি। যা লেখা হয়ে গিয়েছে, তা-ই আবার লিখতে বলেছি।

আসলে, কী নিয়ে লেখা হয়নি, তা কী কৱে জানব! প্রতিটি সূর্যাস্ত পুরোনো। প্রতিটি সূর্যোদয় অতীত। বহুকাল ধৰে ঘটছে। বহু লোক দেখছে। সেইসব লোকের মধ্যে লেখকরাও আছে। আমি জন্মাবার আগে আমার বাবা-মা প্ৰেমে অভৃত্তি ছিলেন। কত কত যুগ্যুগাস্ত ধৰে পুৰুষ-নারী একে অপৱের প্ৰেমে পড়েছে। মাতৃশোক, পিতৃশোক, বন্ধুশোক পেতে পেতে চলেছে হাজাৰ হাজাৰ মানুষ। প্রতিটি সম্ভৃতি আমার আগে অন্যরা দেখে ফেলেছে। প্রতিটি পাহাড়। আমার আগেও বিবাহিত অভিজ্ঞয় অন্য নারীৰ প্ৰেমে পড়েছে পুৰুষ। আমার আগেও অন্যেৰ প্ৰেমিকাৰ প্ৰেমে দৃঢ়াও ছিমভিম হয়েছে বহু পুৰুষ। তাদেৱ মধ্যে অনেকেই লেখক। আমি কী কৱে? কোন্ট্রুকিছুই কেবল আমার জন্য, একাকী আমার জন্য রাখেননি বসুন্ধৱা। সব সবই, আগে হয়ে গিয়েছে। এমনকি, আমিও পৃথিবীতে প্ৰথম জন্মালাম তা নয়, প্ৰথম মা বলে ডাকলাম, তা নয়। আৱ এ কথাও জোৱ দিয়ে বলবাৰ নয়, আমার মৃত্যুটিৱ পৃথিবীতে প্ৰথম মানব-মৃত্যু হবে। সবই আগে হয়ে গিয়েছে।

কিন্তু আমার মা যখন আমার হাতেৰ ওপৱ কুড়ি মিনিটেৰ মধ্যে মাৱা গেলেন, তখন আমি মৃত্যুকে বুঝলাম। মাতৃশোক বুঝলাম। জগতে আমিই তখন প্ৰথম। যে মাতৃশোক পেল। আমার ক্ষেত্ৰে এই অভিজ্ঞতা প্ৰথম ঘটল, তাই নতুন। তাৰ আগে বাবা গেছেন। বাবা যখন গেলেন, তখন বাবাৰ ঘূমাস্ত মুখ আৱ বেঁকে যাওয়া পা, আজও আমার মনে আছে। কাৱও পিতৃবিয়োগ হয়েছে শুনলেই এই ৪৭ বছৱ ধৰে সেই মুখ আৱ পা আমার মনে পড়ে। এটা কি আগে হয়ে গিয়েছে? এই অনুভূতিৰ জাগৱণ? এই স্মৃতিচিৰেৰ উদ্ভাস? অন্যদেৱও কি এমন ছবি মনে পড়ে নিজেৰ চলে যাওয়া বাবা-মা সম্পর্কে? তা হলে কি আৱ আমার সেটা লেখাৰ অধিকাৰ রইল না? অন্যদেৱ জীবনে হয়ে থাকতেই পাৱে, আমার জীবনে প্ৰথম, বাৱবাৰ প্ৰথম। বাবা যাওয়াৰ পৱ মায়েৰ শোক নতুন হয়ে এল। আমার দ্বিতীয় শোকও নতুন। শক্তিদা বা সুভাষদা চলে যাওয়াৰ সময়ও শাশানে গিয়ে আমার বাবাৰ শুশানযাণা মণে পড়েছিল। আমার প্ৰথোকটি শোক নতুন। আমার প্ৰথোকটি দুনিয়াৰ পাঠক এক হও! ~ www.amarboi.com ~


গ্রেম নতুন। প্রতিটি সূর্যাস্ত আমার কাছে এইমাত্র সম্ভব হল। এইমাত্র ঘটল প্রতিটি সূর্যোদয়। যদি আমি তা অনুভব করতে পারি, তবেই নতুন। যদি সেই অভিজ্ঞতাকে সর্বস্ব দিয়ে দিতে পারি, তবে তা নতুন। আগে লেখা হয়ে গিয়েছে, তবে যদি আমি দ্বিধা করি, তবে অভিজ্ঞতাকে বুক পেতে নিতেই পারব না কক্ষনো। তাকে, অভিজ্ঞতাকে, পার হতে গেলেও, তাকে বুকে ধরেই পার হতে হয়। সঙ্গান জন্ম দেওয়ার অভিজ্ঞতা তো চিরকাল কত নারীরই হয়েছে। লেখকরা তা নিয়ে লিখেওছেন। যেমন লিখেছিলেন গীতা চট্টোপাধ্যায় তাঁর ‘অপত্য’ কবিতায় :

‘...দেখা দেবে পৃথিবীর শেষ, প্রাথমিক / বিশ্ব, বৃহৎ মাথা ছাদ জাগছে নীলের ফোকরে / হাত দিয়ে আঁকড়ে ধরছে আকাশ : শূন্যের স্বভাবী না / পা দিয়ে ঠেলছে মাটি, মুক্তি দে মুক্তি দে পিশাচিনী, / রক্তের প্রথম ভাগ দুধে রাখি : মা তুই বলবি না?’

পরবর্তী সময়ে মশিকা সেনগুপ্ত লিখেছিলেন এই অভিজ্ঞতা নিয়ে ‘মোহ’, ‘কঁচিজাতকের জন্ম’, ‘জন্মের দ্রাগ’ বা ‘রোহিতাশ্ব’-র মতো কবিতা। আর যশোধরা রায়চৌধুরী লিখেছিলেন পুরো একটি কবিতার বই: ‘আবার প্রথম থেকে পড়ে’। আগে হয়ে গিয়েছে তবে এরা যদি পিছিয়ে যেতেন, আমরা কি তাঁদের এই অসাধারণ কবিতাগুলো পেতাম? অবশ্য লেখার সময় এসব ভাবা এবং পক্ষে সম্ভবই ছিল না। কারণ এঁদের ক্ষেত্রে এই অভিজ্ঞতা ছিল প্রথম। প্রবল। অনন্তসূতরাং—নতুন! কবিতাগুলি এই সাক্ষ্যই দেয়।

ভুল হোক, ঠিক হোক, অভিজ্ঞতা, অভিজ্ঞতাই। লেখার জন্য কোনো অভিজ্ঞতাই ভুল নয়। জীবনের ভুল থেকে সার্থক লেখা কুস্তাতে পারে।

মেয়েটিকে দেখা হলে বলব, কামৰু যে-স্বপ্ন দেখেছেন, তা কাফকার স্বপ্ন। তোমার স্বপ্ন আর কেউ দেখতে পারবে না। একমাত্র তুমই দেখতে পারো। তুমি লেখো তোমার স্বপ্ন-সংকলন। তোমার ঘুমের মধ্যে চুকতে পারবে না জগতের কেউ। কারণ স্বপ্নের দ্বিতীয় দর্শক হয় না। তোমার পাঠককে তুমি স্বপ্নের ভিতরে ডেকে নাও। কেন-না, স্বপ্নের ভেতরই তুমি সবচেয়ে মুক্ত। সবচেয়ে স্বাধীন।



২৪

আজ বলব দাম্পত্যের কবিতা নিয়ে দু-চার কথা। কবিতা নিয়ে কোনো কথা বলতে গেলেই
আমার যেমন একবার শঙ্খ ঘোষ মনে পড়েই, আজও তেমন জড়ছে, ‘নিহিত পাতালছায়া’র
কয়েকটি লাইন : প্রতি রবিবার তুমি নিজের মনের মহল সাজিয়েছ বাড়ি / আর কত দেরী
আছে ভেবেছ আলতো ঠোটে গুণগুন গান / শুধু তুমি কোনো দিন সময়ে ফিরি না / ঘর
জুড়ে বেজে ওঠে টান...

স্বামীর বাড়ি ফিরতে দেরি করা আবেদন জুড়ে এই যে ‘টান’ বেজে ওঠা, এটা যদি
কোনো নারীর দিক থেকে দেখি, তাবলে এই কবিতাটি মনে পড়ে আমার :

পাখির সঙ্গে

পাখি এক পাখি দুই
কংক্রিটের ঘরে এক পাখিলতা প্রহরী আমার
সারাটা দুপুর একা সঙ্গে একা ভাবি বয়ে যাব
ভাবি নষ্ট মেয়েদের মতো ইশারা ছড়িয়ে দেব জানলায়
রাত্রি দশটায় বাড়ি আসবে যে মানুষটা রাজ্য জয় করে
ভাবি তাকে শাস্তি দেব ফচকেমি করে
কাচের সন্ধান্ত ঘরে ঢিল ছুড়ে মেরে

সকালে কলেজ এক বিশ্রী কাজ, ভাবি ছেড়ে দিয়ে
গুজরাটি গ্রামে গিয়ে এক মাস থাকি
কাচফুলে রংফুলে রৌদ্রময় নকশার বিরাট চাদরে
সাদা শাড়ি পরে আমি নেচে উঠেই

চারিদিকে ঘন হবে গাছ
দেবতারা ঝুকি মেরে বিশ্ময়ে দেখবে
রহিতন হ্রতন ইঙ্কাবন চিড়ে।

পাখি এক পাখি দুই, দুলে উঠে বলে—
ওই তোর বর এল রাজ্য জয় করে।

মনিকা সেনগুপ্ত

কবিতার এই মেয়েটি স্বামীর জন্য একা একা অপেক্ষা করতে করতে অধৈর্য হয়ে উঠছে। অভিমান আর রাগ ঘন হয়ে উঠছে জীবনসঙ্গীর প্রতি। এভাবে সারা দিন একা একা কাটাব বলে একসঙ্গে থাকার সিদ্ধান্ত নিয়েছি নাকি আমরা? এই একসঙ্গে থাকাটাই তখন বিয়ে-করা। এ কবিতাটি যখন রচিত, আজ থেকে প্রায় দুদশক আগে, তখনও তরুণ-তরুণীদের মধ্যে এখনকার মতো আইনি-স্বাক্ষর ছাড়া একত্র বসবাস স্বাভাবিক হয়ে ওঠেনি। যারা সারাজীবন দূজন দূজনের সঙ্গে কাটাতে পারব কি না এ বিষয়ে নিশ্চিত হতে পারে না, তারাই ভাবে, এখন কিছুদিন একসঙ্গে থেকে দোখা পুঁজিধে হলে জীবন কাটাব। নইলে আলাদা হয়ে যাব। এটা ভালো উপায়। কিন্তু, যারা মনে মনে এই সিদ্ধান্ত নিতে পারে— তারা আজও আইন-স্বাক্ষর করেই স্বাস্থ্যস করে। আমি তো তোমার সঙ্গেই থাকব ঠিক করেছি। তারপরেও বাস্তু করতে এমন দেরি করার কী মানে! পাখিলতা আমার প্রহরী। একরাত্রি নিঃসঙ্গ কাটাতেই একটি কবিতায় প্রণবেন্দু দাশগুপ্ত লিখেছিলেন, আমার সঙ্গী নেই কেউ / আছে তেজিকোন। এখানে টেলিফোনের বদলে পাখিলতা। পাখি এক, পাখি দুই দিয়ে কবিতাটি খুঁক। ঘর সাজানোর নানা জিনিস পাওয়া যায় দোকানে। তাই দিয়ে মেয়েটি সাজিয়েছে তার সংসার। হয়তো নতুন সংসার। ‘প্রতি রবিবার তুমি নিজের মনের মতো সাজিয়েছ বাড়ি’—এই লাইনটি এবার, পরবর্তী কালের এক মেয়ের জীবনে সত্য হয়ে দেখা দিচ্ছে—যদিও এটা রবিবার কি না সেটা আমরা জানি না, সেটা জানা জরুরিও নয়। এখানে মেয়েটির অপেক্ষাই কবিতার বিষয়।

এই ঘর সাজাবার পাখি আমরাও দেখেছি পড়শি-বাড়িতে। ঘণ্টা লাগানো পাখিরা এক দুই তিন করে চমৎকার পাটের রঙিন দড়ি-সুতোয় ঝুলে থাকে। হয়তো বুকশেলফের সামনে। হয়তো ছাদের কাছ থেকে টাঙানো। অবিকল কীরকম এই পাখির শুচ্ছ, তা নাজানলেও, আন্দাজ করা যায় কাঠের তৈরি অথবা প্লাস্টিকের। এই রংচঙে পাখিগুলো জানলা দিয়ে হাওয়া এলেই দুলতে থাকে। আর হয়তো টুঁটাং করে ঘণ্টি বেজে ওঠে ওদের দুলুনিতে। ভারি সুন্দর কোমল এক জলতরঙের মতো ঘণ্টাধ্বনি ওঠে।

এই দোদুলামান পাখিরা, এবং কোমল ঘণ্টাধ্বনিই মেয়েটির অপেক্ষার একমাত্র সঙ্গী। স্বামী কাজ থেকে ফিরতে দেরি করছে, মেয়েটির রাগ বেড়ে দৃঢ়ে আবার দৃঢ় বেড়ে গিয়ে গাগে যাতায়াত করছে। মেয়েটির জীবনসঙ্গথাও একটি অর্পণাঙ্গুলিতে গলা আছে।

'সকালে কলেজ এক বিশ্রী কাজ।' অর্থাৎ সকালে তাকে কলেজে যেতে হয়। 'বিশ্রী কাজ' কথাটি বোধায় এই মেয়েটি ছাত্রী নয়। তাই এই কাজ ছেড়ে দিয়ে গুজরাটি গ্রামে চলে যাওয়ার কথা ভাবে। পড়াশোনা ছেড়ে দেওয়ার কথা কেউ ভাবে না সচরাচর। কিন্তু, চাকরি ছেড়ে দেওয়ার কথা প্রায়ই ভাবে। যদিও বাস্তবে করে উঠতে পারে না, কিন্তু ভাবে তো: তা ছাড়া আগেই মেয়েটি বলেছে, আমিও তরুণী আজও। ছাত্রী হলে, নিজেকে 'আজও তরুণী' বলে দাবি করতে হত না। অর্থাৎ তুমি যে এত দেরি করছ বাড়ি আসতে, আমি কি আর তরুণী নই মনে করো? এসব হল অভিমানের ভাবনা। মেয়েটির সারা দিনের অপেক্ষার মধ্যে মধ্যে, ভাবনার মধ্যে মধ্যে, ওই পাখিগুলো দুলে দুলে উঠছে হাওয়ায় আর ঘণ্টা বাজিয়ে চলেছে, ওরা সেই হিসেবে প্রায় ঘড়ির মতো, কিন্তু ঘড়ি নির্দিষ্ট সময় অন্তর শব্দ করছে। আর এই পাখিলতারা হাওয়া এলেই শব্দ করে। আর হাওয়া তো যখন ইচ্ছে আসছে যাচ্ছে। কিন্তু বরের বাড়ি ফেরার নাম নেই। এই কবিতায় 'প্রহরী' শব্দটি ভারী মজার। একা বউকে বাড়ি রেখে গিয়েছে—প্রহরী কারা? না ওই পাখিগুলো। যারা কাঠের বা প্লাস্টিকের পাখি। কিন্তু 'পাখিলতা' শব্দটিতে এক সৌন্দর্য আসে। পাখিগুলো দড়ি-সুতোয় বাঁধা, ফলে তারা যেন লতা। ঘরের লতামেঝে। দ্বিতীয় লাইনে এই পাখিলতার মধ্যে গাছ আর পাখিকে ডেকে আনা হয়েছে কংক্রিটের ঘরে। ধরা যাক শহরে। আর এই একা একা অপেক্ষারত বধুটির মনে ধীরে ধীরে রঙিন অরণ্য জন্মাল। কবিতাটির শেষ প্রান্তে যেতে যেতে আমরা দেখলাম ওই শহরের দুপুরবেলায়, ওই কংক্রিটের ঘরে কী কী ঘটল। জাগ্রত স্বপ্নের মতো কাচফুলে রংফুলে নকশার বিরাট চাদরে মেয়েটি সাদা শাড়ি পরে নেতে উঠছে—উঠতেই—চারিদিকে ঢাকিপালা ঘন হয়ে এল। ঘন হয়ে আসার মধ্যে প্রিয়-সঙ্গ প্রিয়-নৈকট্যের আভাস। গাছ হল প্রকৃতি-নিবিড় এক মুক্তি। অর্থ মেয়েটি কিন্তু একাই সেই মুক্তির মধ্যে চলে গিয়েছে। ওই কংক্রিটের ঘরে অপেক্ষা করতে করতে এক অপরূপ সৌন্দর্যের জগৎ সে সৃষ্টি করে নিচ্ছে নিজের চারপাশে। তার যে অত রাগ-দুঃখ হয়েছিল একটু আগে, সে যে বরকে 'শাস্তি' দেবে বলে নানা উলটোপালটা ভাবছিল সেইসব মিলিয়ে গেল ওই পাখিদের দুলে-ওঠা ঘঠাখনিতে। কেন না বড়ো শখ করে, আনন্দ করে ওগুলো পছন্দ করে এনে ঘর সাজিয়েছে সে। ওই পাখিদের দেখে তার প্রকৃতি মনে পড়ল। হয়তো তখনও পর্যন্ত অবরুদ্ধ, তখনও-প্রস্ফুটিত-না-হওয়া মেহ মনে এল। ওই কংক্রিটের ঘরের মধ্যেই সে একা একা রচনা করল এক সুন্দরের জগৎ, যা দেখবার জন্য এমনকি আকাশ থেকে দেবতারাও ঝুঁকে পড়লেন। ঘর হয়ে গেল স্বাধীন জঙ্গল। অরণ্য-রঙিন এই মুক্তির দিকে মেয়েটির মনকে নিয়ে গেল কয়েকটি ছোটো ছোটো কাঠের পাখি।

যে পাখিরা আবার ঘণ্টি বাজিয়ে দুলে ওঠে, তখন, অনুমান করা যায়, দরজায় বেল বাজে। পাখিসঙ্গনীরা একেবারে শেষ লাইনে এসে কথা বলে। বা তাদের মুখ থেকেই আমরা কণিতাটির অপূর্ব সমাপ্তি উপহার পাই : ওই তোর বর এল রাজ্য জয় করে।' ভালোবাসতে পারলে, যে কোনো এক ধরণে মানুষ অরণ্য-স্বাধীন মুক্তি আনতে পারে—
দুনিয়ার পাঠক এক হও! ~ www.amarboi.com ~

কাঠের পাখির মধ্যে প্রাণ দিতে পারে, এ কবিতা তারই উদাহরণ হয়ে থাকে।

মন্মিকা সেনগুপ্তের অঙ্গ বয়সের লেখায়, এই ঘর বাঁধার স্বপ্ন প্রথম দেখা দিয়েছিল,
এইভাবে :

ঘর

বাঁশের মাচান বাঁধো সংগমের আগে, ঘর হবে
পুত্র বেঁধে নেবো পিঠে

নদী দৃশ্যন্তী আজও বইছে সেখানে, পাখি, নতুন উষ্টিদ।

বৈবশ্বত পিতা আমাদের—আশীর্বাদ করো যেন এবারের শীতে
যাযাবর হয়ে আর বেরিয়ে না পড়ি।

মানুষ যখন যাযাবর ছিল, সে গোষ্ঠীবন্ধ হয়ে এখানে সেখানে ঘুরে বেড়াত। তার নারী,
সে আর এভাবে জীবন-জীবিকার খোঁজে বারবার উদ্বৃষ্ট হতে পারছে না, ঘর চাইছে। ঘর
বেঁধে নিতে চাইছে। নতুন স্বামীর কচ্ছে। নতুন কেন? ওই যে, বাঁশের মাচান বাঁধো সংগমের
আগে। আগে ঘরের ব্যবস্থা হোক। মাথা পৌঁজার ঠাই। তারপর মিলন। এখানে পুত্র বেঁধে
নেব পিঠে এই ছবিটিতে আদিবাসী জলপৌষ্টির রূপ মনে আসে। চিরায়ত একটি চিত্র। এ
লেখাকে যদি ‘পাখির সঙ্গে’ কবিতার পূর্বভূমিকা হিসেবে ধরে নিই, তবে ‘পুত্র বেঁধে নেব
পিঠে’ এই স্বরসংগতিটিও পরে জীবন ও বিজ্ঞানের পায় কয়েক বছর পরের কবিতায় যেমন এই
মোহ :

মোহ

এমন একটি মধু সরোবরে ভাসছি
জলতলে ধার একটিই নীল মৎস্য
হাসছে খেলছে লেজ নাড়াচ্ছে ছন্দে
জলে বিদ্যুৎ তোলে আসন্ন জন্ম।
একটি পুরুষ আমাকে রেখেছে আগলে
পাঁজর কাঠির শক্ত মধুর বাঁধনে
যেন দুটি হাত ঝাড় ও ঝঁঝঁা ঠেকিয়ে
বাঁচিয়ে রাখবে শ্যামাক ঘাসের মাটিকে
মা ও চেশের জন্ম সাজাবে নৌকো।

গর্ভের মধ্যে যখন সস্তান রয়েছে তাকে আগলে রাখার জন্য মায়ের শরীর-মন যেমন
সাবধানী স্নেহে আকুল, তেমনি যে এইবার পিতা হতে চলেছে, তারও দৃষ্টি আকুল ও
শক্তিমান বাছ নিজের নারী-শিশুকে আগলে রাখছে প্রাণপণ। এই কবিতার মধ্যেও স্বামীর
যে রক্ষাকারী প্রহরী-ভূমিকা, তা স্পষ্ট—যে ভূমিকার জন্ম হয়েছে প্রেম ও স্নেহ থেকে—
সঙ্গীর নির্ভরতাকে সম্মান ও স্বায়ত্ত্ব দিতে। এর পূর্ণতর একটি রূপ আমরা দেখতে পাই
'জন্মের দ্রাঘ' কবিতাটিতে। যা 'ঘর' কবিতাটির পরবর্তী চেহারা।

জন্মের দ্রাঘ

গাজর রঙের জামা থেকে বেরিয়েছে
দুটো মাত্র হাত, তারা গর্ভজননীকে
জীবনবীমার মতো আগলে রেখেছে
হাত এত সাবধানী কখনও ছিল না।

কখনও ছিল না এত তিরতির করা
উদ্বেগ আকৃতি তার চোখের মণিতে
আসন্ন জন্মের দ্রাঘ নিতে নিতে যেন
এই কয় মাসে যুবা বয়স্ক হয়েছে।

যে আছে সে সরোবরে জঙ্গলী পাকিয়ে
থাকে বাবা ও মায়ের ঠিক মাঝখানে
জলে ঘন অঙ্ককার, তাও নড়ে ওঠে
আকাঙ্ক্ষা জলের সেই অলৌকিক মাছ।

জল ও মাছের শব্দের কান পাতে তবু
শুনতে পায় না কিছু চকিত যুবক
'আমার মতোই ওর এক কান বক্ষ হবে না তো!'
—বলে সে ডুকরে উঠে কোলে মুখ গঁজে।

পেটে যেন ধুমধাম ভূমিকম্প হয়
মাছ চুমু দিতে চায় পিতার কপালে
তার মাথা আঁকড়িয়ে ধরে আমি ভাবি
আমরা কি তিনজন বীমা হয়ে উঠব কখনও?

এ থেকে শেষ চাপ লাঠো যাদি দেখি : গভর্নেল সন্তুষ্ণশীল শিশুটিকে মাছের কল্পনায়

ঠিক এর আগের একটি কবিতাটিতে দেখতে পেয়েছিলেন মল্লিকা সেনগুপ্ত। এবং গর্ভস্থ
 শিশুর আলট্রাসাউন্ড স্ক্যান করাকে বিষয় হিসেবে ধরে নিয়ে আজ পর্যন্ত বাংলা ভাষায়
 কেউই কবিতা লেখেননি। সেখানে যে শুণক বা জলজীব হিসেবে তাকে দেখা যাচ্ছে স্ক্রিনে
 সেই ‘মোহ’ কবিতার ছেট মাছ, যেন তার এখনও পর্যন্ত না দেখা পিতাকে, মাঝের গর্ভের
 ভেতর থেকেই হাত দিয়ে জড়াতে চায়। কারণ পিতা তো তার আসন্নপ্রসবা রমণীকে
 সাবধানে সসংকোচে জড়িয়েছে শিশুকে স্পর্শ করবে বলেই। নারীটিও শিশুস্পর্শ উপহার
 দিতে চায় বলে এই যুবা শিশুটির মাথা দু-হাতে জড়িয়ে নিয়েছে—মেহের ধারা এখানে
 ছিমুখী। শিশুটি জন্মায়নি তখনও, তবু, একটি সম্পূর্ণ পরিবারের স্নেহমতা নির্ভরতা প্রেম
 বাংসল্যের অপরূপ স্বর্গ এই চার লাইনে ফুটে উঠতে চায়। কেবল একটি শব্দ, এখানে
 স্বর্গের কল্পনাদেশ থেকে এবং তার যাবতীয় ভাবাবেগ থেকে ছিঁড়ে এনে দৃশ্যটিকে দৈনন্দিন
 বাস্তবের মাটিতে আটকে দেয়। সেই শব্দটি হল ‘বীমা’! এইখানেই এ কবিতা আজকের
 দিনের লেখা হয়ে ওঠে। লেখার প্রথম দিকেও ‘জীবনবীমার মতো’ কথাটা এসেছে।
 নিরাপত্তা, আর্থিক সাবধানতা বা চুক্তির ব্যাপারটা, হিসেবের ব্যাপারটা এই শব্দটি থেকে
 বড়ো আশ্চর্যভাবে রূপায়িত হয়। মাত্র একটা শব্দে। অন্য এই কুশলী শব্দপ্রয়োগ একটি
 যুগের মানসিকতাকে ধরে ফেলে। জীবন মানে মূলত যেখানে ‘বীমা’। সমস্ত সুখ আনন্দ
 বাংসল্য প্রেমের সঙ্গে টাকার ব্যাপারটা যে অঙ্গজীৱনভূত সে-ধারণা কবিতাতে সাধারণত
 বলা হয় না। এই ‘বীমা’ শব্দটির প্রয়োগ একটি বাস্তব ও ব্যবহারিক প্রয়োজনের প্রসঙ্গ যুক্ত
 করে দেয় গভীর আকুলতার পাশাপাশি। এই আশ্চর্যসুন্দর এবং নিভৃত মুহূর্তেও কি এ কথা
 মনে আসে না যে, স্তানের জন্মের সঙ্গে সঙ্গে টাকার প্রয়োজন! সুরক্ষা, নিরাপত্তার
 প্রয়োজন? এই বাস্তব জিনিসটি ‘বীমা’ শব্দে উপস্থিত থাকে। এই প্রয়োগও সম্পূর্ণ নতুন।
 এইভাবে পুরো বিষয়টিকে একটি অপ্রত্যাশিত শব্দের মধ্যে দিয়ে অন্য মানসিকতার স্তর
 থেকে দেখা—যা বাংলা কবিতায় আমরা আগে দেখিনি। উলটোদিকে ওই তিনজন, মা-
 শিশু-পিতা, এই তিনজনই আবার পরম্পরের ‘বীমা’ হয়ে ওঠে। বিমা হল এক ধরনের
 কন্ট্র্যাক্ট, সুরক্ষা-নিরাপত্তা সম্পর্কিত কন্ট্র্যাক্ট—আর আমাদের একান্ত সম্পর্কগুলোও যে
 আসলে কোথাও এক ধরনের কন্ট্র্যাক্ট—এ কবিতা, এই বিশেষ যুক্তিনিষ্ঠ বাস্তব বিষয়ে
 আমাদের সচেতন করে। আজকের সমাজের যে জীবনযাপন তার একটি বিশেষ ধরনের
 মনোভঙ্গি সম্পর্কে পাঠককে সচেতন করে। এইভাবে—জীবন কী, তার বৈচিত্র্য কত—তা
 কবিতা থেকে শিখতে পারি। নারীটি, সেই আদিম জনগোষ্ঠীর নারীটি, যে, ঘর বাঁধতে
 চেয়েছিল বাঁশের মাচান দিয়ে, পুত্র পিঠে বেঁধে নিতে চেয়েছিল, সে আজকের কংক্রিটের
 ঘরে, রাক্ষসে শহরে, নিরাপত্তার খোঁজে ব্যাকুল। সেই পুরাকাল থেকে আজকের দিনে এসে
 পৌঁছোয় নারীটি। যায়াবর অবস্থা থেকে যে ঘর বেঁধে স্থিত হতে চেয়েছে সেই কত যুগ
 আগে থেকে। এই শহরে একটি সস্তান আসছে, সামনে তাকে বড়ো করার জন্য কত যুদ্ধ
 অপেক্ষা করছে কে জানে—তাই সুরক্ষা, তাই বিমা। সেদিনের নবীনা-মাতা থেকে আজকের

তরুণী-জননী, সেই একই নিরাপত্তার খোঁজ। এইভাবে এই চারটি মাত্র লাইনেই ব্যক্তিগতকে পার হয়ে, ‘বীমা’ কথাটির ব্যবহারে, মধ্যবিত্তের মধ্যে যে নিরাপত্তাহীনতা, তার মধ্যে ঢকে পড়ে কবিতাটি। নিতান্ত আপন পরিবারের আবেগ-মুহূর্ত থেকে শুরু হয়ে তা পৌছোয় সকলের প্রয়োজনবোধে, সকল পরিবারের কবিতা হয়ে ওঠে। কারণ টাকা বিষয়ক উদ্বেগ ও অনিশ্চয়তা সব মধ্যবিত্ত পরিবারের মধ্যেই রয়েছে। সাধারণ মানুষের এই আকুল মেহ-আকুলতা, নিরাপত্তাহীনতা ও ভবিষ্য-আশা এখানে চিহ্নিত হয়ে থাকে।

বাবা-মা-সন্তানের আরেকটি কবিতায় তবে যাই। এ কবিতাটি লিখেছেন মণিভূষণ
ভট্টাচার্য :

যাপন

বেশ ঠাণ্ডা হাওয়া দিচ্ছে, সোয়েটার খুলো না পাখি।

এই যে, খেয়াল রেখো দুপুরে সেলুনে ঘেষ্টো হবে।

এটা কী করেছ, কি-তে দীঘন্তি বস্তুব মনে করে।

কী পড়বে, ভাবছ কিছু মঙ্গলদিন কবিসম্মেলনে?

পাখি হলে উড়ে যেতে, পাখি নও এইমাত্র জানি,
পা দুটি বাঁধা-ই আছে লতা দিয়ে, সঞ্চীবনী লতা।
এ সবুজে তৃষ্ণা নেই, আছে শুধু নিঝ সমীক্ষণ।

গোলাপজামের ঘাগ টিফিনের বাক্সে পুরে নিয়ে
আমাকে লিখতে বলে ট্রেন ধরতে চলে গেলে তুমি।

ছেলের কলেজ নেই। লেখা থাক। আয় তো দুজনে গঞ্জ করি।

সন্ধ্যার একটু পরে দক্ষিণের দরজা খুলে যাবে।


এ কবিতাতেও একজন প্রতীক্ষা করে বসে আছে। কখন অন্যজন বাড়ি ফিরবে। এবার অপেক্ষারত মানুষটি স্বামী। স্ত্রী গিয়েছেন বাইরে, কাজে। কিন্তু সে-অপেক্ষার কথা আমরা জানতে পারছি, কবিতার শেষ দিকে এসে। তার আগে এক এক লাইনের পর একটি করে স্পেস। লাইনগুলো এক একটি সংলাপ। প্রথম চারটি লাইন। স্বামীটির সমস্ত কিছুতে দুনিয়ার পাঠক এক হও! ~ www.amarboi.com ~

খেয়াল রাখেন স্তু। বোঝা যায় স্বামী-মানুষটি কিছু-বা আপন-ভোলা। ভুলে যান কীসে ঠাণ্ডা লেগে যেতে পারে। কিংবা এবার সেলুনে যাওয়া দরকার। এমনকি কবি সম্মেলনে কী কী লেখা পড়বেন, তা-ও স্থির করে উঠতে পারেন না। একবার হয়তো ভাবলেন, এইটা পড়ি। পরক্ষণে ভাবলেন, না থাক এটা। ওই দুটো পড়ব'খন। শেষ মুহূর্তে হয়তো সিদ্ধান্ত বদলালেন আবার। এমন মানুষকে একটু দেখে-শুনে না রাখলে হয়? এই স্নেহ-উদ্বেগের স্পর্শ কবিতাটির প্রথমদিকে নরম ছায়া বুলিয়ে যায়। এক এক লাইনের স্পেস হয়তো এ-জন্যও যে কিছুক্ষণ পরপর এসে স্বামীকে দেখে যাচ্ছেন স্তু—এমনকি, এই সংলাপগুলো কয়েকদিন পরপরও হতে পারে। এ কবিতাতেও পাখি আছে। লতা আছে। কিন্তু আগের কবিতায় যেমন দড়িতে বাঁধা কাঠের পাখিরা প্রেমের উদ্বোধনে প্রাণ পেয়েছিল, এখানে তেমন নয়। জীবন্ত মানবী যেন প্রায়-পাখি। যদিও, ছন্দ-বিবৃতিতে বলা আছে পাখি নও, এই মাত্র জানি। অর্থাৎ ভেতরে যে কথাটি রয়েছে তা হল, পাখি নও, কিন্তু পাখির সমস্ত গুণ তোমার মধ্যে। এখানে পাখি কথাটি চপ্পলতা আনছে না, আনছে স্বিন্দুতা, কোমল স্পর্শ। আর এখানে যে লতা আছে, 'সঞ্জীবনী লতা', তাও তো ওই মানবী নিজেই। যিনি সারাক্ষণ নানা কাজের ফাঁকে ফাঁকে এসে—ওইজন্য স্পেস, এই নিজের ফাঁকে ফাঁকে আসার জন্যই—স্বামীর খবর নিয়ে তারপর ট্রেন ধরতে চলে গেলেন, নিশ্চয় চাকরিতে। তিনি বাড়ি থেকে বেরিয়ে যাওয়ার মানে, একটি সুগাঙ্কের সময়স্থক অঙ্গর্ধান।

অঙ্গর্ধান? না, তা নয়। এই যে সারাক্ষণ হচ্ছে পড়ছে, সকাল থেকে, অথবা গত দুদিন কী কী বলেছেন তিনি—সেটাই তো তাঁকে পড়ি-থাকা।

শেষ লাইনের আগের লাইন খুবই সাধারণ ভাবে বলা। তবু কেন যেন, পড়া মাত্রই আমার চোখে জল এসে যায়। আর তো দুজনে গঁজ করি। এই যে সংজ্ঞান, সে সদ্যোজাত শিশু নয়। সে বড়ো হয়েছে, কলেজে পড়ে। পিতাপুত্র যেন দু-ভাই। দুই বক্স এখানে। দুজনে গঁজ করছি আমরা বাপ-ব্যাটায়। আসলে কী করছি আমরা? না, তোর মায়ের জন্য অপেক্ষা করছি। বাবা-ছেলের এই সৌহার্দ্যের ছবিটি জেগে থাকে আমাদের মনে। জেগে থাকে সেই অপেক্ষাটিও। যখন অফিস থেকে ফিরবেন সেই নারী, যার জন্য বাবা-ছেলে বসে আছে। তখন দক্ষিণের দরজা খুলে যাবে।

'ওই তোর বর এল রাজ্য জয় করে'। পাখিলতাদের মুখ থেকে শোনা এই কথা যেমন আমাদের দ্রবীভূত করে, নীরব এক আনন্দে ভিতরের পাথর গলিয়ে দেয়—তেমনই এই, 'সন্ধ্যার একটু পরে দক্ষিণের দরজা খুলে যাবে'—লাইনটিও। আমাদের সাধারণ জীবনের মধ্যেও যে অসামান্য সুখ-স্বর্গ তার নিবিড় স্পর্শ নিয়ে উপস্থিত হতে পারে, মন্ত্রিকা ও মণিভূষণের এই কবিতাগুলি আমাদের মনে করিয়ে দেয়। আমাদের মনের ক্ষত ক্ষতি যত তার ওপরে এসব কবিতা শুশ্রায়ার হাত রাখে। এরা আরেকবার বুবিয়ে দেয় আমাদের সামান্য জীবন আমরা ঘিরে রাখতে পারি নিজেদের মধ্যে থেকে উৎসারিত স্বিন্দ আলোয়। যে আলোর নাম পরিবার।



২৫

বয়স বাড়ার সঙ্গে সঙ্গে মন পুরোনো হতে থাকে। তুমি তাকে বলো অভিজ্ঞ হওয়া। ‘অভিজ্ঞ’ কথাটা একটা ভালো উপাধি। পার পেয়ে যাওয়ার অস্য দরকার হয়। যেমন আমি, ইদানীং এটা ধরে পার হওয়ার চেষ্টা করি। যখন বয়স অস্য, তখন এই উপাধি সঙ্গে থাকে না। কেউ শুরুত্বও দেয় না। কিন্তু একটা জিনিস জুড়ে সঙ্গে থাকে। একটা ঝকঝকে নতুন মন, সেই নতুন মনের ওপর যা কিছু এসে পড়ে তাকেই নতুন লাগে। যা ভালো লাগে তা অত্যন্ত ভালো লাগে, যা আপত্তিকর মনে হয়, তার প্রতিবাদ করতে ইচ্ছে হয়। সেই মন-ই তখন নতুন একটা দেশ যেন। সে সৰীমনের কাছে এলে যথার্থই মনে হয় ‘এলেম নতুন দেশে’। সেই মন, যা ‘অভিজ্ঞ’ উপাধিটি লাভ করেনি, সে তখন কেবল ভালোবাসে, বন্ধুত্ব করে, তেমনই কবিতাও লিখতে শুরু করে।

সেই বয়সে, মন যখন নতুন, তখন কিন্তু ভাষাটা নতুন হওয়া অনেক সময়ই মুশ্কিল হয়। কারণ যে কোনো বিদ্যা আয়ত্ত করতে তো সময় দরকার। রেওয়াজ করে করে গলা তৈরি না-করলে, যেমন স্বরস্থান নির্খুত হয় না, হাত ঠিকমতো তৈরি না-করলে যেমন টিপ বা স্ট্রোক দুটিই সুরপূর্ণ আর ওজনদার হয় না, ভাষাও তাই। সংগীতে কিছু নিয়ম আছে। এক একটি রাগ, কত পুরোনো! কয়েকশো বছর বয়স তাদের। তাদের মধ্য দিয়ে নিয়মিত চলাচল করতে করতে, শুনতে শুনতে, একজন তার গলার সূর, আর গাইবার রাস্তা খুঁজে নেয়। কবিতার ক্ষেত্রে তো তেমন কিছু দেওয়া নেই। এই ওস্তাদের কাছে নাড়া বাঁধো। ওই ঘরানায় শেখো আগে। কবিতায় এমন কিছু পথও দেওয়া নেই। শুরুমুখী শিক্ষার রাস্তাও নেই এখানে। সে যতই নবাগত হোক না কেন, তাকে নিজেকেই সব করতে হবে। ভাষা খুঁজতে হবে। অন্যের মতো হয়ে যাচ্ছে কি না ভাবতে হবে নিজেকেই। প্রথম প্রথম হয়ে যাবেও তা। যেমন আমিই তো অলোকরঞ্জন দাশগুপ্ত আর রঞ্জেশ্বর হাজরাকে নকল করে কবিতা লিখতে শুরু করেছিলাম। রঞ্জেশ্বর হাজরার কবিতা বেরোল দেশ-এ :

বর্ণপরিচয়

ঘূরে গেলেই একটা ফাঁকা। আমি ফাঁকার মধ্যে দাঁড়িয়ে
মুঠো থেকে ‘প’ ছুড়ে দিই। প থেকে পৃথিবী এবং প্রশ্ন
প্রতিবাদ প্রতিশোধ এবং প্রেম ছড়িয়ে পড়ে—পড়তে পড়তে
প্রহর চলে যায়—

প্রেম শব্দে প্রভুর চেয়ে প্রেমিকা সহজ—যেহেতু প্রেম
সহজাত কবচকুণ্ডল সহজাত মৃত্যুবোধের সমান
যাকে চেনার চের আগে আমাকে ম নামক অক্ষর
শিখতে হয়েছে।

ম থেকে মধু মধুবাতা ঝতায়তে
মধুক্ষরতি মৃত্যু—আমি মৃত্যুকে দেখি কিন্তু চিনতে পারি না।

ছেলেবেলায় চ অক্ষর শিখতে কেউ চাঁদ হয় কেউ চন্দন
আমি চাতক হয়ে উড়ে যেতাম চিহ্ন থেকে চিহ্নিন একা—
জ-এর ওপর জাহাজ ভাসতো নদী পেরিয়ে সমন্বয়
আমি জল চিনতাম।

জল চিনতে চিনতে জল
জন্ম চিনতে চিনতে
আমি মৃত্যুর কাছে দাঁড়িয়ে থাকি—দাঁড়িয়ে দাঁড়িয়ে
বিদ্যুর মতো চিহ্ন থেকে চিহ্নিন—

এ-লেখা পড়ামাত্র আমি লিখিয়া একটা কবিতা : ‘একটি সূর্যাস্ত অথবা ম’। সে-কবিতা
শ্যামলকাণ্ঠি দাশকে পাঠালাম। তখন আমার ‘দেশ’ বলতে শ্যামলকাণ্ঠি। সে নিজে দুর্দান্ত
লেখে এবং তার কোনো পত্রিকা নেই। কিন্তু কাছে-দূরের লিখিয়েদের নিয়েই তার ঘর-
সংসার। সে-ই সবার কাছ থেকে কবিতা নিয়ে নিয়ে এ-পত্রিকা ও-পত্রিকায় ছাপিয়ে দেয়।
সে তখন আনন্দবাজার-এ চাকরিও পায়নি। সুতাহাটা নামক গ্রামে থাকে, তমলুক থেকে
অনেক ভেতরে চুক্তে হয়। আমার ‘একটি সূর্যাস্ত অথবা ম’ নামের কবিতাটাও ছাপিয়ে
দিল শ্যামলদা—বিষ্ণু সামন্তের কাগজে। যেমন আমার অনেক কবিতা সে নানা জায়গায়
ছাপিয়েছে। তখন আমার বয়স একুশ। কবিতাটা মোট তিন জায়গায় ছাপা হল। শ্যামলদা
এখনও অঙ্গবয়সিদের কবিতা প্রকাশ করে, কিন্তু এখন তার নিজের একটা কাগজ হয়েছে।
নামকরা কাগজ। ‘কবিসম্মেলন’। নতুন কবিদের উৎসাহ দেওয়াটাকে সে এক ব্রত হিসেবে
নিয়েছে। আজীবন।

পাঢ়ার মেঝে শুভা-শিশা। বিকেলে তাদের বাড়ির গেট খুলে ভেতরে ডেকে নিচে অন্য
দুই সঞ্চী-সহেলিকে। সবাই হাসতে হাসতে গড়িয়ে পড়ছে কী এক রহস্যময় কারণে।
সামনের রাস্তা দিয়ে যেতে যেতে, আমার মনে চলে এলেন রত্নেশ্বর : পাখি হলে পাখির
বাড়িতে গেছে, ডালিয়ার বাগানে ডালিয়া...

অনেক বছর পরে, তখন কলকাতাবাসী হয়েছি, শুনলাম অকালে চলে গিয়েছে শুভা। আমার চেয়ে অনেকটাই ছোটো ছিল। বিশ্বাসই করতে পারিনি। যাওয়ার তো বয়স হয়নি। কিন্তু চলে গিয়েছে, কনফার্মড।

কিন্তু কোথায় গিয়েছে? কার কাছে? চলে গেলে কার কাছে যায়? মনে হল: পাখি হলে পাখির বাড়িতে গেছে, ডালিয়ার বাগানে ডালিয়া। তাহলে পাখি দেখে কি শুভার কথা মনে হয়? ডালিয়া দেখে? কে জানে?

যা বলছিলাম, আমার একুশ বছরের কথা। তখন রত্নেশ্বর হাজরা লিখলেন : মেঘ সারাদিন ধরে হেঁটে হেঁটে বিকেলে আমার কাছে আসে। মাঠের ওপারে থেমে ডাক দেয়: এসো রত্ন! এসো হে ঈশ্বর! পাগল হয়ে গেলাম। সারাদিন এই লাইন বলছি আর মাঠে মাঠে ঘুরে বেড়াচ্ছি। একগুচ্ছ কবিতা লিখলাম, ‘মেঘমালা’ নাম দিয়ে। ভাগিস কোনো বইতে এসব কবিতা নিইনি। কিন্তু সেই থেকে মেঘ আমার সঙ্গে রয়ে গেল। সেই রত্নেশ্বরের হাত থেকে পাওয়া মেঘ, কুড়ি বছর পরে এসে হল, ‘মেঘবালিকার জন্য রূপকথা’। একজন সক্ষম কবি, এইভাবে, আমার মতো নতুন বয়সি কবিতা-লেখকের মনের মধ্যে ঢুকে গেলেন।

এমন অনেকেরই হতে পারে। শ্যামলকাণ্ঠি যে আমার ওই কবিতাটি ছাপিয়ে দিয়েছিল তা নিশ্চয় এজন্য—সদ্য লিখতে শুরু করা ছেলেমেয়েদের মধ্যে অব্যবহিত অগ্রজদের কিছু কিছু ছাপ থাকা অস্বাভাবিক নয়। পরে সে মিয়ে একসময় নিজের ভাষা খুঁজে নেবে এই হয়তো অনুমান ছিল তার এবং সম্পাদকের মিস্ত্র সামন্তের।

এইখানেই আসে, আমার দ্বিতীয় কথাটি! পরে মানে কত পরে? অলোকরঞ্জনের লেখায় ছিল : ‘পুরোনো বটের ছায়া ঝুঁজো, কিন্তু কতদূর ভালো?’ কে যে কোথা থেকে তার কবিতার ভাষা খুঁজে পায় বলাশুক্তি।

ক্লাস নাইনে পড়া একটি মেয়ে, রান্নাঘরে লঠনের আলোয় বসে মুখে মুখে শুনিয়েছিল একটি কবিতা—যে কবিতার নাম এখন ভুলে গিয়েছি, কিন্তু কবির নাম মনে আছে। শামসুল হক। কাকঢীপে থাকতেন। এখন তিনি প্রয়াত।

সেই কবিতাটি হল :

- নাম কী তোর?
- সোনার ভোর
- থাকিস কোথা?
- সুজ্জিপোতা
- খাস কি তুই?
- রূপোর জুই
- আসিস কীসে?
- পাখির শিসে
- কেন আসিস?

শুনিয়ার পাঠক এক হও! ~ www.amarboi.com ~

এই অনবদ্য কবিতাটি শোনার বছর দশেক পর আমি লিখেছিলাম, ‘ঈশ্বর ও প্রেমিকের সংলাপ’ নামে একটি কবিতা, শামসূল হকের এ লেখা না শুনলে ‘ঈশ্বর ও প্রেমিক’ কথা বলছে এটা আমার মাথায় আসত না। পরে, শামসূল হকের একটি ছোটোদের জন্য লেখা কবিতার বইতে এ-কবিতা আমি পড়ার সুযোগ পাই। অনেকবার বাড়ি বদলানোর সুবাদে, অজ্ঞ বইয়ের সঙ্গে সে বইও হারিয়েছি। ষাট দশকের প্রতিভৃষ্টানীয় এই কবির কবিতা সংগ্রহ পড়েছি, তাতে এ-কবিতা খুঁজে পাইনি।

‘আজকাল’ সংবাদপত্রে, সেই ’৮২-’৮৩-’৮৪-তে শ.হা নামে একজন ছড়ার খেলা শেখাতেন। কী করে লিমেরিক লিখতে হয়, তারই নিয়মকানুন বোঝাতেন তিনি। একটি করে লাইন দিয়ে দিতেন। সেই লাইনটিকে প্রথম লাইন হিসেবে লিখে দিতেন। পাঠকরা ছড়া লিখে পাঠাতেন তার ওপর। যেগুলো ভালো হত, ছাপা হত পরের বা তারপরের সপ্তাহে ওই বিশেষ পাতাটিতেই। এই শ.হা দুর্দান্ত ছড়া লিখতেন। দারুণ সব ওয়ানলাইনার দিয়ে দিতেন। একটি যেমন : ঠ্যাং তুলেছি পায়ের ওপর, ল্যাং মেরেছি হাতে। এই লাইনটি আমার মুখ্য হয়ে গেল। পরবর্তী সময়ে ‘ভুতুমভগবান’ বইটি লেখার সময় এই সুরে আমি ‘শীর্ষাসন’ নামে একটি কবিতা লিখি। কেন-না, প্রায় প্রত্যেক সপ্তাহেই শ.হা যেসব হোমওয়ার্ক দিতেন আমি বাড়িতে সেগুলো নিয়ে ছড়া লেখার চেষ্টা করতাম। যেমন ‘উন্মাদের পাঠক্রম’ বইতে ‘কোপ’ নামে একটি ক্ষেত্র আছে আমার—যার তাল আমার কানে ধরিয়ে দেয় শ.হা-র এই লেখাটি :

ভূত নাচিতং স্ফক্ষে মম,
পৃত নাচিতং ডিসকো
ম্যায় বুলিতং বাসে
বড় চড়িতং রিসকো
মেয়ে লিখিতং গোপন চিঠি
না জানিতং কিস কো।

শ.হা নামের আড়ালে ছিলেন শুভাশিস হালদার। এর কোনো বই আমি পড়ার সুযোগ পাইনি। যা যা মনে আছে, তারই কিছু এখানে শৃঙ্খি থেকে তুলে দিচ্ছি। এখন তাঁর কোনো লেখাও দেখি না দীর্ঘদিন। তাঁর সঙ্গে সাক্ষাৎ-ও হয়নি কখনও। কিন্তু খণ্ড তো এঁদের কাছে নিয়েইছি।

‘৭৬ সালে হাতে এসে গেল একটি বই। তাঁর প্রথম কবিতা’—

আগে ছিলাম ভীষণ ভীতু
শরীর জুড়ে বর্ধা ঝতু
কী দিল ফুসমন্তুর

খাই না এখন ভ্যাবাচ্যাকা
আসতে যেতে দিতিস দ্যাখা
দু-তিন ঘণ্টা অন্তর

কখনও রাগ কখনও খুশি
এবারে দে ও রাঙ্কুনী
পাঁচ মিশেলি মন তোর

যা খুসি তাই জবাব দিব
ভালোবাসার এই পৃথিবী
সবটাই তোর তালুক

দে অধিকার এখন থেকে
তোর শরীরের স্মায়র ছেকে
তুলব দুটি শালুক।

পরে, এই কবিতাটিরই মিলের ক্রম অনুসরণ করে, লিখেছিলাম ‘সাদা বিষ কালো বিষ’
নামের একটি কবিতা। কেবল ছন্দটা পাঠাতে চার মাত্রা করে নিয়েছিলাম।

এই কবির নাম শিশির চক্রবর্তী। মেদিনীপুরে থাকেন। কখনও দেখিনি। কবিতার বইয়ের
নামটিও বড়ো সুন্দর : ‘সোহাগ শীতলপাটি’।

‘৭৬ সালে, কবি প্রণবকুমার মুখোপাধ্যায় এই বইটির আলোচনা করেছিলেন ‘দেশ’
পত্রিকায়। প্রণববাবুর উদ্ধৃত করা সুন্দর কয়েকটি লাইন পড়ে এই বই সম্পর্কে আগ্রহ
ও ন্যায়। কুড়ি-একশ বয়সে এই শিশির চক্রবর্তীর ‘সোহাগ শীতলপাটি’ পড়ে ছন্দ মকশো
করতাম। একটি কবিতা বলি সেই বই থেকে :

সুখ

সুপসী তোর দোর গোড়াতে উপোস দিয়ে
সুখ চেয়েছি, দুঃখ তো নয়
আয় না সুখের পায়রা হয়ে ফুরফুরিয়ে
ডানায় মেঝে সূক্ষ্ম প্রণয়!

ক্ষেপায় জীবন, সোনার জীবন, রকম দেখে
বিশয়ে নির্বাক হয়েছি
কী লাভ তল ভালোবাসার আওন রেখে
ওয়েষ্ট পুঁড়ে যান্ত হয়েছি।
দুনিয়ার পাঠক এক হও! ~ www.amarboi.com ~

...କୁପସୀ ତୋର ଦୋର ଖୁଲେ ଦେ, ଉଥିଲେ ଉଠୁକ
ବୁକେର ତଳାୟ ସୁନ୍ଧର ନଦୀ
ଦୁ'ପାରେ ତାର ଲାଲ ଟୁକ୍ଟୁକ ପଲାଶ ଫୁଟୁକ
ଆଶ ମିଟିଯେ ଧୂପ-ଧୂନୋ ଦି!

ଏହିରକମ ସବ କବିତାଯ ଭରା ଦେଇ ବହି । 'ସୁନ୍ଧର ନଦୀ'-ର ସଙ୍ଗେ 'ଧୂପ-ଧୂନୋ ଦି'-ର ମିଳ
ଆମାକେ ମୋହିତ କରେଛି । ବାଂଲାର ଚିରକାଲୀନ ସହଜ ଲିରିକ ଏହି ବହିଯେ ଛଡ଼ିଯେ ଆଛେ ।
ଆର ଏକଟି କବିତା ଯାର ନାମ ମନେ ନେଇ । ସେହି ଏରକମ :

ଯାବେଇ ଯଦି, ଏଥନେଇ କି ?
ଜଳେ ସୂର୍ଯ୍ୟ ଯିକିମିକି—
ଦିନ ତୋ ଆଛେ ।

ଆସିନି ଦିତେ ମାନ୍ୟ କିଛୁ
ଅନ୍ତତ ସାମାନ୍ୟ କିଛୁ
ଝଣ ତୋ ଆଛେ ।

ଫୁଲ ନେବେ ନା ? ଏମନ ଅବୁଝ ?
ପାପଡ଼ି ନା ଥାକ, ଗାଢ଼ ସବୁଜ
ବୃକ୍ଷ ଆଛେ ।

ଆଜ ବୁଝାତେ ପାରି, ଓହ ବହିଟିର କତ ବଡ଼ୋ ଭୂମିକା ଛିଲ ଆମାକେ ଶିକ୍ଷାଦାନ କରାର
ବ୍ୟାପାରେ । ପରେ ଜେନେଛି, ଏହି ଶିଶିର ଚକ୍ରବତୀ ପେଶାୟ ଛିଲେନ ଏକଜନ କନ୍ସ୍ଟେବଲ । ତାଁର ଆର
କୋନୋ ବହି ସଂଗ୍ରହ କରତେ ପାରିନି । ତାଁର ବର୍ତ୍ତମାନ ବୟସ ୭୭ । ଆମାର ଦେଇ ଅଞ୍ଚଳ ବୟସେର ପର
ତାଁର ଲେଖାଓ କୋଥାଓ ବିଶେଷ ଦେଖିନି । ଶିଶିର ଚକ୍ରବତୀର ଆର ଏକଟି କବିତା, ଯା ପଡ଼େ,
ଆମାର ସେ-ବୟସେ ମୁଝ ଛିଲାମ । ପାଠକେର ଜନ୍ୟ ତୁଲେ ଦିଇ :

ବାଟି ଭର୍ତ୍ତି ସୁଖ

ପ୍ରଥମ ତୋ ନୟ
ପ୍ରେମ ଓ ପ୍ରଣୟ
ପେଲାମ କତ୍ତୁକ

ତୀର ନେଶା
ହୟ ହାମେଶା
କାଟେ ନା ବାଡ଼ଫୁକ

যেই ছুঁয়েছি
হারিয়ে গেছি
এমনি তোমার তুক

দিন ফুরুলে
নিছি তুলে
ডুবিয়ে সারা মুখ

বুকের উপর
থেকে রাপোর
বাটি ভর্তি সুখ।

আজ থেকে ৩৫ বছর আগে গ্রামবাসী ও পেশায় কনস্টেবল একজন মানুষের লেখা
একটি বই আমাকে হাতেকলমে অনেক কিছু শিখিয়েছিল। উচ্চাঙ্গ সংগীতের শুণীরা একটা
কথা বলেন নবাগতদের। সমস্ত শুনবে। সমস্ত ঘরানার গান শুনে শুনে, যার যেটা ভালো
বা তোমার পক্ষে গ্রহণযোগ্য মনে হবে, সেটা লাগাবে নিজের গানে।

দুজন সক্ষম গায়কের কাছে আমরা যে আলাদা আলাদা ব্যক্তিত্ব দেখতে পাই, তার
কারণও এইখানে নিহিত। সমস্ত ঘরানা শুনে, এবং নিজের ঘর বজায় রেখে, এক-একজন
শিল্পী নিজের ব্যক্তিত্ব তৈরি করার পথে এগিয়ে যান। গানের লোকদের পিছন পিছন ছোটো
থেকেই ঘূরতাম বলে কথাটা ঢুকে গিয়েছিল মাথায়। সব খুঁজে খুঁজে পড়তাম। মন নতুন
ছিল বলে সেই সময়ে যা পড়ছিল তা ঝকঝক করে উঠছিল নতুন মনের আলোয়।
ছন্দের কবিতা পড়তে খুব ভালো লাগে। চেষ্টাও করি লিখতে। কিছুতেই স্বাভাবিক শোনায়
না। মাত্রার মাপজোক হয়তো ঠিকই রাখতে পেরেছি। কিন্তু কোথায় একটা অস্বাভাবিকতা।
ইতিমধ্যে কোনো একটা যেন মোটা শারদসংখ্যায় শঙ্খ ঘোষের একটা কবিতা বেরিয়েছে।
এ কবিতারও নাম মনে নেই। আশচর্যের কথা হল, আজ তেত্রিশ-চৌত্রিশ বছরেও সেই
কবিতা তাঁর কোনো বইতে গ্রহণ করা হয়নি। এমনকি, এই সেদিন অগ্রহিত লেখার যে
সংকলন বেরোল শঙ্খ ঘোষের, তার মধ্যেও নেই। সে কবিতার চারটি লাইন শুধু মনে
আছে।

আরতি চা বানায়, আরতি ছাদে আসে
ঘুঁটেও ভিজে গেল, কাপড়ও।
মেদুর ধারাসারে ভারি তো আসে যায়
কর্বিতা পড়ো আর না পড়ো।

প্রয়ো কর্বিতার মানবান থেকে এই চারটি লাইন শুধু মনে আছে। এটা বলছি কেন?
ফো না, এটি লাইনগুলো আমার লেখার প্রথম টোনে। একটি শুরুঙ্গুর্ণ ভূমিকা পালন

করেছিল। সব বই বা পত্রিকা তো কিনতে পারতাম না। কোনো লাইন বা কবিতা ভালো লাগলে, খাতায় টুকে নিয়ে সেগুলো পরে বারবার পড়তাম। আমাদের পাড়ায় শিবু বলে একটি ছেলে থাকত। সব পাড়াতেই শিবু নামে একজন থাকে। আমাদের পাড়াতেও ছিল। শিবুর সঙ্গে ক্রিকেট খেলা নিয়ে কথা হত। কবিতা থেকে সে পাঁচ হাজার মাইল দূরে। একদিন খাতায় লেখা এই চারটি লাইনের দিকে তাকিয়ে বসে আছি, শিবু এল। কী পড়ছে ওটা? খাতাটা টেনে নিয়ে জোরে জোরে পড়ল। বলল, এটার মিনিং কী? মিনিংটা বলো তো? তোমার লেখা নিশ্চয়ই। আমি তখন এত অবাক হয়ে গিয়েছি ওর পড়াটা শুনে যে, বললাম—আর একবার পড়ো তো! শিবু পড়ল। আবার পড়তে বললাম। আবার পড়ল। এবং বিরক্ত হল। কেন বারবার এটা পড়তে বলছ!

ওকে বলিনি। আজ বলছি কেন বলেছিলাম। শিবু ছন্দের বাবা-মা জানে না। এর মধ্যে যে ছন্দ আছে, মিল আছে তা-ও বোবেনি। এমনকি মিল-টিল কিছু নেই কেন বলে কমপ্লেক্স করেছে। কিন্তু, তবু, শিবু যখন পড়ল ওই চারটে লাইন, ঠিক সেইখানে সেইখানে থামল, নিজের সম্পূর্ণ অজাঞ্জেই থামল—যেখানে যেখানে আমরা শ্বাস নেব। আমি তো হাঁ।

তার মানে ছন্দটা যদি মিল দিয়েও বা না দিয়েও ঠিক ঠিক ভাবে লেখা যায়, তাহলে যে-লোক ছন্দের কিছু জানে না, সেও সম্পূর্ণ স্বাভাবিক ভাবে পড়বে? এটা একটা শেখা। আমি তখন মাত্রাভাগ, পর্বভাগ, অস্ত্যানুপ্রাপ্ত এবং তার সঙ্গে সম্পর্কে খুব সচেতন হয়ে উঠেছি। কবিতা লিখতে গেলেই নিজের চোখে আগেছে একটা পড়ছে, মিলটা পড়ছে, আর স্বাভাবিকও শোনাচ্ছে না। কেন শোনাচ্ছে না? এবার শিবুর কাজ বাড়ল! আমি শিবুর বাড়ি যেতে শুরু করলাম। একটা দুটো তিনটে কবিতা লিখি আর একসঙ্গে সেগুলো নিয়ে শিবুকে খুজতে বেরোই। শিবু সেগুলো চেঁচিয়ে চেঁচিয়ে পড়ে আমার সামনে। যেখানটায় শিবু ঠেক খায়—সম্পূর্ণ না-জেনে ঠেক খায়, ওর হাত থেকে কবিতাটা নিয়ে আমি সেই জায়গায় একটা স্টার মার্ক দিয়ে রাখি। পরে বাড়ি এসে ঠিকটাক করি। পরের দিন শিবুকে আবার পড়াব। অর্থাৎ শিবু পড়বে, আমি শুনব। একটাই অসুবিধে, শিবু থেকে থেকেই জিজ্ঞেস করে, মিনিং কী? এগুলোর মিনিং কী? যাই হোক শিবু, নিজের অজাঞ্জে আমার ছন্দশিক্ষকের কাজ করেছিল। শিবুর পড়ার সময় যে-কবিতা কানে সম্পূর্ণ স্বাভাবিক শোনাবে, যে-কবিতায় শিবুর শ্বাস নেওয়ায় কোনো চাপ পড়বে না, কোথাও বাধবে না তার, সেটাতে ছন্দ ঠিক আছে ধরতে হবে। মাত্রা, ছন্দ, যতি, পর্ব—এসব কিছুই না-জানা একজন, এমনকি যে কবিতার পাঠকও নয়, এমন একজন আমাকে এক হিসেবে তালিম দিয়েছিল। এবং তার সূচনা হয়েছিল শস্ত্র ঘোষের ওই চার লাইন থেকে, যা আজ পর্যন্ত তাঁর কোনো বইতে নেই। এইরকম আবারও একটা লেখা তাঁর কোনো বইতে নেওয়া হয়নি, সেও তিরিশ বছর আগে ছাপা কবিতা—তারও মাত্র চার লাইন মনে আছে এবং নাম মনে নেই—শারদীয় যুগান্তর-এ পড়েছিলাম, স্টেল দাঁড়িয়ে:

লাফ দিয়ে ওঠে হাড়ের ভিতর থেকে
পালাবার প্রবণতা
আমি যা পারি না আমি তা পারি না, বেশ
তা নিয়ে কী এত কথা?

বোঝাই যাচ্ছে, এসব লাইন মনে মনে বলতে বলতে ছন্দ শিখতে চেষ্টা করতাম আমি।
মন তখন নতুন ছিল।

মন যখন নতুন থাকে, তখন, লেখার চার্জ থাকে। ভাষাটা থাকে না। বা থাকলেও, নিজের ভাষা আসে না তখন। কারও-না-কারও ভাষা মিশেই যায়। আমি আমার মতো সাধারণ কবিতা লেখকদের কথা বলছি। সুভাষ মুখোপাধ্যায়, শক্তি, শঙ্খ অলোকরঞ্জন, উৎপল, আলোক সরকার, বিনয় বা ভাস্কর চক্ৰবৰ্তীর মতো কবিদের কথা বলছি না, বলছি না মৃদুল রঞ্জিত বা গৌতম বসুদের মতো প্রতিভাধরের কথা। যাঁরা প্রথম বই থেকেই বিশিষ্ট। সাধারণত মন যখন নতুন থাকে ভাষা তখন পূর্বজন্মের আংশিক ছায়ায় থাকে ঢাকা। আর দীর্ঘদিনের পরিশ্রমে ভাষা যখন আয়ত্ত হয়, তখন নিজের মন আর পুরোপুরি নিজের থাকে না। অন্য অনেকের কথা জমে জমে ভারী হয়ে যায়। এখন তো কুড়ি বছর পঁচিশ বছর বয়স বেড়ে গিয়েছে। মনের ওপর জমে রয়েছে কত জনের প্রতি চাপা রাগ, কত বিষয় সম্পর্কে লোভ, কত ব্যর্থ, অবরুদ্ধ আর নষ্টকৃতা কামনা। সেই না-মেটা কামনা তবু ভালো। যদি তা প্রতিশোধ বা ঘৃণার দিকে না যায়। কতজনের কাছে কত অভিযোগ শুনতে শুনতে শুনতে পুরোনো হয়ে যাবে? উত্তর দিতে ইচ্ছে করে না। যাক সব মেনে নিই। মেনে নেব? কিন্তু কতক্ষণ। আমার ওই লাইন—‘পুরোনো বটের ছায়া ভালো, কিন্তু কতদুর ভালো?’ কতক্ষণ মানব।

যেই লিখতে বসবে অমনি! সেই উত্তর না-দেওয়া অভিযোগ মনে পড়বে। উত্তর বেরোতে চাইবে কবিতার লাইন হয়ে। জমে থাকা রাগ বেরোতে চাইবে কবিতার লাইন হয়ে। যে প্রতিশোধ নিতে পারোনি লেখার মধ্যে নিতে চাইবে সেই প্রতিশোধ। ব্যঙ্গ আর প্রেৰ আর বিদ্রূপে ভরে উঠে ঝকঝকে ধারালো হয়ে উঠবে লেখা! নিজস্ব ব্যঙ্গ, নিজস্ব বিদ্রূপের লেখা। নিজস্ব অভিজ্ঞতার লেখা।

অভিজ্ঞতা। তুমি তো ‘অভিজ্ঞ’ হয়েছ, না? উপাধিটি পেয়েছ যে! একবারও কি মনে পড়বে না তোমার, চুরী নদীর ধারে ধারে যখন ঘুরে বেড়াতে, বিজের তলার খেয়া নৌকোয় সঙ্গে দেখতে জলে আলো-জুলা ছায়া ফেলতে ফেলতে ওপর দিয়ে বমবাম চলে যাচ্ছে ট্রেনের কামরাগুলো, অথবা মর্নিং স্কুলের কিশোরীরা ঘণ্টা শুনে দৌড়োল দলে দলে— ওখনকার মন কি এখনকার ভাষা চেয়েছিল তোমার কাছে?

আজ তুমি বুঝতে পারো।


ভাষা শুঙ্গতে শৈম্যে মন পুরোনো হয়ে গেল—ভাষা ফেলে নতুন করে মন শুঙ্গতে শেনোনোর সময় কি আর আছে? পাখি ফেরা গাছগুলোর তলায় এসে দাঁড়িয়েছে দুঃখ পুরিয়া প্রাণেশ্বী বাগ। তার সঙ্গে দেখা করো। চলো আমরা ‘অভিজ্ঞ’ উপাধিটিকে

বিকেলের জলে ফেলে দিই। আবার রঞ্জেরের সেই কবিতাটি মনে করি, যেখানে সন্ধান
কখনও শেষ হয় না, সতীর্থের সন্ধান। মন আর ভাষার সন্ধান

সে তার খৌজে

পাখি হলে পাখির বাড়িতে গেছে
ডালিয়ার বাগানে ডালিয়া
পাতালের কাছে গেলে শোনা যায় পাতাল ছুটছে আজও
পাতালের খৌজে
বাড়ির সন্ধানে যায় বাড়ি
বাগানের সন্ধানে বাগান
খুব ভোর বেলা উঠে রোদ চলে যায় তার রোদুরের দিকে
গাছ তার ছায়ার ভিতর দিয়ে গাছের সন্ধানে চলে গেলে
ছায়ায় পিছনে যায় ছায়া
খেয়া পার হতে হতে লাল যাচ্ছে লালের রেখে
বাতাসের পিছনে বাতাস
সন্ধ্যা হতে না হতেই অঙ্ককার আশ্চর্য করে—

পাখি হলে পাখির বাড়িতে যায়
বাধের স্বর্ণে ঘোরে বাধ
সঙ্গের পোশাক পরে হস্তানায়া চলে যাচ্ছে তাঁবু ছেড়ে দিয়ে
ঘাতকের খৌজে গেল তুবক ঘাতক
চোমার সন্ধানে তুমি যাও
পৃথিবীর পিছনে পৃথিবী
বিকেলের পিছনে বিকেল



২৬

সময় কীভাবে যায়? কোনো মানুষই বুঝতে পারে না। হঠাৎ ঘড়ির দিকে তাকিয়ে, বা কখনও আকাশের দিকে তাকিয়ে সে দেখতে পায় বেলা পড়ে এল। দিন শেষ হল। ‘সময়ের চেয়ে আর দামি কিছু নেই’ লিখেছিলেন কিম্বতা সিংহ। আর, বুদ্ধদেব বসু লিখেছিলেন, প্রভু, ছুটি চাই। দিন কতদুর পশ্চিম, দেখুন।

অঞ্জ বয়সে আকর্ষণ করেছিল পশ্চিম শব্দাত্মক আশ্চর্য প্রয়োগ। এবং, তার আগের এই কমাটি। কমাটি এত অভৃতপূর্ব লেগেছিল যে, প্রায় আমি উন্মাদ হেন্ডারলিনের মতো এ কথা বলবার অবস্থায় পৌঁছেছিলাম—‘কী আশ্চর্য, দেখুন, একটি কমা’! বলিনি, কারণ, বুদ্ধদেবের হেন্ডারলিন অনুবাদের চূমিকায় এই লাইনটি তখন আমি পড়িনি। যে কমাটি নিজেরই লেখা একটি বইয়ে, একটি গদ্য বাক্যের মধ্যে আবিষ্কার করে অবাক হয়ে গিয়েছিলেন হেন্ডারলিন। কিন্তু কমাটি আমাকে তেমনই অবাক করেছিল। তা ছাড়া, এ কথাও সত্য যে, পরে, মনে হয়েছিল কমা ব্যবহারের সমস্ত জীবনানন্দীয় ধর্ম থেকে, এই কমাটি, কত স্বতন্ত্র। তখন আমি একই সঙ্গে ‘যে-আঁধার আলোর অধিক’-এর চতুর্দশপদিগুলির পাশাপাশি গোগ্রাসে পড়ছি শক্তির সন্টোগচ্ছ। বুদ্ধদেবের চলন যদি হয় আমীর খাঁ সাহেবের বিলম্বিত, শক্তি তবে কুমার গঞ্জৰ। দুই বিপরীত মেরুর চরিত্র, সন্টো। সন্টোটৈ।

তবে, এ কথা সত্য যে, তখন-তখনই যে এই দুই সংগীতগুণীর গায়নধর্মের ভিন্নতার মধ্যে, মেলাতে পারছি দুই ভিন্ন কবিকে তা কিন্তু নয়। শুধু হঠাৎ হঠাৎ কেমন যেন সাদৃশ্য ঘটে পাই। কাউকে বলতে সাহস পাই না। তখন সেই বয়স যখন ভুল করতে ভয় হয়। এগাম যত শেডেডে, ততওই ভুলের দিকে যাওয়ার ভয় চলে গিয়েছে। এখন জানি, ভুল করলেও আনন্দ সুযোগ পাব। কারণ ভুল মানেই সংশোধনের অনন্ত সম্ভাবনা।

ওনে ওট গো বনাটি, পড়ু, দুটি টাটি। দিন কতদুর পশ্চিম, দেখুন এই পশ্চিমের পরে,

কমাটি অপূর্ব—এখানেই বোঝা যায়, আমার মন এখন যে কোনো কবিতায় খুজছে প্রধানত তার কৃৎকৌশলের চমৎকারিতা। বুদ্ধদেবের, সেই জীবনপ্রাণের দিকে চলে যাওয়া মন, যে এক ধরনের বিশাদ দ্বারা, সৃষ্টিশীল বিশাদ দ্বারা চালিত তখন, সেইটে অনুভব করার মতো সংবেদন সেসময়ে আমার নেই। কারণ তখন আমি ১৯ থেকে ২০-তে পৌঁছোলাম। বুদ্ধদেব তার কয়েক মাস আগে প্রয়াত হয়েছেন। আজ নিজে ‘যে-আঁধার আলোর অধিক’—এর বয়সে পৌঁছে বা সে-বয়স পার হতে হতে বুঝি, বুদ্ধদেবের মন তখন পুরিয়া ধ্যানেত্রীও নয়। মারোয়া। ‘মরচে পড়া পেরেকের গান’—এ। পুরিয়া ধ্যানেত্রীর সময়টাও তো পার হয়েইছেন তিনি। ‘স্বাগত বিদায়’—এ এসে পৌঁছোবেন শ্রী-তে।

কিন্তু বুদ্ধদেবকে নিয়ে আজ কথা বলতে চাইছি না আমি। আমি চাইছি সময়ের চলে যাওয়া নিয়ে বলতে দু-চার কথা। এ বিষয়ে সেরা যে দ্বিপদী আমার মনে পড়েছে এ মুহূর্তে, তা হল এই :

সময় যায়
বটপাতায়

দিনযাপন ১ এবং দিনযাপন ২ শীর্ষক দুটি কৃতিত্বয় কালীকৃষ্ণ গুহ এই শ্লোক ব্যবহার করেছেন। একটি কবিতা, সম্পূর্ণ করেছেন, এই দুটি লাইনেই। আবার পরের কবিতাটি শুরু করেছেন এই দুটি লাইন দিয়েই। দিনযাপন ১ এবং দিনযাপন ২। কখনও-কখনও একটি বিশেষ সুর যেমন সারাদিন মনে ঘুরে-বেড়ায়—এই, ‘সময় যায় / বটপাতায়’ আমার কাছেও তেমন স্মৃতির মতো। আমি দেখতে পাই চূর্ণী নদীর তীরে মস্ত বট গাছ। তার নীচে বাঁশের মাচা-সিঁড়ির পথ। খচমচ করে দু-একজন যাত্রী উঠে গেল খেয়া-ডিঙিতে। ডিঙি তখন নদীর মাঝখানে। দু-চারজন আরও এপারে ওপারে দাঁড়িয়ে। প্রায়-শুরু জলে ধীরে ধীরে চলেছে খেয়া। আর হাওয়ায় ঘূরে ঘূরে একটা দুটো পাতা চূর্ণীর জলে এসে পড়েছে। স্কুল পালিয়ে, মোটা একটা বট-শিকড়ের ওপর বসে চানাচুর কি ঝুরিভাজা খাচ্ছি আমি। সেই আমার কৈশোর।

ওই দুটি লাইনে তো এসব বর্ণনা নেই! কিন্তু, ওই যে বললাম শ্লোক। যে কবিতা শ্লোকের মতো, সে লেখা বহু অভিজ্ঞতাকে ছুঁতে ছুঁতে যায়। তাই শ্লোকগুলি অত বছর আয়ু পায় কাব্যে। নদী খেয়াঘাট, ডিঙি কিছু বলা নেই। তবু আমি নদী দেখতে পেলাম। সে আমার ব্যক্তিদৃষ্টির সীমাবদ্ধতা হয়তো, তবু দেখতে পেলাম। শ্লোকটি আমাকে নিজের অজ্ঞাতেই তাকাতে বলল আমার ভিতরের দিকে। একটা দুপুর। না দুপুর নয়। শেষ দুপুর পার হতে থাকা দুপুর। কী করে বলি! যেন ভীমপলাশের প্রহরে এই পাতা ঝরার বেলা। ভীমপলাশীতে রৌদ্রতেজ তখনও যায়নি। তাপ কিছু খর হয়ে আছে এখনও। আরোহণের মধ্যমটিতে তার প্রমাণ। কিন্তু, ফিরে আসার সময় নামতে নামতে, অবরোহণের কোমল গা

যেই লাগল, যেন খসে গেল পাতা। নি স গু ম প, প গু, ম গু, র স। সেদিন আমাদের দিদি গাইছিলেন, কোনো বাণী ছাড়া, কেবল এই পর্দাগুলো নিয়ে। নানাভাবে গাইছিলেন। দক্ষিণ কলকাতার পুরোনো বাড়ির চারতলার বারান্দায় বসে। কোথায় সেই রানাঘাট কালীনারায়ণপুরের ষাট দশকের গ্রাম্য খেয়াঘাট আর কোথায় ২০০৯-এর দক্ষিণ কলকাতার গ্রিস্থ অপরাহ্ন। আমার মনে একটি শ্লোক। সময় যায় / বটপাতায়। দিদির সঙ্গে কোনো যন্ত্রী নেই এখন। খালি গলায় গাইছেন। তিনি একাই থাকেন। তাঁর রেওয়াজের সঙ্গে থাকেন তিনি। রেওয়াজ-ই তাঁর স্বামী-সঙ্গী-প্রেম।

আমি যে পাশে আছি, সে খেয়াল নেই, গু ম প, গু, ম গু, রে স। এই যে থেকে থেকে সময় নিচ্ছেন। Pause দিচ্ছেন। গ-তে রহিলেন, প থেকে গ-তে আসতে আসতেই পাতা ঝরল। তাহলে কি গানের মাঝখানে ওই Pause টাও সংগীত? ওই নীরবতাটুকু? এই গাছটা থেকে পাতাকে আলাদা হতে, হাওয়ার ধাক্কাটা শরীরে নিয়ে আলাদা হতে, নিজের আইডেন্টিটি থেকে সরে ছিঁড়ে আসতে, একটু সময় তো লাগে! বেদনা একটু। ওই কোমল গ সেই বেদনা। কিন্তু পাশেই যে মধ্যমে জমজমে দুপুর! গ-এর আগে তাই কি থামছিলেন দিদি, আর আমি প-এর পর কেমন গ লাগা মাত্র পাতা ঝরলে দেখছিলাম। ধীরে—আস্তে, কোনো তাড়াছড়ো না করে কাউকে কিছু না বলে পাতাটি ঘটগাছ থেকে খুলে ভেসে পড়ল হাওয়ায়। এভাবে কত সম্পর্ক থেকে খুলে ভেসে ওঠে আমারও জীবন। একটু Pause নিয়েছে তার আগে। ইমরতের সুরবাহারে শ্যামলকল্যাণে তীব্র মা লাগার আগে একটু ফাঁকা সময় যায়, আজ যেন বুবতে পারলাম—ফাঁকা সময়, ওর মধ্যে কী আছে। সংগীতই আছে। ওই Pause বা নীরবতায়। আর আশ্চর্য, যে-কবিতাটা নিয়ে, এত কথা বলে চললাম, যা হয়তো, কবিতাটিরই মূল স্মৃতির সঙ্গে সম্পর্কিতই নয়, যা কেবল আমার ব্যক্তি শৃতিভাণ্ডারের সঙ্গেই যুক্ত—সেই কবিতাটি যদি এখন বলি, দেখবেন তাও চলেছে কেমন Pause-এর ব্যবহার করে করে। ঠিক যেভাবে চলে ইমরত-এর সুরবাহার। যেভাবে সেদিন, গাইছিলেন দিদি। একটা নোট থেকে অন্য নোট-এ হাওয়ার মধ্যবর্তী যে নীরবতা—তারই অন্য রূপ, দুটি সংক্ষিপ্ত লাইনের পর, একটি করে স্পেসের ব্যবহারে চলে এল। দিদি থামবার পরে বললাম, একটা শ্লোক শুনবেন? বলুন-না ভাই। আমি বলে চললাম :

দিনব্যাপন ২

সময় যায়
বটপাতায়

কী আছে আর?
বেদনাভাব

বুঝি না, মন
কী নির্জন

দিনের শেষ
স্বলিত বেশ

যা আছে দূর
রাতদুপুর

আসে না ফের
শৈশবের

হিমশীতল
প্রকৃত জল

প্রকৃত মেঘ
স্থির আবেগ

আসে যা তা
জটিলতা

পিপাসা আর
অঙ্ককার

একটি পর্দা বা দুটি তিনটি চারটি পর্দা, একত্রে লাগাবার পর যে নীরবতা যে Pause —
তারপর একটি পর্দায় দাঁড়ানো, যেমন অভিঘাত তৈরি করছে, দুটি সংক্ষিপ্ত লাইনের পর একটি
স্পেস ব্যবহার সেটাই আনছে। কবিতাটি অঙ্ককারে এসে দাঁড়াল। নিজেকে লুকিয়ে নিয়ে। এই
কবিতাটিকে আমি হয়তো ঠিক অনুসরণ করতে পারিনি। এর প্রথম দু লাইন পর্যন্ত আমার
আলোড়ন আমি বলেছি। গান যতক্ষণ চলছে, কবিতা যতক্ষণ চলছে, আমি আছি এক স্বর্গে।
কবি, যন্ত্রী, গায়কের স্বয়ং সৃষ্টি স্বর্গে। যেই কবিতাটি গিয়ে অঙ্ককারে দাঁড়াল, গান যেই শেষ
হল—আবার পিপাসা জটিলতা যন্ত্রণাদাগ সচল হয়ে উঠল—নদী—নদীরেখা যেমন স্পষ্ট হয়ে
ওঠে বিমান নীচের দিকে নেমে আসতে থাকলে, তেমনই। কিন্তু, একটি বিশেষ ধরনের
রাগবিস্তারের ধর্ম, যে এই কবিতাটি তার চলনে বহন করে নিয়ে এল, এর গঠন বিষয়ে, কৃপ
বিষয়ে, বলার কথা এইটুকুই। বাইরের ছবি ও মিল প্রয়োগকে এ কবিতার লেখক করে কখন
যে অতিক্রম করে চলে এসেছেন তা নিয়ে আমাদের মাথা ঘামানোর প্রয়োগান্তর হল না।

কবিতার ফর্ম বলতে আমরা পূর্বলিখিত কবিতা—প্রয়াত বা জীবিত অগ্রজদের পূর্বলিখিত কবিতা—অথবা কবিতা ধারার ভিন্নতা ও বৈচিত্র্যকেই বুঝি। এবং তাকেই মডেল হিসেবে সামনে রেখে ‘এটা ডেঙ্গে ফেলা উচিত’ বলি বা ‘ওটা খারাপ এটা শ্রেষ্ঠ’—এইসব বলি। আরও নানান শিল্প যে, স্নেতধারার মতো ঢুকছে কবির জীবনে, তা থেকেও কবি তৈরি করতে পারেন—বা অজাস্তে তৈরি হয়ে যেতে পারে রূপ, গঠন, আকার—সে সম্ভাবনা আমরা তত বেশি মনে রাখি না। কালীকৃষ্ণ গুহর শ্রেষ্ঠ কবিতা বইটিতে আমরা দেখব, কত লেখায় গানের উল্লেখ আছে। আছে বিভিন্ন গান শোনার অভিজ্ঞতার বর্ণনা। অর্থাৎ এই লেখকের জীবনধারার ভেতর গান ঢুকছে। কেবল কবিতা থেকে কবিতা তৈরি হবে তা কিন্তু নয়। কবিতা আসে জীবন থেকে। গানও একরকমের জীবন।

এবং জীবন যে কেবল গানের স্বর্গে থাকে না, পিপাসা আর জটিলতা আর অঙ্ককারে নেমে আসে এ কথা সত্য। সময় যখন চলে যায়, বেলা যখন পড়ে আসে, দিনকে যখন মনে হয়, কতদূর পশ্চিম, যখন মনে হয় ছুটি চাই—সেই চলে যাওয়া সময়, হাতে না-থাকা সময় মানুষকে উদাসীন ও সুন্দর করেই তুলবে সবসময় তাও অবশ্য নয়। তাকে ভীত করেও তুলতে পারে। তার একটি অনবদ্য প্রকাশ আমরা দেখেব এই কবিতাটিতে:—

কঠিন্মুর

আজও এক কঠিন্মুর শুনি;
অর্ধেক শতাব্দী পার হল।

স্নানশেষে পিতামহ চণ্ডীপুর করছেন সকালে।
অমার্জিত পাঠ। অশ্রুতে উচ্চারণ। অর্থ আচ্ছাদিত।
মাঝে মাঝে কাক ডাকছে।

তবু ওই পাঠের ভিতরে তিনি খুঁজে চলেছেন
ধন আয়ু অতীত গৌরব।
খুঁজে চলেছেন জ্ঞান অঞ্চল সকল পাপের জন্য ক্ষমা।

আজও সেই ভয় পাওয়া অভিভূত কঠিন্মুর শুনি...

এ কবিতাও শৈশব বা কৈশোর স্মৃতির উত্থাপন। আগের কবিতাটিতে আমার কৈশোর ধার্ম দেখতে পেয়েছিলাম। আমার ব্যক্তি-অভিজ্ঞতা থেকে বেরোতে পারিনি নৈর্ব্যক্তিক হতে পার্য্যন্ত এলে। আগের কবিতায় লিখিত শব্দগুলোতে সম্ভ্যা হয়ে আসার সংকেত আছে সম্ভ্যা শব্দটি না ধাকলেও। ‘দিনের শেষ’ এই আভাস দেওয়া আছে। রাত কথাটা তো আছেই। । ইমানাতন্ত্র / প্রকৃত ধূল এই অংশে জলের আগে প্রকৃত কথাটি ব্যবহারে, নিশীথিনীর গভীর । ইন্দ্রিয় মন পরে । আগের আগে প্রকৃত শব্দটির আশৰ্য প্রয়োগ এবং শ্লোকের কথা বলেছি এই জন্ম। যা নানান প্রাণীর প্রাণটি যুগ্মক যেন একটি সম্পূর্ণ কণিঙ্গ। অথচ এ কবিতার প্রথম দু-

লাইনেই আমি অনেকক্ষণ অভিভূত স্তুকতায় বসেছিলাম এক দ্বিপ্রহরে। যে কবিতার একদিকে অক্ষয় বড়াল (যদিও অক্ষয়বাবুর কবিতাটি নিশ্চিত সারং) অন্যদিকে জাপানি হাইকুর সংহতি। মাঝখানে তার গঠনকে যেন তৈরি করেছেন সুরবাহারের ইমরত খান। কারণ তো বলেছি, এক পর্দা থেকে অন্য পর্দায় যাওয়ার ভেতরকার স্তুকতাটুকু এ কবিতায় স্পেস হিসেবে এসেছে। সেই পদ্ধতিতেই দুপুর থেকে গভীর রাতের দিকে এ কবিতা এগিয়েছে। দিদিকে বলে চললাম কবিতাটা। ‘হিমশীতল / প্রকৃত জল’কে কীভাবে পাব! দরবারি কানাড়ার অবরোহণকে যদি মন্দসপ্তকে নিয়ে এসে ধীরে ধীরে একদম নীচের ষড়জ পর্যন্ত ধৈর্য ধরে যাও, তবেই পাবে এই হিমশীতল / প্রকৃত জল। জীবনে প্রথম, দু-তিনবার, কবিতাটি আমার মুখে শুনে দিদি নেমে যেতে লাগলেন খাদের দিকে, সঙ্গে দরবারি কানাড়ার অবরোহণের ঢালু পথ। নীচের সা-এ আসতে মনে হল এই সে, বিকলেই গভীর রাত নেমেছে। নীচে মুদিয়ালির জনবহুল রাস্তা দেকান সব উধাও! রাত্রি, আর স্তুক দিঘি জল। তাহলে এইটা হতে পারল! একটা ছোট্ট কবিতা এতটা পাবে! কিন্তু আবার বলি, এ আমার একান্ত ব্যক্তিগত অনুভূতি। তুমি তোমার ব্যক্তিগত অভিজ্ঞতার দিকে তাকিয়ে যদি পড়ো এই কবিতাটা। তুমি তো গান করো। তুমি এটা আমার চেয়েও ভালো দেখতে পাবে। আর যদি তুমি গানের দ্বিক থেকে না দ্যাখো, জীবনের অভিজ্ঞতার দিক থেকে দ্যাখো, তাহলে যা ছবি দেখবে, তাওই এ কবিতার চোখ। আমি যে-চোখে তাকিয়েছি—তুমিও যে সে-চোখে তাকাবে আমি কী মানে। তোমার প্রবাসী প্রেমিকের চোখ আর আমার তাকানো কি এক?

আর পরের কবিতাটায় যে শৈশব-বৈমানিকের দেখা পিতামহের কথা আছে—তা নানা কারণেই ভিন্ন। সাধারণত কবিতায় যে পিতা, পিতামহদের দেখা যায়, তাঁরা কোথাও আমাদের এখনকার জীবনের চেয়ে যেসব একটু বড়ো। কারণ, আমরা তাদের দেখি আমাদের ছোট্টবেলা দিয়ে। ছোট্টবেলা কোথে তো সব কিছুই বড়ো বড়ো লাগে। গভীর বা মহান কথনও। কথনও সন্তুষ্যকৃ একটা ভয় পাওয়া। কথনও বা স্নেহ বাংসল্যের স্মৃতি। এসবই আমরা বড়োদের কাছে পাই।

কিন্তু বড়োদের ভয় পেতে দেখা! সে এক বিরল ঘটনা। অস্তত কবিতায়, কোনো শ্রদ্ধের সম্পর্ককে ভীত অবস্থায় প্রকাশিত হতে সচরাচর দেখি না আমরা।

ভয়। এই ভয়ের সঙ্গে থাকতে থাকতেই মানুষের জীবন কেটে যায়। এই যে আগের শ্লোকপ্রতিম কবিতাটি, কোথায় গিয়ে শেষ হল? পিপাসা আর অঙ্ককার। এই অঙ্ককার শব্দটির মধ্যে যা যা ভরে দেওয়া আছে তার মধ্যে ভয়ও একটি উপাদান। কেন তা মনে হচ্ছে আমার? দিন পার হওয়া রাত্রি, আর রাত্রির ভেতরে ভূবে থাকা রাতদুপুরের অঙ্ককারও তো হতে পারে! নিশ্চয়ই পারে, কিন্তু আগে ‘পিপাসা’ শব্দটি বসানো হয়েছে বলে এ অঙ্ককার শুধু রাত্রি-অঙ্ককার নয় হয়তো। মানবপ্রবৃত্তির ভিতরকার নানা সব উপাদানের অঙ্ককার। সেই অঙ্ককারের মধ্যে ভয়ও একটা উপাদান হতে পারে। একটা হতে পারে নামেটা বাসনা। ডিজায়ার। এই কবিতাটিই তুমি দ্যাখো, অমন শ্লোকধর্ম আর সংগীতধর্ম বহন করতে করতেও এসে পড়ল, পিপাসা আর অঙ্ককারে।

কেন? এ বিষয়ে আমি একটা জিনিস ভাবি, জানো। কত গুলো পোর্টেট আর ফোটোগ্রাফ দেখতে দেখতে ভাবি, তুমি দেখেছ নিখিল ব্যানার্জির ছবি? বা বাদনরত রবিশঙ্করের চেহারা? আমি সামনে বসে দেখেছি। তুমি তখন জন্মাওনি। মনে করো আমীর খাঁ সাহেবের মুখ। ধ্যানে বসেছেন যেন তানপুরা হাতে। মনে করো ব্রগঙ্কত লাঞ্ছিত বিলায়েত খাঁ সাহেবের মুখ। যখন আলাপের একটা লস্বা ফেজ বাজিয়ে, তিন-চার সেকেন্ড নীরব হয়ে তাকিয়ে রয়েছেন মহাজাতিসদনের পিছনের দেওয়ালের দিকে—মনে হত এই মুহূর্তেই যেন কত সব অঙ্গরা একে একে নামছেন আমাদের পিছনে, ওই দেওয়ালের গায়ে—যা তিনি দেখতে পাচ্ছেন, আমরা দেখতে পাচ্ছি না। শিল্পীর সেই মুখটা যদি তোমাকে দেখাতে পারতাম। আমজাদ আলি খাঁ সাহেবে বাজাচ্ছেন বাহার। শাস্তিনিকেতনের গাছে গাছে ফুল ফুটছে। পাশাপাশি ভাব রামকিংকরের মুখ, শক্তি চট্টোপাধ্যায়ের মুখ, ভ্যান গথের মুখ, অমন যে দেবদূতদের সঙ্গে সংলাপ চালানো শাস্ত হির দুর্গবাসী রিলকে, তাঁর মুখেও ভুক্ত কৃষ্ণিত হয়ে আছে—ভাব মিকেলেঞ্জেলো আর টলস্টয়ের মুখ!

উক্ষাপাতে উক্ষাপাতে ক্ষতবিক্ষত মুখ এঁদের। এইসব শিল্পীদের। যাঁরা শব্দ-ধ্বনি-পাথর-আগুন-চালাই-রং-রেখার দাহ—এর ভিতর দিয়ে সারাজীবী চলেছেন! এঁরা যেন গরম, ফুট্টস্ত কর্দমময় মাটির কুণ্ডে প্রোথিত। বুদ্ধদেব বসুর শৈল বয়সের মুখ—এর মন্ত্র প্রমাণ। দাহের ভিতর দিয়ে নিঃশব্দে হাঁটছেন। আর সংগীত শিল্পীদের দ্যাখো—তাঁরা উড়ে চলেছেন, পাখায় পাখায় ভর দিয়ে! তাঁরা শুধু আলো, শুধু আলো।

পৃথিবীর মাত্র একজন শব্দশিল্পীর মুখকে হার মানায়। দিব্য আলো তাঁর মুখে। তিনি রবীন্দ্রনাথ ঠাকুর। কেন জানে আসলে তিনি উন্নাদাই ছিলেন হয়তো। নইলে তাঁর গানের পর গানে রাগসংগীতের নতুন জন্ম কী করে ঘটল। আর পৃথিবীর মাত্র একজন সুরশিল্পীর চোখে ছিল, শব্দশিল্পীর আগুন! বেঠোফেনের ছবি দ্যাখো। পাবে। চোখটা। চোখটা শুধু। আগুনের স্ফুলিঙ্গের মতো চুলের ঢেউ ছেড়ে দিলাম! কেবল তাকানোর কথা এলছি। তাঁর বধির হয়ে যাওয়ার পরে আঁকা সেই পোর্টেট।

কিন্তু শব্দশিল্পীকে হয়তো শেষ অবধি উড়ানকে ত্যাগ করে ফিরতেই হয় না-মেটা পিপাসা ভরা অঙ্ককারে। সে নরকাশিকে সঙ্গে নিয়ে চলে শাস্তভাবে। হয়তো। যা আগুন নয়, অঙ্ককার। সেই অঙ্ককারেই আছে ভয়।

মন্ত্র পড়ছেন পিতামহ। সেই মন্ত্রোচ্চারণ শুন্দ নয়। অর্থ আচ্ছাদিত। শুধু যে উচ্চারণ ক্রটিপূর্ণ বলে অর্থ বোঝা যাচ্ছে না তা নয়। সেই সঙ্গে যিনি পড়ছেন, তিনি ভাবছেন, বা এমন বিশ্বাস তাঁকে খানিকটা আশ্চর্ষ করছে, এসব ধর্মগ্রাহ পাঠ করলে কিছু পুণ্য হবে। তাঁর মঙ্গল হবে। মানুষ যে দেবতাকে প্রণাম করে তা ভক্তি থেকে নয় শুধু। অনেক সময়ই ভয় ধোকে। পরীক্ষা দেওয়ার আগে ভয়ই হোক, ইন্টারভিউ দেওয়ার ভয়ই হোক। আর, কোনো অন্যায় করে ফেলার পর পাপবোধ থেকেই হোক।

এই পিতামহ সেই বয়সে পৌছেছেন, যে বয়সে পৌছোলে মনে হয়, প্রভু ছুটি চাই, দিন

কতদূর পশ্চিম, দেখুন। কিন্তু এই পিতামহ কবি নন। কবি, তাঁর দিন পশ্চিম দেখে ছুটি চেয়েছিলেন। ইনি সংসারে আবদ্ধ মানুষ। তিনি এখনও পুজোপাঠ-এর মধ্যে খোঁজেন ধন, আয়, অতীতগৌরব। এই পিতামহও দেখতে পাবেন, দিন পশ্চিমে চলে গিয়েছে তাঁর। কিন্তু তিনি আগে যে সম্পদশালী ছিলেন, যা হারিয়েছেন এখন তা চাইছেন সৈশ্বরের কাছে। আজও অর্থসম্পদ চাইছেন। চাইছেন আয়। আর মনে পড়ছে যেসব পাপ করছেন তার কথা। ক্ষমা চাইছেন। ক্ষমা চাইছেন ভয় পেয়ে। আনন্দ পেলে, মুক্ত হলে মানুষ যেমন অভিভূত গলায় কথা বলে—একমনে মন্ত্রোচ্চারণের সময়, পিতামহের গলা অভিভূত হয়ে গিয়েছে—ভয়ে, শুধু ভয়ে।

আর শৈশবের বালকটি আজ পরিণত বয়সে, মনে করতে পারছে, শুনতে পাচ্ছে, সেই ভয় পাওয়া গলা। এ এক অভিনব মন্ত্রোচ্চারণ। আর তার সঙ্গে, মাঝে মাঝে কাক ডাকছে—সেটাও মনে পড়ছে। এই মন্ত্রোচ্চারণের মাঝখানে Pause-এ কাক-এর ডাক আন্তুত এক কষ্ট-কন্ট্রাস্ট তৈরি করছে। মন্ত্রোচ্চারণের ভীত গলার ফাঁকে ফাঁকে—কাক-এর ডাক শোনা যায় কবিতাটির মাঝখানে। আর ভয় পাওয়া কঠস্বরের কথাটা স্পষ্ট হয় শেষ লাইনে। দুটো যুক্ত হয়ে যায়। অর্থাৎ ঠাট-এর দিক দিয়ে প্রিটেই এক হয়ে গেল।

কালীকৃষ্ণ গৃহ-র কবিতা যাঁরাই পড়বেন, তাঁরা দেখতে পাবেন এই কবি খুব সামান্য খড়কুটো দিয়েই তাঁর কবিতার বাসা বানান। নিরাজনিতাবে প্রায় কোনো আয়োজন ছাড়া তিনি কবিতা লিখে আসছেন সারাজীবন।


এসব কবিতা তাঁর দিনলিপির মন্ত্রোচ্চিতে, ব্যক্তিজীবনের স্বরবিভান নয় শুধু। এই কবির প্রথম জীবনের লেখা একটি কাষতা দিয়ে আজকের মতো ধামব। এই কবিতা আমি প্রথম পড়েছিলাম আজ থেকে ৩৬ বছর আগে। আজও এ কবিতাটি পড়তে গিয়ে দেখছি—তা আরও তীব্র ভাবে বুক ভেদকরে চলে যাচ্ছে। এই কবিতাও একটি দাস্পত্যের কবিতা। এই বিশেষ সংকটের কবিতা বাংলায় আর কেউ লিখেছেন কি না জানি না।

শিশু

হাসপাতাল থেকে তুমি কীভাবে বাড়ি ফিরবে ভাবতে আমার
সমস্ত শরীর কাপে।

তুমি যখন তোমার শিশুটিকে দেখতে চাইবে, তখন
কীভাবে বোঝাব, সে

আমাদের বারান্দা ও উঠোন ছাড়িয়ে ভোরের আকাশে চলে
গেছে?



২৭

নিজের নিজের মতো করে এক-একটা জীবন বেছে নিই তুমি কিংবা আমি। এই জন্য যে, নিজের ভালো লাগা অনুযায়ী বাঁচতে পারব। উপভোগ করলে শোব বেঁচে থাকাটাকে। তার মধ্যে কাজ তো থাকবেই। বেছে নেওয়ার মধ্যে নিজের কাজটা একটা প্রধান বেছে নেওয়া। কাজের মধ্য দিয়েও তো আসে সেই উপভোগ ক্ষিণ হয় কী, বেছে নেওয়াটা পুরোপুরি নিজের হাতে আর থাকে না। দেখা যায় অন্য কোন জিনিস ঢুকে পড়েছে সেই বেছে নেওয়ার মধ্যে। কিছু করার থাকে না। একটা সুস্থ দেখা যায়, আমার জীবনটা যেন আর আমার থাতে নেই। আমার হাতে নেই আমার আনন্দ বা বেঁচে থাকার উপভোগও। এটা হয়ে গিয়েছে মাত্রই বাইরের কিছু নিরীহালি পালন করে চলা। জেনে বা না-জেনে কতকগুলো গৃহব্যক্তি সারাদিন ধরে করে চলেছি। এক্ষেত্রে সবচেয়ে বেশি জাঁতাকলে পড়ে যায় মেয়েরা। হঠাতে একদিন লক্ষ করে, নিজের সেই জীবন বেছে নেওয়াটা কবে যেন আর নিজের হাতে নেই। চলে গিয়েছে কয়েকটি নিত্যকর্মের হাতে। রুটিনের হাতে। যে রুটিন দোড়োচ্ছে।

মানবী জার্নাল

ছ-টা বেজে দশ।
ও পাশ ফিরল। টিফিন ভরছি। কুইক! কুইক!
বাস এসে গেছে, ছুটতে-ছুটতে, আমিও ছুঁচ্ছি
চেঙের ন্যাস...

আট্টা পঁচি।

চায়ের সঙ্গে রোদ এনে ঘরে ওকে জাগিয়েছি। খিদে-খিদে ভাব,
মরুকগে, ওর মিনি লাঙ্গবক্স সাজিয়ে দেব, তো,
আজও ট্রেন মিস...

এগারোটা ঘোলো।

‘ডেন্ট ডিস্টাৰ্ব’ বাইরে ঝোলানো। কথা-বলা
শেষ। বস্ কী চাইছে? অ্যাজ ইউজুয়াল,
পায়ে পা ঘষল...

দুটো দুই। তাই

মিতালি ও আমি। পাতা ওড়াউড়ি। শূন্য তাকাই।
ওটা কোন গাছ, শিমুল? পলাশ? বেট ধরি যদি,
চাইনিজ থাই...

সাতটা তিরিশ

তের কাজ ফিরে। ওর বন্ধুকে ডেকেছে ভুবারে।
আমার জন্য ব্যথা-পা, এবং, রেলবাজারের ঘুমোনো আলোয়
আষাঢ়ে ইলিশ...

ন-টা বেজে ছয়।

ও ফেরেনি। তবে, ফিরুদ্দ ক্লাস্টি। টেবিলে তৈরি।
বিলোল চক্ষে বন্ধুটিকে গল্প দিচ্ছি। সরমের বাঁৰ
সারা ঘৰময়...

পৌনে বারোটা।

নিজেকে ভাবব? মানে, ওর গায়ে হাত পড়লেও
আলো জুলল না, সেই কথা? না কি, বালিশে প্রথম
রক্তের ফোটা...

(চৈতালি চট্টোপাধ্যায় : বিবান্ত রেস্তোরাঁ)

এই যে ঘুম ভেঙে ভোর ছ-টা থেকে দৌড়, এই দৌড়ের গতিবেগ ধরা আছে কবিতাটির
চলনে। এর ছন্দও যেন ছুটছে। প্রতিটি বাক্যই ছোটো ছোটো। কাটা কাটা কথা। ছ-মাত্রার
ছন্দ। প্রথম স্তবকে ওই কাটা কাটা কথা-র সবগুলোই আলাদা এবং ছ-মাত্রাতেই ভরা।
‘আমিও ছুঁচি / ছেলের বয়স’-এ কথা দুটি পরম্পরযুক্ত কিন্তু আলাদা লাইনে ভেঙে
যাওয়ায় কাটা কথার এফেক্ট এসে গিয়েছে আপনাআপনি। দ্বিতীয় স্তবকে এসে, প্রথম

স্তবকের অত বেশি কাটা কাটা ভাব সরে গিয়ে কথাগুলো একটার সঙ্গে একটা যুক্ত হচ্ছে একটু-একটু করে। কথাগুলো না-বলে, যদি বলি পর্বগুলো, আরও স্পষ্ট করতে পারব। ছ-মাত্রার ছন্দ তো সেটাই, যার প্রতিটি পর্বে ছ-মাত্রা থাকবে। এখানে যেমন, ছ-টা বেজে দশ। ছ-মাত্রা। একটি পর্ব। বাস এসে গেছে। ছ-মাত্রা। আর একটি পর্ব। এভাবে পুরোটাই চলছে। এই পর্বগুলি জুড়ে জুড়ে কবিতাটি তৈরি। কোথাও অপূর্ণ পর্ব ব্যবহার করা হয়নি পুরো কবিতায়, হয়তো বা নিয়মবন্ধ জীবনের দমচাপা ভাব বোঝাতে। অপূর্ণ পর্ব এলেই একটা মুক্তি ঘটত। শ্বাসের মুক্তি। কিন্তু সেটা দেওয়া হয়নি। কারণ কোনো মুক্তির কথা কবিতাটি বলছে না। বলছে এক বন্দিদশার কথা। প্রথম স্তবকে সব ক-টা কথাতেই ছ-মাত্রা পূর্ণ হওয়ার পরেই যতি পড়ছে। ব্যস্ততা বোঝাতে। তার মধ্যে ‘কুইক! কুইক’-এ আবার তিন মাত্রা—তিন মাত্রা করে পড়েছে। কারণ ওখানে ছুটোছুটো চূড়ান্তে পৌঁছেছে। বাচ্চাকে তৈরি করে স্কুল বাসে তুলে দেওয়া তো। তার দ্রুতি বোঝানো হয়েছে। দ্বিতীয় স্তবকে এসে, যখন ‘আটটা পাঁচিশ’—তখন, ‘চায়ের সঙ্গে রোদ এনে ঘরে ওকে জাগিয়েছি’। এই লাইনটিতে কথার ওই কাটা কাটা ভাব সরে গিয়েছে কিছুটা, কারণ তিনটি ছ-মাত্রার পর্ব জুড়ে এই কথাটি তৈরি। এ হল ছন্দের দিক। কিন্তু কেন এই দ্বিতীয় স্তবকে ওই তিনটি ছ-মাত্রার-র পর্ব জুড়ে গেল! আমি কারণ থেকে পাছিছ দুটি। প্রথমত, বাচ্চাকে স্কুলবাসে ঢুলে দেওয়ার ঠিক পরপরই, অনেক সময় (সর্বদা নয়), একটু যেন ওরই মধ্যে হাঁফ ছাড়াবার অবসর পাওয়া যায়। ওইটকচকচে একটু বা শাস্তি। তাই প্রায় যান্ত্রিক ছকে পরপর যে কাজগুলো এতক্ষণ করা হল তা থেকে সামান্য মুক্তির স্বাদ পেয়ে নিজের সংসারটার দিকে যেন একটু তাকানো গেল। এতক্ষণ ওই যে ব্যস্ততা সেটা অবশ্যই নিজের সংসারেই খালা, তবু, সূতীর দমবন্ধ-করা তাড়াছড়োয় এতক্ষণ যেন চোখ বন্ধ ছিল। এবার দেখা গেল, ধরে কী সুন্দর রোদ এসেছে। আর ‘ওকে’ অর্থাৎ বরকে ঘূম থেকে জাগানো হল চা এনে। ৩। এর সঙ্গে সঙ্গেই ঘরে রোদ আনা এর মধ্যে সংসারটি ধরে রেখেছে যে-মেয়েটি, তার কল্যাণময়ী মমতাময়ী রূপ ফুটল। আর তারই সঙ্গে ফুটে উঠল, সকালের রোদের মতোই, ধূমশুষ্ক স্বামীর প্রতি চাপা নেহ। এই যে নিজের সংসারের দিকে তাকানোর অবকাশ পেয়ে, ধরের জানলা দিয়ে রোদ আসা দেখে নিজের দিনরাতের থাকার ঘরটিকে লহমার জন্য ভালো লাগা, এ হল এক ধরনের যুক্ত হওয়া। এই রোদ ঘরে আনার মধ্যে দ্বিতীয় একটি ধর্ম আভাসও আছে। স্বামীকে ঘূম থেকে জাগানোর মধ্যে তার প্রতি মায়া-মমতার একটা যোগ। শুই রোদ আনা আর জাগানো। ইতিমধ্যে নিজেরও একটু খিদে পেয়ে গিয়েছে। পানে না? ভোর থেকে যা ছোটাছুটি চলছে। কিন্তু সেদিকে মনোযোগ দেওয়ার সময় নেওয়ায়! বদলে ধরের জন্য অফিসের টিফিনবাক্স রেডি করে দেওয়া। ওটাও তো প্রাত্যহিক গান্ট। এখানে লেখকের সতর্কতা বোঝা যাচ্ছে। আগের স্তবকে ছেলের ক্ষেত্রে চিমান কথাটি বাস্তবে করা আছে বলে, এখানে মিনি লাঙ্ঘবন্ধ আনা হল। এটাতে বরের নামসের স্টাটোসও বোনানো গেল একটু। সন্তুষ্ট কর্পোরেট অফিস। এদিকে নিজের কী দুনিয়ার পাঠক এক হও! ~ www.amarboi.com ~

হল? বর আর বাচ্চাকে রেডি করে দিতে গিয়ে নিজের অফিসের ট্রেন মিস। অফিসে কী ঘটছে? ডোন্ট ডিস্টাৰ্ব লেখা বোর্ড বাইরে ঝুলিয়ে বস-পুরুষ পায়ে পা ঘষল—সেই পুরুষটিরও মনোভাব বোঝা যায়! এখানে আজাইউজুয়াল কথাটির ব্যবহার ঝকঝকে। বসু রোজই এই সুযোগটি নেয়। এবং মেয়েটিও সে-সুযোগ নিতে দেয়। দুপুরে, দুটো দুই তখন—অফিসের সঞ্চী তথা সহকর্মীর সঙ্গে একটু অবসর প্রহরে দুজনের বসে থাকা। কোথায়? কোনো খাবার দোকানে নিশ্চয়ই। ওই যে স্তবকের শেষে আছে চাইনিজ খাই! তারপর অর্ডার দেওয়ার পরের যে কিছুক্ষণ বসে থাকতে হয়, সেই বসে থাকা। খাবার যতক্ষণ আসছে না, ততক্ষণ বাইরে তাকানো। সে তাকানো শুন্য। বাইরে গাছ। পলাশ? শিমুল? এখন সব ভূলে গেছে মন। এইরকমই ব্যন্ত এখন জীবনযাত্রা। ব্যন্ততার কথায় মনে পড়ল ছ-মাত্রার পর্বে এই তিন মাত্রার পর যতি ব্যবহার প্রথম স্তবকেও ছিল। এখানেও আছে। সেই তিন মাত্রার ছেদ তুলে ধরেছিল তাড়াছড়োর চূড়ান্ত অবস্থা। বাচ্চাকে তাড়া দেওয়া হচ্ছে। আর এই পলাশ? শিমুল? এখানে তিন মাত্রার পর যতির প্রয়োগ ফুটিয়ে তুলছে ক্ষণিক অবসর। আর সেই অবসর আসলে একটা শূন্যতা। ভ্যাকুয়াম। পলাশ না শিমুল, তাতে আর কী-ই বা এসে যায়! প্রবল ব্যন্ততার মধ্যে মধ্যে এই শূন্যতা চুকে পড়ে জীবনে। কিন্তু সেই শূন্যতাকেও অনুভব করার সময় দেই। খাবার এসে গেছে টেবিলে। খেয়ে আবার অফিসে ফিরতে হবে তো।

অফিস থেকে বাড়ি ফেরার পথে এবং ফেরার পরেও তো অনেক কাজ। বরের অফিসবন্ধু ডিনারে আসবে—তার জন্য কৃত্তি পা নিয়ে বাজার থেকে ইলিশ কেন। ঘুমোনো আলোয় কথাটিতেও ক্লাসি এবং বিশ্বাসের জন্য চাপা আকাঙ্ক্ষা। বরের বাড়ি ফিরতে দেরি হচ্ছে। কিন্তু বরের বন্ধু এসে দেখে মোহৃষ্য চোখ নিয়ে তার সঙ্গে কথা বলা। এই কথা বলাটাও একটা কর্তব্য একদিকে—কেন-না, বর পৌঁছোয়নি, বরের বন্ধু পৌঁছেছে—তাকে সঙ্গ দেওয়াটাও, সারাদিনের কাজের মধ্যে একটা কাজ। আর এই কাজটা করতে ভালোও লাগছে অন্যদিকে—কারণ, বিলোল চোখ, মুঢ় করার মতো তাকানো যে আমি হারিয়ে ফেলিনি—তার প্রমাণ, আমি পাছি বরের বন্ধুটির দিক থেকেও, সে কথা স্পষ্ট ভাবে বলা না হলেও আভাস আছে। ‘গল্ল দিচ্ছি’ শব্দটার মধ্যে আছে এই ইঙ্গিত যে আমার এই বিলোল চৰ্কু, এবং সঙ্গদানের মধ্যে ওই পুরুষটিকে মুঢ় করার স্যাটিসফ্যাকশন আছে, কিন্তু ওই বিশেষ পুরুষটির প্রতি সত্যি-সত্যি আমার তেমন-বিশেষ মুঢ়তা নেই! তাই বেশ অনেকটাই ভান করছি করে যাচ্ছি—বর বাড়ি ফিরে এলে, যা করতাম না, বা করার অবকাশ থাকত না। সরবরে বাঁশ সারা ঘরময়। হ্যাঁ, ওদিকে কিচেনে, যে সরবে ইলিশ রাখা হচ্ছে, তার গঞ্জ ছড়িয়ে পড়ছে—ঠিকই। কিন্তু এই আমির গঞ্জের মধ্যে অন্য এক রাখার ইঙ্গিতও আসছে। শক্তি লিখেছিলেন ‘আজ বাতাসের সঙ্গে ওঠে, সমুদ্র, তোর আমিষ গঞ্জ’। একা ঘরে, বিলোল চাহনি দেখে স্বামীর বন্ধুটির ভিতরেও যে আলোড়ন, কাম-আলোড়ন তৈরি হচ্ছে—না-বলা কাম-আলোড়ন, সেই অর্থস্তরটিও সরবে ইলিশের বাঁশে ঢাকা দেওয়া

আছে। কেন ঢাকা দেওয়া? বস যে পায়ে পা ঘষল সেটা তো স্পষ্টই বলা ছিল? এখানে ঢাকা কেন? কেন-না, এখানে তো সেরকম স্পষ্ট শারীরিক কোনো ঘটনা বাস্তবে ঘটছে না। দুজনের মধ্যেই ব্যাপারটা শুধু কেবল তাকানোয়, হয়তো কথা বলার ভঙ্গিতে, বিশেষ ধরনের গল্প বলায়, চাপা একরকমের উভ্রেজন। আসল অনুভূতিটা দুজনের মধ্যে কেউ প্রকাশ করছে না। ঢাকা দেওয়া আছে। যা মেয়েটির উপভোগ করছে। যদি কেবলই ব্যাপারটা এইটুকু হত যে স্বামী ফিরতে দেরি করছে, তাই আমন্ত্রিত স্বামীবন্ধুর সঙ্গে কথা বলে সঙ্গ দিচ্ছি—তাহলে ‘বিলোল চক্ষে’ এবং ‘গল্প দিচ্ছি’ শব্দ দুটির প্রয়োজন হত না। এবং, সর্বোপরি, ‘সরবের ঝৌঝৌ সারা ঘরময়’ কথাটিও আনতে হত না। কেন মেয়েটি এটা উপভোগ করছে? সেটা বলে দেবে এ কবিতার শেষ স্তবকটি। তার পুরো জীবনটা যে কী অবস্থায় এসে দাঁড়িয়েছে, তাও বলে দেবে এই শেষ স্তবক। রাত পৌনে বারোটা। শুতে গেছে দুজনে। মেয়েটির ঘূম থেকে ওঠা দিয়ে এ কবিতা শুরু হয়েছিল। ঘূমোতে যাওয়া দিয়ে শেষ হতে চলেছে কবিতা। স্বামী, ইতিমধ্যেই ঘূমুন্তু, কেন-না, ‘ওর গায়ে হাত পড়লেও’—এই কথাটিতে স্বামী ঘূমিয়ে পড়েছে সে-ই নিজে আছে। তাকে জাগানোর চেষ্টা করতেও, বা জাগানোর কথা ভাবলেও নিজেরই হচ্ছে তো জাগরণ ঘটল না। এমনকি তাকে স্পর্শ করা সন্তুষ্ট ঘটল না। নিজেকে আবে? এই কথাটির মধ্যে আছে, মেয়েটির নিজের শরীর-বাসনা পূরণের ইচ্ছের কথা। মিতালে যেমন একবার খিদে খিদে ভাব হয়েছিল বটে, তখন, সেই নিজের খিদের দিকে মন দেওয়ার সময় ছিল না—কর্পোরেট স্বামীর মিনি পাপ্তবন্ধ সাজাতে ব্যস্ত হতে হয়েছিল তাকে—এবারও তার অন্য আরেক স্বাভাবিক খিদে মিটল না। কেন-না, তার ভেতরেই তো আলো জুলল না। ‘আলো জুলল না’ এক্সপ্রেশনটি খবই সুন্দর। নিজেকে সে এবারে আরও ভাবছে! যেমন, দুপুরে চাইনিজ খাবার আগে, মিতালির সঙ্গে বসে পলাশ বা শিমুল গাছের দিকে তাকিয়ে একটা শূন্যতা এসেছিল! তবু ওই মিতালির সঙ্গেই একটা নির্ভার স্থীতি মেয়েটির হয়তো আছে। কেন-না—বেট ধরি যদি! ওই ছেলেমানুষির খেলা সে খেলতে পারে হয়তো একজনই প্রাপ্তবয়স্কের সঙ্গে—যে ওই মিতালি। তবু, শূন্যতাকে অনুভব করার অবসর ছিল না ওখন। নিজের দিকে দু-এক পলক তাকানোতেই যে শূন্যতা যে চলে গিয়েছিল। এই রাত্রে, ধূমিয়ে পড়া স্বামীর পাশে জেগে থাকতে থাকতে—সেই শূন্যতাবোধ ফিরে এল তার মাতাকারের দানবীয় চেহারা নিয়ে। ভোর থেকে রাত এই যে দৌড়োনো, কোথাও কোনো উপভোগ নেই। আনন্দ নেই। খুশি নেই। সবটাই রুটিন। ছকে বাঁধা ঘরে পা ফেলে ফেলে থালা। অসম্ভব একটা তাড়া সর্বক্ষণ। কীসের জন্য বাঁচা তাহলে! এই বেঁচে থাকাটা যখন এখে নিছিলাম, এই জীবনসঙ্গী যখন বেছে নিছিলাম, তখন তো বুঝতেই পারিনি, একদিন এই ব্রহ্ম ব্যাটুনির যন্ত্র হয়ে যাব। কবিতাটির রচনা কৌশলের চমৎকারিত্ব হল প্রতিটি স্তবক এবং হচ্ছে, ধড়িতে ক টা বাজল সেই সময়টি উপ্রেখ করে করে। রুটিনের সর্বগ্রাস নান্মাতে। পায় প্রাণিটি শুণকের শেষ লাইনটিতে এসে একটি ছোট্ট এপিসোড শেষ হচ্ছে।

দুনিয়ার পাঠক এক হও! ~ www.amarboi.com ~

প্রথম লাইন এবং শেষ লাইন—দুটি-ই সব সময় ছ-মাত্রার একটি মাত্র পর্ব দিয়ে তৈরি হচ্ছে। প্রথম স্তবকে তো ‘ক-টা বাজল’ থাকবে, লেখক ঠিক-ই করে নিয়েছেন। স্তবকের শেষ লাইনটিতেই মুনসিয়ানার পরিচয়। এ ছাড়া পুরো কবিতায় অন্ত্যমিলকে চমৎকার লুকিয়ে ফেলা হয়েছে, তাদের দূরে দূরে রেখে। প্রথম পাঠে ধরা যায় না মিল আছে। মিল মানে তো মিলন। জোর করে মিল দিতে গেলে কবিতা নষ্ট হয়। মিলনে তো জোর চলে না! এই দুটি নারী-পুরুষের দাম্পত্য টিকে আছে, ভেঙে যায়নি, কিন্তু একজন আরেকজনের থেকে দূরে সরে গিয়েছে। ভেতরের দূরত্ব। করণ-কৌশলের এই এক অপূর্ব ব্যবহার—এ-লেখক চৈতালী চট্টোপাধ্যায় সম্ভব করতে পেরেছেন অন্তত এই কবিতাটিতে। কবিতাটির শেষ স্তবকে এসে, মেয়েটি যখন নিজের এই আপাত সুখী-সফল জীবনের চরম শূন্যতা অনুভব করছে, তখন এও বোঝা যাচ্ছে স্পষ্ট যে স্বামীবন্ধুটিকে ‘বিলোল চক্ষে’ ‘গঞ্জ’ দিতে দিতে কী ধরনের সুখের ঝাপসা আশ্বাদ পাচ্ছিল। যা তার জীবন থেকে এত তাড়াতাড়ি হারিয়ে যাবে ভাবেনি, সেই শরীর-সঙ্গও—যান্ত্রিকতার চাপে হারিয়ে গেছে। কবি মণীন্দ্র শুণ্ঠ, তাঁর প্রথম জীবনের কবিতায়, একবার লিখেছিলেন ‘দম্পত্য’ নামের একটি লেখায়—ঠিক একই কথা :

তা ছাড়াও প্রত্যেক আগুনগুলো আপুর স্তুতিবর্ষণ
জুলতে জুলতে ঘিউড় আসে
গাউড় হিম হয়।

মেয়েটি ভাবেনি, তাদের দাম্পত্য সম্পর্কের একটি মূল আগুন এত তাড়াতাড়ি নিবে আসবে। কারণ তার ভেতরেও তো আলো জুলল না। আগুন থেকেই তো আলো। অথচ অগ্নিইচ্ছা তার ভেতরে এখনও আছে। যদিও ঘূর্ণস্ত স্বামীকে ছুঁয়ে তা আর জাগে না। কারণ, সেই জাগিয়ে তোলার যত্ন ও রক্ষণাবেক্ষণ নিশ্চয়ই অনেকদিন স্বামীর ভেতরেই নেই। এইবারে কবিতার একেবারে শেষে এসে একটি অভাবনীয়কে আমরা দেখতে পাই। এই হিম, সম্পর্কহীন দাম্পত্যশ্যায় দূজন মানুষের মধ্যে একজন যে জেগে আছে, সে নারী। তার চোখ থেকে একফোটা জল বালিশে গড়িয়ে পড়ে। এটুকু স্বাভাবিক। কিন্তু আসলে তো জলের কথা নেই কবিতায়। আছে ‘রক্তের ফোটা’। আর তার আগে আছে অমোঘ প্রয়োগে ‘প্রথম’ শব্দটি। আমরা অনুমান করি, সারাদিনের দৌড়ের পর ক্রাণ্তি আর জীবন ও সম্পর্কের শূন্যতাবোধের হতাশায় মেয়েটির চোখ থেকে বালিশে জল গড়িয়ে পড়া। আসলে দীর্ঘদিনের মিলনহারা একত্র শয্যায় তার মনে পড়ছে, প্রথম মিলনকালটিকে। যখন কৌমার্য হারানো প্রথম রক্তের ফোটা শয্যায় পড়েছিল। সে-যন্ত্রণার মধ্যে কোনো পাওয়া ছিল। আনন্দ ছিল। আনন্দময় জীবনের প্রতিশ্রুতি ও আশা ছিল সেই রক্তের ফোটার মধ্যে। আর আজ চোখের জলই যেন রক্তের ফোটা।

কৌমার্য হারানোর প্রথম আনন্দরজ্জি আর আজ সব-থেকেও-কিছু-নেই এই অনুভবের অঙ্গফোটা একাকার হয়ে গেল। 'বালিশ' শব্দটির ব্যবহারে—তুমিও বুঝবে, আমিও বুঝব, বিশদ না বললেও—একটি অভাবনীয়ের আগমন সম্ভব হল। প্রথম দিনেও হয়তো বালিশটি ধারণ করেছিল সেই শোগিতপাত। আজ ধরছে অঙ্গ। দু-দিনে বালিশটির অবস্থান, শয্যার ও শরীরের, আলাদা আলাদা জায়গায়। লক্ষণীয়, এই কয়েক বছরের ব্যবধান মেয়েটির জৈবনিক অবস্থানকেও নিয়ে এসেছে আলাদা জায়গায়। জীবনে মেয়েটির স্থানাঙ্ক সেদিনের তৃলনায় আজ ভিন্ন হয়ে গিয়েছে। সেদিনের আশা আকাঙ্ক্ষা ও প্রাপ্তি আজ শূন্যতে এসে পৌঁছোল।

একেবারে অন্য একটি অভাবনীয়ের দিকে এবার আমরা যাব। এ কবিতাটিও দাম্পত্য সম্পর্কের কবিতা—তবে তা বলা হচ্ছে পুরুষটির দিক থেকে।

স্বামী-স্ত্রী

এসো, শুণে এসো। একা বিছানায় ভর্তি হবে। অঙ্ককারে পাশে থাকো।
পায়ে সায়েটিকার ব্যথা। পায়ের মধ্যে তোমার ভারী জানু চাপিয়ে রাখো।
ঘূর্ম আসে না।

আঙুলে আঙুল জড়িয়ে রাখো, কানের পিছনে হালকা করে ফুঁ দাও।
ভয় করে। অঙ্ককারে পায়ে থাকো।

টাকপড়া মাথা—এক্ষণে পাঁচ-দশটা চুল শীতে কুঁকড়ে আছে—
স্তনের তলায়, বুকে চেপে ধরতে ধরতে বলছ শুনতে পাই :

আহা, এখনও মাথাটা তলতলে—

আহা, সাত দিনের শিশুর মতো ব্রহ্মাতালু দিপদিপ করছে।
হয়তো ঘূর্ম আসছিল, কিন্তু এই কথা শুনে চোখের কোটরে
মণি স্থির হয়ে গেল।

কালকে দোল। আজ শুরু চতুর্দশী।
চাঁদ সেই গর্তে পাতকুয়োর পুরোনো জলে চিকমিক করছিল
তোমার বগলের ফাঁক দিয়ে আমি তাকিয়ে দেখছি।

বিয়ের আংটিটা কুয়োয় ফেলে দাও—
ঠাদের বুকে সেটা কাঁকড়ার ছানার মতো আটকে থাকুক,
কাশের উটায় বিধে বিধে দ্রোণের মতো একজন কেউ
একদিন তাকে ঠিক তুলে আনবে।

এসব কি ভয়-পাওয়াদের রাতের স্পন? না কি

ব্রহ্মাতালু দিপদিপ করা শিশুর দেয়ালা?

দুনিয়ার পাঠক এক হও! ~ www.amarboi.com ~

পরের বছর

অ্যানাটমি ফ্লাসে ফর্মালিন-এ চুবোনো শবের হাত পা কাটা হচ্ছে,
নাড়িভুঁড়ি টেনে বার করা হচ্ছে—

ছেলেমেয়েরা চলে গেলে সে টেবিলে শুয়ে ঘুমঘুম গলায় বলছে;

থোকা মাকে শুধায় দেকে,

‘এলেম আমি কোথা থেকে,

কোনখানে তুই কুড়িয়ে পেলি আমারে।’

বলতে বলতে সে একা-ঘরে উঁচু সিলিংয়ের দিকে

তাকিয়ে থাকে, শব্দহীন গলায় ককিয়ে ককিয়ে ডাকে:

এসো, শুতে এসো

একা বিছানায় ভয় করে

অঙ্ককারে পাশে থাকো।

এই কবিতাটিতে আছে দুই শ্বামী-স্ত্রীর সংলগ্ন হওয়ার কথা। কিন্তু এই কবিতাটি কামকে
পার হয়ে এসেছে। শরীর-বাসনা যদি, কাঁটাগাছ ও কাচ-টুকরা ছড়ানো, এক তেপাঞ্জর—তবে
তাকে পার হয়ে এসেছে এ কবিতা। আগের কবিতাটিতে আমরা বারবার শরীর-বাসনার, তার
তৃণ্পি-অতৃণ্পির একটি বড়ো ভূমিকা দেখেছি—যেটিরিকা চাপা পড়ে আছে জীবনের কাজের
স্তুপে, রুটিন-বন্ধতায়। এ কবিতা কোনো রুটিনের কথা বলছে না। এ কবিতায় সঙ্গনীকে
ডাকছে পুরুষ। বলছে এসো শুতে এসো। যেটা বিছানায় ভয় করে। এখানে শরীর আছে। কিন্তু
শরীর-বাসনার উন্নত অশান্তি নেই। যেটিরিকে নন্দীর একটি উপন্যাসে ছিল যার নাম ‘প্রেমের
চেয়ে বড়’। প্রেমের কবিতা পড়তে স্থূল অভ্যন্ত। আপ্রেমের কবিতাও অনেক পড়েছে। তোমার
সঙ্গে আমিও পড়েছি। কিন্তু এ কবিতা, আঙ্করিক ভাবে, ‘প্রেমের চেয়ে বড়’। শরীর কীভাবে
আছে এখানে? আছে আশ্রয়ের মতো। শাস্তির মতো। এ শরীর এখন কেমন? পায়ে
সায়েটিকার ব্যথা। আগের কবিতাটিতে, তোমার মনে পড়েছে কি, ব্যথা-পায়ের কথা ছিল,
মেয়েটির? সে বাজারে মাছ কিনতে গিয়েছিল। এই পুরুষটির অবস্থান কিন্তু অন্য। কেবল,
বিছানায়, শুতে আসার সময়টুকুই এই কবিতায় ধরা আছে। সারাদিনের অন্য সময় এখানে বলা
নেই। শরীরের কথা বলছিলাম। টাক পড়া মাথা—এখনও পাঁচ দশটা চুল শীতে ঝুঁকড়ে আছে।
শরীরদাহের বয়স পার করে এ কবিতা পৌঁছেছে, যেখানে মেহের তাপ—সমস্ত প্রেম যেখানে
সন্তান-জননীর গভীর আশ্রয়ে পৌঁছোয়, সেখানে। এক বৃক্ষের আধো ঘুমস্ত মাথা, বুকে চেপে
আছেন এক বয়স্কা নারী। আগের কবিতাটির মতো এ কবিতাতেও আছে বিবাহিত দুই নারী-
পুরুষের কথা। কিন্তু এই যে যুগল, এরা যেন সমাজকে পার হয়ে এসেছে, শরীর-বাসনা পার
হওয়ারই মতো। আগের কবিতাটিতে লক্ষ করো, সমাজে উন্নতি করার জন্য, জীবিকায় আরও
আরও আরও উঠে যাওয়ার জন্য, আরও আরও সুখ-সমৃদ্ধি লাভের জন্য ওই জীবনটি যাপন
করছিল দুই নারী-পুরুষ। তারই চাপে পরস্পর থেকেই দূরবর্তী হয়ে পড়ল তারা। একএ

বসবাস করেও। বাইরে থেকে সমাজ ও উচ্চাশা ঢুকে পড়ল দুজনের মধ্যে। কখন যেন ছেদ করে দিল দুটি মানুষের একান্ত যোগসূত্রটিকে। এখানে, এই নারী-পুরুষ জানে, তাদের জীবন বড়ো অঙ্গদিনের। পুরুষটি যেন শেষবারের মতো আঁকড়ে ধরে প্রতিদিন, বিছানায় শুতে যাওয়ার আগে। শিশুকালে তার যেমন ভয় করত, একা শুতে, এ বৃক্ষ বয়সেও যেন সেই ভয়।

বিবাহও পার হয়ে এসেছে পুরুষটি। বলছে বিয়ের আংটিটা কুয়োয় ফেলে দাও। কিন্তু একা বিছানায় শুতে যার ভয়, সে কিন্তু এই কবিতায় যেন এক ভবিষ্যৎকে দেখতে পাচ্ছে। বিয়ের আংটিটা সেই কোন দূর অনাগত কালে কোনো বালক তুলে আনবে কাঁটায় বিঁধে, সেটুকুতে নয়। জীবন পার হয়ে চলে যাওয়া এক জীবনের কথা বলা আছে এখানে। সমাজের চাপ ও উচ্চাশা করেই পার হয়েছে সে পুরুষ, পার হয়েছে শরীরের বাসনাদাহ, পার হল—এ কবিতার শেষ অংশে—এমনকি নিজের আযুক্ষাল, জীবৎকালকেও।


হঁয় জীবৎকালকেও পার হয়ে চলে এসেছে এই পুরুষ। স্টানলি কুত্রিক-এর ‘দ্য স্পেস ওডিসি’ ছবিতে মূল চরিত্র ডেভিড বোম্যান তারাজগতের মধ্যে এমন এক স্থানে গিয়ে পৌঁছোয় যেখানে শেষ দৃশ্যটিতে সে নিজের ভূণের মধ্যে ফিরে যায় আবার। আর এই কবিতার পুরুষটি মৃত্যু পার হয়ে গিয়ে, হাসপাতালের ডিমেট্রশন হল-এ শুয়ে, ছিঁড়বিছিন শরীর নিয়েও ছোটোবেলার কবিতা বলে। খোকা মাত্রে শুধায় ডেকে / এলেম আমি কোথা থেকে। সেই শব্দবরের টেবিলে শুয়ে সে কবিতাটির প্রথম লাইনে ফিরে যায় : ‘এসো, শুতে এসো, একা বিছানায় ভয় করে’। এ কবিতা মুড়েকে পেরিয়ে গিয়েও বেঁচে থাকা, কোনো অস্তিত্বের কথা বলে। স্টানলি কুত্রিকের এই ছবি ‘দ্য স্পেস ওডিসি’ যেমন বলেছিল, জীবৎকাল পার হয়ে যাওয়ার পর কোনো টাইম স্পেসের কথা যেখানে মানুষ তার জ্ঞানে ফিরে গেছে। কিন্তু শেষ, একেবারে শেষ দৃশ্যে যখন, এক অতিপ্রাকৃত ডিমের মধ্যে ডেভিড বোম্যানের চোখ-বন্ধ-অবস্থাটি আমরা দেখছি, হঠাৎ সেই অচেতন-প্রায় জ্ঞানের চোখ দুটি খুলে যায়। সরাসরি আমাদের দিকে তাকায় সে। পুরো পর্দায় তার মুখ ও তাকানো। সেই তাকানোর মধ্যে একটা স্পষ্ট চেতনা আছে। বাইরে ডিমের মতো হালকা খোলার আচ্ছাদন, যা গর্ভথলিও হতে পারে। প্রচণ্ড ধাক্কা লাগে দর্শকের। দর্শক কিছু পোষাক আগেই তৎক্ষণাত ছবি শেষ হয়। মনে রাখতে হবে লেখক আর্থার সি. ক্লার্কের মৃত্যু এই চরিত্র ডেভিড বোম্যান আবার কিরে এসেছিল, আর্থার সি-র এই ট্রিলজির শেষ লেখা ‘ট্রি-থাউজেন্ড সিঙ্গুলারি ওয়ান : ওডিসি থ্রি’ উপন্যাসে। সেখানে অবশ্য ডেভিড বোম্যান ছিল একটি আলোর কণা। অর্থাৎ প্রথম উপন্যাস যখন ছবি হল, তখন ডেভিড বোম্যান গিয়ে গেল তার জ্ঞান অবস্থায়। চিনাটো আর্থার সি-র সহযোগ ছিল। আর তারও পর, ট্রিলজির শেষে, ডেভিড বোম্যান একটি আলোর কণা। আলোর কণা হিসেবেই সে অংশ নামে উপন্যাসে। সে একটি অস্তিত্ব মাত্র। তার কোনো চেহারা নেই। কিন্তু উপস্থিতি আছে, নৃমণ আছে।

৪৬ (১) নামনাম অতিদৃশ প্রসার ক্ষমতা—বাংলা কবিতার জগতে, কবি মণীন্দ্র গুপ্তের

লেখার পর লেখায় তা উপস্থিত। এবং এ কেবল অসামান্য কল্পনা বিস্তারই নয়, জীবৎকালের পরবর্তী জীবনের কথা বলে, সময়হারা যে-সময়, তার কথা বলে। তা আমাদের বাস্তবের বাইরে নিয়ে যাচ্ছে একদিকে—দিচ্ছে অতিলৌকিক জগতের দিকে উড়াল, পাশাপাশি বলছে আমাদের অস্তিত্ব যে বিনাশহারা—সেই কথাও। অন্যদিকে গভীর ও তীব্রতমভাবে মানবিক হয়ে থাকছে এ কবিতা। সম্পর্ক, মানুষের সঙ্গে মানুষের যে সম্পর্কের জন্য আমরা মানুষ—বারবার ছিন্নতা বা আঘাত এলেও আমরা সেই মানবধর্মেই অবস্থান করছি। আমাদের আর্তি নিয়ে। ভালোবাসতে চাইবার মরণহারা ইচ্ছে নিয়ে। তাই এ কবিতার শেষে আমাদের চোখ ছাপিয়ে জল ঝরতে থাকে। আমরা বুঝতে পারি, আমরা বিশ্বাস করি, আমাদের ভালোবাসাও একটি আলোর কণ। যা মৃত্যুর পরেও থাকবে।

এই কবিতার ভাষা আপাতভাবে অত্যন্ত সাদামাটা। মণীন্দ্র গুপ্তের কবিতার ভাষা পড়লে মনে হবে খুবই সহজভাবে কথা বলছেন। কোথাও কোনো বাইরের কৌশল নেই।

নেই-ই তো। যা আছে তা কবিতার ভেতরে। ‘তেহাই’ পত্রিকায় একটি সাক্ষাৎকারে, সাহিত্যের ভাষানির্মাণ প্রসঙ্গে মনীন্দ্র গুপ্ত একটি আশ্চর্য সত্যকে বলে দিয়েছেন : ‘আমি আমার সত্যিকারের ভাষায় কি অসামান্য হতে পারি না ? অম্ভুর ভেতরের কথাগুলো তো বলা দরকার। আর আমার ভেতরটা যদি অসাধারণ হয়। (তাহলে আমার কথাগুলোও কি অসাধারণ হবে না ?) ঠিক তাই। এই সূত্রে অঙ্কুরজহর সেন মজুমদার বলেছিলেন : ‘অনেক সময় নিজেকে চারপাশ থেকে গুটিয়ে নিয়ে আলাদা করতে ছদ্মভাষা তৈরি করতে হয়।’ এ কথাও খুব গুরুতর কথা। এর প্রভাবও, এইরকম নানা ধরনের ছদ্মভাষার প্রয়োজন ও ব্যবহারকেও আমরা অহরহ দেখি। কিন্তু মণীন্দ্র গুপ্তকে কোনোদিন নিজেকে আলাদা করার চেষ্টা করতে হয়নি। নিজেকে অমাণ করার চেষ্টা করেননি তিনি। ছদ্মভাষারও দরকার হয়নি। মণীন্দ্র গুপ্তের মনের ভেতরটা অসাধারণ বলে, নির্বিধায় বলেছেন নিজের কথা। আর সেই কথাগুলো কবিতা হয়ে চিরসময়ের বহমান জগৎকে ধারণ করেছে। পাঠক হিসেবে আমি সৌভাগ্যবান যে আমাদের প্রথম যৌবন থেকে আজ পর্যন্ত তাঁকে পূর্ণশক্তিতে কাজ করতে দেখতে পেয়েছি।



২৮

সম্পর্ক এমন একটা জিনিস, কোনো কোনো মানুষ কেবল সেটার জন্যই বাঁচে। বলতে পারতাম সব মানুষ, সাহস পেলাম না। টাকাপয়সার জন্যেই বাঁচে নাকি অনেকে। রাতে শুতে যাওয়ার আগে একবার উলটে দেখে নেয় দুটো তেমনটে পাশবই। আকাউন্টগুলোর নজর দিয়ে মনে জোর পায়। বাকিগুলো আজ আর চল্ছাই হল না। না দেখলেও হবে। কাল দেখব। এমন মানুষও আছে জগতে। হয়তো কোনো লেখক, রাতে শুতে যাওয়ার আগে পাতা উলটে দেখে নেন, কোন পর্যন্ত লিখেছে আজকে। এমন ছেলেও হয়তো ছিল কখনও, খাওয়া হয়নি সারাদিন, সঙ্গের দুটো শুভ দেওয়ার ব্যবস্থা হয়েছে—কিন্তু মনে কী আনন্দ! সারাদিন মাথায় মাথায় তিনটে কবিতা সে ভেবে রেখেছে। এখন কপি করে শুতে যাবে। কেউ বা ঘুমোনোর আগে চোখ্যবিঙ্গ করে ভাবল কোনো মেয়ের তাকিয়ে থাকা চোখ।

নানারকম মন মানুষের। আর নানারকম সম্পর্ক। ভালোবাসাই খুঁজে ফিরছে সারাজীবন। এই খুঁজে ফেরার শেষে যে অশাস্ত্রিকু হাতে আসবে কেবল, অস্তত সেই আশঙ্কাই সর্বাধিক—সে কথা তার মনে থাকে না। এই কথা ভেবেই একজন লিখেছিলেন একটা কথা, কবিতার লাইন হিসেবে : ভুল ভালোবাসা হতে পারে তবু ভালোবাসা ভুল নয়। এই কথাটা মন্ত্রের মতো মনে থেকে গিয়েছে কারও কারও।

যিনি লিখেছিলেন এই লাইনটি, প্রয়াত কবি ভাস্কর চক্ৰবৰ্তী, তাঁর অন্য একটি কবিতা মনে করে দেখি :

মেয়েদের কথা

'মেয়েরা তেমন নয়'—শাস্ত্রভাবে শেষ কথা বলে
আমাৰ বন্ধুৰ বন্ধু বাড়ি ফিরলেন।

আমি এক নিশ্চল সাঁতারে
ভাসি, ভেসে যাই।

আঙুলে আঙুলে শৃতি, এ ঘরে ও ঘরে শৃতি
জেগে ওঠে—

রাত্রি সেই মেয়েটির শাস্ত দুই হাতের মতন।

নীল রঙের গহ ডাক্তর চক্রবর্তী

বস্তুর বস্তু যে-মন্তব্য করেছেন, সে-বিষয়ে, শ্রোতা কিছু বলছেন না। অনুমান হয় তখনও
কিছু বলেননি। কেন-না ‘শেষকথা বলে বাঢ়ি ফিরলেন’ বলা আছে। দুজনের কথাবার্তার
মধ্যে শেষ কথা তো বটেই—মেয়েদের বিষয়েও শেষ কথা। এটা প্রায়ই আমাদের হয়,
কারণ কাছে কোনো কথা চূপ করে শুনে বেরিয়ে এলাম। কিন্তু মনে মনে কাজ করে চলল
কথাটি। কবির ক্ষেত্রে অনেক সময়ই দেখা যায় সেই কাজ করে চলা থেকে কোনো লেখার
জন্ম হয়। ’৭৫-এ জরুরি অবস্থা ঘোষণার কিছু কাল পরে মন্দীপন চট্টোপাধায়-এর ঘর
থেকে আড়া শেষে বেরিয়ে আসা শৰ্ষ ঘোষের মাথায় মনে ঘুরছিল আড়ার একটা কথা।
তিনি হাঁটছেন। আর কী ঘটছে? তাঁর লেখাতেই আছে: ‘পদক্ষেপে পদক্ষেপে পেতে থাকি
কয়েকটি লাইন।’ সেই যে লাইনগুলো শৰ্ষ ঘোষের পাশে সেইগুলোই পরে হয়ে দাঁড়ায়
‘রাধাচূড়া’ নামের কবিতা।

যে-কথা শুনে চূপ করে চলে এমেছি পরে মন কখনও কথাটির পক্ষে কাজ করে।
বেশিরভাগ সময়েই কাজ করে কথাটির বিপক্ষে। ‘মেয়েদের কথা’ কবিতাটিতে, শ্রোতার
মন পরে, নিশ্চল সাঁতারে ভেঙ্গে যায়। এই সাঁতার, শৃতির সাঁতার। মন ফিরে যায় কোনো
একটি মেয়ের কাছে। তার সঙ্গে একাকী কিছুক্ষণ থাকার কাছে। মনে পড়ে আঙুল। আঙুলে
আঙুলে শৃতি জেগে ওঠে। আঙুল দিয়ে যে আঙুলকে আঁকড়ে ধরা, সেই যেন আসল
আঁকড়ে ধরা। আমার হাতের আঙুলগুলো তো এখনও আমার কাছে রয়েছে। এই মুহূর্তেও।
তারা তো জানে কী পেয়েছে। সেই মুহূর্তটি কি বস্তুর বস্তুকে বোঝানো যাবে? আঙুলে
আঙুলে শৃতির পরই, একই লাইনে আছে, এঘরে ওঘরে শৃতি—আঙুলে আঙুল জড়ানোর
কিছুক্ষণ পর হয়তো তারা দুজনে আর সেই ঘরে বসে ছিল না, অন্য ঘরে উঠে গিয়েছিল
দুজনে জড়িয়ে রাখা আঙুলের টানে, উঠে গিয়েছিল, যে-ঘর নির্জনতর—সেই ঘরে তখন
হয়ত কেবল আঙুল আঙুলকে নয়—শরীর জড়িয়ে নিয়েছিল অন্য শরীরকে! আবার এঘরে
ওঘরে শৃতি বলতে, এই শ্রোতার জীবন তো কেবল ওই দুপুর বা বিকেল বা সকেতুকুই
নয়—তার জীবনেরও তো এঘর ওঘর আছে—জীবনের বয়সের ভিন্নভিন্ন ঘর। ভিন্ন ভিন্ন
অভিজ্ঞতা। বিভিন্ন বয়সের এঘরে ও ঘরে নানা শৃতি। মেয়েদেরই শৃতি হয়তো—জেগে
ওঠে। এই শৃতির জেগে ওঠাটুকু বলার পরই কবিতাটির দৃশ্যান্তের ঘটে। কেন-না, একমাত্র,
এই তৃতীয় শুবকের দুটি লাইনেও ছন্দ তার পর্ণকে মুক্তি দেয় না। অপূর্ণ

পৰ্বটি এসে এসে আগের দুটি স্তবকের প্রতি লাইনেই আমাদের যে মুক্তি দিয়ে যাচ্ছিল, অকস্মাৎ, এই দুটি লাইনে আমরা তা পাই না—অপেক্ষা করতে বাধ্য হই। কেন পাই না? আমার একটা আন্দাজ হয়: সেই যে স্মৃতি, শরীর-স্পর্শ আছে তার মধ্যে—কারণ আঙুলে আঙুলে জড়নো পর্যন্ত বলা আছে, কিন্তু তারপর কী ঘটেছিল? এর মধ্যে তুমুল কিছু আপ্ণেয়স্মৃতির উথান অসম্ভব নয়। কবিতাটি যেভাবে চলছিল, হঠাতেই, এই স্তবকে এসে তার গতি কিছুটা যেন স্বভাববিরুদ্ধ ভাবেই বেড়ে গেল। স্বভাব, মানে, এক-একটি কবিতার তো এক-একটি স্বভাব থাকে। পশ্চিম রবিশঙ্কর যেমন বলেছেন, তাঁর কাছে, প্রতিটি রাগ এক-একটি মানুষের মতো। সেইরকম। খেয়াল করে দ্যাখো, একটি কবিতার কিন্তু নিজস্ব একটা স্বভাব থাকে। কবির একটা স্বভাব আছে। তার ছাপ সেখানে পড়ছে। অনেক সময়ই প্রায় পুরোটাই পড়ছে। আবার অনেক সময়, কবির যে-স্বভাবটা আমরা চিনি সেই স্বভাবটা ওই বিশেষ কবিতাটাকে হয়তো পুরো নিয়ন্ত্রণ করতে পারছে না। কবির হাত ছাড়িয়ে বেরিয়েও যাচ্ছে। তাই খুব খেয়াল করলে দেখা যায়, সব সময় কবির স্বভাব আর কবিতার স্বভাব একই হচ্ছে তা নয়। এই লেখাতে, হঠাতে, এই তৃতীয় স্তবকে এসে কবিতাটা যেন কোথাও থামছে না। পুরো স্তবকটা পার হয়ে গেল, তাও থম্বল না। থামল না মানে, অপূর্ণ পৰ্বটা এল না। আগের দুটি স্তবকে কিন্তু প্রতি লাইনেই অপূর্ণ পৰ্বটি এসে আমাদের শ্বাস ফেলার স্থিতি দিয়ে শাস্ত করছিল। এবার সেটা দিল ~~নিষ্ঠা~~ শরীর এল যে! শরীরতাপের স্মৃতি কাজ করছে। এঘরে ওঘরে স্মৃতি। উন্মাদনা ~~ক্ষমতা~~ এ কবিতাটার ক্ষেত্রে বাড়াবাড়ি হয়ে যাবে—উন্মাদনা নয়—কিন্তু হঠাতে ছটফট ক্ষমতার উঠল কবিতাটা। শাস্ত স্বভাবের মানুষ, শরীরসঙ্গ পায় যখন, সে কি আর শাস্ত থাকে? সেই বিশেষ ত্রিয়াটির ধর্ম মানুষটির স্বভাবকে সেই সময়টুকুর জন্য ব্যবহৃত দেয়। এক-একটি কবিতা যে এক-একরকম স্বভাব পায়, কারণ, ভিন্ন ভিন্ন অবস্থায় ক্ষমতা বলে তারা। একই অবস্থায় সব কবিতা তো কথা বলে না। শরীরসঙ্গের স্মৃতি নিয়ে এ কবিতাও তাই তৃতীয় স্তবকে পৌছে কোনো অপূর্ণ পর্বে বা সমে পৌছেলো না। দ্বিতীয় লাইনটিকে তো একেবারেই অসমাপ্ত করে রাখা হল। যেমন আমাদের সব শরীরসঙ্গ সম্পূর্ণ হওয়ার সুযোগ পায় না—তেমনই অপূর্ণ অত্পুর রইল তৃতীয় স্তবক—কেবল তার ছন্দ প্রয়োগে, এই ইশারাটিও রইল।

তারপরই আরও নীরবতা। স্পেস। কৌতুহল। শেষে, শেষ-লাইনটি সমে নামল। কী সেই সমতা? সমে এলে মন শাস্ত হয়। ‘রাত্রি সেই মেয়েটির শাস্ত দুই হাতের মতন’। অন্য সব চলে গেছে তখন। যা বলা হল না—তা চলে গেছে মন থেকে। শুধু ফিরে আসছে শাস্ত দুটি হাতের পাতা—যা রাত্রিকেও ধরে রাখতে পারে।

এসব কথা কি সেই বন্ধুর বন্ধুকে বোঝানো যেত কোনোদিন? মেজোপিসি বলল, মেয়েটা তো লক্ষ্মীটারা! কী মেয়ের সঙ্গে প্রেম করলি তুই! বড়োজ্যাঠা বললেন, ওরা পালটি-ঘর নয়। বাবা বললেন, শুনছি ফার্স্ট ক্লাস পায়নি—একে কী করে পছন্দ করলে তুমি! কাকিমা বললেন, তা ছাড়া একটু কেমন খুড়িয়ে হাঁটে না? সবই হয়তো ঠিক। কিন্তু বাস যখন হেঁড়ে দিয়েছ, আর তুমি দাঁড়িয়ে আচ টার্মিনাসে, এখন শু একমাস কলকাতা থেকে দুরে থাকলে, দেখা হবে না, বাস চলতে শুন করা মাত্র একবার ঘুরে তাকাল তোমার

দিকে—ওই, ঠিক ওই তাকানোটা কি তুমি দ্যাখাতে পারবে বড়োজ্যাঠাকে, কাকিমাকে? একটা খাতার উপর ঝুঁকে কী দেখতে দেখতে একবার হেসে ফেলল কিংবা হাতের ডটপেন দিয়ে চুল সরাল কপাল থেকে—ওইটা কি তুমি দ্যাখাতে পারবে মেজোপিসিকে? তুমি টেনে উঠে দরজায় দাঁড়ালে আর কোথা থেকে ছুটতে ছুটতে একটা বিস্তুটের ছেট্ট প্যাকেট আর জলের বোতল হাতে ধরিয়ে দিয়ে বলতে লাগল, খাবে তো? বলল, রাস্তায় খাবে তো? সেই যে বলছে, সেই গলাটা কি তুমি বাবাকে শোনাতে পারবে! তুমি তো ওইগুলোকে ভালোবেসেছ। তুমি সেই ভালোবাসাটা আর কাউকে বলে বোঝাতে পারবে না বলেই তো কবিতার খাতাটায় আশ্রয় নিলে।

এইরকম অথবা এর সম্পূর্ণ উলটো বা সদৃশ হাজার এক কারণে মানুষ কবিতা লেখার আশ্রয় নেয়। ভাস্তুর চক্রবর্তী যেমন লিখেছিলেন তাঁর কবিতা লিখতে আসার কারণ, ‘শয়নযান’ বইতে : ‘কেন লিখতে এসেছিলাম কবিতা? ছেলেবেলা থেকেই জীবন আমাকে যারপরনাই বিস্থিত করত। সকলেরই যেমন থাকে, আমার জীবনের পাশেও একেকটা আলো জুলত, মায়াবী এক আলো। আমার মতো—গরিব বাড়ির—এক পাঠবিমুখ ছেলের কাছে, কবিতা এসেছিল মুক্তির আশা নিয়ে।’ যখন তাঁর কবিতা পড়ি, আমরা সবাই হইহই করে স্বীকার করে নিই, তাঁর প্রথম বই ‘শীতকাল কবে আসবে সুপর্ণা’ থেকেই সম্পূর্ণ নিজের একটা শক্তিশালী ভাষা তৈরি করে নিয়েছিলুম এই কবি।

আর এই ভাষার মধ্যে তিনি আমাদের জন্য কৃত্যে গেছেন তাঁর মনটাকে। এমন একটা আশচর্য মন। যা বিশাদ-রৌদ্রের সহচর। এমন ওঘরে শৃঙ্খল, তিনি লিখেছেন না? তেমন একটি ঘরের কথা নিয়ে আসি তাহলে—

নিষিঙ্ক প্রেমের কিম্বতা-১

এই সেই ঘর যেখানে তোমার গল্প এখনও ভেসে আছে।

সব কিছুই আজ ঝুঁকখা বলে মনে হয়।

রংশাল, তুমি শখ করে জুলিয়েছিলে দু-চারদিন

এখনও জুলবে—সারাজীবন জুলবে—শুধু

আমাকে পুড়িয়ে শারার জন্যে।

কবিতা সমগ্র, ভাস্তুর চক্রবর্তী

একটা ঘরে এসে দাঁড়ালেই মনে পড়ে, এখানে সে এসেছিল। সে শুধু এই ঘরে আসেনি। এসেছিল আমার জীবনে। হয়তো দিন কয়েকের জন্য। এই ঘরে কী তীব্র, তুমুল আগুনে জুলছিলাম দুজনে। তবু সেই আসা এখনও জুলছে। রংশালের মধ্যে আছে বেঁচে থাকাকে রঙিন করে দেখার কথা। কিন্তু জুলাও তো আছে। আজকের গল্প-লেখক গৌতম সেনগুপ্ত যখন প্রথম লিখতে শুরু করেন, আঞ্চলিক করেছিলেন ‘শেষ রাতের ছবি’ নামের ছেট্ট একটি কবিতা-পুষ্টিকার মাধ্যমে। তাতে ছিল এক আগুনজুলা বাড়িতে একটি

ଟିଆପାଥିର ଘାଡ଼ ଗୁଞ୍ଜେ ପୁଡ଼ତେ ଥାକାର ଦଶ୍ୟ । ସେଇ ପୁଡ଼ତେ ଥାକା ଏହି କବିତାର ପ୍ରାଣ୍ତେ ଆଛେ । ଆଛେ କବିର ଜୀବନେର ମଧ୍ୟେ । ଅଭିଯୋଗ ଓ କୃତାର୍ଥତା ଏକଇ ସଙ୍ଗେ ମିଶେ ଆଛେ, ଶଖ କରେ ଜୁଲିଯେଛିଲେ କଥାଟିର ମଧ୍ୟେ । ଏହି ଦାହ ଯେ କବିକେ ଛେଡ଼େ ଯାଯି ନା, ଫିରେ ଫିରେ ଆସେ ତାର ପ୍ରମାଣ, ନିଷିଦ୍ଧ ପ୍ରେମେର କବିତାଓ ଫିରେ ଫିରେ ଆସେ । ଫିରେ ଆସେ ଆରା ଏକଟି ଘରେର କଥାଓ । କେ ଜାନେ ଏଘର ଓଘର, ନା କି ଏକଟାଇ ଘର ।

ନିଷିଦ୍ଧ ପ୍ରେମେର କବିତା-୩

ଓ ମେଯେଟି ଭେବେ ଦ୍ୟାଖୋ, ଯଦିଓ ତୋମାର ପ୍ରେମ, ଶାମୀ ଛିଲ
ଚୁମୁ ଖେଳେଛିଲେ ତୁମି ଏ-କବିକେ
ପାଖାଇନ ଦକ୍ଷ ଛୋଟୋ ଘରେ—ମନେ କରେ ଦ୍ୟାଖୋ ।
ଅନେ କରେ ଦ୍ୟାଖୋ ତୁମି ଚେଯେଛିଲେ ଶାନ୍ତ ବାଧକର୍ମ
ବଲେଛିଲେ ? ‘ଥେକେ ଯାଇ’—ମନେ କରେ ଦ୍ୟାଖୋ ।
ଏ କବିର କବିତାଓ ଅୟଥା ପଛନ୍ଦ କରେଛିଲେ—
ଠୋଟ ଦିଯେ ଚାପଛିଲେ ଏହି ଠୋଟ
ମେଲେ ଧରେଛିଲେ ବୁକ—ଓ ମେଯେଟି, ମନେ କରେ ଦ୍ୟାଖୋ ।

କବିତା ସମ୍ପଦ, ଭାସ୍କର ଚକ୍ରବର୍ତ୍ତୀ

‘ଅୟଥା’ ଶବ୍ଦଟିର ମଧ୍ୟେ—ଯେମନ ଆଗେର ଜୀବାୟ ‘ଶଖ କରେ’-ର ମଧ୍ୟେ—ସାମାନ୍ୟ ଅଭିମାନ ମିଶେ ଆଛେ, ଏଟୁକୁଟି, ଅଭିମାନ ନା ଥାକୁଥିଲେ ପ୍ରେମ କିମ୍ବରେ ! ଅଭିମାନ ଆଛେ, କିନ୍ତୁ ଅଭିଯୋଗ ନେଇ । ଏକଟି ମେଯେ, ବିବାହିତା—ସେ ମୁକିଛୁ ଛେଡ଼େ ଶୁଦ୍ଧ କବିର ସଙ୍ଗେ ଥେକେ ଯେତେ ଚେଯେଛିଲ । ପାରେନି ହେବାତେ । ତବୁ ଚେଯେ ତୋ ଛିଲ ! ଏକଟା ଦୂପୁରେର ଜନ୍ୟ ହଲେଓ—ଚେଯେଛିଲ । ତାରଇ କୃତଜ୍ଞ-ବ୍ୟଥାୟ ଭରେ ଯାଓଯା ଆଛେ ଏହି କବିତାୟ ! କାର ନା ହେବେଛେ ଏମନ ! ରାଜୀ ଅଯଦିପାଉସକେ ମେଷପାଲକ ବଲେଛିଲ, ରାଜୀ, ଅନ୍ଦରେ ତୋମାର ନାରୀ ରଯେଛେ, ତାକେ ଜିଜ୍ଞାସା କରେ ଦ୍ୟାଖୋ ଯା ବଲେଛି ସତ୍ୟ କି ନା । ଆମାଦେର ଅନ୍ତରେ ଯେ-ମନ ରଯେଛେ ତାକେ ଯଦି ଜିଜ୍ଞାସା କରି, ଯେ ଶୂତିର ଭାଣ୍ଡାର ରଯେଛେ ସିନ୍ଦୁକେ, ତାକେ ଯଦି ଜିଜ୍ଞାସା କରି, ତାହଲେ ଆମାଦେର କାରା କାରା ଜୀବନ ସେଇ ଦାହେର କୃତଜ୍ଞତା ଫିରେ ପାବେ । ଆଜ ସେଇ ଘଟନାଭୂମିର ଥେକେ ଦୂରେ ଚଲେ ଏସେ ଶୁଦ୍ଧ ସୌନ୍ଦର୍ଯ୍ୟଟିକୁ ଜେଗେ ଥାକେ, ସେଇ ମୁହୂର୍ତ୍ତ୍ୟାପନେର ସୌନ୍ଦର୍ଯ୍ୟଟିକୁ । ଆର ଥାକେ ସେଇ ଘର । ସେଇସବ ଘରେର ଚିରଜୁଲଙ୍ଗ୍ଟ ଛବି । ଆସଲେ ମେଯେଟିକେ ତୋ ବଲା ନୟ—ମନେ କରେ ଦ୍ୟାଖୋ । ଓଟା ନିଜେକେଇ ବଲା । ସାଧେ କି ଆର ଭାସ୍କର ଏକଟା କବିତା ଶୈଷ କରେଛିଲେନ ଏହି ବଲେ :

ମାସ୍ଟାରମଶାଇ ମୃତ୍ୟୁର ଚେଯେଓ ଜୀବନ ଆରା ରହସ୍ୟମଯ
ଆୟି ଭାସ୍କର ଚକ୍ରବର୍ତ୍ତୀକେ ଆର ସାମଲାତେ ପାରଛି ନା କିଛୁତେଇ ।

ଦୂର ଥେକେ ଦେଖାର କଥା ବଲଲାମ ନା ଏଖୁନି ! ଏହି ଦୂର ଥେକେ ଦେଖା ନିଯେ ଏକଟା କବିତା ତବେ ଏଣି ।

দূরের টেবিল

এবার বয়স হল। মাছরাঙাদের কথা কেন?

আমার তাঁতের শাড়ি

ভালো লেগেছিল খুব ঘাটের দশকে।

আরও ভালো লেগেছিল তাঁতের শাড়ির মহিলাকে।

অনেক বছর হল সেইসব—

আজ কিছু ফ্লাস্ট, তবু ভালো লাগে যেই দেখি

একটি মেয়েকে ঘিরে চার পাঁচজন বসে আছে

দূরের টেবিলে।

কীভাবে ধাপে ধাপে, এগিয়েছে কবিতাটি—কোনো ঝাঁকুনি ছাড়া। মাছরাঙা কথাটা এত সুন্দর! ওই শব্দটির মধ্য দিয়েই বেন মেয়েটির চোখ দেখা যায়, ঘাঢ় ফেরানো দেখা যায়। চঞ্চলতা দেখা যায়। নিশ্চয়ই কফি হাউসেরই কোনো মুহূর্ত মেয়েটির যে একটি টান আছে, বিলিক আছে, তা দূর থেকেও বোঝা যাচ্ছে। তা ছাড়া এখন তো মেয়েটিকে খুশি-চঞ্চল দেখাবেই। কারণ অতগুলো ছেলে বা পুরুষ ওকে স্মৃতির বসে আছে যে, সেই তাপে সে কি আরও উজ্জ্বল হয়ে ফুটে উঠছে না দূর থেকে যে তাকে দেখছে, তারই চোখে! একজন নারী-কবি আমাকে বলেছিলেন এই ‘মাছরাঙা’ শব্দটি মেয়েদের পক্ষে অসম্মানজনক, কেন-না, মাছরাঙা মাছ শিকার করে। কেবাও মেয়েদের পুরুষ-শিকারি বলা আছে! আমার সে কথা একবারও মনে হয়নি। প্রথম লাইনেই তেমন কোনো অর্থসংকেত যদি সত্ত্বই থাকত তবে পরের দিকে পুরোকবিতায় সেটা একবার না একবার ঘুরে আসতই। এতে কেবল মেয়েটির সৌন্দর্যের কথাই বলা হয়েছে। আসলে শেষ লাইনের মেয়েটি, নিজে শেষ লাইনে থাকলেও, সে-ই তো প্রথম লাইনটি দিয়ে গেছে। পুরো কবিতা ধরে যে নিজের অতীত মনে পড়া। সে তো ওই দূরের টেবিলে বসা অচেনা মাছরাঙা মেয়েটিকে দেখেই মনে পড়া সেই ঘাটের দশকের তাঁতের শাড়ি। আর তাঁতের শাড়ির মহিলাকে মনে পড়ছে একে দেখে। এই মাছরাঙা মেয়েটির সঙ্গেও, তবে একরকম সম্পর্ক হল। যেমন...কে ওই মেয়েটি? আমাদের ঘরের মেয়ের মতো মনে হয়: হয়তো মিনুর বোন হবে...।

অর্থাৎ এই মেয়েটি আমাদের চেনা। অধ্যবিস্ত বাঙালির চেনা একটি মেয়ে। বিনয় মজুমদার কবিতায় লিখেছিলেন একটি মেয়ের উক্তি : সে আমাকে বলেছিল, ‘আমার দিদির সঙ্গে আপনার পরিচয় ছিল।’ সে বলছে : এবং আমার নাম রাকা। এরপরই বিনয় একটি আশ্চর্য লাইন লিখেছেন : অনেক দক্ষিণে গিয়ে বৃষ্টি হও মেঘমালা, যাতে সে-যুবতী কোনো ঘরের ভেতর চলে আসে।

মুহূর্তে মেঘদৃতের আবহ-অনৃত্যঙ্গ নিয়ে এলেন বিনয়। কীভাবে? যখনই মেঘকে কিছু বলা হচ্ছে, দূরে গিয়ে কোনো নারীকে কোনো বার্তা জানাতে অনুরোধ করা হচ্ছে (এ প্রেক্ষণে

বৃষ্টিধারা হতে বলা) তখনই অজান্তে মেঘদূতের ঘরানাটিকে মনে এনে দেওয়া হচ্ছে। তা ছাড়া, প্রথমে ছিল, ‘আমার দিদির নাম রিনি। এবং আমার নাম রাকা’। যখন ‘অনেক দক্ষিণে গিয়ে বৃষ্টি হও মেঘমালা’,—এল, অমনি এসে গেল ‘যাতে সে যুবতী কোনও ঘরের ভেতর চলে আসে।’ মেঘদূত-এর গোপন আবহ থাকায় ‘যুবতী’ শব্দটি আসবেই। যক্ষের যে প্রিয়া সে যুবতী। ‘মেয়েটি’ নয়। ‘মেয়েটি’ শব্দ সময় সময়ই যেন রোগ। ‘মেয়েটি’ শব্দ ক্ষীণাঙ্গী। আর ‘যুবতী’ শব্দ রসস্থ। ভরভরস্থ। ভাস্করের কবিতায় প্রধানত মেয়েটি দেখা দেয়। বারবার। যে আমারে ডাক দেবে এ জীবনে তারে বারংবার / ফিরেছি ডাকিয়া / সে নারী বিচ্ছিন্ন বেশে, মৃদু হেসে, খুলিয়াছে দ্বার... বলাবাঞ্ছল্য, সে ঠিক একজনই নয়। কে যে কখন কাকে কবিতা দিয়ে যাবে, সে কি আগে থেকে কেউ বলতে পারে।

‘দূরের টেবিল’ কবিতায় যেমন তাঁতের শাড়ির মহিলাকে মনে পড়ল, কিন্তু কাকে দেখে মনে পড়ল, সেটা বলতেই সময় নিল এ কবিতা। প্রথম লাইনে মাছরাঙাদের বলে চুপ করে যাওয়ার পর একেবারে শেষ স্তবকে তার দেখা পাওয়া গেল। এবং তার আগের স্তবকটি, ওই ‘মেয়েদের কথা’ কবিতাটির মতোই, কোনো অপূর্ণ পর্ব আনছে না। আমরা শ্বাস ধরে আছি, তথা ইন্টারেস্ট ধরে আছি, শেষ লাইনের আগের লাইনে অপূর্ণ পর্ব এলে আমরা শ্বাস ফেলি। আসলে তা এক চাপা দীর্ঘশ্বাস-ই। শেষ লাইনটি প্রায় অস্ফুটে আসে তারপর: দূরের টেবিলে। যে টেবিল, যে সঙ্গ, যে মাছরাঙা—জীৱন থেকে অনেকটা দূরেই যেন চলে গেছে তখন। ‘মেয়েদের কথা’ কবিতায়, শরীর স্কটিশনে ফিরেছিল তারই আলোড়নে যেন শেষ লাইনের আগের লাইনটি তার দম কিছুক্ষণের রেখেছিল। আর এখানে, কেবল পুরোনো সেই তাঁতের শাড়ির মহিলাকে মনে পড়ুন্তে তার সঙ্গে কাটানো কোনো কোনো মুহূর্ত মনে পড়ছে হয়তো, আর মনে পড়া যথম আসে মিছিলের মতো আসে—তাই কেবল ‘সেইসব’ শব্দটি দেওয়ার পরই জোর করে উক্তা ড্যাস। থামো, আর মনে পড়িয়ো না। তারপর ধীরে ধীরে বর্তমান বাস্তব মুহূর্তটিতে ফিরে আসা। আর দেখতে পাওয়া : একটি মেয়েকে ঘিরে চার-পাঁচজন বসে আছে... পুরো স্মৃতির ভ্রমণ ঘটে গেল, নারী-স্মৃতি মনের ওপর দিয়ে চলে যাচ্ছিল, তাই অপূর্ণ পর্ব আসছে না, যে প্রসঙ্গ ছাঁয়ে, কিন্তু অবশ্যই যে প্রসঙ্গকে অনুক্ত রেখে এ কবিতা শুরু হয়েছিল, সেখানে ফিরল। তাই ফিরে এল শ্বাস। সেই দূরের টেবিলটিকে আমরা সবাই নিজের নিজের মতো করে দেখতে পেলাম।

মেয়েদের নানাভাবে দেখতে পেয়েছেন ভাস্কর চক্ৰবৰ্তী। আমি কয়েকটি প্রেমের কবিতার কথা বললাম এতক্ষণ। মেয়েদের সঙ্গে নানারকম সম্পর্কের কবিতা তিনি লিখেছেন। যেমন : কে ওই মেয়েটি? হয়তো মিনুৰ বোন হবে। এই কবিতায় অচিরে তিনি লিখবেন : এসো, সুসংবাদ এসো। আর কোনও ইচ্ছে নেই, শুধু ওই / মেয়েটির সঙ্গে যেন / আমাদের তরুণ কবির বিয়ে হয়। এ কবিতাতেই আছে, আমাদের / ঘরের মেয়ের মতো মনে হয়। আবার আছে ‘আমাদের’ তরুণ কবি। আমাদের ঘরের মেয়ে আর ‘আমাদের’ তরুণ কবি—‘আর কোনও ইচ্ছে নেই’ এই দীর্ঘশ্বাস মুছে দিয়ে এ কবিতায় আশীর্বাদ এসে পৌঁছোয়। শুভকামনা ও আশীর্বাদের ফেঁটা পরিয়ে দেয় মেয়েটির কপালে।

তেমনাটি মে নান্দন শুন্দি কণাচন গাকেণামে গাঞ্জিগতকে দুয়ে : আমার দু চোখের পাতা

দিয়ে আমি মুছিয়ে দিতে চেয়েছিলাম তোমার মুখ—কয়েকটি লাইন পরেই সেখানে আসছে
এ ছবি : আধ পোড়া মেয়েরা এখন জানলায় দাঁড়িয়ে একটা চলতি ফিল্মের গল্প করছে।
জীবনে কিছু না-পাওয়া মেয়েদের তিনি দেখেছেন তাঁর লেখায়, একেবাবে প্রথম জীবন
থেকে : ‘আমাদের ম্যাট্রিক-ফেল মেজদিকে’ আমরা দেখেছি ভাস্করের কবিতায়। এখানে
জানলায় দাঁড়িয়ে থাকা আধপোড়া মেয়েদেরও দেখলাম। অলোকরঞ্জন লিখেছিলেন :

অথচ তখনো
সারিসারি মুখ
বুঁকে থাকে বোবা জানলার গায়

দেখেও দ্যাখোনি
আমরা কেমন
সুন্দর, আর কতো নিরপায় !

অলোকরঞ্জনের মুখগুলি বোবা, আর ভাস্করের আধপেট্টি মেয়েরা চলতি ফিল্মের গল্প
করছে—আসলে তারাও কি বোবা নয় ?

একসঙ্গে নিরপায়, আর সুন্দর ভাস্করের কষ্টিতি। ভালোবাসবার জন্য নিরপায়।
ভালোবেসে সুন্দর। মেজদির কথা যেমন আছে। আছে ছোটোবোনকে নিয়ে বিখ্যাত
কবিতা :

আমি-কি পাহারা দেব
ছোটোবোন ঘুমোয় ঘুঁথন

দুপুরে, আকাশ নীল
শরীরের, শান্ত কলরব

আমি-কি ঘুমোব পাশে
ছোটো বোন ঘুমোয় যখন

ভাস্কর চতুর্বর্তী, কবিতা সমগ্র

যতিচিহ্ন নিয়ে সারাজীবন অসম্ভব সতর্ক-সচেতন এই কবি, লেখাটিতে কোনো পূর্ণ যতি
রাখেননি। ধারটা ফাঁকা। যা আছে ভেতরে। কমা আর হাইফেন। কেন যতি নেই লাইনের
শেষে আমি ধরতে পারি না। আসলে কবিতা ধরতে সময় লাগে আমার। বছর বছর কেটে
যায়। আমি অপেক্ষা করে থাকি। এ কবিতা সন্তুর-আশির নতুন কবিদের মুখে মুখে ফিরেছে
ভাস্করের আরও অনেক কবিতার মতোই। এরপরেও তাঁর কবিতায় বোনের কথা লিখেছেন
ভাস্কর : ছোট বোন / ছোট নেই আর। লিখেছেন, একমাটা চোখের ঊল ঝরে পড়ল

মরুভূমিতে / মা আর ছোট বোন খুজতে বেরলো? মাকে নিয়েও কিছু কবিতা আছে
ভাস্করের। যেমন এই কবিতাটি :

সোনালি চুলের শৃঙ্খলি

মা বলতেন, কেন বাড়ি থাকিস না
আমি জানি। বাঁ বাঁ দুপুর
মেঝেতে শুয়ে থাকতাম দুজনে। পাশেই
যে নদীটা বয়ে যেত
তার সঙ্গে আমার সম্পর্কটা বিমিয়ে এসেছিল।
সম্ভবত নীল রঙের একটা গান
ঘরছাড়া করত আমাকে, পথখরচ
থাকত সামান্যই, আমি
এ তল্লাট থেকে সে তল্লাট ভেসে বেড়াতাম।
আধকাপ কফির একটা দুপুর
বিকেলবেলার দুয়েক টুকরো ভাঙা স্বর।
আজকাল ভাবি, হাওয়া
কোথায় থেকে এসে কোথায় যায়। চুড়া লালপেড়ে
শাড়িটা পরে কে জানে কোথায় প্রশংসন
বিড়বিড় করছেন মা
থমথমে একটা তুফান আবার জট পাকাচ্ছে মাথায়
সব কথা কি লেখা বাঁচে কোনোদিন?

কবিতা সমগ্র, ভাস্কর চক্রবর্তী

মেঝেতে মায়ের পাশে ছেলে শুয়ে আছে বাঁ বাঁ দুপুরবেলা—আর পাশ দিয়ে একটা
নদী বয়ে যাচ্ছে। মা-ছেলের ভালোবাসার এমন অপরাপ্ত প্রকাশ কি আমরা বড়ো একটা
দেখেছি কবিতায়? আর ওই যে নীল রঙের গানটা? ছেলে বড়ো হয়ে যাওয়ার পর যা
তাকে ঘরছাড়া করত?—গান কখনও নীল রঙের হয়? ভাস্করের কবিতাতেই তো এমন
হতে পারে। জগতের আর কোথাও পারে না। আর সেই বড়ো হয়ে যাওয়া, রাস্তায় ঘোরা
ছেলেটা কী করে? আধকাপ কফি নিয়ে সারা দুপুরটা বসে বসে পার করে দেয় কফি
হাউসে। আর ভাবি, হাওয়া কোথা থেকে এসে কোথায় যায়। সত্যিই তো, এই যে একটা
হাওয়া এল। কোথা থেকে এল? কোথায় যাবে? সংসার, রাস্তাঘাট, দোকানপাটের মধ্যে
বাস করেও ভাস্করের কবিতা থেকে থেকে এক-একটা হলক তানের মতো বড়ো কল্পনার
চেউ এনে দেয় তার মধ্যে। হাওয়ার আসা যাওয়ায় যে অজানা চিহ্নিত হয় তাতে একপলক
রবীন্দ্রনাথ মনে পড়ে। জল যায় ভেসে / জানিনে কোন দেশে। সেই বড়ো হয়ে যাওয়া
গারমুখো হয়ে যাওয়া ছেলেটা দুপুরে কাফির দিকে তাকিয়ে বসে থাকে আর তার মনে পড়ে

মা কী করছে এখন। চওড়া লালপেড়ে সেই শাড়িটা পরে বিড়বিড় করতে দেখতে পায় মাকে। মা তো বুড়ো হয়েছেন। দেখতে পায়। বিড়বিড় করছেন, কিন্তু সব কি লেখা যাবে। সে তো লিখতেই চায়। সর্বস্ব দিয়ে। সমস্ত জীবনকে পুড়িয়ে সে তো লিখতেই চায়। মাকে সে হয়তো মনে মনে বলে, আমিও তোমার মতো বুড়ো হব...কিন্তু লিখতে লিখতে, লিখতে লিখতে, বুড়ো হওয়ার আগেই সে চলে যায়। আর চলে যাবে যেন জানত। তাই কয়েকটি কবিতা লিখে রেখে যায় মেয়ে সোনাবুরির জন্য। তার মধ্যে একটি লেখা আছে, যে-কবিতায় নিজে চলে যাওয়ার পর পিতৃহীন মেয়েটাকে সে দেখতে পাচ্ছে। নারী, প্রেম, মা, বোন, মেজদি, জানলায় দাঁড়িয়ে গল্প করা অভাবী মেয়েরা সবাইকে ছুঁতে ছুঁতে নিজের মেয়ের কথাও লিখে রেখে যায় ভাস্কর চক্রবর্তীর কবিতা—আর ‘মেয়েদের কথা’ বিষয়টি সম্পূর্ণতা পায় তখন, বিস্তার পায়। যদিও নিজের মেয়েকে নিয়ে এ কবিতা যখন লেখা হয় তখন কি কেউ জানে মাত্র কদিনের মধ্যে লোকটা চলে যেতে বসেছে? এ কবিতা বিষয়ে একটি বাক্যও বলার সাধ্য আমার নেই। শুধু কবিতাটা রইল।


সোনাবুরির জন্য আরও একটা

আমি দূর থেকে দেখছিলাম
ছেঁড়া একটা জামা পরে মেয়েটি বাজারে ক্রয় করছে।

মা হয়তো পাঠিয়েছে বাজারে বাজাপয়সা কম।
মনে হল, মুঠো শক্ত করে ধরল একবার বাজারের থলিটা।
ঘাম মুছল।

নীচের ঠোটটা একবার কামড়ে ধরল কি দাঁত দিয়ে?
—আমাদের সোনাবুরি না? আরে, কত বড়ো হয়ে গেছে!

কেমন আছ সোনাবুরি? কেমন আছ?



২৯

আমার কবিতা প্রথম প্রকাশিত হয়েছিল দেওয়াল-পত্রিকায়। রানাঘাট স্টেশনে টাঙানো হল, খুব ছবি-টবি এঁকে। পুরো পত্রিকাটাই হাতে-লেখা। একজন খুব সুন্দর ছবি আঁকত; লতাপাতা, পাথি, চালাঘর, নদী এইসব যত্ন করে এঁকে তার মধ্যে গোটাতিনেক কবিতা, একটা গল্প—এক কলাম-এ থতটা ধরে ততটা আৰু—আৰ খুব বড়ো একটা সম্পাদকীয় নিয়ে স্টেশন-মাস্টারের ঘরের পাশে দেওয়ালে আটকানো হল। আমি পরে একা একা স্টেশনে যাই, বারবার। সকালের দিকে স্মৃতি অফিস আৰ কলেজ ইউনিভার্সিটি যাওয়ার তাড়া—কে আৰ দেওয়াল পত্রিকা পড়বে? বিকেল-সঙ্গেয় সব লোক হ-হ করে বাড়ি ফেরায় ব্যস্ত, কেউ মুখ তুলে দেখতেও না দেওয়ালে খোলানো বোর্ডটা। একদিন কী মনে হতে দুপুরের দিকে গেলাম। ফাঁচা ফাঁকা প্ল্যাটফর্ম, আড়াইটে-তিনটে বাজে। আগের ট্রেন মিস করেছে এমন দু-একজন ঘূরছে, সিগারেট-বিড়ি খাচ্ছে। আমি পায়চারি করছি আৰ আড়চোখে বোর্ডটার দিকে তাকাচ্ছি। হঠাৎ একজন বোর্ডটার সামনে থামল। আমিও থমকে গেলাম। লোকটা একটা সিগারেট হাতে দাঁড়িয়েই আছে। মনে-মনে চিংকার করে উঠলাম : পড়ছে রে। পড়ছে। টানা তিনদিন স্টেশনে দু-বেলা পায়চারি দিচ্ছি, এতক্ষণে একজনকে পেলাম। পড়ছে তো, কিন্তু কী পড়ছে? কোনটা? বোর্ড-এর বাঁদিকে দাঁড়িয়ে আছে লোকটি, পড়ছে সম্পাদকীয়টাই; বাঁ থেকে কখন সরে ডানদিকে যাবে, এটা আমি আড়চোখে দেখছি, কিছুটা তফাতে দাঁড়িয়ে। আমার কবিতাটা কখন পড়বে? কখন? লোকটি সিগারেট ফেলে পা দিয়ে পিষে দিচ্ছে। আৰ হড়মুড় করে কৃষ্ণনগর লোকাল চুকছে প্ল্যাটফর্মে। লোকটি দ্রুত পায়ে এগিয়ে গেল। আমার প্রথম প্রকাশিত কবিতার প্রথম পাঠক না-হয়ে সে উঠে পড়ল ট্রেনে।

এখন পিছনে তাকালে মনে হয়, একজন পাঠকের জন্য এতখানি তৃষ্ণা ছিল আমার? এইখান থেকে শুরু করেছিলাম? অবাকই লাগে। এটাকে নিশ্চয়ই যশপ্রার্থনা ধলে। অনাদিকে, নিজের লেখা কি সত্ত্বাই ক্ষণও মন স্পর্শ করতে পারল—এমন প্রশ্ন বা সন্দেহ

তো নিজের সম্পর্কেই সবচেয়ে বেশি থাকে, সেই সন্দেহ থেকেই ওই আগ্রহ জন্মাত।

প্রশ্নের উত্তরও পেলাম কয়েকদিনের মধ্যে। আমার স্কুলের এক সহপাঠী ওই কবিতাটি দেখে নানা তামাশা করল। তারপর আর একজন বলল, ‘এটা কী? আধুনিক কবিতা? তুই লেখাপড়া ছেড়ে দিয়ে আধুনিক কবিতা লিখতে লেগেছিস?’ আর একজন বলল, ‘এর মানে কী? এ তো মানে বোবা যাচ্ছে না!’ ইতিমধ্যে ১৫ দিন পরে দ্বিতীয় সংখ্যাটি টাঙানো হল। তাতেও আমার লেখা কবিতা আছে। যে কষ্ট করে এতসব লেখে, আঁকে, অর্থাৎ সম্পাদক, সে-ও বলল, তোমার দুটো পদ্য তো আমি দেখে-দেখে টুকলাম, আমিও কিন্তু কিছু বুঝছি না! তোমার ভাষাটা এইরকম কেন?

এ থেকে কয়েকটা জিনিসের প্রমাণ আজ পাই। প্রথম, দুটো দেওয়াল-পত্রিকায় কবিতা লিখেও আমি তিনজন পাঠক পেয়েছিলাম। আমার পাঠক-ভাগ্য ভালো। দ্বিতীয়ত, আমি কবিতা হিসেবে যেগুলো লিখেছিলাম, তা অতি খারাপ ছিল। কিন্তু তৃতীয় জিনিসটি দরকারি।

আমার মনে এই চিঞ্চা এল, কীভাবে লিখলে তাহলে অন্যের মনকে ছুঁতে পারব? সম্পাদক কিন্তু সম্পাদকের কাজ করেছে। সে ভাষা নিয়ে প্রশ্ন তুলেছে। আর সেই বয়সেই আমার মনে হল, তাহলে ভাষাটা কী হওয়া উচিত? আমার মনের মধ্যে যেভাবে কথাগুলো আসছে, আর লিখতে বসলে সবসময় যে একটু-একটু পালটে পালটে যাচ্ছে, সেটা তো বুঝতে পারছি। সেই যা-আসছে, আর লেখার সময়ে একটু পালটে-পালটে যাচ্ছে, সেই ভাষাতেই একটা কোনো লেখা দাঁড় করাচ্ছি, সেইভাবতা হিসেবে দাবি করছি আমি। কিন্তু সেই যে ভেতর-থেকে-আসা আর লিখতে-লিখতে একটু-একটু পালটে যাওয়া ভাষা, সেই ভাষাটায় যা দাঁড়াল, তা অন্যদের পক্ষে যাওয়া সম্ভব হচ্ছে না। এমনকি দয়ালু সেই যুক্ত, আমার চেয়ে বয়সে একটু বড়ো, সে কষ্ট করে লিখে দিলেও এবং পাশে লতাপাতা এঁকে দিলেও—কী বলতে চাইছে নেপিটি—সেটা বুঝতে পারছে না!

এবার আমি কী করব? আমি কি আমার মনে-মনে যে-ভাষায় জিনিসটা আসছে, সেটাকে একবার লিখে নেব? তারপর সেটাকে আমূল বদলে এমন কোনো একটা ভাষায় লেখার চেষ্টা করব, যা ওরা বুঝতে পারে? ওরা কী বুঝতে পারে, তা নিশ্চিতভাবে আমি জানব কীভাবে? আর ওরা তো ঠিক একজন নয়—কয়েকজন। আর ভেতর থেকে স্নোতের মতো কতকগুলো লাইন যে মাঝে-মাঝে ভেসে ওঠে, সেগুলোর কী হবে। সেগুলো যদি আগাগোড়া ভুল কিছুও হয়, তাহলেও সেগুলো যখন আমার মনের মধ্যে আসছে তাদের আমি অনেক দূর স্পষ্ট দেখতে পাচ্ছি। অনেক দূর। পুরোটা নয়। লিখতে-লিখতে পুরোটা একটা চেহারা নিছে। ওর মনে, তার মনে কী ভেসে উঠছে, আমি জানব কী করে? ওরা হয়তো লেখে না, তাই হয়তো অমন কিছু ভেসেও ওঠে না। কিন্তু একা থাকলে নিজের মনে কথা তো বলে? বলে যদি, তা হলেও, ওরা নিজের সঙ্গে একা-একা কী কথা বলে, আমি জানব কীভাবে? আর তা ছাড়া দশজন লোক মনে-মনে দশরকম কথা বলতে পারে। কিন্তু উলটোদিকে, আমার পক্ষে সহজ—আমি যখন মনে-মনে কথা বলি, সেই কথাটা জানা। আর সেই কথা বলতে-বলতেই, সেই ধারাস্নোতের মতো কথা বলাটা, কবিতায় পালটে যেতে থাকে। এরও অনেকদিন পর অলোকরঞ্জনের কবিতায় পড়ব : ‘দেখেছ

কখনো / শেষ বর্ষণ / হঠাতে কীভাবে তারা হয়ে যায় ?' ঠিক সেইটাই তো হয় ! বৃষ্টি-বরা
আকাশ কখন যেন বৃষ্টিহারা হয়ে তারা দেখায়। এইভাবেই নিজের মনে কথা বলতে-বলতে
তো দেখতে পেয়ে যাই কবিতার টুকরোগুলো। প্রথমটা টুকরো-টুকরো থাকে। তারপর
জোড়া হয়। আবার কখনও সবটাই ঝড়ের মতো, তৈরি হয়ে একইসঙ্গে আসে!

এই জিনিসটা, অর্থাৎ কথাঙ্গোত্তের ওই তোলপাড়, যখন নিজের মনের মধ্যে ঘটছে,
তখন অন্য কে কীভাবে বুঝতে পারবে কিংবা পারবে না, এ নিয়ে কোনো কিছু ভাবার
সময়ই থাকে না। এই লেখাটা যখন চলছে, তখন এতটাই ভেতর দিকে টেনে নিছে বুঝতে
পারলাম, আমি উপায়হীন। দ্বিতীয় রাস্তা আমার নেই। নিজের ভেতর থেকে যে কথাগুলো
আসছে, তার ভাষা যেমনই হোক, সেটা ধরতে-ধরতে এগিয়ে যাওয়া ছাড়া রাস্তা নেই
আমার। আমার বলাটা যদি অন্যেরও মনের কথা হয়ে যায়—শেষ বর্ষণ হঠাতে যদি তারা
হয়ে যায়—সেটা একটা চাঙ। এই চাঙ ফ্যাক্টরের ওপর নির্ভর করেই আমাকে লিখতে
হবে। কারণ আমি অন্যের মন জানি না।

দেওয়াল-পত্রিকায় টাঙ্গানো আমার লেখা নিয়ে যারা মন্তব্য করছিল, তাদের ক্ষেত্রে
একটা সুবিধে ছিল, তারা কবিতার পাঠক নয়। তাদের কাছ থেকে নিজেকে লুকিয়ে রাখা
সহজ। এরপর কালজন্মে, ছোটো-ছোটো পত্রিকায় আমার একটা-দুটো করে লেখা ছাপা
হতে শুরু করল। যোগাযোগ হতে লাগল অন্য যন্ত্রে লেখালেখি করে—তাদের সঙ্গে।
কবিতার ভাষা বা কবিতা কেমন হওয়া উচিত, সেই-সম্পর্কে তাদের সকলেরই দেখতাম
স্পষ্ট ধারণা রয়েছে, যা আমার ছিল না। সেসব বলতে, আজও নেই। আমি চুপ করে
শুনতাম। তখন মেনেও নিতাম সব কথা আমি অতটা জানি না বলেই মেনে নিতাম। কিন্তু
লেখার সময় দেখতাম কারও কথা আমি মনে থাকে না। যে-জিনিসটা ভেতর থেকে তাড়িত
করছে, সে এতটাই গ্রাস করে চলছে-যে, অন্য মতগুলো নিজের ওপর প্রয়োগ করার
অবকাশ পাচ্ছি না।

অন্যদের লেখাও যখন পড়তাম, তারা আগে 'এখনকার কবিতা-কীরকম-হওয়া-দরকার'
এই বিষয়ে যা যা বলেছে, তার সঙ্গে মিলছে কি না, তা-ও দেখতাম না। মিলুক বা না-
মিলুক, তাদের অনেক লেখা খুবই ভালো লাগত। কারও সঙ্গে যখন দেখা হচ্ছে, তখন সে
কবিতা বিষয়ে তার ধারণা হিসেবে যা-ই বলুক, তার লেখা যখন পড়ছি তখন লেখাটাই
এসে চুকছে আমার জীবনের মধ্যে। আমার অভিজ্ঞতার মধ্যে। দুটোর মধ্যে যেই সংস্পর্শ
ঘটছে, অমনি সেটা কোথাও জুলে উঠছে। এই জুলে ওঠাটাই কবিতার মানে হয়ে দাঁড়াচ্ছে
তখন আমার কাছে।

সেই জুলে-ওঠা আজও অব্যাহত। যদিও বছবার শুনেছি, সেই ৩০-৩৫ বছর আগেও,
বাংলায় নাকি ভালো কবিতা আর লেখা হচ্ছে না। একইরকম কথা আজও মাঝে-মধ্যেই
শুনি, কিন্তু আমি ঠিক খুঁজে পাই। আর কবিতা যখন জীবনের সঙ্গে এসে মিশে যায়, তখন
তার নানা দিকে যাওয়া। যেমন, জহর সেন মজুমদার লিখেছেন তাঁর কবিতার দুটি লাইনে
: 'কাল মেয়ের কাছ থেকে আলো নিয়েছি। আজ ছেলের চোখ থেকে পাখি। আমাদের
গোকোড়ি আশাবাদ এ বাংলা ও বাংলা পারাপার করে।' যখনই মেয়ের কাছ থেকে

আলো আর ছেলের চোখ থেকে পাখি নেওয়ার কথা বলা হল, সমস্তটা যেন গান হয়ে গেল। গান, কিন্তু লিরিক-অর্থে নয়। লিরিক-কবিতা বলে যে জিনিসটাকে বোঝানো হয়, তা-ও ঠিক নয়। ‘ছেলের চোখ থেকে পাখি’ এই অংশটি এত অসামান্য, স্বেহের এমনই এক নতুন প্রকাশ যে, এতে মনের ভেতরে সে-ই অবস্থাটা তৈরি হল, গান শুনলে যেমন হয়। লাইনগুলোর মধ্যে ছন্দ-ব্যবহার বা মিল-প্রয়োগ নেই, তবু এটা গান। অর্থাৎ এর অস্তর্বস্তু, গান।

গানের প্রসঙ্গে আমার মনে পড়ছে এক দশক আগে, সুমন গিয়েছিলেন বাংলাদেশে গান গাইতে। একটি বিশ্ববিদ্যালয়ের ছেলেমেয়েরা আর তাঁকে বাড়ি ফিরতে দেবে না, কিছুতেই না। ফেস্টুন আর প্ল্যাকার্ড হাতে দাঁড়িয়ে আছে তারা। তাতে লেখা : ‘গানের কোনও দেশ নাই। তুমি আমার দেশের দোয়েল।’ যে-কবিতার লাইন আমি বললাম এক্ষুনি, তার মধ্যেও আছে : আমাদের নৌকোভর্তি আশাবাদ এ-বাংলা ও-বাংলা পারাপার করে। এই যে আমাদের বাড়ির সন্তানরা, তারাই তো এখন কলেজগুলোর গেট থেকে দলবেঁধে বেরোয়— তারাই কি দল বেঁধে দাঁড়িয়েছিল না, ওপার বাংলার সেই বিশ্ববিদ্যালয়ে? ওই ছেলেমেয়েরা তো আমাদেরও সন্তানপ্রতিম। সেইসব মেয়ের কাছ থেকে আলো, আর সেইসব ছেলের চোখ থেকে পাখি, নিলাম আমরা। সেইসব পাখি দোরে হয়ে গেল।

চারিদিকে ছড়িয়ে আছে কবিতা—‘এ’-র সঙ্গে ‘কিন্তু’ ও ‘যুক্ত হয়ে যাচ্ছে। তবে সমস্ত কবিতা বা কবিতার লাইন যে এত সোজাসজ্ঞিনীর ভেতরে ঢুকে আসে, তা নয়। কবিতাটির ভাবনাধারা যদি জটিলতার পথে দুরে যায়, তবে সে-কবিতা ধরতে একটু দেরি হয়। আবার অনেক সময়, যদি একেবারে একটা অচেনা ভাষায় কবিতার মধ্যে কথা বলে কেউ, তখন সেটা অপরিচিত বলে পেছনতা ধাক্কা দেয়। এমনকি খারাপ কবিতা বলেও মনে হয়। নতুন দিনের লেখকদের হিস্ত এমন জিনিস দেখা দিতে পারে, যার ভাবনা ও ভাষায় আমি অভ্যন্ত নই। কিন্তু এটাও বুঝতে পারছি। তা একেবারে জীবনের কেন্দ্র বা ‘কোর’ থেকে উৎসারিত। তেমনই একটি কবিতা দেখা যাক :

বাসন্তী

সে কি বাসন্তী স্যান্যাল যে চেপে চেপে আলতাছাপ দিতে দিতে যায় আর হাতে ডলে নেয় পঞ্চপাপড়ি

সে কি বাসন্তী মুখার্জি যে মোমবাতি জুলিয়ে জানলায় দেয় সকালে যাতে বিরক্ত হয় তার প্রেমিক

সে কি বাসন্তী শেঠ যে সোমবৃথক্ষুর ভাবছে ছেলেসহ পুরুরে বাঁপ দেবে আর মঙ্গলবেশ্পতিশনি ভাবছে ছেলেছাড়া

সে কি বাসন্তী মণ্ডল যার আলজিভ ছোটো বলে পাঁটুরটির দোকানে সবাই ভ্যাঙ্গায় আধো আধো

সে কি বাসন্তী সাহা যে এমন হাতের লেখায় ফর্ম ফিলাপ করাত লোকে ভাবল ছাপা

সে কি বাসন্তী হালদার যে ইচ্ছে করেই রোজ পেরিয়ে যায় স্টপেজ আর চাটি টেনে
টেনে ফেরে গোড়ালির নলী খেয়ে

সে কি বাসন্তী সেন যে সিগারেট না-খাওয়া ঠোঁটে চুমুই দেবে না
পুরুষের ঠোঁট চাই কালো ও কটু

সে কি বাসন্তী ঘোষ যে থেবুনমাসিকে রোজ ফোন করে যাতে বাপের বাড়ির
ডাকনাম শুনতে পায় একবার

সে কি বাসন্তী সাহা রায় যে বাজার করা ছেড়ে দিল কারণ যতবার মাছ টিপতে
সে উবু হয় পুরুষরা তার ঘাড়ে আর পিঠে নিখাস ফেলে শিরশিরিয়ে দেয় রোম

সে কি বাসন্তী গাঙ্গুলি যে শুধু শাড়িই পরল আর স্বামী হাজার নাইটি এনে দিলেও
বলল ছি

সে কি বাসন্তী সরকার যে যত বার উপনিষদ পড়তে চাইল খুঁজে পেল তৃতীয় তাক
থেকে

সে কি বাসন্তী চক্রবর্তী যে উফ কী গরম মরে যাব বলে ফ্রিজে চুকিয়ে দিল তার
মাথা আর বুঝতেই পারল না তানপুরার ঘতো বেরিয়ে থাকা পঞ্চা দেখতে হাজির হচ্ছে
প্রতিবেশীরা ‘বৌদি সরবত হবে’ বলে

সে কি বাসন্তী দাশগুপ্ত যে সংগমকালে এমন খাট ধূসাল পাশের ঘরে হাসতে
হাসতে উল্টে গেল ননদ শাশুড়ি

সে কি বাসন্তী চাটার্জি যাকে দেওর বলল ‘চাই বাট ছেড়ে এসে ফ্যান চালিয়ে দিয়ে
যবি মাগী’ আর শাস্তি হিসেবে ক্লিপ লাগিয়ে দিল বৃষ্টে

সে কি বাসন্তী লাহা যে গাড়ার টিপ করে মারছে ঠাকুরদার ছবির একদম নাকে

সে কি বাসন্তী রায় যে কথায় কথায় জীবনানন্দের নাম বলছে যাতে সঙ্গের ঘোকে
ইন্টেলেকচুয়ালটি তার তলার ছেট থেকে চুতে থাকে নেই নাম

সে কি বাসন্তী গুহ যে ছাদেই খুলে দিল সালোয়ার এমনকি প্যান্টি আর পরে শুনল
সে সন্তা বলে এই শ্রেষ্ঠ কাট

কে কি বাসন্তী ব্যানার্জি যে বাসনের স্টিকারগুলো লাগাল দরজাময় আর পেটে
ছেট ছেট সেলোটেপ লাগিয়ে চিড়চিড় করে তুলল সারাদিন

সে কি বাসন্তী তরফদার যে মাকে সন্দেশ আনতে পাঠাল যাতে ওরই মধ্যে
জানলাটানলা বন্ধ করে একটু ধরে নিতে পারে প্রেমিকের শিশু

সে কি বাসন্তী ভট্টাচার্য যে একবার স্পেসে গিয়ে বাবা-মার ঝগড়া সামলাচ্ছে
একবার ঘরে এসে সেরে যাচ্ছে জোর বাতকম্ব

সে কি বাসন্তী পাড়ুই যে ছোটোদের জন্মদিনে ঝল্টানা পাতা ছিঁড়ে মৌকো বানিয়ে
দেয় ক্ষেপনে লেখে শুভেচ্ছা আর ছোটোরা ভেতর থেকে ঘেঁঘা করে এই উপহার

সে কি বাসন্তী সরখেল যে পুট পুট করে হাতে ও থাইয়ে গজিয়ে নিতে পারে
চারাগাছ আবার হক হক করে সেগুলোকে লুকিয়ে নিতে পারে ভেতরে

সে কি বাসন্তী সেনশর্মা যে মরে গেলেও এলগিন রোড ক্রসিং-এ যাবে না ওখানে
একবার বিচ্ছদের কথা বলেছিল ও

সে কি বাসন্তী চৌধুরী যে খোনির ভেতর চুকিয়ে নিল কলা দিশি বেগুন এমনকি
গাড়ির চাপি শেখকালে দাঁধাধেখন যাওয়াটি তল না পারও

দুনিয়ার পাঠক এক হও! ~ www.amarboi.com ~

সে কি বাসন্তী বিশ্বাস যে স্বামীর কফ গেলার অভ্যাসে কী করে ওয়াক চাপবে
ভাবতে পারে না শুধু গ্রিলে মুখ গাঁথে গালে দাগ

সে কি বাসন্তী বর্ধন যে মাঝরাত্রে বারান্দায় দাঁড়ায় এবং একটি কুকুর মুখ তুলে চায়

সে কি বাসন্তী ঠাকুর যে আঁচলে চকিতে অভয়মুদ্রা রচে যাতে প্লাস্টিকের ব্যাগ
পড়তে পড়তেই বুঝতে পারে তার লাগবে না

এই কবিতাটি ছাপা হয়েছে, এ-বছর, 'অপর' নামক পত্রিকার বইমেলা সংখ্যায়। তারপর
এই কয়েক মাসে মাঝে-মাঝেই আমি কবিতাটি পড়েছি। এবং আমি বাংলা কবিতা সামান্য
যেটুকু পড়েছি, তাতে এই লেখা, অস্তত আমার কাছে, সম্পূর্ণ এক নতুন অভিজ্ঞতা। এই
কবিতাটি, অনুমান করি, পাঠককে ধাক্কা দেবে, এমনকি অনেক জায়গায় কটু বলেও মনে
হবে। কিন্তু, সেই কথাটাই লিখতে চাওয়া হয়েছে, স্থানে-স্থানে যা কটু— সেই কটু কথাটাই।
কেন-না এর মধ্যে আছে সত্য। তীক্ষ্ণ কটু সত্য। কিন্তু এই পুরো কবিতাটি আমাকে আশ্চর্য
করেছে এই জন্য যে, এর মধ্যে গোটা সমাজটা ধরা আছে। মধ্য ও নিম্ন-মধ্যবিস্ত সমাজের
মেয়েরা ধরা আছে এর মধ্যে। এর মধ্যে আছে একজন বাসন্তী, যে থেবুনমাসিকে রোজ
ফোন করে যাতে বাপের বাড়ির ডাকনাম শুনতে পায় এবং ক্ষমতা। এতটাই স্নেহকাঙ্গাল আর
নস্টালজিক সে। আর ঠিক আগের লাইনেই আছে আর একজন বাসন্তীর কথা যে সিগারেট
না-খাওয়া ঠোঁটে চুম্বন দেবে না, পুরুষের ঠোঁট আছে যে সপ্তাহে তিনদিন ভাবছে, ছেলেকে
নিয়ে আঘাতভাবে করবে। আর তিনদিন ত্বরিত একা। তাহলে তার জীবনটা কেমন! কতটা
অসহ্য! এইখানে সোমবৃথৎক্র ও সকলবেস্পতিশনি ব্যবহার করা হয়েছে মর্মান্তিক
তর্যকতায়, টিউশনি বা কোচিংক্লাসের ধরন মনে করিয়ে। আবার আর এক বাসন্তী, তার
আলজিভ ছোটো বলে তাকে সবচাই ভ্যাঙ্গায় পাউরুটির দোকানে। মানে, সে রোজই পাউরুটি
কিনতে যায়। সে কি কোনো বাড়ির কাজের মেয়ে? তা যদি না-ও হয়, পাউরুটির দোকানের
লোক তাকে ভ্যাঙ্গতে সাহস পায়—কারণ নিশ্চয়ই তারা খুব গরিব এবং মেয়েটির হয়তো
নারী হিসেবেও কোনো রূপগত আকর্ষণ নেই। এই কবিতায় আর একজন বাসন্তী আছে,
বাসন্তী হালদার, যে ইচ্ছে করেই নির্দিষ্ট জায়গা পেরিয়ে বাস থেকে নামে, আর চাটি টেনে-
টেনে ফেরার মধ্যে তার গোড়ালি ক্ষয়ে যেতে থাকে। এর নিশ্চয়ই ফিরতে ইচ্ছে করে না
বাড়িতে, এমন কোনো কারণ আছে, দীর্ঘমেয়াদি মন খারাপ—যা, তাকে জীবন থেকে প্রায়
বিযুক্ত করেছে, যদিও সে কর্তব্যকর্ম সবই করে যায়, নইলে বাসে করে কাজে যায় কেন!
না গিয়ে উপায় নেই বলেই যায় হয়তো। ওই 'গোড়ালির নলী খেয়ে' কথাটার মধ্যে
মেয়েটির জীবন যে কেবলই ক্ষয়ে যাচ্ছে, খেয়ে যাচ্ছে, এবং মেয়েটি তা মেনে নিয়েছে,
সেটার ইঙ্গিত আছে। বাড়ি ফেরার সময় তার হাঁটায় যে অসীম ক্লাস্তি, ইঙ্গিত আছে তারও।
অথবা বাসন্তী নামে আর একটি সরল মেয়ে, যে প্রেমিককে খুশি রাখতে বা পুরোপুরি
বিশ্বাস করে, শরীর দিল ছাদে, পরে সেজন্যই তার সম্পর্কটা ভেঙে গেল। এই পুরো
কবিতাটা শুধু একটি নামকে সম্বল করে কথা বলছে, কিন্তু প্রত্যেকটি লাইনে ভিন্ন-ভিন্ন ছবি

ভেসে উঠছে আমার মনে। ভিন্ন বয়স, ভিন্ন সামাজিক অবস্থা। এমনকি ভিন্নরকম চেহারাও। আমি যেন মুখ দেখতে পাচ্ছি এই বাসন্তীদের। আমার চেনা সব ধারণা বানচাল করে দিয়ে এ-কবিতা চলেছে প্রত্যেকটি লাইনে কোনো-না-কোনো অপ্রত্যাশিতকে উপহার দিতে দিতে। এর কোনো লাইনে যেন আছে ডুকরে কেঁদে-ওঠা, কোনো লাইনে মরিয়া-মৃত্যুইচ্ছা, কোনো লাইনে উৎকট হাসি, কোনো লাইনে অকঞ্জনীয় নিষ্ঠুরতা। কোনো কোনো লাইন উদ্দামভাবে যৌন বা সঙ্গোপনে—যেমন পুরুষরা তার ঘাড়ে-পিঠে নিষ্পাস ফেলে শিরশিরিয়ে দেয় রোম। আবার হঠাৎ একটা লাইন—একা, নিশ্চিতি, শাস্তি।

কনস্টান্টিন কাবাফি নামে এক গ্রিক কবি একবার বলেছিলেন, ‘দ্য পোয়েট হ নোজ হিজ অডিয়্যাল ইজ লিমিটেড, ক্যান এনজয় ট্রিমেনডাস ফ্রিড্ম ইন হিজ রাইটিং।’ আমাদের এই কবি যেন কাবাফি-র উক্তির একটি যোগ্য উদাহরণ। পত্রপত্রিকা খুললেই যে এর কবিতা দেখা যাবে, এমনটা নয়। খুবই কম প্রকাশিত হয় এর কবিতা। কবিসম্মেলনে এঁকে কবিতা পড়তে কখনোই দেখা গেছে বলে জানি না। ইনি লেখালেখির সঙ্গে জড়িয়ে থাকলেও, এবং গদ্যলেখায় তরুণ বয়সেই নিজস্ব সিলমোহরের ছাপ অব্যর্থভাবে রাখলেও, কবিতা নিয়ে কিন্তু একেবারে আড়ালবাসী। আমরা আপে এক অফিসে একসঙ্গে কাজ করতাম, এখন আর একটি অফিসে করি। নিজের কবিতার প্রসঙ্গ ভুলগ্রন্থেও ইনি উপাপন করেন না। নিজের কবিতা নিয়ে এই অস্তরাল-বাল—হয়তো ‘ট্রিমেনডাস ফ্রিড্ম’ দিতে পারে লেখার সময়। প্রত্যেকটা লাইনেই যেমন একটা অপ্রত্যাশিত বিষয়কে আনছে এ-কবিতা, তেমনি প্রত্যেকটা লাইনের শেষ ছিন্টটি লক্ষ করবার। ধরা যাক—‘সে কি বাসন্তী বিশ্বাস যে’ এই লাইনটি। ‘শুধু গ্রিলে শুধু গাঁথে গালে দাগ।’ স্বামী, মানে যার সঙ্গে অতখানি দৈহিক নৈকট্যে যেতেই ভয় তাকে, সেই স্বামীর একটি অভ্যাসে যে-বমি আসছে, তা আটকাতে এত জোরে গ্রিন্টেমুন্ট চেপে ধরছে—গালে দাগ বসে যাচ্ছে। কী সাংঘাতিক অবস্থা! কিংবা ধরা যাক, ‘স্বামী হাজার নাইটি এনে দিলেও বলল ছি।’ অথবা ‘বৌদ্ধি সরবত হবে বলে।’ কিংবা ‘খুঁজে পেল তৃতীয় তাক থেকে।’ মাঝে-মাঝে অসন্তুষ্ট এক অ্যাবসার্জিটি-র আবির্ভাব হচ্ছে, যা আমি ধারণা করতে পারিনি লাইনটি পড়া শুরু করার সময়ে। কেন-না জীবনের মধ্যেই তো আছে সেই ওলট-পালট অ্যাবসার্জিটি। আবার জীবনের বুক-মোচড়ানো ব্যথা ও মায়া, এইসবের সঙ্গেও জড়িয়ে আছে। আছে তীব্র বাসনাশক্তি। আবার তাকে শুরুত্ব দিতে-দিতেও আছে ঠাট্টা করা। বাসন্তী বর্ধন যে—সে মাঝরাত্রে বারান্দায় দাঁড়ায়, আর একটা কুকুর তার দিকে মুখ তুলে চায়। মাঝরাত্রে বারান্দায় দাঁড়ায় কেন? সে নিঃসঙ্গ, তাই। একাকিনী হোক, বা বিবাহিতা—সে নিঃসঙ্গ। তার দিকে কুকুরের ওই মুখ তোলা—পড়লে মনে হয়, কুকুরটির সঙ্গে যে তার বহুদিনের চেনাজানা। অথবা, কুকুরটি চেনা নয় আদো, এমনি-এমনই মুখ তুলে দেখল। কারণ যাই হোক, কিন্তু ওই মাঝরাতে কেউ যে মেয়েটির সঙ্গী নয়, কেউই নয়—এটা স্পষ্ট। অথবা যে বাসন্তী সেনশর্মা, সে এলগিন গ্রোডের মোড়ে যাবে না কারণ বিছেদের কথা বলেছিল ও। ‘ও’ বলতে সে নিজেই বলেছিল, হতে পারে। আগাম তার স্বামী বা প্রেমিক বলেছিল, হতে পারে। সে-নিজেই মটে গেছে, হতে পারে। নিজেই মটোন, সেই টালমাটাল কেটে গেছে, হতে পারে।

যাই ঘটুক, ওই এলগিন রোডের মোড় জায়গাটা তার কাছে অপয়া। ‘সে সন্তা বলে এই প্রেম কাট’ কিংবা ‘ঠাকুরদার একদম নাকে’, বা ‘ছেটো ভেতর থেকে ঘেন্না করে এই উপহার’, বা ‘শেষ কালে দক্ষিণেশ্বর যাওয়াই হল না কারুর’—এসব লাইন অবিশ্বাস্য মোড় নিয়ে শেষ হচ্ছে।

এক তরুণ কবি আমাকে বলেছিলেন—তাঁর এক বন্ধুর কবিতার প্রশংসা করতে গিয়ে, কী দারুণ লিখেছে দেখেছেন! আটচল্লিশটা উলটো মিল! মারাঞ্চক ব্যাপার। নিশ্চয়ই, তাক লাগিয়ে দেওয়ার মতো কাণ সেটা। বলে-বলে এমন করা খুবই কৃতিত্বের ব্যাপার। সেদিন, ওই তরুণ কবিকে আমি কিছুটা তীব্রভাবেই আমার আপন্তি জানিয়েছিলাম, তিনি তাঁর বন্ধুর কবিতার মধ্যে, কেবল লাইনের শেষটুকু লক্ষ করে তার প্রশংসা করছেন কেন, তাঁর তো পুরো কবিতাটাই—অর্থাৎ তার অস্তর্বস্তুটি ও লক্ষের মধ্যে আনা উচিত, কেবল লাইনগুলোর প্রাপ্তে কী আছে, সেটুকু নয়। এই ছিল আমার বক্তব্য। আজ মনে হয়, প্রগবেন্দু দাশগুপ্তের একটি কবিতার কথা—‘সমস্ত চলুক / কাকে যে কবিতা বলে / তা কি আমরা স্পষ্ট ভাবে জানি? / সবাই যে যার মতো কবিকে সংগ্রহ করে / বাড়ি চলে যাক’। আজ ভাবি, যে যেমন ভাবে কবিতাকে দ্যাখে, সেটাই ঠিক দেখা। আমার মতো করে অন্যে দেখবে কেন! সে তার মতো করে দেখুক না। কেউ যদি একটি কবিতার শুধু মিল-প্রয়োগ লক্ষ করে আনন্দ পায়, তাতেই বা আমার আপন্তি থাকবে কেন? আবার উলটো দিকে, লাইনের শেষদিকটাও গুরুত্বপূর্ণ হতে পারে কারও কাছে—কিন্তু কানো পাঠকের কাছে—এই কবিতাটির ক্ষেত্রে আমার যেমন হচ্ছে। ধরা যাক : ‘মেঢ়কথা বলিতে চাই / বলা হয় নাই / সে কেবল এই / চির দিবসের বিশ্ব অঁঁথি সম্মুখে রয়েছে আমার’—এই লাইনগুলো শেষে মিল রয়েছে, এবং মিলগুলো এসে-এসে কবিতাটিকে একটু করে এগিয়ে নিয়ে যাচ্ছে—আর মিল হল দুটি লাইনের বাঁধন—স্বীকৃত্য তা যে সবসময় পরপর দুটি লাইনেই হতে হবে তা নয়, এবং সে কথা সব পাঠকই জানেন। ‘কাছে-দূরে’ হতে পারে মিল, এবং ‘দূরে-দূরে’ হতে পারে—অনেকরকম প্রথা আছে তার। ওই যে, ‘উলটো মিল’ বলে যে-কথাটি উল্লেখ করেছিলেন তরুণ কবিটি, সে-হল বিষম-ধ্বনির মিল। সম-ধ্বনির মিল যেমন হয়, বিষম-ধ্বনিরও হয়। কিন্তু তা খুবই শক্ত। আগে শঙ্খ ঘোষ ও অলোকরঞ্জনের লেখায় এর অনেক উদাহরণ আমরা পেয়েছি। একালে শ্রীজাত-র কবিতায় এর প্রচুর সার্থক প্রয়োগ দেখা যায়। বিষম-ধ্বনির মিল কীরকম হয় একটু বলি : ‘গন্ধমাদন পর্বতে / ফলত নাকি বরবাটি?’ অথবা—‘সীতাও ছিলেন দুঃখিনী / কেন না কী কুক্ষণে / সমস্ত বরবাদ হল’। কিংবা ‘ব্যাপারটা যে অলুক্ষনে / সেই কথাটা বলুক খুলে’।

এসব লাইনে ‘পর্বতে’ আর ‘বরবাটি’, বা ‘দুঃখিনী’ আর ‘কুক্ষণে’, ‘অলুক্ষনে’ আর ‘বলুক খুলে’ সবই বিষম ধ্বনির মিল। এর আরেকটি উদাহরণ না দিয়ে পারছি না :

‘হৈ হৈ আর রৈ রোলে
চান্দিকে সব দৌড়ল
ঢোঁঢো মাওর মৌরলা।’

এখানে 'বৈ রোলে / দৌড়ল / মৌরলা' বিষম-ধ্বনি বা উলটো মিল-এর অভাবনীয় নির্দশন। এগুলো সবই শঙ্খ ঘোষের লেখা থেকে বললাম।

আমার বলার কথা, সম-ধ্বনির বা বিষম-ধ্বনির যাই হোক না কেন—মিল কবিতাকে সৃষ্টাম ও সুষমভাবে বয়ন করতে-করতে চলে। শেষে সব মিলিয়ে একটি তোড়া বা স্তবকের মতো পুরো কবিতাটিকে ধরে রাখে নিটোল ও অবধারিত একটি বাঁধনে। তবেই মিল-প্রয়োগ সার্থক হয়।


'বাসন্তী' কবিতাটি কেন অচেনা, তার নানা কারণের মধ্যে একটি শুরুত্বপূর্ণ কারণ হল—এই কবিতাটি প্রতিটি লাইনের শেষে গিয়ে, শেষ অংশটি ধাঁ করে খুলে দিচ্ছে! পরের লাইনে থাকছে আবার একটি সম্পূর্ণ অনিশ্চিতের দিকে লাফ, বাঁধন দিয়ে নিটোল করার বদলে কেবলই নিজেকে খুলতে-খুলতে যাচ্ছে; মিল-প্রয়োগের ক্ষেত্রে, সম-ধ্বনি বা বিষম-ধ্বনি যা-ই হোক, একটি সূত্র থাকে হাতে। আগের ধ্বনিটি কানে থাকে—সেই ধ্বনির সূত্রেই পরবর্তী লাইনের সম বা বিষম মিল আসে এবং কবিতাটি এগিয়ে যায়। এখানে তো সে-সব কিছুই নেই। প্রশ্ন তোলা যায়, সে তো মিলহীন যে কোনো কবিতার ক্ষেত্রেই হাতে কোনো সূত্র থাকে না? ঠিকই, কিন্তু লক্ষ করলে দেখা যাবে প্রত্যেক লাইনে গিয়ে কবিতাটি একটি সম্পূর্ণ পৃথক জীবনের কথা বলছে। অর্থাৎ, এখানেও বাঁধন খুলতে-খুলতে যাচ্ছে। সন্তরের দশকে প্রদীপচন্দ্র বসু একটি কবিতা নিজের লিখেছিলেন: 'একটি মুহূর্ত, একটা কবিতা' এই শিরোনামে। সেখানে একটি বিস্তৃত মুহূর্তের ওপর নির্ভর করে একটি কবিতা লেখা হচ্ছে। যেমন একটি লেখার বিস্তৃত ছুল, তিনটি তরঙ্গী—তাদের নাম তুমি, টুকু আর বীথিকা—ভোরবেলায় একটা সেই মেঝে দ্রেন থেকে নামল, তাদের হাতের পাতার নরম ছাঁয়ে টিকিট নিল উপোসি টিকিটচেক্কার, তারপর তারা তিনজন হইহই করতে করতে লাল সুরকির রাস্তা ধরে টাঙায় উঠে চলে গেল কোথায় যেন আর সেই মুহূর্তে গাছ থেকে ক্যানারিপাখি ডেকে উঠল : হাওয়াবদল হাওয়াবদল! এই মুহূর্তটিকে সারাজীবনের জন্য পাঠকের মনে গেঁথে দিল কবিতাটি, এতে সন্দেহ নেই। এইরকম এক-একটি মুহূর্ত নিয়ে এক-একটি কবিতা। এইভাবে, সিরিজ।

আর এই 'বাসন্তী' শীর্ষক কবিতাটিকে, এক-একটি লাইনে এক-একটি জীবন। প্রত্যেকটা লাইনে কবিতাটি নিজেকে শেষ করে দেওয়ার দিকে যাচ্ছে। এত ঝুঁকি! অর্থাৎ দু-দিক দিয়েই লেখাটি নিজেকে বারবার খুলে দিচ্ছে। আমার মাঝে-মাঝে মনে হচ্ছিল, পরের লাইনটা আসবে কী করে? এতই আশচর্যকে যেখানে উপস্থিত করা হয়েছে, হচ্ছে। প্রতি লাইনের শেষ দিকটা যেমন খুলে দেওয়া আছে, পুরো কবিতাটি সেইরকম খোলা। এর কোনো শুরু নেই, কোনো শেষ নেই। এ যেন চলেইছে। নানাদিক থেকে স্নেহের মতো এইসব জীবন বয়ে এসে মিলছে এই কবিতায়। পাহাড় থেকে নানান ধারা এসে ঝরে পড়ছে এক সমাজকুণ্ডে, যা থেকে মুক্তি নেই। অকথ্য সব যন্ত্রণা আর মুখ-বুজে সয়ে-যাওয়া আর দুর্দান্ত যৌনউপ্রাপ্তি আর দেখাচারণ আর হাসাকোত্তুক আর শাস্তি আর অভিশাপ আর অত্যাচার আর উপভোগ আর অবদান আর নিঃসন্দেহ আর নিঃসন্দেহ আর নিঃসন্দেহ আর নিঃসন্দেহ এয়ে চলেই গঁথ দেয়েদেন। যা যা জীবনের ওপর দিয়ে। বিশ্বাসিয়া জীবনের ওপর দিয়ে। দুনিয়ার পাঠক এক হও! ~ www.amarboi.com ~

শেষ লাইনের শেষাংশটিও লক্ষণীয় : প্লাস্টিকের ব্যাগ পড়তে পড়তেই বুঝতে পারল তার লাগবে না। ওপর থেকে গৃহিণীরা প্লাস্টিকের দড়িতে বাঁধা প্লাস্টিকের ব্যাগ ঝুলিয়ে দিচ্ছেন নীচে দাঁড়ানো গাড়ি-দোকানের সবজি-বিক্রেতার কাছে, এ আমরা কতই দেখেছি। প্লাস্টিকের ব্যাগের পড়তে-পড়তেই বুঝতে পারার মধ্যে যেমন একদিকে অ্যাবসার্ডিটি—অন্য দিকে যতই কষ্ট হোক, নরকযন্ত্রণা হোক, তবু তো বেঁচে থাকে সবাই—কোথাও একটা ‘লাগছে না’ বা ‘লাগবে না’ বলে তো মনে করে যন্ত্রণাটাকে—তাই বেঁচে থাকে। বেঁচে-থাকাটা ওই অদৃশ্য দড়ি, যে-দড়ির উপরে কবিতায় নেই। যন্ত্রণাটা দেখা যায়, বা দেখা না গেলেও, একটা মানুষ বুঝতে পারে যন্ত্রণাটা। বেঁচে থাকাটাকে তো আর আলাদাভাবে দেখতে পাচ্ছে না সে। কিন্তু যন্ত্রণাটা সর্বদা বুঝতে পারছে। বেঁচে থাকাটা সর্বক্ষণ সঙ্গে রয়েছে বলে যন্ত্রণাটাও রয়েছে, তবু ওই বেঁচে থাকাটা রয়েছে বলেই যন্ত্রণাটাকে ‘লাগবে না’ বলা যাচ্ছে। এবং এই শেষ লাইনটিও আসলে শেষ লাইন নয়। আমরা বুঝতে পারি, পত্রিকার পাতায় কবিতাটি শেষ হয়ে গেলেও আসলে কবিতাটি ছাপা কাগজ থেকে বেরিয়ে চলে যাচ্ছে অজস্র বাসন্তীর জীবনের ভেতর দিয়ে। আমাদের চোখ দিয়ে গেল কবিতাটি, আমরাও চারপাশে বাসন্তীদের খুঁজে পাব—তাদের নাম ঠিক-ঠিক বাসন্তী না-হলেও।

কবিতার শিরোনাম যে ‘বাসন্তী’ রাখা হয়েছে, তারজু মনে পড়ে সরস্বতী পুজোর সকাল। ওই সকালটিতে কিশোরী তরুণীরা বাসন্তী শাড়ির শাড়ি পরে পথে বেরোয়, অঞ্চলি দিতে যায়—সকলেই জানে। ভ্যালেনটাইস ডে উইল্সপন এ দেশে শুরু হওয়ার আগে পর্যন্ত ওই দিনটি ছিল অঘোষিত প্রেমের দিন। অস্ট্রেল অবশ্য সেই সঙ্গে শাস্তিনিকেতনের বসন্ত উৎসবে মেয়েদের শাড়ির রং-ও মনে পড়ছে। দলে-দলে সেদিন যাদের অঞ্চলিতে আর উৎসবে দেখা যায়, তারাও অনেকেই হয়তো এরকম ভয়ানক, অ্যাবসার্ড জীবনের মধ্যে গিয়ে পড়ে!

এইরকমই আমাদের জীবন, যে-জীবনের অনেকটা দেখতে-দেখতে, এবং অনেকটা দেখেও না-দেখে আমরা চলেছি, কত ক্যাজুয়ালি চলেছি—সেজন্য এ-কবিতার ভাষার মধ্যেও যেন একটা ক্যাজুয়াল ধরন আগাগোড়া বয়ে চলেছে। সেই দেওয়াল-পত্রিকার দিনগুলো থেকে আজ পর্যন্ত—নিজের কবিতার ভাষা যে ঠিক কেমন হবে, তার নির্দিষ্ট ধারণা পাইনি। এক-একটা ধারণা গড়ে উঠেছে এক-এক সময়, আবার ভেঙ্গেও গেছে। কিন্তু পাঠক হিসেবে এটুকু বুঝেছি, মাঝে-মাঝেই এক-একজন কবি তাঁর সম্পূর্ণ নতুন ভাষা ও চিহ্ন নিয়ে এসে কবিতা সম্পর্কে আমার ধরা-বাঁধা পূর্ব-ধারণাগুলো (যদি তা গড়ে ওঠার উপক্রমও করে কখনও) ভেঙে, কোনো এক অপ্রত্যাশিতকে সামনে এনে দিয়েছেন। ‘অপর’ পত্রিকায় নিজের কবিতাগুচ্ছে, প্রধানত এই ‘বাসন্তী’ কবিতায়, যেমন তা সন্তুষ্ট করলেন চন্দ্রিল ভট্টাচার্য।



৩০

লেখা পাঠাতাম ডাকে। ছাপানোর ইচ্ছে তো খুবই ছিল। তখন ‘অমৃত’ পত্রিকা বেরোত, তাতে প্রচুর ছোটো ছোটো কবিতাপত্রের পাঁচ-দশ লাইন রহস্যরিভিউ থাকত। সঙ্গে তাদের চিকানা। সনাতন পাঠক ছন্দনামে ‘দেশ’ পত্রিকায় সন্তুষ্ট পুঁজোপাধ্যায় লিখতেন নতুন বই-পত্রিকার খবর। সেখান থেকেও জানতে পারতাম অনেক। তখন ট্রেনে করে কলকাতায় গিয়ে শ্যামবাজারের কাছে ‘রঙ্গন’ হল-এ নাটক দেখতাম। শিয়ালদা থেকে ‘রঙ্গন’, রাজা রাজকৃষ্ণ স্ট্রিট, যে রাস্তা থেকে ‘কবি ও কবিতা’ পত্রিকা বেরোত—সে পর্যন্ত হেঁটেই যেতাম। গরম জিলিপি পাওয়া যেত নেড়ে। খেতাম। নাটক দেখতাম। আবার হেঁটেই ফিরতাম শিয়ালদা। আকাদেমি, কল্যাণন্দর বা রবীন্দ্রসদনেও হেঁটেই যেতাম। বাস বা ট্রামে উঠতাম না। এর ২৫ বছর পর চৰান কবি বিভাস রায়টোধূরীর মুখে শুনেছি, সে-ও, বনগাঁ থেকে শিয়ালদায় নেমে হেঁটেই যাওয়া-আসা করে, বাংলা আকাদেমি হোক কী কলেজ স্ট্রিট। বাসে ওঠো না কেন? আমার এই মৃঢ় প্রশ্নের উত্তরে কিছুক্ষণ চূপ করে থেকে সে বলেছিল, ‘হাঁটলে অভিজ্ঞতা হয়’।

সুভাষ মুখোপাধ্যায়ের কাছাকাছি আসার সুযোগ পাই ’৯০ সাল নাগাদ। উনি ঠিক সে-সময়টায় কবিতা একটু কমই লিখছিলেন। আমি দু-দিনের যোগী। ভাতকে বলি পেস্সাদ— খুব হাত-পা নেড়ে বললাম, এত কম কম লিখছেন কেন কবিতা? উনিও অনেকক্ষণ চূপ করে থেকে শেষে বললেন, আজকাল তেমন হাঁটতে পারি না তো। পায়ে...একটা...বলে থেমে গেলেন। পরে ওর মুখেই শুনেছি, হাঁটতে হাঁটতেই উনি ওর অনেক কবিতা পেয়েছিলেন। পায়ের কষ্ট শুরু হওয়ার পর হাঁটা কমেছে। কবিতা লেখাও। একটা সাক্ষাৎকারে সুভাষ মুখোপাধ্যায়কে যখন প্রশ্ন করা হয় : তাহলে আপনি কি হাঁটতে হাঁটতেই কবিতা লেখেন? তখন উনি একটু থেমে বলেছিলেন, ‘আসলে... খানিকটা... ধরো... স্থির করে নিই। পরে বাড়ি এসে হয়তো লিখলাম।’ আর শব্দ ঘোষ একটি সাক্ষাৎকারে জনান--‘কবিতা খিলি পথে পথে, হাঁটতে-হাঁটতে। গদ্য লিখি ঘরে।’ এবং আর একটি

বইতে নিজের কোনো একটি কবিতার পটভূমি বিষয়ে বলতে গিয়ে স্পষ্টই লিখে দিয়েছিলেন : ‘হাঁটতে থাকি বিটি রোড ধরে...মনটা হালকা লাগে বেশ। পদক্ষেপে পদক্ষেপে পেতে থাকি কয়েকটি লাইন।’

এই কথাটাই হয়তো একটু অন্যভাবে তাঁর কবিতায় বলেছিলেন উৎপলকুমার বসু : ছিল আঠারো-উনিশ মাইল টিকিট / বেড়ালাম অনেক, অনেক অভিজ্ঞতা হল।

অভিজ্ঞতা। ঠিক। বিভাস বলেছিল, হাঁটলে অভিজ্ঞতা হয়। মনে পড়ে না কি জীবনানন্দের সেই ‘পথ হাঁটা’ : ‘কী এক ইশারা যেন মনে রেখে শহরের পথ থেকে পথে / অনেক হেঁটেছি আমি; অনেক দেখেছি আমি ট্রাম-বাস সব ঠিক চলে, এর পাশে, আবু সয়ীদ আইয়ুবের সঙ্গে পথে হাঁটতে হাঁটতে বিস্তু দে-ও যে মাঝে-মাঝে পকেট থেকে ছোট্ট নেটবই বার করে তাতে লিখে রাখতেন দৃটি তিনটি লাইন, আবার পথ চলতেন, সেসব লাইন পরে ‘জন্মাটমী’ বা ‘অবিষ্ট’-র মতো দীর্ঘ কবিতায় জায়গা পেত, এ-কথা আবু সয়ীদ আইয়ুবের মুখ থেকে শুনেছেন বিস্তু দে-র পৰ্বতী যুগের এক কবি—নিজের কবিতায় যে-কবি বলেছেন : ‘হেঁটে দেখতে শিখুন, বরছে কী খুন দিনের রাতের মাথায়।’ বোদলেয়ের নাকি সারারাত পথে পথে হেঁটে বেড়াতেন বন্ধুদের সঙ্গে। এস কথা পাওয়া যায় বুদ্ধদেবের বোদলেয়ের অনুবাদের বিখ্যাত বইটিতে। যুগে যুগে, দেশে সেশে, কবিয়া পথে হেঁটে হেঁটে, পথ থেকেই কুড়িয়ে নিয়েছেন অভিজ্ঞতা। কবিতা। জীবনানন্দ যেমন বলেছেন : ‘বেবিলনে একা একা এমনই হেঁটেছি আমি রাতের ভিতরে কেন যেন আজো আমি জানিনাকো হাজার হাজার ব্যস্ত বছরের পর।’

আমি অবশ্য কেন হাঁটছি জানতাম? আমি হাঁটতাম বাসে উঠতে ভয় করত বলে। দু-দু-বার বাসে উঠে নির্দিষ্ট জায়গা পথে অনেক দূরে গিয়ে পড়েছিলাম। সেই ভয়ে বাসে উঠতাম না। কোনো কোনো দিন একটু দুপুর দুপুর এসে কলেজ স্ট্রিটে পাতিরাম-এর দোকানে দাঁড়িয়ে দাঁড়িয়ে ছোটো ছোটো কাগজ উলটে উলটে পড়তাম। দুটো কাগজ কিনেও নিতাম। পরে সে-সব কাগজে পাঠাতাম কবিতা। কীভাবে?

একটা খামে ভরতাম গোটা দুয়েক কবিতা। সবসময়ই ভয় করত, ভালো হয়েছে কি লেখাটা? সঙ্গে ছোটো একটা চিঠি লিখতাম সম্পাদকের নামে। আমার কবিতা মনোনীত না-হলেও যদি অনুগ্রহ করে মতামত জানান ও ফেরত পাঠিয়ে দেন, বিশেষ কৃতজ্ঞ থাকব। কিন্তু পত্রিকা ফেরত পাঠাবে কী করে? তার জন্যেই একটা খাম দিয়ে দিতাম ওই খামের ভেতর, ভাঁজ করে। প্রায়ই ফেরত আসত কবিতা। খামের ওপর নিজের হাতের লেখায় নিজের নাম লেখা আছে দেখেই আর খুলতে ইচ্ছে করত না খাম। জানি-ই তো ভেতরে কী আছে। তবু আশায় আশায় খুলতাম। যদি এক টুকরো চিঠি থাকে। প্রায় কোনো ক্ষেত্রেই থাকত না চিঠি। শুধু কবিতা দুটো থাকত, আমার আঁকাৰ্বাঁকা হাতের অক্ষরে। তৎক্ষণাৎ ছিড়ে ফেলতাম তাদের। ব্যতিক্রমও হত। দু-পাতার চিঠি লিখে কবিতা ফেরত পাঠিয়েছিলেন ‘কবিপত্র’-র সম্পাদক পরিত্র মুখোপাধ্যায়। ছন্দের শৈথিল্য নিয়ে কথা বলেছিলেন। অনেকদিন রেখে দিয়েছিলাম সেই চিঠি। পরে কবিপত্র-এ আমার লেখা অনেকবার ছাপিয়েছেন তিনি সাক্ষাৎ-পরিচয়ের আগেই।

খুব সুন্দর একটা কথা লিখেছিলেন ফণিভূষণ আচার্য, তাঁর সংক্ষিপ্ত দু-লাইনের চিঠিতে। ‘আপনার এ কবিতাটি পাঠিয়ে আপনি নিজের প্রতি সুবিচার করেননি। আপনার কি এর চেয়ে ভালো লেখা নেই?’ সেদিন বুধিনি, আজ বুধি। আমার কোনো কবিতা পড়া ফণিবাবুর পক্ষে সম্ভব ছিল না তখন। আমার তখন বয়স ২০। কিন্তু, কবিতা ফেরত দেওয়ার চিঠি কত সুন্দর হতে পারে, কোনো আঘাত না-দিয়ে, এই চিঠিটি তার প্রমাণ। পরে অবশ্য ‘মহারাজ’ নামে ওঁর পত্রিকায় উনি আমার লেখা প্রকাশ করেছিলেন। কেন-না, সংক্ষিপ্ত এই চিঠিতে এই ইঙ্গিত ছিল, যে, উনি তো ছাপতেই চান। এইরকম ইঙ্গিত যে অন্য খামগুলোয় ভরা থাকত, তা মোটেই যথ। তখন কী যে দৃঢ় হত!

অর্থ সে-দৃঢ় নিয়ে তো কখনও কোনো কবিতা লিখিনি। আমি লিখিনি তো কী হয়েছে? আরেকজন লিখেছেন। এতদিন পরে আমার সেইসব তরুণদিনের হতাশাকে ঝুঁজে পেলাম এই কবিতায় :

দ্বিতীয় কবিতা

প্রণয়ীর মতে! ভীরু অঙ্গুলিতে নেয় সে কলম
নির্ভুল ঠিকানা লেখে, স্ট্যাম্প মারে যথাযথ
পরিশুল্ক জোর।

কবিতা মোড়কবন্দ বহু যত্নে পরিপূর্ণ সাজে
বিচারের রাজকক্ষে যায়।
উৎকঠ প্রতীক্ষা নিয়ে কৃষি বসে থাকে।

তারপর একদিন থামে থরো হিরের দুপুরে
ডাকের গোলকধৰ্ম্মা ঘুরে
সর্বাঙ্গে কালির ছাপ, কলকের বেখা মুখে নিয়ে
ডাকপিওনের হাতে
অমনোনয়ন-দৃঢ় স্থির ঠিকানায় ফিরে আসে।

সারাদিন অপমান-বিবে তার জুলে যায় বুক
চোখের পাতায় তার দৃঢ় নুঘে থাকে,

তারও পরে অকস্মাৎ মধ্যরাতে বিশাদী বিনুকে
জন্ম নেয় দ্বিতীয় কবিতা।

জয়িতা মিত্র

এ কবিতা কবির অপমানিত মৃহূর্তকে পার হয়ে আসার কবিতা। আর এই যে অপমান তার লাগছে, সেই অপমানের মধ্যে ডোবনের অন্য অপমানের তফাত আছে। এ কথা সত্তি

যে, অপমান থেকেও কখনো-কখনো কেউ কবিতা লিখতে আসে। প্রয়াত কবি কবিতা সিংহের কবিতা লেখা সম্পর্কিত অভিজ্ঞতার সূত্রে এর স্পষ্ট স্বীকারোক্তি আছে। অপমান থেকেই তিনি অনেক সময় জুলে উঠেছেন কবিতার মধ্যে। তবে এই কবিতায় যে অপমান, তা নিজের লেখা কবিতার অপমান। এর আঘাত আরও গভীরে। কবিতা কবির নিজের সবচেয়ে আপন অংশ। তার প্রত্যাখানে, যেন নিজের অস্তিত্বটাই প্রত্যাখ্যাত বোধ করে।

নবীন কবিতা-লেখকের এই অভিমান, এই দৃঢ়বোধ সব যুগেই আছে। সেই মুহূর্তটিতে ওই নবীন লেখক সব চাইতে একলা। সারাদিন সে যেন কারও দিকে ভালো করে তাকাতে পারে না। গোপন এই প্রত্যাখ্যান তাকে এত বিধে থাকে।

তারপর কী হয়!

এই গভীর বিষাদের মধ্যে থাকতে-থাকতেই সে এক সময় আবার তার আশ্রয়টিকে আঁকড়ে ধরে, খানিকটা যেন নিজের অজান্তেই। এই প্রত্যাখ্যান তাকে সাময়িক ভাবে আহত-অসাড় করে রাখলেও সে আবার কলম তুলে নেয় হাতে। একাকী রাত্তির নিদ্রাহীন প্রহরে সে আরেকটি কবিতা লেখে। কোনো আঘাতই তাকে সরিয়ে দিতে পারে না কবিতার কাছ থেকে। আরেকটি কবিতা লেখে। তারপর আরেকটি তারপর আরেকটি। এইভাবে চলতে থাকে। তারপর এক সময় সে পরিণত হওয়ার সঙ্গে সঙ্গে উপলক্ষ্মি করে, তার লেখা কবিতা যে সকলের পক্ষে গ্রহণযোগ্য হবে, সকলের ভালো লাগবে, তা না-ও হতে পারে। না-হওয়াটাই শাভাবিক। তারও তো কত লেখা ক্ষুঁজে লাগে না, কত গান বা নাটক খারাপ লাগে। শিল্পের মধ্যেই এই ধীর্ঘা রয়েছে: একই ছবি, একই কবিতা, একই নাটক, একই উপন্যাস—কাউকে প্রবলভাবে মুক্ত করে অন্য কাউকে ছেঁয়ে না। নবীন বয়সে এই বোধ জন্মায় না। তখন নিজের লেখা ক্ষুঁজে ভালো না-লাগলে, বা কেউ না-ছাপালে সেটাকে অপমান বলে মনে হয়। সম্পাদিত যে নবীন রচয়িতার লেখা প্রকাশ করলেন না, সে তাঁর ব্যক্তিগত সাহিত্যবিচারের মানদণ্ড থেকে। কবিকে অপমান করবেন বলে নয়—অন্যের প্রতি এই স্বচ্ছতার দৃষ্টি অঙ্গ বয়সে আসে না। যন বিষাদাচ্ছন্ন হয়। জয়তা মিত্রের এই কবিতাটি আমাকে এত স্পর্শ করেছে, কারণ, এই কবিতাটি অপমানের কথা লিখেছে, বিষাদের কথা লিখেছে, কিন্তু কোনো অপরপক্ষকে দোষারোপ করেনি। নিজের বিষাদ থেকে উঠে আসতে চেয়েছে এই কবির মন—কেবল কবিতাকে ধরেই। এবং সেই কবিতা জন্মানোর পর কেমন অনুভূতি হয় শৰ্ষে ঘোষের কবিতা ধার করে বলা যায় : 'যদি বা নিজেরই ছায়া হঠাৎ জড়িয়ে ধরে বলে / তুমি কি সুন্দর নও? বেঁচে আছো কেন পৃথিবীতে?' কবিতা লেখার কাজ হয়তো নিজেকে সুন্দর করার কাজ। অন্যের কাছে নিজেকে সুন্দর করে উপস্থাপিত করা অন্য জিনিস। অর্থাৎ 'ঘরেরও দিব্যি শোভা হবে / সোকেও বলবে রাধাচূড়া' আমি সে কথা বলছি না। নিজের কাছে নিজেকে সুন্দর করে তোলার একটা উপায় হয়তো কবিতা লেখার চেষ্টা। আর কবিতা পড়ার চেষ্টাও। গানকে বোঝার চেষ্টার মতোই। গায়িকা হয়তো গানের মাঝখানে রয়েছেন, এখন দেশিটোড়ির বিলম্বিতের অন্তরা গাইছেন। কোথায় কোথায় যে যাচ্ছেন। কখন তিনি ফিরবেন ভেবে আমি বসে আছি আর এক-একটা আশ্চর্য মোড়ে এসে ফেরার রাস্তা ধরেও আবার চলে যাচ্ছেন কোথায়। শেষে যখন ফিরসেন, আমার চেনা ওই

অবরোহণের ঢালু ধাপ ধাপ সিঁড়ি-পথকে এমন করুণ যেন মনে হয়নি আগে। ওই রে গা, স রে, নি সা যেন চোখ থেকে একফোটা জল হয়ে গড়িয়ে পড়ল। অবরোহণ সম্পূর্ণ হল। জল, চোখ থেকে গালে এল—গাল থেকে নেমে গেল চিবুকের পাশ দিয়ে। রে গা, সা রে, নি সা-র মধ্যে মধ্যে ওই অতি সামান্য বিরতিটুকু যেন ধীরে ধীরে চোখ থেকে জলের গড়িয়ে পড়া। হ্যাঁ, অবরোহণ। যেন এক ‘অথিল বিমানে তব জয়গানে’ পৌছে নিজেকে সুন্দর লাগল। হাজার শ্রোতার এক শ্রোতা আমি, সবার অজাঞ্জে সুন্দর হলাম। নাকি আমার সঙ্গে সঙ্গে সবাই সুন্দর হয়ে উঠল? তা তো জানি না। আমি তো একাই। ‘আদিম লতাগুল্মময়’ বইতে কি এই মন্ত্র পাঠ করিনি : একা হও একা হও একা হও একা হও একা?

গভীর দৃঢ়খের মুহূর্তে মানুষ কেবল একা—গভীর আনন্দের মুহূর্তেও সে একাকী! এই একা থাকার কবিতা আজ খুব মনে পড়ছে। কোনো! মানুষ হয়তো একদম একাই। কিন্তু তার মধ্যেও সঙ্গী-সুন্দরকে খুঁজে নিতে পারে। হয়তো খোঁজে না! সুন্দর নিজেই এসে দাঁড়ায় তার সামনে। পরে সেই মানুষের মনে হয়, ঠিক দেখলাম তো।

ফাঁকা মাঠ

বিকেল লাফাছে আর
সম্ভ্যা বেশ দিদি দিদি

হাত ধরে নিয়ে যাচ্ছে তীব্র
বাসের জানলায় বক্ষে
এসব ভাবলাম কেন আমি
পৃথিবীটা শাস্ত একটা পরিবার

এমন ভাবলাম কেন আমি

সুমন্ত মুখোপাধ্যায়

বাসের জানলায় একজন একা বসে আছে। আর জানলার ও-পাশে ফাঁকা মাঠে কিছু নেই। বাস চলতে চলতে বিকেল থেকে সঙ্গে হয়ে আসছে। যাত্রীটি জানলাতেই বসে। এর বেশি কোথাও কোনো ঘটনা নেই। এমনকি একজন মানুষও যেন নেই সেই মাঠে। থাকলেও যাত্রীটির চোখে পড়েনি। তুষার রায়ের কবিতায় যেমন আছে : ‘একটা মানুষ নেই ওইখানে, কাঠুরে কি চায়?’ সেইরকম। শুধু বিকেল আর ঝেপে-আসা সঙ্গে। এরাই দুজন দুটি চরিত্র হয়ে উঠল। বিকেলে ছেলেপুলে খেলে না মাঠে? সেইরকম। শিশু বা বালকের মতো বিকেল লাফাছে যেন ডোটোভাই। আর সঙ্গে তাকে হাত ধরে বাড়ি ফিরিয়ে নিয়ে যাচ্ছে। একেবাণে কিছুতে কিছু নেই, বিকেল থেকে সঙ্গে হয়ে আসছে মাত্র, তার মধ্যে

চিরন্মেহের এই দৃশ্য ভেসে উঠল, মুছে গেল। বার্গম্যানের ‘সেভেন্স সিল’ ছবিতে যেমন এক গ্রাম্য রঙ্গকর্মী ছিল, যে গাঁয়ে-শহরে ঘুরে বেড়াত স্ত্রী আর বাচ্চাকে নিয়ে, যথাসাধ্য শো দেখাত ও আর ওর বউ মিলে। গোড়ার গাড়িতেই ঘুরত তারা। সেই অভিনেতাটি মাঝে-মাঝে অস্তুত সব দৃশ্য দেখতে পেত। মা মেরি ছোটো ফিশকে নিয়ে ইঁটছেন। অথবা তুসেড থেকে ফেরা নাইট আন্টনিয়স ব্লক কালো পোশাক-পরিহিত মৃত্যুপূর্বের সঙ্গে দাবা খেলছে জঙ্গলের গাছতলায় বসে। এসব তারই চোখে পড়ত শুধু। আর কেউ তা দেখতে পেত না। বেচারি নিজের বউকে ডেকে দেখাতে এনেও বেইজ্জত হত। বউ সম্মেহে বলত : ওহ, ইউ, উইথ ইয়োর ভিশন্স। এই ছবি ‘সেভেন্স সিল’ যখন আমি প্রথমবার দেখি, তখন আমার ডাকঘর-এর ঠাকুরদার কথা মনে পড়েছিল। মোড়ল একটা সাদা কাগজকে রাজার চিঠি বলে উপহাস করায়, ঠাকুরদা তো বলেছিলেন, এই সাদা কাগজেও আজ আমি অক্ষর দেখতে পাচ্ছি। এই যে শুন্যতার মধ্যে হঠাতে কিছু দেখতে পাওয়া, ও তো সাদা কাগজে অক্ষর দেখতে পাওয়াই। বার্গম্যানের ছবির মর্মোন্টারের অধিকার আমার নেই। কিন্তু কী জানি কেন, ওই ছবির অত আশ্চর্য ঘনঘটার একপাশে থাকা সেই সরল অভিনেতাটির মধ্যে আমি একজন কবিকে দেখতে পাই। জ্বর দিয়ে দাবি করতে পারি না, তবে কেমন মনে হয়। কেন-না সে তো সাদা কাগজে অক্ষরই দেখতে পেত, তাই না? তার কাছে সাদা কাগজটা তো এই পৃথিবী। এই জীবন। কৃষ্ণে সে কবি বলেই শেষ দৃশ্যের সেই দিগন্তরেখায় মৃত্যুপূর্বের সঙ্গে সকলের সেই ন্যূনত্ব-ঘাতা দেখতে পেয়েছিল।

পৃথিবীটা যেমন সাদা কাগজ, এখানে কবিত্বে-কোনো দৃশ্য দেখতে পান, তেমনি, কেউ কেউ পৃথিবীটাকে শাস্ত একটা পরিবাস-বৃক্ষে যেন ভাবে। গোটা পৃথিবীটাই শাস্ত আর একান্নবর্তী একটা বড়ো সংসারের মতো। যে কেবল ফাঁকা মাঠের বিকেলকে ছেট্টি ভাই আর সাঁববেলাকে দিদি মনে করিয়ে সেই এমন করে ভাববে। কিন্তু এই ভাবটাও একটা চকিত ভিশন শুধু। সেজন্যাই সে পরক্ষণে, সংবিধি ফিরে পেয়ে, ভাবতে থাকে—আরে! এটা আমি কী ভাবছি! কেন ভাবলাম এরকম! এখন সে বাস্তবে ফিরে এসেছে।

বাস্তব। বাস্তব হল এখন, এই সকাল এগারোটায়, আমি এই লেখাটা লিখছি, আর আকাশে তাকালে কোনো তারা বা অঙ্গকারে জুলজুল-করা চাঁদ, কিছুই দেখা যাচ্ছে না। কারণ, কড়া রোদ বাইরে। এইটাই বাস্তব। কিন্তু সত্য কী? সত্য হল যে, তুমিও জানো, আমিও জানি, সমস্ত তারা, নক্ষত্র, জুলজুলে চাঁদ নিজের জায়গাতেই রয়েছে। এই মুহূর্তে পৃথিবীর অন্য গোলাধৰ্ম থেকেও দেখা যাচ্ছে হয়তো, যেখানে যেখানে অঙ্গকার আছে এই যে তুমি যখন আমার এই লেখাটা পড়বে—তুমি কলকাতা থেকে দূরে, তোমার বাড়ির সামনে কোকিল-গাছ—যে গাছে কোকিল ডাকে তাকে তো কোকিল-গাছ বলব— তোমার বাড়ির সামনের রাস্তায় সকালবেলার রোদ্বৰ, তোমার বাড়ির সামনে ট্রেনরাস্তা—তুমি বারাসত বা বীরভূম বা বিরাটি আর আমি এই যাদবপুর, কি সন্টলেক কি মেট্রো স্টেশন— কিন্তু, এই লেখাটা যখন তুমি পড়ছ, তখন আমি তো তোমার সামনে বসে—সেটাই তো সত্য। টুথ। পৃথিবীটা সত্যিই যে একান্নবর্তী একটা পরিবার—এটা কোনো একটা জায়গায় সত্য। টুথ। কিন্তু রিয়ালিটি সেটা নয়। আমি যেমন দু একবার ঢাঢ়া কথনও তোমার

মুখোয়াখি নই—অথচ তুমি সারাক্ষণ আমার সঙ্গে। সেইরকম।

এই দিনি আর ভাইয়ের সূত্রে অন্য একজনের একটি কবিতাও কেন যেন মনে পড়ল আমার। কয়েকটি লাইন এরকম :

...তারি ছেট ভাই

নেড়া মাথা, কাদা মাথা, গায়ে বস্ত্র নাই,
পোষা প্রাণীটির মতো পিছে পিছে এসে
বসে ধাকে উচ্চ পাড়ে দিদির আদেশে
হির ধৈর্য ভরে। ভরা ঘট লয়ে মাথে
বামকক্ষে থালি; যায় বালা ডান হাতে
ধরি শিশুকর।

যে বিকেল মাঠে লাফাছিল, সে অবশ্য ধীর-হির নয়। দিদির আদেশেই পিছু পিছু যাচ্ছে তা নয়—তাকে মনে হয় কিছুটা ধরে-বেঁধেই নিয়ে যাওয়া হচ্ছে—আর এই সাঁব-দিদিরও বাঁ-কাঁকালে থালা আর মাথায় জল-ভরা কলসি নেই, বালুকালের কবিতায় দেখ্য ‘অতি-ছেট-দিদি’-র কথা মনে পড়ল, যে আসলে হল ‘জননয়ন প্রতিনিধি।’ ‘সঞ্চয়তা’ থেকে বাবার মুখে ‘দিদি’ নামের এ কবিতা শুনে ‘হির ধৈর্য ভরে’ বা ‘পিঞ্জল কঙ্কণ’ বা ‘প্রতিনিধি’ এসব কথার মানে জিজ্ঞেস করেছিলাম বলাকে। কিন্তু প্রথম যেটা নিয়ে অভিযোগ করেছিলাম তা হল : ‘আমার একটা দিদি কেন কেন?’ বুকুনও হগন তিন-চার-পাঁচ বছর, তখন নালিশ জানাত তার কেন কোনেই ভুই নেই। ফলে কিছুকালের জন্যে আমিই বুকুনের ছেটো ভাইয়ের রোলে অভিনয় করেছি। রবীন্দ্রনাথের এই ‘দিদি’ কবিতা পড়লে বা পড়ে শোনালে, শিশুমন একটা দিদি চুঁর। যে-কোনো ছেটো-দিদি একটা ভাই চায়। অর্থাৎ তার পরিবারের মধ্যে সে আরও ভালোবাসার জনকে খোঁজে। তার ভালোবাসার পরিবার বিস্তৃত হতে চায়। বয়স বাড়তে থাকলে ক্রমশ এই আপনজনকে খোঁজা, এই আঞ্চলিয়সঙ্কান সারা পৃথিবীর দিকে চলে যায়। নিজের নিজের ছেটো পরিবার থেকে বেরিয়ে জগৎ-পরিবারের দিকে হাত বাড়ায় তার হাদয়। পৃথিবীটাকেই সে পুরো একটা পরিবার মনে করতে চায়। কিন্তু সে কি আর হয়? একের পর এক বিশ্বসভঙ্গ, আর আঘাত, আর তিংসা রক্তপাত, বারবার খণ্ড-খণ্ড করে দেয় সেই চাওয়াটাকে। চাওয়ার ঘনটাকে। তখন মনে হয়—পৃথিবীটা শাস্ত একটা পরিবার, এসব ভাবলাম কেন আমি। নিজেকেই বোকা মনে হয়। মনে হয়, আমার চিন্তার মাথামুণ্ডু নেই। অথচ সেইটোই মানবসভ্যতা চিরকাল চেয়ে এসেছে। সেই কমিউন, সেই একান্নবর্তী প্রোবাল ভিলেজ! সুমস্ত মুখোপাধ্যায়ের কবিতায়, নিঃসম্পর্কিতকে আঞ্চলিয় করে নেওয়ার যে-টান, তার জন্য মানুষও আর দরকার হয় না। কথা বলার লোক আর খোঁজেন না তিনি। লিখেইছেন সেই কথা :

কথা বলার লোক কেন খুঁজি
 যখন তোমার ঢেউ জোয়ার ভটায়
 সরে গেছে
 যখন পায়ের কাছে মরা মাছ
 আঙুলে দুপুর
 যা কিছু বলার কেন বালিকে বললাম
 আজ
 ছেলেটার একশো চার জুর

ঠিকই। ছেলের একশো চার জুর দেখে এসেছে একজন লোক। তারপর জলের ধারে
 দাঁড়িয়ে, সে যা কিছু বলার সব নদীতীরের বালিকে বলছে। মানুষ আর দরকার হচ্ছে না যেন।
 কিন্তু লক্ষণীয় মানুষের প্রতি বিদ্রো বা অভিযোগও আসছে না। তখন বালি-বস্তু। বালিকেই
 সব বলা যায়। এত দৃশ্যমান কথা বলা যায়। যে, ছেলেটার জুর। একশো চার জুর।

বিকেল, ফাঁকা মাঠ, সঙ্গে, বালি এইসবের মধ্যে তিনি আঙুলীয়বস্তুকে দেখতে পাচ্ছেন।
 একা লাগছে না আর। এই যে মনের ছড়িয়ে পড়া, বড়ে-বড়ি যাওয়া, এর একটি আশ্চর্য
 দৃষ্টান্ত তুলে দিচ্ছি এবার :

দেবতত্ত্ব


কয়েকজন বাতিল দেবতা প্রয়োগবী
 আমার সঙ্গেই কোনো আভ্যন্তর বাসের খোঁজে
 বটতলায় দাঁড়িয়ে ছিইয়ে
 কারও চুল আছে কোনো মুখ নেই
 বুকের পাঁজর খড়ের
 ইন্দুর যথেষ্ট রয়েছে শুধু
 গণেশটি উধাও
 সুউচ্চ কুচের নারকেল থালায় কোনো
 মাটি নেই কটি নেই সীমন্তের পাটি নেই
 হাতের ভঙিমা শুধু ফুল নেই ফল নেই
 গদা শব্দ চক্র নেই ত্রিশূল খাঁড়া না
 বরাভয় মুদ্রাটি কেবল
 সবার সমান আছে
 বাস থামানোর জন্য
 রেশন কার্ডের জন্য
 জ্বালানি তেলের জন্য
 শীতের কাঠার জন্য
 জাতীয় দলের জন্য

রাস্তার ধারে বটতলায়, মা দুর্গাকে এভাবে দাঁড়িয়ে থাকতে আমিও দেখেছি, তুমিও দেখেছ। যা কোনো গ্রামের দিকে গেলে, বাস থামবার বটতলায় এসে দেখলে, ওইভাবে, মা দুর্গাগা দাঁড়িয়ে আছেন। এবং সপরিবার। আমি এমনকি সঙ্গোষ্পুরের মধ্যে, এই শহরে একবার দেখেছিলাম ওইরকম জল পড়ে, রোদ লেগে, পাথি বসে বসে, কী চেহারা হয়েছে তাঁদের তার অসামান্য বর্ণনা আছে এ-কবিতায়। গণেশ ছেটো বলে আগেই হারিয়ে গেছে। এবং ইন্দুরকে ফেলে গেছে। এদের কারও হাতে কোনো বিধিবন্ধ শান্ত্রকথিত অন্ত্ব নেই। কেবল, বরাভয় মুদ্রায় এঁরা হাত তুলে আছেন! কীসের জন্য? না, বাস থামানোর জন্য।

এক লহমায় কবিতাটি অসাধারণ এক বাঁক নেয়। ‘বাস থামানোর জন্য’ কথাটি এই জীর্ণ শীর্ণ হতশ্রী দেবদেবীদের সাধারণ মানুষ করে দিল। এই রাস্তায় পরিত্যক্ত মা দুর্গার পরিবার রাপাঞ্চরিত হল নিরম, নিরস্ত্র, অসহায় বিরাট এক জনসম্প্রাদায়ে। সমগ্র ভারতবর্ষ দেখা দিল এসে। ঝালা শেষের দিকে এসে নিজেকে শেষ তেহাই-তে পৌঁছে দেওয়ার আগে যেমন কিছুক্ষণের জন্য লম্বা অতিক্রম একটি তানের মধ্যে দিয়ে পুরো রাগ পরিক্রম করে আসে— এই কবিতাও শেষের দিকে এসে ওইভাবে শাস্ত্রক করে দেয়। মনে পড়ে, এতদিনেও লালগড়ের মানুষদের বিপিএল কার্ড নেই। তারা ঘাসের বীজ অথবা লক্ষাপোড়া দিয়ে ভাত খায়। মনে পড়ে আমলাশোল। দেবদেবী মৃত্তিগুলির হাতে তুলে রাখা ওই বরাভয়-মুদ্রার অলোকসামান্য এই রূপান্তর সমষ্টি নিরম নিঃসম্বল মানুষকে যেন আমার পরিবারের আঢ়ীয় করে নেয়। এই কবিতা বলে : আজকের ভারতবর্ষে এই মানুষরাই হল তোমার দেবতা। যারা ছেঁড়া কাপড় কোনোমতে পরে, আধমেলি থেয়ে বা না-থেয়ে, কোনোমতে প্রাণ ধরে আছে। এই পরিত্যক্ত মানুষরাই তোমার শিসাস্য। রাস্তায় পড়ে থাকা দুর্গাপ্রতিমা দেখে এই কবিতা যদি লেখা হয়, তবে বোবা যায় কোনো একাকী, সংঘটিত নবীন কবির ইনসাইট-এর মধ্যেও কতটা শক্তি থাকতে পারে।

সুমন্ত মুখোপাধ্যায়ের এইসব কবিতাও রাস্তায় রাস্তায় খুঁজে পাওয়া। একবার পড়লেই তা বোবা যায়। পথ-দৃশ্য থেকে উঠে আসা কবিতা সব। আর পথে-পথে ঘুরেই তো দেশকে জানতে হয়।

সুভাষ মুখোপাধ্যায়ের কবিতার লাইন ছিল : রাস্তাই একমাত্র রাস্তা। মিছিল আর আন্দোলনের তীর চঞ্চল একটি সময়খণ্ডে লেখা হয়েছিল রাস্তায় নামার এই আহ্বান। আজ চলিশ বছর পরে, মনে হয় সে-কবিতার লাইন শুধু আন্দোলন মিছিলের জন্য নয়। সে-কবিতা আজ অন্য অর্থ পায়। মনে হয়, রাস্তায় রাস্তায় ভগবান দেখে দেখে বেড়ানোর এই কাজ কবিতা-লেখকের জন্য ধার্য আছে চিরকালই।



৩১

শান্তে কবিকে বলে দ্রষ্টা। কবি দেখতে পায়। সে তো তুমি-আমিও দেখতে পাই। কিন্তু সাধারণ
একটা ঘটনা অথবা দৃশ্যের মধ্যে কবি আরও বেশি কিছি দেখতে পায়। সেই দেখাটা লেখার
মধ্যে ফুটে ওঠে বলেই তাকে ‘দ্রষ্টা’ বলে বোঝা যায়। প্রয়োগেক সুনীল গঙ্গোপাধ্যায়ের বহুশ্রুত
লাইন : ‘প্রতিধ্বনি, তুমি তো স্বর্গের দিকে গিয়েছিন্ত / কেন ফিরে এলে?’ প্রতিধ্বনি তো
তুমিও শুনেছ কতবার, আমিও শুনেছি। বহুস্মরণ বহুকাল ধরে শুনছে। কিন্তু প্রতিধ্বনি যে
স্বর্গের দিকে যেতে চায়, এ কি কেউ ভেবেছে কখনও? কথাটা শুধু একটু নয়। পাহাড়ে, মাঠে,
খেলা জায়গায়, বিরাট দূর্গের অভ্যন্তরে যে-প্রতিধ্বনি আমরা পাই সে তো কোথাও ধাক্কা খেয়ে
ফিরে আসছে। এ পর্যন্ত জানা নিষ্ঠাত ‘স্বর্গের দিকে’? সেটা জানা নয়। এই লেখক, সুনীল
গঙ্গোপাধ্যায়, তাঁর অনেক সাক্ষাত্কার বা লেখায় জানিয়েছেন, তিনি ঈশ্বরে বিশ্বাসী নন। তিনি
মৃত্যুর পরে স্বর্গ-নরক ইত্যাদির অস্তিত্ব আছে বলেও মনে করেন না। তাহলে এই ‘স্বর্গ’,
শব্দটি কি কবি নিজের বিশ্বাসের বাইরে গিয়ে ব্যবহার করেছেন? ব্যাপারটা অন্যদিক দিয়ে
দেখি। এক-একটা শব্দের সংকেত করার যে শক্তি, শব্দটি তার অর্থদ্রুতি কতদূর পাঠাতে পারে,
কবি সেইটা নিয়ে কাজ করেন। ‘স্বর্গ’ শব্দটা বললে, আমাদের ধরা-ছেঁয়ার বাইরের একটি
স্থপদেশ মনে পড়ে। যা আমরা কেউ কখনও দেখিনি এমন একটি দেশ। যে-দেশ অনেক দূরে
আছে। আবার সাধারণ ভাবে মানুষের মনে হয়, স্বর্গ হ্যতো আছে আকাশের কোনো স্তরে।
বিভিন্ন পূরাণে এ-কথার সমর্থন মেলে। দেবদেবীদের গঞ্জেও। এই অনেক দূরের একটা ধারণা,
‘স্বর্গ’ শব্দটার সঙ্গে লেগে আছে, কোথাও একটা আকাশও আছে, আছে আমাদের খানিকটা
অজান্তেই—সেইটার ফলে যা হল, চকিতে একটা অসীমের ধারণা, আকাশের ধারণা, এনে
দেওয়া হল। ফাঁকা, এবং অনেকখানি দূরত্ব না থাকলে প্রতিধ্বনি পাওয়া যায় না। সেই যে দূর,
সেই দূরত্বকে সীমাহীনতার সঙ্গে যুক্ত করে দেওয়া হল ‘স্বর্গ’ শব্দটির ব্যবহারে। এই বিশেষ
কবিতাটির যে ক্রিয়েটিভ প্রসেস লেখক বর্ণনা করেছেন, তাতে মনে হয় যেন মনঃসংযোগের,

এত সব পূর্ব-ভাবনার কোনো ভূমিকাই নেই। খুবই কাজুয়ালি, হাঁটতে হাঁটতে পাওয়া লাইন। ঠিকই তো। শব্দ ও তার সংকেত শক্তি, ছন্দের সৃষ্টিতা, ভাষা, অভিজ্ঞতার সঙ্গে মিশে, কবির অবচেতনের ভাণ্ডারে জমা থাকে। লাইনটি অনেক সময় তৈরি হয়, মুহূর্তের বিদ্যুৎ আভাসে। বাইরে থেকে চাপানো কোনো পরিশ্রম ছাড়াই সে দেখা দেয়। কারণ, সে তো একটা ভিশন। ‘প্রতিধ্বনি’-র ফিরে আসার সঙ্গে অসীম-অনন্তকে ছুঁতে না-পারার যে-সম্পর্ক দেখতে পাওয়া গেল, তা কেউ এতদিন ভাবেনি। এইখানেই কবি দ্রষ্টা। সাধারণ জিনিসের মধ্যে দিয়ে অসাধারণকে বলা। আর এই লাইনটিকে কোনো মানুষ তার ব্যক্তিগত পাওয়া না-পাওয়াতেও প্রয়োগ করতে পারে। কোনো কবি, মধ্য পঞ্চাশে পৌছেনো কোনো বক্ষ্যা কবিও, নিজের সারাজীবনের লেখার চেষ্টার বর্থতাকে ছুঁতে পারে, এই লাইনটি দিয়েই।

এই পুরো কবিতাটি কীভাবে লেখা হয়, তার অসামান্য বর্ণনা আছে ‘আমি কীরকম ভাবে বেঁচে আছি’ কাব্যগ্রন্থে। যেটাকে আমি গন্তীরভাবে এক্ষুনি ক্রিয়েটিভ প্রসেস বলেছি। ১৩৭২ সালের চৈত্র মাসে এই বইটি বেরিয়েছিল, মানে আজ থেকে ৪৩ বছর আগে। সে বইতে ‘একটি কবিতা লেখা’ নামে এই কবিতা ও গদ্য একত্রে ছাপা হয়। অতদিন আগে, এভাবে, একটা কবিতার মধ্যে মধ্যে ভেঙে ভেঙে নিজের জীবনের টুকরো ও রচনা-মুহূর্তকে একই সঙ্গে গেঁথে দেওয়া অভাবনীয় ছিল। প্রকৃতপক্ষে আজও এ লেখার কোনো জুড়ি নেই। ‘প্রতিধ্বনি’ শব্দটির মধ্যে যে অসীমের ভ্রেক্ষণচলে যাওয়া আছে, কবিতাটি কীভাবে লিখতে হল সে-বর্ণনায় সেটা তেমন ভাবে কেই বর্ণনায় নেই, ঠিকই। আরও একটি বিখ্যাত লাইন, এই লেখকেরই, ‘ডুপল্যাবে ডাক দিয়ে দেখা হবে চন্দনের বনে’—পাওয়া গিয়েছিল, রাতের প্ল্যাটফর্মে ট্রেনের জন্য অশ্রেণীগণ পদচারণায়, হঠাতে—এ কথাও, সমস্ত সুনীল-পাঠকেরই বারবার জানা। এক্ষেত্রে ভ্যালেরি-র সেই কথাটির সত্যতাই প্রমাণিত হয়: ‘প্রথম লাইনটা আসে স্বর্গ থেকে, বাকিটা তুমি তৈরি করে নাও’। এই ‘স্বর্গ’ কিন্তু কবির অবচেতন। সুনীল গঙ্গোপাধ্যায়, বিভাব পত্রিকার একটি সংখ্যায়, একবার লিখেছিলেন একটি গদ্যলেখায়, কবিতার লাইন তাঁর মাথায় কখন কীভাবে, নানা আশৰ্য অসময়েও এসে পড়ে—তার কিছু বিবরণ ছিল সেখানে। লক্ষণীয়, সে-লেখার শিরোনাম ছিল: ‘মানস মেঘে বিদ্যুৎ ঝলক।’ ‘প্রতিধ্বনি তুমি তো স্বর্গের দিকে গিয়েছিলে, কেন ফিরে এলে’—বাংলা কবিতার চিরস্মায়ী এই লাইনও ‘স্বর্গ’ থেকেই এসেছিল। কী সুন্দর দুটি আলাদা স্বর্গ: একটি ভ্যালেরি-র। আর অন্যটি, সুনীলের ‘প্রতিধ্বনি’-র গন্তব্য নিশানার।

‘আমি কীরকম ভাবে বেঁচে আছি’-র প্রায় একবছর পরে প্রকাশিত আরেকটি বইতে, সুরিয়ালিজমের উন্মেষ বিষয়ে বলতে গিয়ে সুনীল গঙ্গোপাধ্যায় লিখেছিলেন এই অমোঘ লাইন: ‘অবচেতনার উদ্ধার—এ ছাড়া স্বর্গ ও পৃথিবীকে মেলাবার আর কোনও উপায় নেই সাহিত্যে’। এইসব লাইন মনের মধ্যে আলো জ্বলে দেয়।

যে-বইতে এ কথা আছে, তার নাম ‘অনা দেশের কবিতা।’ পৃথিবীর বিভিন্ন দেশের কবিদের অনুবাদ সংকলন। আঙ্কেন পাঠক এই ধরনের নানা সংকলন দেখে অভাস্ত, কিন্তু,

সেই 'অন্য দেশের কবিতা' বইয়ের সঙ্গে কোনো কিছুরই তুলনা হয় না। বইটি কেবল অনুবাদের জন্যই বিশিষ্ট, তা নয়। আমার কাছে এর প্রধান আকর্ষণ, টীকা হিসেবে, কবি-পরিচিতি হিসেবে লেখা সুনীলের ছোট ছোট গদ্য টুকরোগুলো। মনে রাখতে হবে ততদিনে, 'হে বিদেশি ফুল' বার করেছেন বিষ্ণু দে। সুধীন্দ্রনাথ অনেক অনুবাদ করেছেন। 'প্রতিধ্বনি' নামে তাঁর বই '৫৪ সালে বেরিয়ে গিয়েছে। সর্বোপরি আছেন, অলঙ্ঘনীয় বুদ্ধদেব বসু। তখন । ৪২ বছর আগে। তাঁর বিখ্যাত অনুবাদের বইগুলো বেরিয়েছে, বেরোবে। বোদলেয়র অনুবাদ বেরিয়ে গিয়েছে। মেঘদৃত-ও। রিলকের অনুবাদ করেছেন। আজ এই এত বছর পরে যদি বুদ্ধদেবের অনুবাদ বইগুলোর দিকে তাকাই, দেখি তারা আজও সমানভাবে জ্যোতিষ্ঠান হয়ে আছে। রিলকে, রোদলেয়র, হেন্ডারলিন, মেঘদৃত, পাস্তেরনাক, বুদ্ধদেবের সূক্ষ্মিত্তির লম্বা স্বর্ণরেখা। রিলকে ও বোদলেয়র-এর ভূমিকা সুনীর্ধ। হেন্ডারলিন নাতিনীর্ধ। সংক্ষিপ্ত পাস্তেরনাক। কিন্তু প্রত্যেকটি অবিস্মরণীয়। নবীন কবিকে শক্তি দিতে পারে কবিতা লেখার। একলা লেখককে দিতে পারে অনমনীয় থাকার জোর, পাস্তেরনাকের ওই ছোটভূমিকা। এমনকি কবিতা লেখা বন্ধ করে, অন্য কোনো কাজকেও (শাস্ত হাতের দ্বিতীয় কোনো কাজ—রিলকে) গ্রহণ করতে সাহস দেয় পাস্তেরনাক বিষ্ণুকে ভূমিকাটি।

বুদ্ধদেবের ওই বইগুলোর আলো এত দূর পর্যন্ত এসে আগে, হয়তো ভবিষ্যতের দিকে ওই আলো চলতেই থাকবে—তার কারণ, প্রধানত অন্যান্য নয়। কারণ, বুদ্ধদেবের হাতে, ওইসব কবি জীবনের অসামান্য উপ্রোচন। সেজনাটি ওই বইগুলির কিরণছটা আকাশ ঢেকে আছে।

এরই মধ্যে অবশ্য দুই নবীন কবি, ফ্রেজুন বয়স, ৩০ আর ৩১, তাঁরা বার করেছেন, প্রায় সারা পৃথিবীর কবিতা থেকে চয়ন করে একটি বই : 'সপ্তসিঙ্গু দশদিগন্ত'। এঁরা হলেন শঙ্খ ঘোষ ও অলোকরঞ্জন দাশগুপ্ত প্রের্তি বই। প্রায় পাঁচশো পৃষ্ঠা। দুজনেই একটি করে ভূমিকা লিখেছিলেন। খুবই সুষম, নিখুঁত, ও ধাপে ধাপে গঠিত সার্থক প্রবন্ধ সে-দুটি।

দু-জনেই ভি-এর মধ্যে খেলেছেন। অর্থাৎ কভার, একস্ট্রা কভার, মিড অফ, মিড অন, কিছুটা মিড উইকেট ও সোজা বোলারের দিকে। কেন-না, এঁরা দুজনেই, তখনই অত অল্প বয়সেই, জ্ঞানী হিসেবে, সমবয়সিদের শ্রদ্ধা আর মাস্টারমশাইদের মেহ ও সমীহ লাভ করেছেন। পরবর্তী সময়ে 'নিঃশব্দের তজনী' আর 'কালের মাত্রা ও রবীন্দ্রনাটক' বইতে শঙ্খ ঘোষ নিজের গদ্যরচনার স্পষ্ট পথে চলে যাবেন, সেই ষাটের দশকেই। অলোকরঞ্জন যাবেন 'শিল্পীত স্বভাব'-এ।

কিন্তু আমি বলতে চাইছি, 'অন্য দেশের কবিতা' বইটি-র প্রধান আকর্ষণ যে আমার কাছে তার টীকা ও কবি-পরিচিতির মধ্যে—সেই ক্ষীণকায় বইটি, বুদ্ধদেবের অসামান্য বইগুলো থেকে ছিল দৃশ্যভাবে আলাদা। ছোট ছোট ওই গদ্যগুলোতে হিরে মাণিক ছড়ানো। 'এক গ্রীষ্মে দুই কবি' নামে বোদলেয়র ও ডস্টয়েভস্কি বিষয়ে তাঁর বিখ্যাত প্রবন্ধে বুদ্ধদেব এক জায়গায় লিখেছিলেন—'এখানে টলস্টয়ের সঙ্গে ডস্টয়েভস্কির তুলনার প্রচণ্ড লোভ আমাকে সামলে যেতে হচ্ছে'। আমাকেও বুদ্ধদেবের অনুবাদের বইগুলোর টীকা-ভূমিকার

বিশিষ্টতার সঙ্গে ‘অন্য দেশের কবিতার’ অনুবাদক প্রদত্ত ছোট ছোট অসামান্য গদ্যগুলির তুলনার লোভ সামলে যেতে হল। লেখাগুলো পড়লে মনে হয় যেন খুব সিরিয়াস নয়। যেমন-তেমন করে লেখা। এত সহজ, ভারহীন, অথচ বিদ্বকারী। ভ্যালেরি-র ‘নিদ্রিতা’ কবিতার অনুবাদ প্রসঙ্গে এক জায়গায় সুনীল লিখেছেন: ‘আসলে একটি যুবতি সত্যিকারের নিদ্রিতা কিন্তু তার শরীর জেগে আছে।... শেষ লাইনে জেগে থাকার কথা দুবার কেন লিখেছেন (ভ্যালেরি)? কারণ জেগে-থাকা অর্থাৎ Veille শব্দের V·অক্ষরের যে-গঠন, এই অক্ষরটি যেরকম দেখতে, এর মধ্যের ত্রিকোণ-শূন্যতা নম্ব শরীরের ত্রিকোণের কথা মনে পড়ায়। ইংরেজি অনুবাদেও এ অনুভব আসতে পারে না—কারণ Awake আর বাংলায় ‘জাগা’। ‘জ’ দেখলে এরকম সুন্দর ছবি মনে পড়া অসম্ভব, ‘জ’-কে দেখতেই কীরকম জ্যাঠামশাইয়ের মতো।’ এটা বুদ্ধদেবের কোনো টীকা-ভূমিকায় অকল্পনীয়। অথচ সৃষ্টিতম, গভীরতম কবিতা-দৃষ্টির পরিচয় আগের লাইনগুলোতে রয়েছে, এক নিষ্ঠাসে এসে গেল যুবাসুভ ক্যাজুয়াল ইয়ার্কি। যে-জায়গাটা তুললাম, তার ঠিক আগেই আছে আর একটি জায়গা : ‘সংস্কৃতের মতো লঘু, শুরু, প্লুতুরের ব্যবহারের বিশিষ্টতায় ভ্যালেরী অসীম উদ্যমী। পণ্ডিতরা বলেন মূল কবিতায় ma, amaie, ame ইত্যাদি শব্দের a অক্ষরের দীর্ঘ উচ্চারণ, শায়িতা নারীর বিস্তৃত দেহের আভাস এসেছে। এর ঘন-ঘন ব্যবহারে ঘূমত্বের নরম নিষ্ঠাস।’ এইসব অভাবনীয় লাইন আমাকে চোখয়েছে কবিতাকে কী করে দেখতে হয়। আমি ফরাসি ভাষা জানি না। ভ্যালেরির কাবিতাও ইংরেজি অনুবাদে কিছু পড়েছি। ভ্যালেরি আমার কাছে গুরুত্বপূর্ণ হয়ে উঠেছেন। গুরুত্বপূর্ণ হয়ে উঠেছে সুনীল গঙ্গে পাখ্যায়ের এইসব কথা, এই পর্যবেক্ষণের ধরনে অনেক সময়ই বাংলা কবিতার ছদ্ম ও ধ্বনিসাম্যকে আমি লক্ষ করতে শিখেছি। শিখেছি, আমার সেই প্রথম বয়সেই, এই ‘অন্যদেশের কবিতা’ পড়ার পর থেকে। অন্যদেশের কবিতা যদি ’৬৭-তে বেরিয়ে থাকে, তবে ’৬৬ সালে, আর একটি পত্রিকা বেরতে শুরু করল, ‘কবিতা-পরিচয়’, অমরেন্দ্র চক্ৰবৰ্তীর সম্পাদনায়। যে পত্রিকার নির্বিচিত সংকলন—আজও আমার বইয়ের টেবিলে সর্বদা থাকে। সেই পত্রিকার প্রথম সংখ্যায়, ’৬৬-তেই, শৰ্ষ ঘোষ রবীন্দ্রনাথের ‘প্রথম দিনের সূর্য’ নিয়ে একটি আলোচনা লিখেছিলেন, যে-আলোচনা বিখ্যাত হয়ে আছে কেবল লেখার শুরোই নয়, আবু সয়ীদ আইয়ুবের সঙ্গে শৰ্ষ ঘোষের বিতর্কের কারণেও। যা ওই পত্রিকাতেই পরপর ছাপা হয়েছিল।

‘প্রথম দিনের সূর্য’ কবিতায় যে ‘একবার মেলেনি উত্তর’ এবং শেষে ‘পেল না উত্তর’ কথা দুটি আছে এ-বিষয়ে শৰ্ষ ঘোষ জানিয়েছিলেন : “মেলেনি কথার ‘’ ধ্বনির চাপা টান যেন নীচু করে ধরে রেখেছিল ঐহিক ধারণার দিকে, আশা ছিল যে এখনও না-মিললেও একদিন জীবনরঙসীমা থেকেই মিলবে বা কোনো উত্তর, কিন্তু এখনও, এই পরিণাম সময়ে হতাশ নিষ্পত্তির বোধ যেন ‘না’ শব্দের প্রসারিত আকারে লেগে মুহূর্ত মধ্যে জ্যা-মুক্ত হয়ে নিষ্ক্রিয় হল এক নিরস্তর শূন্যতার অঙ্গসারে।”

কবিতার মধ্যে ধ্বনির যে শক্তি, পাঠক হিসেবে, এইসব কবি, তার দিকে তাকাতেন। কানে নিতেন। ছন্দ মিলের প্রত্যক্ষ ঝনৎকার ছাড়াও, গোপনে, কবিতার ভেতরে ভেতরে যে ছড়িয়ে থাকে ধ্বনির সাম্য বা হঠাত সেই সাম্য ভেঙে দেওয়ার ফলে তৈরি হওয়া উচ্চাবচতা, এবং তা কবিতার বিষয়ের আস্থা থেকেই জন্মায়—এসব জানতে হাতে ধরে শিখিয়েছিলেন এরা। তখন এঁদের কাউকে চোখেও দেখিনি। লেখকের সঙ্গে সবচেয়ে গভীর সম্পর্ক যে হতে পারে কেবল তার লেখার মধ্য দিয়ে, আমরা জীবনে তার প্রমাণ বারবার পেয়েছি।

এই অন্য দেশের কবিতা বইটি আমাকে আরও একটি বার্তা দেয়। মাত্র গতকালই একটি লেখায় পড়লাম সুনীল লিখেছেন : ‘আমি শঙ্খ ঘোষের এবং বুদ্ধদেব বসুর রবীন্দ্র বিষয়ক গ্রন্থগুলোর প্রথম পৃষ্ঠায় চোখ নিবন্ধ করে আর ছাড়তে পারি না। তা শুধু এই দুজনের গদ্য ভাষার প্রসাদগুগের জন্য।’ তাহলে সেই অঞ্চল বয়সে যখন বুদ্ধদেবের বোদলেয়ের, মেঘদূত, রিলকে, হেন্ডারলিন বিষয়ে এইসব যুগোন্তীর্ণ লেখা বেরোচ্ছে কিছু বই হয়ে, কিছু বই হবে বলে পত্রপত্রিকায় প্রকাশিত হয়ে প্রতীক্ষায় আছে—তখন সেগুলো পড়ে নিশ্চয় মুক্ত ছিলেন সুনীল গঙ্গোপাধ্যায়। কিন্তু নিজে যখন লিখেছেন ? তখন ? এইজ্ঞাবলেছি, দৃশ্টভাবে আলাদা। প্রতিধ্বনি, তুমি তো স্বর্গের দিকে... যখন লিখেছেন, তখন প্রেইভাবে একটা কবিতার শ্রোতকে ভেঙে মাঝে মাঝেই কবিতা লেখার সময়টাকে ঘষ্টুকরে বলা। অতিখ্যাত সেই ‘আমূল’ শব্দটি কীভাবে এল বলে দেওয়া, অথবা ধ্বনিসূনী শব্দটা জীবনানন্দ থেকে প্রত্যক্ষ হয়ে গেল এই মজার স্বীকারোন্তি—মজার, ক্ষমতা, ওই কবিতা তো জীবনানন্দের যুগকে পার হওয়ার কবিতা, এবং জীবনানন্দের প্রজ্ঞাব সুনীলের ওপর কখনও ছিটেফেঁটাও ছিল না। তাও, ‘লেখার সময় মনে পড়েছে কথাটা, তাই লিখে দিলাম’—এরকম একটা বেপরোয়া সৌন্দর্য। ব্রেথট তাঁর থিয়েটারে অনেকটা এই পদ্ধতি ব্যবহার করেছেন, অ্যালিয়েনেশন—তার আর একটি নতুন রূপ ওই কবিতায়—কবিতা লিখছি, লিখতে লিখতে, হঠাত কবিতা থেকে বেরিয়ে গিয়ে দুটো কথা বলে ফিরে এলাম, কবিতাটির মধ্যে, আবার কবিতাটি লিখছি, সেটা জানাচ্ছি। এইরকম উদ্ভাবনী ক্ষমতা যাঁর আছে, তিনি পূর্বসূরিকে শ্রদ্ধা করবেন, তাঁর লেখায় মুক্ত হবেন। কিন্তু নিজের জন্য বেছে নেবেন আলাদা পথ। সেইজ্ঞাই ‘অন্য দেশের কবিতা’ বইয়ের টাকা ও কবি-পরিচিতির গদ্য অত নিজস্ব। অত প্রেরণায়ক ভাবে উজ্জ্বল।

বুদ্ধদেব বসুর রিলকে হেন্ডারলিন বোদলেয়ের পাস্তেরনাকের জীবনকাব্য সম্পর্কিত গদ্যভাষা তার সমস্ত অসামান্যতা নিয়েও, কোথাও যেন একটু দূরত্বের বোধ তৈরি করে। সেই দূরত্ব, একটি অবশ্যিক্তাৰী দূরত্ব। ওই সব অলোকসামান্য কবিজীবন আমাদের চেয়ে দূরের তো বটেই। তা-ই বুদ্ধদেব বসু-র ওইরকম দূরত্ব সংঘারী ও গভীর গদ্যভাষা অব্যর্থ সেসব ক্ষেত্রে। কিন্তু সুনীলের ওই টাকা-কবি-পরিচিতির গদ্যভাষা গভীরতম কথাটি বলতে বলতেও হঠাত ইয়ার্কিতে ঝলমল করে ওঠে, নিজের পাশে হাত ধরে বসিয়ে নেয়। যেন

একই আজ্ঞায় বসেছে পাঠক আর লেখক। জ্যাক প্রেভের-এর ‘শোভাযাত্রা’ কবিতার টিকায় সুনীল লিখছেন : ‘পঞ্চম লাইনের চশমা পরা কারখানা’ প্রায় কিছুই বোঝায় না। কারখানায় মূল শব্দ Moulin, যার অর্থ মিল বা কারখানা—যেমন আটা ময়দার কারখানা, কফি গুঁড়োবার কারখানা। প্যারিসের বিখ্যাত নাইট ক্লাব মূল্য রুঁব—তার ওই নামের কারণ ওই লাল বাড়িটাকে দেখতেই একটা উইন্ডমিলের মতন। কিন্তু, ‘মূল্য’ কথাটার আর একটা মানে আছে ফরাসিতে, মূল্য আপারোল মানে হচ্ছে বকবকানি মেয়ে। তাহলে চশমাটা কী সুন্দর মানিয়ে যাচ্ছে?’ পুরোটাই যেন গঞ্জছলে বলা। কবিতা সম্পর্কে লিখতে গেলে যে গঞ্জছলেই আমার কথা বলতে ইচ্ছে করে, সেই ইচ্ছেটাও শিখেছি সুনীল গঙ্গোপাধ্যায়ের এইসব লেখা থেকে। এঁরা এটাও শিখিয়েছেন, কারও লেখা পড়ে মুক্ষ হওয়া মানে তাঁর পথে যাওয়া নয়, তাঁকে মডেল করা নয়, বরং সেটা ত্যাগ করে অন্য রাস্তায় যাওয়া।

এই শেখাটা কীভাবে হল? যেভাবে অলোকরঞ্জনের কবিতা বলেছে : সমষ্টি নিসর্গ আজ মুখরিত সাজ্জাদ হোসেন / সানাই বাজিয়ে সব বলে দিচ্ছেন বিধাতাকে’ সাজ্জাদ হোসেন যেমন তাঁর সানাইতে রাগ-রূপায়ণের মধ্যে দিয়ে দেশেরকে সব জানিয়ে দেন— সেই ভাবে, এঁরা লিখতে লিখতে বলেছেন—আমি পড়তে পড়তে শিখেছি। কলকাতা থেকে দূরে বসে। সুনীল লিখেছিলেন একবার, ‘...এইভাবে বুদ্ধিমত্ত্বে সু দূর থেকেও আমার শিক্ষকের কাজ করেছিলেন’। একই কথা আমি বলতে পরিসুনীল গঙ্গোপাধ্যায় সম্বন্ধেও। অগ্রজ লেখক অনুজকে শিক্ষা দেন তাঁর লেখা দিয়েছেন এমনকি মৃত্যুর পরেও সেই তালিম চলতে থাকে। যেমন বুদ্ধিদেব বসুকে আমি কথন কোথাইনি। কিন্তু তাঁর মৃত্যুর পরেও কি আমি তাঁর কাছে তালিম পাইনি? দেখাটাই, দেখাটে শেখানোটাই—সেই তালিম। তা ছাড়া লেখা তো আসে জীবন থেকে। অত্যোন্তরে জীবন পৃথক। তা-ই কোনো লেখকের জীবনযাপনকে অনুসরণ করা মানে নিজের ব্যক্তিত্ব-বিকাশের পথে পাথরচাপা দেওয়া। সেজন্যই বুদ্ধিদেব বসু যেভাবে জীবন কাটিয়েছেন, সে ভাবে জীবন না-কাটিয়ে সম্পূর্ণ অন্য পথে হেঁটে নিজের লেখাগুলো তুলে নিয়েছেন সুনীল। সেইজন্যই তিনি দৃঢ়ভাবে আলাদা।

এই আলাদা হওয়ার জন্য, নিজের পথ খুঁজে নেওয়ার জন্য দরকার আত্মাসন। আত্মানিয়ন্ত্রণ। সুনীল গঙ্গোপাধ্যায়ের তেমন একটি আত্মাসনের বিষয়ে প্রত্যক্ষদর্শীর সাক্ষ গৌসাইবাগানের পাঠকদের জন্য উপস্থিত করছি। যা আমি ছাড়া কেউ দেখেনি। কেন-না, সেখানে শুধু আমিই ছিলাম।

আমি কিছুকাল সুনীল গঙ্গোপাধ্যায়ের সঙ্গে চাকরি করেছি। অনেক সময়, ওর সঙ্গেই অফিসের পর বাড়ি ফিরতাম, ওর গাড়িতে। তখন ‘দেশ’ পত্রিকার পুঁজো সংখ্যার প্রস্তুতি একেবারে শেষ দিকে। পাতা ছাড়া শুরু হয়ে গিয়েছে। সাগরদার সেই সময় খুব টেনশন হত। আমাকে ডেকে বকুনি দিলেন। জিজ্ঞেস করলেন, ‘সুনীল-শক্তি কবিতা দিয়েছে?’ আমি বললাম, শক্তিদার পেয়েছি। ‘কেন, শক্তি তো সকালেও দেয়নি? খবর নিলাম’। আমি এল, এখন পেয়ে গিয়োৰ্ছি। কারণতার পাতা তৈরি হচ্ছে। ‘আর সুনীল?’ হ্যাঁ

বলতে পারলাম না। 'আগেই কেন নিয়ে রাখোনি?' চুপচাপ বেরিয়ে সুনীলদার সামনে গেলাম। কবিতা চাইব কি? আমি হ্যাঁ। শারদীয় আনন্দবাজার-এর জন্য রাধানাথ মণ্ডল ওঁকে বলছেন, 'কাল সকালে কবিতাটা না পেলে মরে যাব'! উনি প্রতিশ্রূতি দিয়েছিলেন, 'হ্যাঁ আনব কাল'। এবার আমি কী করে চাইব! সকালে তো উনি উপন্যাস লিখবেন। 'দেশ'-এর 'প্রথম আলো'-র ইনস্টলমেন্ট আছে। আছে 'সানদ'-য় নীললোহিতের ধারাবাহিক—'খুঁজে বেড়াই'। প্রতিদিনের দেখা-শোনায় এগুলো আমার সবই জানা। তাহলে? চুপ করে আছি। উনি বললেন, 'কী-ই! সাগরদার বকুনি খেয়েছ তো! আসলে ওটা উনি আমাকে বকেছেন। তোমাকে নয়। মন খারাপ কোরো না। কাল নিয়ে আসব কবিতা। কেমন?

অফিসের শেষে দুজনে বেরিয়েছি। সেদিন ওঁর সঙ্গে গাড়ি নেই। ট্যাক্সি ধরব আমরা। সুনীলদা একটা সিগারেট ধরিয়ে দাঁড়িয়ে। আমি একটা ট্যাক্সি থামাতে পারছি না। বললেন, দাঁড়াও, আমি দেখছি। পরপর চারটে ট্যাক্সি সুনীলদাকে না বলল। পঞ্চম ট্যাক্সি ও 'না' বলেছে—কিন্তু বলে আর বেরোতে পারেনি, কারণ, সিগন্যাল তখন লাল। সুনীলদা আবার বললেন, যাবে না ভাই? লোকটি যাত্রীর দিকে না তাকিয়েই তাছিল্যের হাত নাড়ল। না।

যাবে না মানে? কেন যাবে না? সিগারেট-টা ছুঁড়ে ফেলে, একটা ঝাঁকুনিতে সুনীলদা খুলে ফেলেছেন সামনের দিকের দরজা। একটা পা তুলে দিয়েছেন ভেতরে। একেবারে অন্য একটা মৃত্তি মানুষটার। যা আগে কখনও দেখিনি। প্রেরণ না।

এইবার ড্রাইভার তাকাল। ড্রাইভার একজন উচ্চ ধরনের অবাঙালি লোক। তার চোখে প্রথমে আসা ওকুত্য চকিতে বদলে গেল ভাস। বিশুদ্ধ আসে। সে বুঁৰেছে, একটা গোলমাল করে ফেলেছে সে। ড্রাইভারের মধ্যে পড়েছে পথ-বাতির লাল আলো। তখনও ট্যাফিক স্টৰ্ক।

হঠাৎ, ট্যাক্সির সামনে অধিকটা ঢুকেও, পা তুলে নিলেন সুনীলদা। একটা তীব্র প্রত্যাখানের জোর আওয়াজে বন্ধ হয়ে গেল দরজা। 'যাও'। বললেন শুধু। ট্যাফিক সিগনাল সবুজ হতেই, সেই লোকটি পড়িমির করে গাড়ি নিয়ে পালাল।

আমি চুপ করে দাঁড়িয়ে আছি। উনি সিগারেট ধরালেন আরেকটা। একটুক্ষণ নীরবতার পর আবার নিজের শাস্তি, মদুস্বরে বললেন, 'আজ তো রাত্রে বাড়ি গিয়ে কবিতা লিখতে হবে। আজ তো রাগ করলে চলবে না। তাই না! দেখি, কখন ট্যাক্সি পাই।'

জুবিলি টেস্ট-এর কথা বলি। ভারত-ইংল্যান্ড। '৮০ সালে। সে-টেস্টকে অনেকে বোথাম টেস্ট-ও বলে থাকেন। ইয়ান বোথাম তখন দুর্বাস্ত ফর্মে। সে ম্যাচে ইয়ান বোথাম দু-ইনিংসে ১১টি উইকেট নেন। ব্যাটে করেন ১১৪। ভারত ইনিংসে হারছিল, শেষে দশ উইকেটে হারে। সেই জুবিলি টেস্টের প্রথম দিন। টসে জিতে ভারত ব্যাট করছে। গাভাসকর ৪৯ করেছিলেন। সাতটা চার দুটো ছয়। যাকে বলে 'আনলাইক গাভাসকর'। এটা কিন্তু মার্শালের বিরুদ্ধে ৯৪ বলে সেক্ষুরির প্রায় তিনি বছর আগের কথা। এবং শুয়ান ডে-র রমরমা তখনও এত বেশি হয়নি। স্কোর যখন নো লস ৩২, তখন বোথামের একটা বলকে ফুল ত্রুটে নিয়ে

সাইট স্ক্রিনের ওপর দিয়ে পাঠিয়ে দিলেন গাভাসকর। মাঠ জুড়ে হইহই। ওয়াৎখেড়ে-তে খেলা পড়েছে। গাভাসকরের নিজের জায়গাই বলা যায়। দেখা গেল সারা মাঠ উল্লসিত, শুধু গাভাসকর অনুভাপের ভঙ্গিতে মাথা নাড়ছেন এবং ব্যাটটা ঝাঁকাচ্ছেন। সাধারণত আউট হলে বা ভুল ট্রোক খেললে যেমন করে ব্যাটসম্যানরা। ওভার শেষ হল। ও-প্রাণ্টে যাওয়ার সময় ইংল্যান্ডের কাপ্টেন মাইক ব্রিয়ারলি এগিয়ে এলেন গাভাসকরের কাছে। ফাস্ট স্লিপ থেকে তিনি দেখেছেন ব্যাপারটা। কী, ব্যাপার! বোথামকে শুইভাবে মেরেও, তুমি রিপেন্ট করছিলে কেন? গাভাসকর বলেছিলেন, খেলা এক ঘণ্টাও হয়নি। এটা টেস্ট ম্যাচ। আমি একজন ওপেনার। আমি কি এটা করতে পারি? এই হল আঞ্চলিক আরেকটি সেরা দৃষ্টান্ত।

পরের দিন ‘দেশ’ পত্রিকার দপ্তরে যে কবিতাটি এনে দেন সুনীল গঙ্গোপাধ্যায়, এবং সাগরদার মুখে হাসি ফোটে, সেটি সেই রাতেই লেখা—সেই কবিতাটি আমার মনে আছে। চিরজীবন মনে থাকবে। আমি তুলে দিচ্ছি এখানে।

আমায় সে চিনেছিল ? বলো, বলো

একবার চোখে চোখ, তারপর দুদিকের পুরু
 আমায় সে চিনেছিল ? কিংবা সে দেখেছিল আড়ালে কারুকে ?
 তাতে কিছু আসে যায় ? কথা হচ্ছে, দুজনে দুদিকে চলে যাওয়া
 পেছনে ফিরিনি আর, আমার রাস্তায় কত বাঁক
 দু চারটে খানাখন, জল পান্দায় কুচিকুচি আলো
 জুতোয় কাঁকর ফুটেছে একা সিগারেট কিস্ত দেশলাই কোথায়
 আমায় সে চিনেছিল ? চোখে চোখ, ছিল কোনো ভাষা ?
 এক হোঁচট, টর্চ নেই, অলীক শরীর যায়, আসে
 আমায় সে চিনেছিল ? আমাকে, না সে কাকে দেবেছে ?
 শুয়ারকা বাচ্চা সব, কালো কুস্তা, হঠ যাও, মারব এক লাথ
 বন্ধ সব দোকানের তালাগুলো ভেঙে দেব একেক ধাক্কায়
 আমায় সে চিনেছিল ? বাতাসের ঘূর্ণি থেমে গেছে
 আকাশে ইয়ার্কি বুঁধি, এত তারা, উপড়ে নেব সব
 আমায় সে চিনেছিল ? বলো, বলো সে কোথায় গেল
 অঙ্ককার বাড়িগুলি, সব জানলা পোড়াব ফুৎকারে
 এ বিশ্ব উচ্ছমে যাক, অমরত্ব মূর্দ্দের রটনা
 করতে ধরে রাখা জল, তার খেলা, সেই দর্পণে জীবন
 আমায় সে চিনেছিল ? বগো, বলো, কার চোখে চোখ ?

ওই ব্যক্তিগত সাক্ষ্য দিয়ে আমি কবিতাটির বিচার চাইছি না। এ-কবিতাটি বিষয়ে আমি অন্য বইতে আলোচনা করেছি, তাতে এই ঘটনার উল্লেখ করিনি। ব্যক্তিগত ঘটনার উল্লেখে কেনো কবিতাকে দেখতে গেলে তা সংকীর্ণ হয়ে যায়। একটা কবিতা কবির জীবন থেকে বেরিয়ে এল আমাদের জীবনের দিকে। আমরা আবার সেটা ঠেলে ঠেলে পিছিয়ে পিছিয়ে কবির জীবনের মধ্যে ঢুকিয়ে দেব কেন? এইরকম একটা প্রশ্ন একবার তুলে ছিলেন একজন লেখক। আমি সেই ড্রাইভারের প্রথমে উগ্র পরে, ভয়ার্ত চোখ দেখেছি। দূজন মানুষ দুজনের দিকে তাকিয়েছিল। কিন্তু কবিতায় সেটা কীভাবে এসেছে? যেন কবির অপর এক সন্তা। অচেনা সন্তা। ‘তুমি কে’ নামে সুনীল গঙ্গোপাধ্যায়ের উপন্যাস মনে করুন। অথবা একেবারে ভিন্ন পটভূমিকায় লেখা ‘আমিই সে’ উপন্যাস। ওই সামান্য ঘটনাটি কবির মনে একটা অলোড়ন তুলল। সেই আলোড়ন এক চিরপ্রশ্নের দিকে চলে গেল। ‘আমায় সে চিনেছিল? বলো, বলো, কার চোখে চোখ?’ এই কার চোখে চোখ প্রশ্নটি কি ওই ড্রাইভারকে দিয়ে বিচার করতে গেলে মন্ত ভুল হবে না? সে একটি উপলক্ষ্য মাত্র! কবিতাটি এই ঘটনাটিকে ছাড়িয়ে অনেক দূর চলে গিয়েছে। অন্য একটি কবিতায় সুনীল লিখেছিলেন যে আমায় চেনে, আমি তাকেই চিনেছি।

যে আমায়

যে আমায় চেনে আমি তাকেই চিনেছি
যে আমায় ভুলে যান্ত, আমি তার ভুল
গোপন সিদ্ধুকে খুব যত্নে তুলে রাখি
পুকুরের মরা ঝাঁকি হাতে নিয়ে বলি,
মনে আছে, জলের সংসার মনে আছে?
যে আমায় চেনে আমি তাকেই চিনেছি!


যে আমায় বলেছিল, একলা থেক না
আমি তাকে একাকীর অরণ্যে খুঁজেছি
যে আমায় বলেছিল, অত্যাগসহন
আমি তার ত্যাগ নিয়ে বানিয়েছি শ্লোক
যে আমায় বলেছিল, পশুকে মেরো না
আমার পশুত্ব তাকে দিয়েছে পাহারা!
দিন গেছে, দিন যায় যমজ চিঞ্চায়
যে আমায় চেনে আমি তাকেই চিনেছি!

ও শান্তি পাচ্ছে না! আগের কবিতাটির উৎসভূমিতে যে রাগ বা ক্রোধ আছে— সেই ক্রোধ কবিতাটি তার ভূমধ্যে ধরে রেখেছে।

যদি ব্যক্তিগত গল্প দিয়ে কবিতাকে বোঝা আমার উদ্দেশ্য নয়, তবে আমি এই গল্পটি বললাম কেন! কারণ, একজন কবি—কেবল কবিতা লিখতে হবে, কবিতার জন্য নিজেকে প্রস্তুত রাখতে হবে, এই শর্ত যিনি স্বীকার করেছেন নিজের জীবনে—তিনি বেঁচে থাকার নানা তুচ্ছ মুহূর্তের মানবিক দুর্বলতার সময়েও কীভাবে তার মুখোমুখি হন, তাঁর আত্মসচেতনতা কীভাবে তাঁকে নিজের লক্ষ্যের দিকে ফিরিয়ে দিতে পারে ও সার্থক একটি কবিতা লিখিয়ে নিতে পারে—আমি সেইটুকুই বলতে চাইলাম। এইটেই শেখবার। পরে যারা কবিতা লিখতে আসবে, তাদের জানা থাকবে আত্মশাসনের এই কাহিনি। উনি তো পরে আমাকে বলেছিলেন, ওকে ধরে লালবাজারে ঢুকিয়ে দিতে পারতাম, তুষারতো এখনও অফিসে আছে। ভাবলাম রাগ করে কী হবে! তুষার তালুকদার তখন পুলিশ কমিশনার।

সেই রাগ কবিতায় এসে অন্য দিকে চলে গেল। অন্য ক্ষেত্রে দূরের দৃষ্টি নিয়ে সে চলে গেল অন্য কাউকে খুঁজতে। কোন দিকে? ওই দূরের কবিতাটিতে যে আছে: দিন গেছে, দিন যায় যমজ চিন্তায়—সেই যমজ, নিজের অন্য সন্তাকে কখনও কবিতায়, কখনও ইতিহাসের মধ্যে অমণ করা উপন্যাসে, কখনো-কখনো ‘সাঁকো’ বা ‘চূড়ামণি উপাখ্যান’-এর মতো গল্পে সন্ধান করেছিন এই শিল্পী। সারাজীবনের সন্ধান। চূড়ামণি উপাখ্যান-এর চরিত্র যে থেকে থেকে বলে ওঠে ‘সে ওই’ ‘সে ওই’ তা তো যমজ সন্তার সন্ধান। সৈক্ষণ্য? তা হোক না-হোক, আমরা জানি এই লেখকের কাছে সৈক্ষণ্য তো মানুষেরই যমজ সন্তা। হ্যাঁ, ‘আমিই সে’! সেই সন্ধানের জন্য কী ধরনের আত্মপ্রস্তুতির প্রয়োজন সারাক্ষণ, তা আমরা জানতাম না। আমি একদিন জানবার সুযোগ পেয়েছি। তাই পাঠকদের জানিয়ে রাখলাম।

তবে, এই মুহূর্তে তিনি প্রবল প্রতাপাদ্ধিত সাহিত্য-প্রশাসক, শাসক দলের মতামতের পরোক্ষ প্রবক্তা (যা তাঁর সম্পাদিত কাব্যপত্রের ‘সম্পাদকীয়’ থেকে বোঝা যায়) ও তাদের অঘোষিত সাহিত্যনেতা তথা সমাজপতি—সাহিত্যজগতের একটি বৃক্ষপঞ্চবঙ্গ তাঁর নির্দেশ বা সম্মতি ছাড়া বাতাসে কাঁপে না। এই আধিপত্য ও প্রতিপত্তির আড়ালে ঢাকা পড়ে গিয়েছে মানুষটির ভিতরকার সত্যকার কবি-পরিচয়। কেউ আর খোঁজ নিতে চায় না কবিতায় তাঁর বোধ কত তীক্ষ্ণ ছিল, কত সূক্ষ্ম পর্যবেক্ষণ ছিল তাঁর দৃষ্টিতে—তিনি একদিন বলেছিলেন, ‘এ জীবন, সংজ্ঞানে, আত্মত্যাগে নয়, সর্বগ্রাসে, সর্বভূক কবিতার জন্য প্রস্তুত হচ্ছে’। সেই প্রস্তুতি তাঁর সঙ্গে সঙ্গে অনেকদিনই পথ চলেছে। তারই একটি প্রমাণ ফিরে এসেছিল ট্যাঙ্গি ড্রাইভারের ঘটনায়। আমরা তো এইগুলো পড়তে পড়তে শিখেছি। মধ্যে, সভাপতির আসনে এসে, তাঁর ক্রান্ত ধূমে ঢুলে পড়া মূর্তিটি দেখে, আমি কি সেই মূল শিল্পাকে, লেখায় লেখায় অঙ্গুয়ো থাকা তাঁর দেখাটাকে, ভুলে যেতে পারি!



৩২

তসলিমা প্রথম কলকাতায় এসেছে তখন। আজ থেকে বছর কুড়ি আগে তো বটেই। কোথায় ঘুরে ঘুরে কী কী দেখবে সে ব্যাপারে খুব উৎসুক। সুভাষ মুখোপাধ্যায়ের কাছে গিয়েছে। সুভাষদা তসলিমাকে বললেন, চলো, তোমাকে বজবজে নিয়ে যাই। তসলিমা লিখেছে, সে অবাক। বলে, বজবজ? ওখানে কী হচ্ছার আছে? সুভাষদা একটু চূপ করে থেকে বলেছিলেন শুধু একটা শব্দ : মানুষ।

এই মেয়েটি তরঙ্গী তখন, কিন্তু, তখনই সে লিখেছে, ‘শৃঙ্খল ভেঙেছি আমি, পান থেকে খসিয়েছি সংক্ষারের চুন, তাকি঱েছে নিজের সহযাত্রী মেয়েদের দিকে : ‘শরীরের মাংস নিয়ে রাতভর হাট বসে মেরদাম চলে—আমাদের বোন ওরা...।’ নিজে মেয়ে, তাই সব মেয়েকে নিজের বোন ভেঁধেছে, তাদের জায়গায় নিজেকে বসিয়ে কল্পনা করেছে। এই তরঙ্গী, তসলিমা নাসরিন, ধর্ম নারীকে শৃঙ্খলিত করে রাখছে মনে করে একদিন নিজের জীবনও বিপন্ন করতে দ্বিধা করবে না। সে নিশ্চয়ই ‘মানুষ’ শব্দটির অর্থ বুঝেছিল তখন। সুভাষদা, বজবজে ১৯৫২ সালে, চটকল আর তেলকলের শ্রমিকদের মধ্যে কাজ করতে চলে গিয়েছিলেন, পার্টির লোকদের কাছ থেকে যখন এই বিক্রপ উড়ে আসছিল, যে, নিরিবিলিতে কবিতা লিখবে বলে, কলকাতা ছেড়ে বজবজ চলে গিয়েছে সুভাষ মুখুজ্জে।

সেদিন দুটি যুবকের সঙ্গে কথা বলছি, দুজনেই নবীন সাংবাদিক। সুভাষদার একটা কবিতার একটুখানি বললাম কথায় কথায় : ‘রাস্তার, ছোট ছোট গর্তে / জরিয়ে রাখা হয়েছে / আমাদের চোখের জল।’

‘চোখের জল’ কথাটা উচ্চারণ করতেই ওদের মধ্যে একটা শিহরন বয়ে গেল। আওয়াজ করে উঠল ওরা। ঠিক যেন শ্যামকল্যাণের যে রেকর্ডটা আছে রশিদ খানের। তাতে, প্রথমবার আরোহণের কড়ি মা যেই আসে, যেমন একটা ঢেউ লাগে ভেতরে—তেমনি।

লাইনটির মধ্যে কোনো ধরাবাঁধা ছন্দ নেই, খিল নেই, এমনি, যেন কতই

অগোছালোভাবে বলা কয়েকটা কথা মাত্র। একেবারে গানের মতো বেদনা আর মমত্বে মনকে অধিকার করল। রাস্তার ধারে ধারে যারা থাকে, পার্কের পাশে, রোয়াকে বা ফুটপাথের সংসারের যারা—পিচ ভেঙে ভেঙে ছোটো ছোটো গর্ত—যাকে এখন বলে ‘গাড়া’—তার মধ্যে জমে-থাকা জলের সঙ্গে স্পষ্ট হয়ে উঠল এইসব মানুষের জীবনকথাও।

‘আমাদের’ লিখলেন কেন সুভাষদা? আসলে ভাবনাটাই এঁদের এইরকম। মঙ্গলাচরণ চট্টোপাধ্যায় মনে পড়ে :

‘সে আমি সেই আমরা, আমরা কে মন্দ কে ভাল
কেউ মাঠে কেউ ঘরে কেউ বা কলে কারখানায়।’

—মনে পড়ে যায়, সুভাষদার কবিতার বিখ্যাত সেই ছবি :

‘মাথায় চট্টের ফেঁসো জড়ানো সমুদ্র’ অত মানুষ একসঙ্গে হাঁটছে, আর সেই স্পন্দনে দুলছে পুরো জনতাপ্রোত। মঙ্গলাচরণের কবিতাটি প্রথম শুনিকাজী সব্যসাচীর গলায়, ইপি রেকর্ডে। কাজী সব্যসাচী, প্রথম ‘আমরা’-র পরের কুমাৰ তেমন থামলেন না—কবিরা কী বলবেন জানি না, কিন্তু আমার কাছে এটা কীভাবে আসত সেইটা বলি। ‘সে আমি সেই আমরা আমরা’—‘আমরা আমরা’ কথাটা দ্রুতাব এমন দৃশ্যভাবে বলতেন কাজী সব্যসাচী—যেখনে আমার মনে হত একজনের পাশে যেন হইহই করে অনেক মানুষ চলে আসছে। ‘আমরা আমরা’। কাজী সব্যসাচীর সেই গলা যেন এখনও শুনতে পাই। মঙ্গলাচরণের ওই কবিতার দু-একজাইন পরেই ছিল, ‘এক ছেলে হারালে, ছেলে এলাম হাজারজনা।’ ছিল, ‘এক নামে যৈহু ডাকলে, অনেক হলাম যে একজনা! ’

কী সেই নাম?

শুদ্ধিরামের মা আমার কানাইলালের মা
জননী যন্ত্রণা আমার জননী যন্ত্রণা !

সুভাষদার কবিতায়, রাস্তার ছোটো ছোটো গর্তে জমিয়ে রাখা ‘আমাদের চোখের জল’ বলতেই যেমন আমি দেখতে পেলাম, ফুটপাথের সংসার আর একটা চাদর মুড়ি দিয়ে শুয়ে থাকা ভবঘূরেদের, যেমন দেখতে পেলাম ‘হায় পথবাসী’ আর ‘হায় গৃহহারা’দের, কেন-না, খবরবর ওই যে বারিধারা, যারে যাওয়ার পরেই তো রাস্তার ছোটো ছোটো গর্তে জমিয়ে রাখা হল, ওই ‘পথবাসী’ আর ‘গৃহহারা’দের ‘চোখের জল।’ আবার সুমনের গানেও এই পথবাসীদের কথা আছে। আছে তাদেশ সংসার, পাড়ার ছোট্ট পার্ক :

বেঞ্জিগুলোর কাঠ
রোদে পোড়ে জলে ভেজে
সমকাল এসে বসেছে সেখানে আহত প্রেমিক সেজে

লোহার গেটের পাশে
উনোন ধরায় কারা
রেলিং ঘেঁবেই সংসার করে করে ক'জন বাস্তুহারা

একটু দূরেই আছে
কঁচক্যাচে টিপকল
পড়স্ত বেলা বালতিকে বলে : চল রে, জলকে চল !

একেবারে সব-হারানো মানুষের সংসার—তার পাশে, রাস্তার কঁচক্যাচে কলে যেসব
মেয়ে জল নিতে আসে—তাদের কথা। তারা কি কারও বাড়ি কাজ করে ? তারা কি বস্তিতে
থাকে ? এদের রাস্তার কলে জল নিতে কতবার দেখেছি জোঙ্গও ! কিন্তু : ‘চল রে, জলকে
চল !’ এই প্রয়োগ অবিশ্বাস্য। ওই ফুটপাত আর ভাঙ্গা টিউকল ‘যমুনার তীর’ হয়ে গেল।
আর এইটায় আমার মনে পড়ল, আবদুল করিমের মেই বিখ্যাত ‘যম্না কে তীর’। আবদুল
করিমও এসে পৌঁছোলেন আমার মনে ওই অসংসারের দারিদ্র্যের মধ্যে। দারিদ্র্য। কিন্তু
শুধুই দারিদ্র্য নয়। ওই কলে যে-মেয়ের জল নিতে আসে, তারা কি নিজেদের মধ্যে
হাসিলাস্যের বিনিময় করে না ? তাদের বয়সের স্বাভাবিক খুশি-উজ্জ্বলতা ওই রাস্তায়
বসানো ভাঙ্গা টিউকলের পাশেও কি দেখিনি ? ওই দল বেঁধে হাসিতে গড়িয়ে পড়া ?
দিলীপকুমার রায়ের গানে আছে ‘সখা সখি মিলে কৃতুহলে ঘাটে যাওয়া।’ সেখানে আছে
যমুনার জলে স্নান করার কথাও। এই ‘ঘাটে যাওয়া’-য় সুর খাদে নেমে যায় দিলীপকুমার
রায়ের গভীর মন্ত্র গলায়। আর আবদুল করিম যখন ‘যম্না কি তীর’ বলেন—তখন চড়ার
‘সা’-এ গিয়ে ‘তীর’ যেন তীক্ষ্মুখ বাণের মতো বিঁধে যায়। ‘তীর’ সেখানে ‘তির’ হয়ে
গেল। সুমনের এই লেখায়, পড়স্ত বেলা বালতিকে যখন বলল, ‘চল রে জলকে চল’,
তখন এই ‘জলকে চল’-এর প্রয়োগ, কি ‘যম্না কি তীর’-এর মতোই বিঁধল না ? অস্তুত
ব্যাপার, বিকেলের সূর-এর বদলে আমার সকালের সূর মনে এল। কিন্তু বৈরবী তো ‘সদা
সুহাগন’ রাগ। আবদুল করিমের গানে ‘তীর’-এর সা যে তির-এর মতোই বুকে বেঁধে, সে
তার বেদনার জন্য। আর এই যে মেয়েরা বিকেলে টিউকলে জল নিতে এসে এ-ওর গায়ে
হেসে গড়ায়, এরা দরিদ্র-জীবনের বেদনা থেকে চলে আসে কিছুক্ষণের খুশিতে। দারিদ্র্যকে
হারিয়ে দিয়ে খুশিতে ঘেটে যায় ছোটোরাও। সুমনের ওই পাড়ার পার্কের গানেই
যেমন :

বিকেল বেলার রোদে
 বাচ্চার ভিড় বাড়ে
 খেলতে খেলতে পড়ে যাওয়া ছেলে প্যান্টের ধূলো ঝাড়ে
 বাস্তুহারারও খুকি
 মেটায় খেলার সাধ
 ঘাস উঠে যাওয়া ধূসর পার্কে শিশুর সাম্যবাদ

এই যে বাস্তুহারার খুকি, সে কাদের সঙ্গে খেলার সাধ মেটাচ্ছে? পাড়ার অন্য সব বাচ্চার সঙ্গে। তারা নিশ্চয়ই পার্কের আশেপাশের বাড়ি থেকেই খেলতে এসেছে এখানে। অর্থাৎ তাদের মাথার ওপর ছাদ আছে। তারা, যাকে বলে, ‘ভদ্রলোক’-এর ছেলে। তারা ‘পথবাসী’, ‘গৃহহারা’দের সংসার থেকে আসেনি। কিন্তু শিশুরা কি ওসব মনে রাখে? খেলার নেশায় সবাই মিলেমিশে গিয়েছে। বাস্তুহারারও খুকি, থেকে ‘শিশুর সাম্যবাদ’ পর্যন্ত যখন পেঁচোলেন সুমন তাঁর গানে, নিজের ঘরে বসে সিডি শুনতে শুনতে, আমার সেই বাস্তুহারার খুকি-র মাথাটা বুকে জড়িয়ে নিতে ইচ্ছে হয়। মেঝের জল আসে। নতুন চোখে পিছন দিকে তাকিয়ে, আমি আমার মেয়ের লাফবাঁধ করা ছোটোবেলাকে দেখতে পাই। হ্যাঁ, চোখে জল আসেই।

এই যে চোখের জল এটাই সেই ‘আমারের চোখের জল। যা রাস্তার ছোটো ছোটো গতে জমিয়ে রাখা হয়েছে। এইভাবে বেল্লা থেকে খুশিতে, খুশি থেকে বেদনায় যাতায়াত করে কবিতার মন, গানের হৃদয়। এই মধ্যে কে আমি আর কে আমরা।

‘সে আমি সেই আমরা, আমরা কে মন্দ কে ভাল
 কেউ মাঠে কেউ ঘরে কেউ বা কলে কারখানায়।’

কিন্তু মঙ্গলাচরণ চট্টোপাধ্যায় যাদের মাঠে-ঘরে-কলে-কারখানায় দেখেছিলেন, বীরেন্দ্র চট্টোপাধ্যায় তাদের আবিষ্কার করলেন অন্যত্র। ১৯৬৭ সালের পশ্চিমবঙ্গ যখন নকশাল আন্দোলনের জন্য ফুঁসে উঠতে শুরু করেছে, বীরেন্দ্র চট্টোপাধ্যায় তাদের দেখতে পেলেন জেলখানায়।

জেলখানার কবিতা

একজন কিশোর ছিল একেবারে একা
 আরও একজন এন্মে এন্দু তিন তার
 দুয়ো মিলে একদিন গেল নামাগাবে
 গিয়ে দাখে শান্তি তে কথেক তামার

মাঠ-খেত-কলকারখানা থেকে দলে দলে এসে সেই ঝুপান্তরিত ‘আমরা’ তখন ‘ছাত্রদল’—ঝাঁকে ঝাঁকে জেল যারা ভরে দিচ্ছে। কত ছেলে হারিয়েও গেল, কিন্তু মঙ্গলাচরণ যে লিখেছিলেন ‘এক ছেলে হারালে, ছেলে এলাম হাজারজনা।’ সন্তুর দশকের শেষে, ‘জলপাই কাঠের এশাজ’-এর নবীন কবি মৃদুল দাশগুপ্ত তাঁর ‘এল পার্টিডো কমিউনিস্ট’ কবিতায় জানালেন : ‘একটি মশাল ঘূরতে ঘূরতে জ্বালিয়ে দিচ্ছে সহস্রকে / তৈরি আসে রঞ্জনোগের, পলাশ শিমুল আর অশোকের।’ সেই বইতেই রইল কোনো শহিদের মায়ের প্রতি নিবেদিত এই কবিতা :

আছি বাতাসের মতো, ও আমার মিষ্টি মাঘণি
আছি তোমার দু'চোখে আজও, কঠিন, শীতল
মানো না যে মরে গেছি, বোকা মেয়ে, এখনও মানোনি
শুধু বসে থাকো, ভাবো : এল বুঝি পলাশের দল...

‘ক্ষুদ্রিমের মা আমার কানাইলালের মা’ ফিরে আসছেন ফের সেই সন্তুর দশকের কবিতায়। মৃদুল যে লিখেছেন ‘আছি তোমার দু'চোখে আজও কঠিন, শীতল’—সেই কঠিন, শীতল যে কেমন, তা বলল শুধু ঘোষের কবিতা, ১৯৪৮ সালে—যে কবিতার নাম, ‘নিহত ছেলের মা’ :

আকাশ ভরে যায় ভস্মে
দেবতাদের অভিমান এইকম
আর আমাদের বুক দ্বিকে চরাচরব্যাপী কালো হাওয়ার

উথান

এছাড়া

আর কোনও শাস্তি নেই কোনও অশাস্তি না

ছেলের জন্য মায়ের শোক, এইখানে মেঘবর্ণে সমস্ত প্রকৃতির মধ্যে ছড়িয়ে গেল। সাড়ে চার লাইনের এই কবিতাটির ভেতর একটি লাইন সবচেয়ে লম্বা। কারণ ওই লাইনটি বলছে নিহতের আত্মীয়-মানুষ শুধু তার মা নন, সমস্ত দেশ, তাই, ‘আমাদের’ আর কালো হাওয়া উঠে দাঁড়াচ্ছে সমস্ত চরাচরে। কালো ধোঁয়া যেন ছড়িয়ে পড়ছে দূরদূরাত্মে। ‘চরাচর’ শব্দটির মধ্যে যে বিস্তৃতি আছে, সেই বিস্তৃতির-র টানে ছোটো ওই কবিতার একটি লাইন অত দীর্ঘতা পেয়েছে যেন। এ-ও সেই জননীয়স্ত্রণার-ই কথা। কিন্তু সেই জননী-য়স্ত্রণাকে কোনো খণ্ডকবিতার সীমা পার হয়ে, আমরা মৃত্তি পেতে দেখলাম ‘হাজার চুরাশির মা’-এর মধ্যে। মহাশ্঵েতা দেবীর এই যুগোন্তর্ণ উপন্যাস ১৯৭৩ সালেই ছাপা হয়ে বেরিয়েছিল।

স্মৃতি যখন লেখায় লেখায় ভরে করে পিছনের দিকে ছোটে, কেমন যেন মনে হয়,

সকলে দ্বিলে, একটাই লেখা লিখে চলেছেন যুগ যুগ ধরে। একজন লেখকের সঙ্গে অন্য লেখকের দেখা না হতেও পারে। একজনের মৃত্যুর পরও অন্যজন জন্মাতে পারেন—তবু একটাই দীর্ঘ লেখা রচিত হয়ে চলেছে যেন সকলের হাতে হাতে, এমন মনে হয়। সুভাষদা যে তসলিমার ‘ওখানে কী দেখব’ এই প্রশ্নের উত্তরে শুধু ‘মানুষ’ শব্দটি বলে চুপ করে গেলেন—এই বিবরণ তসলিমার লেখায় পড়ে, আমার মনে ভেসে উঠল বিশ্ব দে-র একটি কবিতার সমাপ্তি-শব্দ। সুদীর্ঘ সেই কবিতার নাম ‘অঞ্চিষ্ট’। বইতে বাইশ পৃষ্ঠা ধরে ছাপা সেই কবিতায় নানা ধরনের কার্যকাজ আছে। সব পার হয়ে, কবিতাটি কীভাবে সম্পূর্ণ হয়?

অন্তিমের ত্বরিত পাথরে

- খোদাই আমারও সেই ভবিষ্যৎ, মৃত্যুকে যে হৃদয়ের মৃত্যুকে যে রোখে!
তোমাকে তাই তো চাই, খুঁজি চলো পাহাড়,
মানুষ।

তাহলে, অত বড়ো কবিতাটি উঠে গিয়েছে একটি শব্দের ভিত্তিপাথের পারেখে? কবিতা জুড়ে অত কলাকৌশল, বিভিন্ন প্রযোগ, মুভমেন্ট-ব্যবহার দীর্ঘকবিতা রচনার ক্ষেত্রে পরবর্তী অনেক শিক্ষানবিশ-এর আক্ষরিক ওই লেখা—দাঁড়িয়ে আছে তাহলে একটাই ইটের ওপর। মানুষ। এর ওপরে পুরো অট্টালিকা তৈরি হল। ‘খুঁজি চলো পাহাড়, মানুষ’—স্বাভাবিক এই অক্ষরবৃত্তের পূর্ণতা থেকে ‘মানুষ’ শব্দটা সরানো হল আলাদা করে, তার ওপর গুরুত্ব দিতে, তার ভিত্তি-অবস্থান নিশ্চিত করতে। কবিতাটির বিষয়ের দিকে তাকালেও সে কথাই প্রমাণ হয়।

সত্ত্বের দশকের এক কবি অলোকনাথ মুখোপাধ্যায় তাঁর কবিতার বইয়ের নাম রেখেছিলেন, ‘এসো, মিলেমিশে থাকি’। কিন্তু মানুষ তো মিলেমিশে থাকে না, থাকেনি কোনোদিনই। কবিতা মানুষকে বারবার সাবধান করে দিয়েছে, মানুষ শোনেনি। কারণ, কবিতা অনেক সময় ভবিষ্যৎ দেখতে পায়। কবিতা বলছে আজকের কথা, কিন্তু, কখনো-কখনো তা পরেও সত্য হয়ে ওঠে। ’৫১ সালে, পুলিশের গুলিতে নিহত কিশোরীকে নিয়ে, ‘যমুনাবতী’ নামে যে-কবিতা লিখেছিলেন শুধু ঘোষ, তাতে এই লাইন ছিল, ‘চলল, মেয়ে রণে চলল।’ তার ৫৬ বছর পর ২০০৭ সালে, নদীগ্রামে কৃষক-মেয়েরা যখন বেরিয়ে এলেন আন্দোলনের সামনের সারিতে, নিহত ও ধর্ষিতা হলেন, তখনও এই ‘চলল, মেয়ে রণে চলল’ সত্য হয়ে উঠল। ‘যমুনাবতী’-র অন্য দুটি লাইন :

হায় তোকে ভাত দিই কী করে যে ভাত দিই হায়

হায় তোকে ভাত দেন কী দিয়ে যে ভাত দেব হায়

দুনিয়ার পাঠক এক হও! ~ www.amarboi.com ~

এই লাইন দুটিও জননী-যন্ত্রণার কথা বলে। সঙ্গে সঙ্গে মা কী দিয়ে, এবং কী করে অন্ন দেবেন সন্তানের মুখে—এই দুশ্চিন্তা ও অসহায়তা আজ তাদের পক্ষেও প্রযোজ্য হয়ে দাঁড়ায় যাদের জমি নিয়ে নেওয়া হবে বলা হয়েছে। কারণ ওই জমিই তাদের অন্ন দেয়। তাই তারা সবাই প্রতিরোধে নেমে আসে। মেয়েরাও। মায়েরাও। চলল, মেঘে রঞ্জে চলল।

আর তারপর কবিতাটির শেষে আসে, ‘নিভন্ত এই চুল্লিতে বোন আগুন ফলেছে।’

আগুন যখন ফলে উঠল তখন সত্যি হল আর একটি কবিতা। আজকের ‘আমরা-ওরা’ বিভাজনের যে অবস্থা, তার বর্ণনা এ কবিতা দিয়ে গিয়েছে সেই ’৭১ সালেই।

অস্তুত সময়

এ এক ভাবি অস্তুত সময়।

পুরোনো ভিতগুলো যখন বালির মত ভাঙছে
আমরা ভাইবন্ধুরা
ঠিক তখনই
ভেঙে টুকরো টুকরো হচ্ছি।

কে তার আস্তিনের তলায় কার জন্মে
কোন্ হিংস্তা লুকিয়ে রেখেছে
আমরা জানি না।
কাঁধে হাত রাখতেও দেখেন আমাদের ভয়।

অন্ধকারে চেরা জিভগুলো যখন হিস্ হিস্ শব্দ করে
তখন মনে হয়
অদৃশ্য করাত দিয়ে কেউ আমাদের খুব মিহি করে কাটছে।

যখন

একসঙ্গে হাত মুঠো ক'রে দাঁড়াতে পারলেই
আমরা সব কিছু পাই—,

তখন

বিভেদের এক টুকরো মাংস মুখে ধরিয়ে দিয়ে
চোরের দল
আমাদের সর্বস্ব নিয়ে চলে যাচ্ছে।।

সুভাষ মুখোপাধ্যায়

নন্দীগ্রামের চুল্লিতে আগুন জুলে উঠবার পরপরই দু'দিকে ভাগ হয়ে গেল
আত্মীয়-মানুষ। তার ভবিষ্যৎবাণী যেন এ কবিতায়। এটা ঠিক যে, বিভেদের এক টুকরো
মাংস মুখে ধরিয়ে দিয়ে চোরের দল আমাদের সর্বস্ব নিয়ে যাচ্ছে। এখানে আবার ‘আমাদের’
কথাটা লক্ষণীয়। চোরের দল ‘আমার’ সর্বস্ব নিয়ে যাচ্ছে তা কিন্তু নয়। ‘আমাদের’। তার
মধ্যে কিন্তু ‘আমারও’ সর্বস্ব নিয়ে যাচ্ছে এই অর্থটাও রইল।

কিন্তু কে চোর? চোরের দল কারা? শক্তি চট্টোপাধ্যায় তার একেবারে অন্য প্রসঙ্গের
এক কবিতায়, লিখেছিলেন—‘তুমি চোর, আমি চোর।’

হ্যাঁ তুমি চোর। আমি চোর। অপরাধ থেকেও আমি নিজেকে আলাদা করে শুন্দ বলতে
পারি না। সকলের পাপ বা অন্যায়ে আমার ভাগ আছে। তাহলে আমি কী করতে পারি?
এই বিভেদের এক টুকরো মাংস মুখে তুলতে না পারি। বলতে পারি, সুভাষ মুখোপাধ্যায়ের
কবিতা যেমন বলেছে :

হাত বাড়িয়ে রেখেছি

তোমার ঘৃণার দিকে

আমি ফিরিয়ে রেখেছি

আমার ভালবাসার পুরুষ

যেখানে গতি বলতে শুধুই ঘুরপটুয়া

এগোনো মানেই দেয়ালে মাথার স্তুকে যাওয়া

সংগ্রামের আরেক নাম যেখানে নিজেকে ভাঙা

তুমি সেই অঙ্গগলিতে দোড়য়ে

বিপন্ন চোখের আগুনে চাইছ

আমাকে ভস্ম করে দিতে

আর আমি

তোমার অভিশাপগুলো সুফে নিয়ে

ছুঁড়ে ছুঁড়ে দিছি আমার শুভেচ্ছা

ভোরের আজানের মত

আমি গলা তুলে জানান দিচ্ছি

খোলা রাস্তার কোন্ মুখে

আমি তোমারই জন্যে দাঁড়িয়ে

হাত বাড়িয়ে রেখেছি--

অনাদিকে মুগ ফিরিয়েও

তুমি আমার হাত যাতে ধরতে পারো॥

আশ্চর্য কথা এই, যে, ‘ছেলে গেছে বনে’ বইতে ‘অস্তুত সময়’ নামক কবিতার ঠিক পাশের পৃষ্ঠায় আছে, এই ‘হাত বাড়িয়ে রেখেছি’। অর্থাৎ বেদনা ও খুশির মতো, বিচ্ছেদ-ভাঙ্গন, আর পুনর্গঠন সবসময় নিজেদের মধ্যে মতবিনিময়, এমনকি, মনবিনিময় করতে করতে চলেছে এই সংসারে। তাইতো, তোমার ঘৃণার দিকে আমি রাখতে পারি আমার ভালোবাসার মুখ। যাতে, অন্যদিকে মুখ ফিরিয়েও তুমি আমার হাত ধরতে পারো। কারণ, ওই যে, দেখছ না, রাস্তার ছোটো ছোটো গর্তে, জমানো রয়েছে, ‘আমাদের’ চোখের জল! ওদের চোখের জল নয়। ওদের চোখের জল বলে কিছু নেই। সবই ‘আমাদের’ চোখের জল। দ্যাখোনি কি :

গাছতলাতেই ক্যানেস্তারা
প্যাকিং বাক্স কয়েকখানা
পথের গেরস্থালির ওপর
গাছ হয়েছে শামিয়ানা


সুমনের এই গানে এক স্তবক পরেই কি শেনাজি :

গাছতলাতে মানুষ থাকে
গাছের ডালে কাকের বাসা
আমায় নিয়ে সবাই বাঁচুক
এটাই হল গাছের আশা

আর শক্তি লিখেছিলেন, ‘বনের ভিতরে তিনি গাছ হয়ে দাঁড়িয়ে প্রত্যহ’। এই তিনি কে? সুশ্রেণী! হতেও পারেন।

সুমনের গানে মানুষ আর কাকচড়ুই, পাখপাখালি আর গাছপালা একত্রে বাঁচে, এই বড়ো পৃথিবীটা তো কেবল মানুষকে নিয়েই নয়। সেটা বুঝে যেমন গাছ বলল আমায় নিয়ে সবাই বাঁচুক—তেমনই আমি আর তিনি, তুমি আর আমি, কাক আর চড়ুই, গৃহস্থ, পথবাসী আর পথচারী, বাস্তুহারার খুকি আর ইস্কুলে-যাওয়া জুতোমোজা-পরা খোকা, আর গড়িয়াহাটার মোড়, আর মিনি মিনি বাস বাস, আর বাসের টার্মিনাসে মনমরা সারিসারি মুখ চোখ নাক হাত, আর রোগারোগা চেহারার কণ্ঠাষ্ট্রে সব ‘আমাদের’ জন্যে, সব ‘আমাদের’ জন্যে!

এই ‘আমাদের’ নিয়েই তো চলেছে সংসার।



৩৩

সেদিন একটি মেয়ে এসএমএস করেছে : ‘গোসাইবাগান’-এ আপনার না-লেখা কবিতার সঙ্গে আপনার দেখা হয়ে যেতে পারে না?’ আমি আবাক ! এই চিন্তাটাই একটা অন্যরকম অনুভূতি এনে দেয়। ‘গোসাইবাগান’-কে যদি ধরে নেও সত্যই একটা বড়ো বাগান, কত গাছপালা, এক-একটা গাছ পেরিয়ে যাচ্ছি, হ্যাঁ—জ্যো একটি গাছের আড়াল থেকে সামনে এসে দাঁড়াল না-লেখা কবিতা ! তবে ? এমনক্ষেত্রে তাও হয়, যা মনকে কোনো অজানা সুন্দরে নিয়ে যেতে পারে। মুখে যা বুঝিয়ে বলা যায় না, তেমন কোনো অনিবচ্চন্নীয়ের কাছে নিয়ে যায়। মেয়েটির বলা এ-কথাটি তেমনই। মেয়েটি কবি নয়। চাকরি করে। বয়স ২৮। আমার মনোভাব গোপন করে আমি তাকে লিখলাম, ‘যে-কবিতা লেখা হয়নি তার সঙ্গে আবার দেখা হবে কী করে !’ এর উন্তরে সে যা জানাল, পুরোটাই তুলে দিছি : আমি বলতে চেয়েছিলাম, যে-কবিতা মনে-মনে একটু লিখে abort করে দিয়েছেন, যে-কবিতা তার পূর্ণ শরীর পাওয়ার আগেই থেমে গিয়েছে, যার জন্ম হওয়ার আগে চার মাস বয়সেই মেরে ফেলা হয়েছে—সেই ইচ্ছে-শব্দের আপনি দেখতে পেলেন গোসাইবাগানে...খেলা করছে...এমন যদি হয় ?

বাংলা কবিতার ভাঁড়ার কি ফুরিয়ে গিয়েছে, যে আমি, কবি নয়, এমন কারও এসএমএস উদ্ভৃত করে বলতে শুরু করলাম গোসাইবাগান-এ ! আমি যতদিন বাঁচব, বিশ্বাস করি, বাংলা কবিতার ভাঁড়ার ফুরোবে না। আজও তা অফুরন্ত। আসলে এখানে বিশেষভাবে বলতে চাইছি মনটার কথা। এই মেয়েটির মন যা ভাবছে, যা প্রকাশ করছে, এবং সেই ভাবনা আমার মনকে যেখানে নিয়ে যাচ্ছে, অনেক দক্ষ নিয়মবদ্ধ সুলিখিত কবিতায় সেটা হয় না। কোথায় নিয়ে যাচ্ছে ? হারানো কবিতার দেশে। সকল কবিতা-লেখকেরই এমন লেখার অভিজ্ঞতা আছে, যে-সব খেখা জাঞ্চাতে চেয়েছে, কিন্তু লেখকের মনোমতো হয়নি বলে তাদের তাগ করা হয়েছে মানবদেশে। আমিই কি তা করিনি কতবার !

এই মেয়েটির ছোট ফোন-চিরকুটের মধ্যে অ্যাবট শব্দটা আছে। চার মাস বয়সেই মেরে ফেলা হয়েছে, এই উপমা আছে। অর্থাৎ যে মা জেনেশনেই তার গভৰ্ণ আসা বাচ্চাকে নষ্ট করল, বা করতে বাধ্য হল, তারই কথা। সাধারণ একটি মেয়ে, কবি নয়, কিন্তু বলা কথাটি চলে যায় করিতারই দেশে। যা সে বলতে চেয়েছে, তার অন্তঃসার কবিতা। তার মর্মবন্ধু কবিতা। যদিও সে কবিতা লিখতে চায়নি। কিন্তু কীভাবে তার সামান্য এসএমএস থেকে কবিতার স্পর্শ এল? কারণ সে কবিতা-লেখক নয়। তাই তার মন স্থানীন।

এ কথাটা আমার বারবারই মনে হয়, লিখেওছি যে, মনের কথা বলবে বলেই একজন মানুষ লিখতে আসে। যে-কথাটা অন্য কোনোভাবে সে বলে উঠতে পারছে না, এমনকি, পুরো কথাটা সে নিজেও জানে না, কেমন একটা অস্থিরতা তার মধ্যে কাজ করছে, তারপর লিখতে-লিখতে একসময় সে কথাটা খুঁজে পেল। কবিতার লেখার সময় এমন তো হয়ই। এই মেয়েটি, কবিতা না লিখলেও, মনের কথাটা এমন করে বলে দিয়েছে যে, তার অজান্তেই সেই বলাটার মধ্যে কাব্যধর্ম এসে গিয়েছে। কেন না তার মন একরকম কবিতার জলবায়ুতেই বাঁচে।

আর একজন, গোস্বামীবাগান পড়ে, থাকে বর্ধমানের আগ্রাম, কী করে পত্রিকা পায়, কে জানে। সে মাঝে-মাঝেই তার প্রামের নানা বর্ণনা মেসেজ-এ লিখে আমাকে পাঠায়। একটি, দুটি বা তিনটিও পাঠায় পরপর। আমার ন্ডুর দেওয়া হয় না। এবার সে লিখেছে : গত বুধবার আপনাকে কয়েকটি সূর্যাস্ত পাঠিয়েছি, পেয়েছিলেন তো!

একজন মানুষ, আরেকজন মানুষকে সূর্যাস্ত পাঠাচ্ছে? আমি একটা জায়গায় কয়েকজনের সঙ্গে ছিলাম তখন। 'হ্যাঁ, হ্যাঁ পেয়েছি' এটুকু পাঠালাম। কিন্তু, মনে কী কী হল তা বলা গেল না। পরে যখন বাড়ি ফিরছি, ভাবলাম, আমি কি খামে ভরে বা এসএমএস-চিরকুটে কথনও কাউকে সূর্যাস্ত পাঠিয়েছি? কয়েকটি সূর্যাস্ত? তাকে ফোন করলে সে জানায়, আমাদের প্রামে এসে কয়েকদিন থেকে যাওয়া তো আপনাদের পক্ষে সন্তুষ্ণ নয়, তাই আমাদের প্রামের সূর্যাস্ত পাঠিয়েছি। পরে উষাকালও পাঠাব। আমি জিজ্ঞেস করি, 'আপনি খুব ভোরে ওঠেন বুঝি?' সে জানায়, হ্যাঁ, উষাকালে উঠি। আপনাকে পাঠাব উষাকাল। ভোরের বর্ণনাও এরপর সে পাঠিয়েছে আমাকে। মানে উষাকাল। পাঠককে আমি বিশ্বাস করতে অনুরোধ করি, সহজ মৌখিক ভাষায় বলা এইসব কথা আর এসএমএস আমাকে জানায়, কবিতা, শুধু কাব্যের বিভিন্ন পদ্ধতি অনুসরণ করে লেখা রচনাতেই সীমায়িত থাকে না। কবিতা থাকে মানুষের মনে। তার হঠাৎ বলে ফেলা কথায়। তার দ্রুত লিখিত চিরকুটের ভাষায় সে-কবিতা প্রকাশ পেয়ে যায়। যে কবিতা লেখে না, সেই মানুষের মনও কাজ করতে পারে কবিরই মতন। কী পাঠাচ্ছে? না, সূর্যাস্ত। কী উপহার দেবে? উষাকাল। অজাত-কবিতাকে কোথায় খেলা করতে দেখছে?—কোনো এক জঙ্গল-বাগানের গাছগাছালির মধ্যে! এবং এটা এল দ্রুত লিখিত এসএমএস-এ! সুরিয়ালিস্ট ছবি বা ফিল্মের মতো এক রহস্যজগৎ ওই গাছপালার নীচে!

এরা কিন্তু জানে না, এরা অসাধারণ কিছু বলছে। এবং এদের সেটা জানাতেও নেই।
কেন না, তারা কৃষ্ণিত ও সংকুচিত হয়ে পড়বে। স্বাধীনভাবে এই যা-যা মনে আসছে সেই
বলাটায় আগল পড়বে। আর স্বাধীন থাকবে না।

বারবার ‘স্বাধীন’ কথাটা এসে পড়ছে। কেন আসছে, সেটা বলার আগে বলি, এই যে
দুজনের কথা বললাম, এদের একজন তো বর্ধমান থেকে অনেকটা যেতে হয় এমন গ্রামে
বাস করে। অন্যজনেরও বাড়ি কলকাতার বাইরে মফস্বলে। যদিও ডেলি প্যাসেঞ্জার করে
কলকাতায় চাকরি করে মেঝেটি। এরা প্রত্যক্ষ সাহিত্যসমাজ থেকে দূরে। মনোমতো লেখা
খুঁজে পড়ে শুধু। সে পড়াটা স্বাধীন পড়া। ওদের এক্সপ্রেশনটাও স্বাধীন। ধরা যাক,
‘৭০-’৭১-’৭২ সালে, আমি অনেকটা ওইরকম ছিলাম। সেই সময়টায় বীরেন্দ্র চট্টোপাধ্যায়
যখন লিখলেন :

মুণ্ডহীন ধড়গুলি আহুদে চিংকার করে : ‘রঁসিলা ! রঙিলা ! কী খেলা খেলিস তুই !’
যন্ত্রণায় বসুমতী ধনুকের মতো বেঁকে যায়—

বাজারে মহান নেতা ফেরি করে কার্ল মার্কস, লেনিন, স্ট্যালিন, গান্ধি

এক এক পয়সায়...

অথবা সুভাষ মুখোপাধ্যায় লিখছেন ‘ছেলে ঘোছ বনে’ কবিতায় :

আমি তবু রঞ্জকর, হাতে বাজে বণবাদ্য দ্রিমিকি দ্রিমিকি
কাছে এসো রঞ্জকর, দূর বাজে বাঞ্চীকি

এবং সুনীল গঙ্গোপাধ্যায় লিখছেন :

গাড়ি বারান্দায় নীচে আমরণ অনশনে বসে আছে
তিনজন শ্রমিক...
আজ তেরো দিন ওদের দেখছি...

লিখছেন...

আমি রাজনীতি-ফিতি বুঝি না। আমি সইতে পারছি না ওই
তিনজন মানুষের নিঃশব্দ বসে থাকা
তেলপাড় করছে আমার বুক, আমি বলতে চাই
সামাজিক।
মানুষ আর গাধ মুঠো মেনে নেনে না।
গাড়িতে ফিণে ভাবেন খালাব সামনে আমার গা
গুলিয়ে দেখো

অথবা শক্তি চট্টোপাধ্যায় লিখছেন : শিশুকেও মাতৃক্রোড়ে হত্যা করে বাধ্য রাজনীতি।

তখন, সেই '৭১-'৭২-এ আমার ১৭-১৮ বছরের মন তোলপাড় করে উঠেছিল এইসব কবিতার আঘাতে। আমি খবর-কাগজে যা দেখছি, রেডিয়োতে যা শুনছি, যা শুনছি আঘীয় স্বজন অভিভাবকদের মুখে, যা দেখছি নিজের ছোটো টাউনেও—সে কথাই তো আছে ওইসব কবিতায়—কিছুদিন আগেই ভোররাত থেকে পিঠে ছুরি-গাঁথা অবস্থায় পড়ে থাকা এক সাব-ইল্পপেষ্টেরের লাশ দেখতে সকাল আটটায় ভিড় করেছিল যারা আমাদের শহরে, তাদের মধ্যে আমিও তো ছিলাম। 'যত হত্যা তত জয়' বীরেন্দ্র চট্টোপাধ্যায়ের কবিতার এই বাক্যবন্ধ তখন বুকে বিধিষ্ঠিত। সুভাষ মুখোপাধ্যায়ের যে তাঁর 'ফেরাই' কবিতায় লিখছেন :

বলেছিল কবর দিতে
যারা খুড়েছিল
সেই কবরেই পিছন থেকে তাদের ঠেলে দেওয়া হল
...
শহীদের স্মৃতি রাখতে শহীদ হওয়া
খুনের বদলে খুন
এই বৃষ্টি কিছুতেই ছাড়ানো যাচ্ছে

সুভাষের কবিতার এই 'খুন' সম্পর্কে কিছু শব্দাত্মক যেন অবিশ্বরণীয় রূপ পেল 'পলাতক ও অনুসরণকারী' নামক গল্পে। যেখানে এইমাত্র খুন করে আসা এক ঘাতককে অনুসরণ করতে শুরু করল তাকে হত্যাকাণ্ড নিযুক্ত আর এক ঘাতক। এবং এই প্রক্রিয়াটি চলতে থাকল। গল্পটি প্রকাশিত হল 'এক্ষণ' পত্রিকায়, লেখক সুনীল গঙ্গোপাধ্যায়। তখনও কিন্তু আমি জানি না, বীরেন্দ্র চট্টোপাধ্যায় 'দেশ' পত্রিকা বা কোনো প্রাতিষ্ঠানিক কাগজে লেখেন না। সুভাষ মুখোপাধ্যায় লেখেন। এবং সুনীল গঙ্গোপাধ্যায় আনন্দবাজারে কর্মরত। শারদীয় দেশ ও আনন্দবাজারে সুভাষ মুখোপাধ্যায়ের কবিতা পড়েছি 'ফেরাই' ও 'ছেলে গেছে বনে'। 'দেশ' পত্রিকা তো বটেই, 'আমার স্বপ্ন' বইতেও পড়েছি সুনীল গঙ্গোপাধ্যায়ের কবিতা। অন্যদিকে বীরেন্দ্র চট্টোপাধ্যায়ের কবিতা পাওয়া যায় সরু সরু পুস্তিকায়। 'এক্ষণ' নামক লিট্ল ম্যাগাজিনে পড়েছি গল্পটি। বীরেন্দ্র চট্টোপাধ্যায়ের ওই সব পুস্তিকা বা এক্ষণ নামের কাগজ কী করে পেলাম, সেই সময়ে? রানাঘাটে বসে?

ক্রিকেট খেলা ভালোবাসি তাই একটি ক্লাবে চুকেছিলাম স্কুলে পড়ার সময়ই। স্বাস্থ্যের কারণে খেলাটায় চুকতে পারিনি। মাঠের বাইরে আসা বল কুড়িয়ে দিতাম। সেই ক্লাবের যিনি ট্রেনার ছিলেন, ক্রিকেট ট্রেনার, তাঁর নাম ভৃগুদা। ছেলেপুলের মুখে-মুখে সেই নাম দাঁড়িয়েছিল ভিখুদা হিসেবে। এর বাড়িতে অনেক ইংরেজি-বাংলা ক্রিকেটের বই। পত্রিকা। খেলতে পারি না, তাই বই পড়ে-পড়ে সেই সাধ মেটাতাম। এই ভৃগুদা বা ভিখুদার কাছ

থেকে এমন অনেক জিনিস তখন পেয়েছি, সেই মুহূর্তে বুঝিনি। যা আমার পরবর্তী ভবিষ্যৎ নির্ধারণ করে দেবে।

এই ভৃগুদার চরিত্র ছিল আমার দেখা অন্যদের থেকে পৃথক। কোন ক্লাবে কে ক্লিয়ারেন্স নিছে, তাই নিয়ে নানা গুজবের ভেসে-ওঠা, ডুবে-যাওয়া নিয়ে তিনি মাথা ঘামাতেন না। বদলে, ক্লাবের ছেলেদের দিয়ে প্রদর্শনী করাতেন। থিয়েটার করাতেন। প্রদর্শনীর মধ্যে চির প্রদর্শনী হত একটা স্কুলবাড়ির দুটো ঘর নিয়ে। আর দুটো ঘরে হত লিট্ল ম্যাগাজিনের প্রদর্শনী।

হাঁ লিট্ল ম্যাগাজিন। এই নতুন শব্দটা প্রথম ভৃগুদার মুখে শুনি। প্রথম দেখতেও পাই ভৃগুদারই হাতে। একটি কাগজের কথা মনে আছে, ‘পত্রাণু’। আক্ষরিক অথেই লিট্ল। ছোটো, পোস্টকার্ডের চেয়ে একটু বেশি বা কম সে আড়ে-বহুরে। সে কাগজ সম্পাদনা করতেন প্রয়াত অমিয় চট্টোপাধ্যায়। সুন্দর আবৃত্তি করতেন। পেশায় বেতার-ঘোষক।

অমিয়দার সঙ্গে তার কুড়ি-বাইশ বছর পর আলাপ হয়। কিন্তু ভৃগুদার মাধ্যমে এগুলো জানতে পারি সেই সদ্য কৈশোরেই। ভৃগুদা চাইতেন, এই ক্লাব ওই ক্লাবের কূটকচাল না-করে ছেলেপুলে লিট্ল ম্যাগাজিন পড়ুক। অন্তত পরিষ্কৃত হোক তার সঙ্গে। থিয়েটার দেখুক। ছবি দেখুক। রানাঘাটের প্রথম ফিল্ম ক্লাবও উভা এবং অংশমান নামে এক যুবক শুরু করেছিলেন। প্রদর্শনীতে পাহারা দেওয়ার জন্য দাঁড়িয়ে থাকতে হত আমাদের। কেউ যেন ওইসব ম্যাগাজিন বা বইপত্র নিয়ে না-গুরুর। লোকের ভাবি দায় পড়েছে ওই সব চুরি করতে! তবু আমি আর হিমাংশু পাহারা দিতাম। টেবিলে পেতে রাখা ম্যাগাজিন চটি-চটি বই। দাঁড়িয়ে দাঁড়িয়ে পড়তাম। তখন জানি না, কলেজ স্ট্রিটে ‘পাতিরাম’ নামে স্টেল আছে, যেখানে, দাঁড়িয়ে দাঁড়িয়েই লোকে বই পত্রিকা পড়ে। এবং লিট্ল ম্যাগাজিনই পড়ে। জানতাম না, আর পাঁচ থেকে দশ বছরের মধ্যে আমিও লায়েক হয়ে গিয়ে গভীরভাবে পত্রিকা ওলটাব সেই স্টেলেই। তারপর বইমেলার লিট্ল ম্যাগাজিন স্টেলেও একদিন দেখতে পাব এই দৃশ্যই। এইসব কিছুর পূর্বাভাস যেন ভৃগুদার উদ্যোগের মধ্যে ছিল। অতদিন আগেই। কারণ কলকাতা শহরে বইমেলা শুরু হয় তারও কয়েক বছর পর। ভৃগুদা তখন ওই লিট্ল ম্যাগাজিনের প্রদর্শনী বছর-বছর না করলে, আমি লেখার জগতের দিকে আগ্রহী হতাম না হয়তো। গোপনে কবিতা লেখা তখনই শুরু। প্রদর্শনী বছর-বছর না করলে, আমি লেখার জগতের দিকে আগ্রহী হতাম না হয়তো। প্রদর্শনী শেষ হওয়ার পর, দড়ি বেঁধে পত্রিকাগুলো ভৃগুদার বাড়ি রেখে আসতাম। কত পত্রিকা। নামই শুনিনি। কবিতা (যা তখন বন্ধ হয়ে গেছে, ভৃগুদাই বলেছিলেন), কৃতিবাস, কবিপত্র, গল্পকবিতা, ক্ষুধার্ত, আর্তনাদ, নিষাদ, শব্দ—অজ্ঞ কাগজ। তারই মধ্যে ছিল, ছোট-ছোট কবিতা বা গল্পের পুস্তিকা। মিনিবুক। ভৃগুদা সেগুলো পড়তে দিতেন আমাকে, আমার আগ্রহ দেখে। নাতন একটা ঝগৎ তখন খুলে গিয়েছে আমার সামনে। সেই জগতের মধ্যেই পাচ্ছি ‘এক্ষণ’ প্রতিকা। সেই জগতের মধ্যে দিয়েই এসে পড়ছে বীরেন্দ্র চট্টোপাধ্যায়ের ছোটো-ছোটো কবিতা-পূর্ণকাণ্ডে।

শব্দের যে সংকেত করার ক্ষমতা সে-সম্পর্কে আবছা-আবছা ধারণা জন্মাচ্ছে, আর যে কবিতা সাংকেতিক নয়, সোজা এসে বুকে ধাক্কা মারছে, সেই লেখার দিকে টান তখন বেশি। শঙ্খ ঘোষের ‘রঞ্জির সমগ্রতা’ প্রবন্ধ, ‘অলিন্দ’ পত্রিকায় বেরবে তারও বছর তিনেক বাদে, ’৭৪-এ, আর আমি পড়ে ব’৭৬-এ। সংকেতশক্তি সম্পূর্ণ কবিতা, আর সোজাসুজি কথা বলা কবিতা যে একই পরিবারের লোক, তার আন্দাজ পেতে আমার তখনও বেশ দেরি। কিন্তু, যে-কথাটা দরকারি, তা হল, এইসব কবির ব্যক্তিপরিচয় কী, কে কোন পত্রিকায় লেখেন না, কে আবার সেই পত্রিকাতেই চাকরি করেন, এসব কিছুই আমার জানা নেই তখন। ওই যে তিনজন মানুষ আমরণ অনশনে বসেছে, তাদের শুকনো মুখ রোজ রোজ দেখতে দেখতে বাড়ি ফিরে এসে ভাতের থালার সামনে একজন মানুষের গা গুলিয়ে উঠছে—এই বাস্তব, তখনও পরিণত না-হওয়া একজন ১৭-১৮ বছরের প্রায়-মানুষকে তোলপাড় করছে—তার মনে পড়ে যাচ্ছে ভৃগুদার কাছ থেকে আনা বই-পত্রিকার মধ্যে পড়া চারটি লাইন,

অন্ন আলো অন্ন জ্যোতি সর্বধর্মসার
অন্ন আদি অন্ন অন্ত অন্নই ওঁকার।
সে অন্নে যে বিষ দেয়, কিংবা তাকে ঝাঁকে
ধৰংস করো ধৰংস করো ধৰংস কয়ে ভাবে।

বীরেন্দ্র চট্টোপাধ্যায়ের এই কবিতা ভাত না-খাওয়া, ভাত না-পাওয়া মানুষের কথা বলেছে ’৬৪ সালেই, কিন্তু কবিতাটি পড়ার সুযোগ হচ্ছে আমার ওই ’৭০-’৭১-এই। বিশেষ পত্রপত্রিকায় লেখা নাট্যলিখার ব্যাপারে তথা রাজনৈতিকভাবে, এদের কার কী অবস্থান, আমি কিছুই জানি না তখন।

আর সেই অজ্ঞতা, ছিল এক আশ্রীবাদ। শ্রোতের মতো সেই সময়ের তোলপাড় এসে চুকে পড়ছে আমার মধ্যে এদের সবার লেখার ভেতর দিয়ে, কেবল লিখিত শব্দটুকুই সেইসব কবি-লেখকের একমাত্র পরিচয় তখন আমার কাছে। অন্য কোনো সংবাদ এঁদের সম্পর্কে জানার কোনো উপায়ই নেই।

সংবাদ। হ্যাঁ, ‘স্বাধীন’ শব্দটির মতো এই ‘সংবাদ’ শব্দটিও প্রশিধানযোগ্য। এই ব্যক্তি-পরিচয়গত সংবাদ আমার কাছে ছিল না বলে, আমি ছিলাম একজন স্বাধীন মনের পাঠক। যদিও অপরিণত, কাব্য ও সাহিত্যের অনেক সূক্ষ্ম কারুকৌশল তখনও তার অজ্ঞাত—কিন্তু, অপরিণতি ও অজ্ঞতা তাকে একরকম স্বাধীনতা দিয়েছে। সে মনে করছে, এরা সকলেই তো আমার সময়টাকেই বলছেন। সদ্য বড়ো হয়ে উঠে আমি যে-সময়টাকে দেখছি।

তখন সুমন আসেননি। সুমন তাঁর গিটার নিয়ে আসবেন আরও ২১ বছর পর। তাই গান তেমন বলছে না সেই সময়ের কথা। কিন্তু বলছে থিয়েটার। নিজেদের নিয়ে বঙ্গ থাকা

এক যুগল বা নবীন দম্পতি যখন বলে, ‘আমরা তো আপনাদের কিছুতে হাত দিতে যাইনি। আমরা তো নিজেদের নিয়ে আছি।’ তখন ‘নক্ষত্র’ গোষ্ঠীর প্রযোজনায় মোহিত চট্টোপাধ্যায়ের নাটক তাদের বলে : ‘আমরা আমরা আর আমরা ? আর আমরা কেউ নই ! আপনাদের ঘরের পরে উঠোন নেই ? আর উঠোনের পরে পথ ? আর পথের দু-ধারে অসংখ্য আর্তনাদ ? সেই আর্তনাদের মধ্যে থেকে ছুটতে-ছুটতে একটা ম্যাপ আপনাদের ব্যাগ বাঞ্জের মধ্যে চুকে পড়ে না ? বলে না, একটা নতুন দেশের খবর এনেছি ? একটা নতুন দেশের খবর ?’

মোহিত চট্টোপাধ্যায়ের নাটকের সেই নতুন দেশ বা সোনার দেশের খোজে, তখন কাতারে-কাতারে ছেলে প্রাণ দিচ্ছে। নির্বোজ হচ্ছে। নির্বাচন পরিণত হচ্ছে প্রহসনে। আর ’৭২-এ উৎপল দণ্ড’র ‘ব্যারিকেড’ নাটকে খুন হওয়া বৃক্ষ নেতার প্রসঙ্গ থেকে সবারই মনে পড়ে যাচ্ছে কিছুকাল আগে হেমন্ত বসু হত্যার কথা। নাটকে জননেতার বিধবা, ফ্রাউ ওপাউরিঝস, শেষ দিকে বলছেন, আগে বলতাম কমিউনিস্টদের মারছে, এখন আমার ছেলে পাউল-কে ওরা ঘরের দরজা থেকে তুলে নিয়ে গেল রাস্তায়—এখন কী বলব ? কাকে মারছে ? সেই নাটক দেখায়, সবার ঘরের দরজায় দরজায় এসে দাঁড়াচ্ছে ঘোড়ক। দাঁড়ায় রাজনীতিও। আর তারই এক বছরের ভেতর থিয়েটার ওয়ার্কশপ-এর ‘রাজরক্ষণ’, বিভাস চক্ৰবৰ্তী অশোক মুখোপাধ্যায়দের হাত ধরে প্রমাণ ফুলি, রাজারও কী করণ পরিণতি হয়। মনে রাখতে হবে এর মাত্র দু-বছর আগেই বাহ্যন্ত্রনাথ চক্ৰবৰ্তীর কবিতা ‘উলঙ্গ রাজা’ বেরিয়ে গিয়েছে বই হয়ে। এর পাশে রবীন্দ্রনাথের ‘চার অধ্যায়’ যখন অভিনয় করেন শস্তু মিত্র, তৃপ্তি মিত্র তখন তার অনেকগুলো অর্থস্তরের মধ্যে সুভাষ মুখোপাধ্যায়ের সেই কবিতার লাইনগুলোও কিন্তু সজি ঝয়ে থাকে, যা এক্ষুনি একবার বলেছি :

বলেছিল কবর দিতে
যারা খুঁড়েছিল
সেই কবরেই পিছন থেকে তাদের ঠেলে দেওয়া হল।

অতীন-কুণ্ঠী শস্তু মিত্র যখন স্টেজে দাঁড়িয়ে বলেন, মিথ্যাচারণ, নীচতা, পরম্পরকে অবিশ্বাস, গুপ্তচরবৃত্তি, একদিন তাদের টেনে নিয়ে যাবে পাঁকের তলায়। এ আমি স্পষ্ট দেখতে পাচ্ছি—তখন আমার সদ্যপঠিত ‘ফেরাই’ কবিতা, ‘পলাতক ও অনুসরণকারী’ গল্পও মনে ফিরে-ফিরে আঘাত করে।

ওই সময়টায়, যখন এইসব কবিতা-গল্প-নাটক উক্কার মতো এসে পড়ছিল আমার শুকের ওপর, তখন সাহিত্যের কারককৌশল বিষয়ে কিছু না-জানলেও কেবল তার সত্যটুকু, আর চারপাশের জীবনযাত্রার যে-সাক্ষ তাই দিয়ে একরকম তোলপাড়ের মধ্য দিয়ে কীভাবে মনটা যেন শুধুতে পার্শ্বিল আমার মন। যে মন, ওই যে বললাম, স্বাধীন।

সে অনশ্চ আর পাধান খানকে না এরপর। কারণ সে মন যে-বাঞ্ছিটির মধ্যে আছে,

সে কবি হতে চাইবে। আমি কবি হতে চাইলাম। আর ক্রমশ জানতে-জানতে চললাম ব্যক্তি-বিষয়ক নানা সংবাদ। সাহিত্য সমাজের খুটিনাটি। ধীরে-ধীরে গড়িয়ে চললাম সেই দিকে। একদিকে যেমন কাব্যকলার নানা করণকৌশল শিখছি, অন্যদিকে জানতে পারছি কবি-লেখকদের ব্যক্তি-পরিচয়। না, পরিচয় কথাটা ভুল। তাঁদের ব্যক্তিজীবনের নানা তথ্য, তাঁদের সম্পর্কে ছোটো-বড়ো নানারকম খবর। আগে ছিল জীবন-অভিজ্ঞতা একদিকে, অন্যদিকে কবি-লেখকের লিখিত শব্দ। এই দুটির মিলনে বা সংঘর্ষে আমার বুরো নেওয়ার চেষ্টা ছিল কবিতাকে। এবার তা যুক্ত হতে লাগল লেখক-ব্যক্তিটির সঙ্গে। লিখিত শব্দের প্রভাব যেন পিছিয়ে যেতে লাগল। বড়ো হয়ে উঠতে লাগল ব্যক্তি-তথ্য ও তার আশেপাশের প্রভাব। আন্তে আন্তে নয়, বেশ দ্রুতই আমিও ঢুকে পড়ছি, এইসব তথ্যকে বিশ্বাস করার কাজে। এমনকি বিশ্বাস করানোর কাজেও। ব্যক্তি-সম্পর্কিত তথ্য। কখন একসময় যেন, কৃড়ি-পঁচিশ-তিরিশ বছর ধরে ব্যক্তি-সম্পর্কিত তথ্য এবং ব্যক্তির সঙ্গে সম্পর্ক প্রধান হয়ে উঠতে দেখলাম আমার চারপাশে। যার মধ্যে প্রবলভাবে আমিও রইলাম। লিখিত শব্দের সঙ্গে আমার জীবনের অভিজ্ঞতার সংযোগ ও প্রতিক্রিয়ার মাঝখানে এসে দাঁড়িয়ে পড়তে লাগল লেখকের সঙ্গে ব্যক্তি-সম্পর্কটি। সম্পর্ক প্রীতিময় হলে, তাঁর লেখায় আমার মনের বাইরে পড়ে থাকে। ছাপা নামটা দ্রুত মাত্র সেই বহিষ্কার-প্রক্রিয়া শুরু হয়ে যায়। ব্যক্তির সঙ্গে আমার সম্পর্কের তিনি স্মাচ মনে আসে। ব্যক্তির লেখা শব্দগুলো পড়তে পারি না খোলা মনে। এভাবেই হচ্ছে গেল পরবর্তী পঁচিশ-তিরিশ বছর। অথচ মনকে খোলা রাখাই তো লেখকের অন্যতম প্রধান একটা কাজ। সেই খোলা মনের নামই স্বাধীন মন। ভাষা নিশ্চয়ই কবিতার যে কোনো লেখার পক্ষে খুব জরুরি একটা জিনিস। কিন্তু আজ কেমন মনে হয়, ভাষার চেয়েও বড়ো হল মন। যে-মন দেখছে। অনুভব করছে। সে যদি স্বাধীন না হয়?

ব্যক্তি-সম্পর্ক দ্বারা অনেকটাই, এমনকি কখনো-কখনো প্রায় সবটাই নির্ধারিত হয়, সাহিত্য সমাজের গতিবিধি। যে মেনস্ট্রিমের বাইরে, সেও তার নিজের মতো একটা সমাজ বা বৃক্ষের দেখা পেয়ে যায় লিখতে এসে। বা খুঁজে নেয়। কিন্তু সেটাও একটা বৃক্ষ-ই।

কিন্তু পাঠক থাকে এই সাহিত্য-সমাজের গোপন টান-ভাঙ্গনের বাইরে। বৃক্ষসীমা থেকে মুক্ত। তার কাছে পৌছোয় কেবল লিখিত শব্দগুচ্ছ। আর সেই শব্দমালার ভেতর থেকে তার দিকে হাত বাড়ায় লেখকের মন। সেই মনটা কেবল পাঠকই দেখতে পায়। দূরের, অপরিচিত পাঠক। ভাষা বা কারুকৃতির প্রতি নজরও শেকল পরাতে পারে লেখকের মন। বিশেষত, আমারও। নবীন বয়সে, সাহিত্যসমাজ তথ্য তার ভাষা-সমাজে ঢুকে যা-যা হত, একেবারে সেটাই সম্প্রতি দেখতে পেলাম আরেক জায়গায়।

এইবার পঁচিশ হবে, এইরকম একজন নবীন কবি তার প্রকাশিত বইয়ের নাম প্রাথমিকভাবে ঠিক করল : ‘সূর্যাস্ত ও নরখাদক’। তার সঙ্গী-কবি ও প্রধান বন্ধু, একই

বয়সি, সে বাধা দিল : না, না। এইরকম নাম আগে হয়েছে। আমি শুধোই, এইরকম নাম! সে বলে, হ্যাঁ, ‘ষাঁড় ও সূর্যাস্ত’। অমিতাভ মৈত্র। আমার খুব প্রিয় কবি। তাঁর বই আছে। তখন বললাম, হ্যাঁ, কিন্তু ‘ষাঁড় ও কিন্নর’ নামে দেবীপ্রসাদ বন্দোপাধ্যায়ের বইও তো আছে। সে-বই তো বেরিয়েছিল ১৯৯২ সালেই। স্পেনের কবি লোরকা-র অনুবাদ। অমিতাভ মৈত্রের বই বেরিয়েছে ২০০৫-এর শেষ দিকে। ছেলেটি দেবীপ্রসাদের অনুবাদ-বইয়ের কথা জানত না। কিন্তু আমি বলছি, এদের মনটা কেমনভাবে চলছে। ভাষার বাইরেটা ধরে ধরে চলছে। এবং তাদের মনের মধ্যে এসে পড়ছে সাহিত্যের সমাজটা, কে কী বলবে তাই নিয়ে সতর্কতা।

এই ধরনের কী কী নাম আছে? সে জানায়, আসলে, এই যে ‘অমুক ও তমুক’ এই ধরনের নাম। ‘ও’ দিয়ে যুক্ত হয় দুটো জিনিস, এমন বই তো অনেক আছে কবিতার। ঠিকই। সেই মুহূর্তেই আমার মনে পড়ছে, কিন্তু বলছি না ওকে কয়েকটি বইয়ের নাম। অমিতাভ গুপ্তের ‘মাতা ও মৃত্তিকা’, গৌতম বসুর ‘অন্ধপূর্ণ ও শুভকাল’, এবং মল্লিকা সেনগুপ্তের ‘হায়রে ও দেবদাসী। তিনজনের তিনটি প্রেরণাই। ‘মাতা ও মৃত্তিকা’ অমিতাভ গুপ্তের পুরাণের হাত ধরে বাঁক ফেরার বই। ‘হায়রে ও দেবদাসী’ প্রেমের কবিতার সঙ্গে আমার দেশের মেয়েদের জীবন-ইতিহাস মেলানোর কাজটির ধারাবাহিকতা ধরে রাখল আবারও। গৌতম বসুর ‘অন্ধপূর্ণা ও শুভকাল’ পুত্তিকা প্রকাশের আঠাশ বছর পরেও আজও সমান সম্মানিত সহযাত্রী কবিতার চোখে। তিনজনের কারও সঙ্গে কারও তো মিল নেই। ছেলেটি আমাকে বলে, আমার এরকম নাম আছে? আছে বটে, ‘ক্রিসমাস ও শীতের সন্নেটগুচ্ছ’।

আরেকরকম নামও হয়। ‘অমুক’ ও ‘তমুক’-এর বদলে, ‘অমুক’-এর ‘তমুক’। যেমন? বাবরের প্রার্থনা, মরচে পড়া পেরেকের গান, স্মৃতির শহর, জলপাই কাঠের এশাজ, জিপসিদের তাঁবু, সাতটি তারার তিমির, যুবকের ঝান, নষ্ট প্রজন্মের ভাসান। কত বলব! এরা সবই ‘অমুক’-এর ‘তমুক’। এর মধ্যে বুদ্ধদেব, জীবনানন্দ, শৰ্ষ, সুনীল, দেবারতি, মৃদুল, রণজিৎ এঁদের বইগুলো সবারই অঞ্চল-বিস্তর জানা। শেষ বইটি এখন আর পাওয়া যায় না বোধহয়। খুবই সুন্দর বই। শক্তিমান এক নবীনের প্রথম ফুটে ওঠার দীপ্তি সেই বইতে। বিভাস রায়চৌধুরী তার নাম।

অবশ্য ভেবে দেখলে ‘অমুক’-এর ‘তমুক’-এ আমিও নেই তা নয়। সন্দীপনন্দা থাকলে বলতেন, ও-জিনিস তোমারও তো আছে। ‘উন্নাদের পাঠক্রম’। নে-ই কি?

মজা-ঠাট্টা ছেড়ে দিই এবার। ওদের বয়সে, এমন বাইরে-বাইরে ঘুরে মৌলিকতা খোজার সময় অনেক মরীচিকা আমিও দেখেছি। আমার লেখাটা যেন মৌলিক হয়, আর কারও মতো না-হয়ে পড়ে, আরও অনেকে যেভাবে নাম দিয়েছেন, আমি যেন সেই ধারায় ‘ওরকম আমারও মাটেছে।’ কিন্তু সেটি সতর্কতা, নিজের মনের সাবধানবাণী, আমার মনের দুনিয়ার পাঠক এক হও! ~ www.amarboi.com ~

কথাটাকেই শেষ অবধি উপেক্ষা করতে শুরু করেছে না তো ! কথাটাকে রক্ষা করছে না তো ? বোদলেয়েরের কবিতা সম্পর্কে বলতে গিয়ে বুদ্ধদেব বসুর মনে হয়েছিল : ‘যিনি গৌণ কবি, তিনি সন্তপ্তগে, ক্লিশের ছোঁয়া বাঁচিয়ে-বাঁচিয়ে পা ফেলেন। যিনি বড়ো কবি তিনি ক্লিশে-কে হাত পেতে নিয়ে তাকে ঐশ্বর্যে রূপান্তরিত করেন।’


এরা নবীন। ‘তোমরা নবীন। এ উদাস / বিষাদ কি তোমাদেরও চেনা ?’ লিখেছিলেন বিশ্ব দে। বিষাদ নয় এক্ষেত্রে। ভয়। মৌলিক না-হওয়ার ভয়। এ-পথে আমিও গিয়েছি। তাই আশা হয়, এই দুই নবীনও এসব ভয় পার হয়ে যাবে। বুঝতে পারবে, ভাষার বাইরে বাইরে হাত বুলিয়ে মৌলিকতা খোঁজা নয়। মৌলিকতা থাকে অন্তর্বর্ষ্ণুর মধ্যে। আর এও বুঝতে পারবে মনে হয়, ভাষাটা জরুরি। তবু, ভাষার দিকে অতিরিক্ত সচেতন থাকলে, অনেক সময় তার দ্বারা মন শৃঙ্খলিত হয়। স্বাধীন থাকে না। স্বাভাবিক ভাবে লেখাটা যেদিকে যেতে চাইছে, না-গিয়ে, নিজের অজান্তেই পথচায়ত হয় কখন।

এই যারা আমাকে ‘সূর্যাস্ত’ পাঠায়, ‘উদাকাল পাঠাব’ বলে এই যে মেয়েটি, ‘অ্যাবোর্ট’ শব্দটা ব্যবহার করতে পারে অর্ধেক লিখে ছিঁড়ে ফেলা কবিতা বিষয়ে—এদের মন স্বাধীন। এরা জানে এদের চিরকুট ছাপা হতে যাচ্ছে না, তাই একেব্দে ভাষাও স্বাধীন। ইংরেজিতে লেখা ‘অ্যাবোর্ট’ শব্দটি ওখানে কবিতার উড়াল নিয়ে এল, তা মেয়েটি জানে না। কিন্তু অব্যর্থ ভাষায় প্রকাশ করতে পেরে যায়। না-জেন্ডের পারে।

মনের কথা আরও ভালোভাবে প্রকাশ দ্বারা জন্যই কলাকৌশলের কাছে যাওয়া। আবার, তার কাছে গেলে হয় কী—আমরুক্ত জানতে না-দিয়েই সে আমার মন রক্ষ করে দিতে পারে। সে, মানে, কলাকৌশল।

আর যে পড়তে চায় ? কেবল পড়তেই চায় ? তার মনে এটা আসবে না, বাবরের প্রার্থনা, আর স্মৃতির শহর, আর বন্দেরের কথ্যভাষা, যুবকের স্নান—এরা সকলেই ‘অমুক’-এর ‘তমুক’। সে বলার কথাটা পড়বে। সে-ই শুন্ধ পাঠক। তাকে কলাকৌশল মুক্ষ করুক বা না-করুক, সব কারম্বৃতি ভেদ করে সে দেখতে পাবে লেখকের মন। যদি নিজের মনের ছিটকেফোটাও সে ওই মনের মধ্যে দেখতে পায় ? এই তার আশা। তাই লেখক-মনকে স্বাধীন রাখার শ্রমকষ্ট অনেক। সেটাই আসল তালিম। আসল রেওয়াজ। সংগীতে একটা কথা আছে না ? চিন্তন ? সেইরকম মনে-মনে রেওয়াজ।

আর সেই রেওয়াজের জন্যই, আরেকজন লেখকের কাছে যাওয়ার চেয়ে, আজ বরং কোনো অপরিচিত পাঠকের কাছে থেকে সেই স্বাধীনতার পাঠ নেওয়ার চেষ্টা করি।



৩৪

এক-একটা কবিতা মনের মধ্যে থেকে যায়। কবে পড়েছি, কোথায় পড়েছি ভুলে গিয়েছি কালজ্যমে, কবিতাটা কিন্তু সঙ্গে আছে। থেকে থেকেই মনে পড়ে। মনে মনে বলি। আবার উচ্চারণ করেও বলি। লোকের সামনেও বলি। কেমন! সেটা! কোথাও গিয়েছি, সবাই বলল, একটা স্বরচিত কবিতা বলুন। সঙ্গে বই নেই কৈ করি! আপনার সার মুখস্থ থাকে, থাকে না? আমরা শুনেছি! ঠিকই, মুখস্থ আচ্ছ কিছু কবিতা। কত কবিতাই তো বারবার আপনমনে পড়েছি। কখন মুখস্থ হয়ে দিলেই টেরও পাইনি। কিন্তু সে সব তো অন্য কবিদের লেখা কবিতা। নিজের বই, অলস দুপুরবেলা, অথবা নির্জন রাত্রে বসে বসে নিজেই পড়েছি, এমন আবার হয় নাকি? সুতরাং নিজের কবিতা মুখস্থ থাকে না। অন্যদের কবিতাই তখন মুখস্থ বলে বেরিয়ে আসি। আমার কগাল ভালো, যেসব সভায় যাই, সেখানে কোনো কবিতা-লেখক বা কবিতাপত্রের সম্পাদকরা থাকেন না। তাহলে আর আন্ত থাকতাম না।

প্রধানত শক্তি চট্টোপাধ্যায়, ভাস্কর চক্রবর্তী, শঙ্খ ঘোষ, অলোকরঞ্জন দাশগুপ্ত, শশুনাথ চট্টোপাধ্যায়—এঁদের কবিতাই চালাই স্বরচিত বলে। নীরেন্দ্রনাথ চক্রবর্তীরও দুটো কবিতা বলি। নীরেনবাবুর একটি কবিতা, যা আমার মুখস্থ, তাই নিয়েই সমস্যা হল একদিন। প্রথম পড়ার প্রায় পঁয়ত্রিশ বছর পর তাঁর কবিতা সমগ্রে কবিতাটি পড়লাম। প্রথম পাঠের পর, এতদিন, যে ছিল আমার মনে, এবার তাকে পুনরায় ছাপার অঙ্করে দেখে আমার একটি বিস্ময় জন্মাল। সেইটে বলার আগে কবিতাটি বলি!

আলগা করে রাখি আঙুল

আঁকড়ে ধরে রাখার জন্যে

পুরোন মতো হিনে এণং

মাটির মতো সোনা

অনেক দূরে ঘুরে বেড়াই

অনেক কাছে থাকার জন্যে

এইটে যদি বুঝতে,

কোনও সমস্যা থাকত না।

এই কবিতার নাম কী? মনে নেই আর। ‘কী যে নাম, মনে নেই তা তো / আবদুল
রহিম কিংবা শংকর মাহাতো / অথবা অর্জুন সিং’...

এই কবির ‘স্বপ্ন-কোরক’ নামের কবিতায় যেমন ছিল, ঠিক তাই। নাম মনে নেই, কিন্তু
কবিতাটি মনে আছে। যেমন কোনো কোনো মানুষের নাম মনে থাকে না। মুখ অবিকল
মনে থাকে। ‘স্বপ্ন-কোরক’-এ পরঙ্কিণেই ছিল : ‘মাঠে মাঠে প্রদীপ জ্বালিয়ে / সে জাগে
সমস্ত রাত’—কবিতার নাম মনে না-থাকলেও কবিতাটি জীবনের নানা অভিজ্ঞতার বাঁকে
বাঁকে দেখা দিতে থাকে। সেদিন নীরেনবাবুর কবিতাসমগ্রে তত্ত্ব করে ঝুঁজছি। কবিতাটি
আর পাই না। প্রথম লাইনের সূচিতেও ‘আ’ দিয়ে দেখছি—‘আলগা’ কথাটা পাই আর না।
নেই তো পাব কী করে! সঙ্ঘান যখন মিলল, দেখি সে কবিতা ‘ছোটো দু’টি’ শিরোনামের
তলায় একটি যুগ্মক-এর দ্বিতীয়টি হয়ে সংগোপনে অবস্থান করছে ‘কবিতার বদলে কবিতা’
নামক বইয়ের অন্তর্ভুক্ত হয়ে। পেলাম যখন, দেখে জানে যেন ঠিক চিনতে পারছি না। কেন
এমন হচ্ছে? মনে হচ্ছে, এ যেন আমার এতদিনেরচেনা-জানা কবিতাটি নয়। সৈরৎ অন্য
কেউ।

ভাবলাম সুন্দর গঙ্গোপাধ্যায়ের নম্বে জোগাড় করে তাঁকে ফোন করি, ইনি নীরেন
চক্রবর্তীর ওপর বই লিখেছেন। পরে মনে হল না : নিজেই খোঁজার চেষ্টা করি কারণটা।
কেন অচেনা লাগছে। কবিতামূলকে কবিতাটি ছাপা হয়েছে এইভাবে :

আলগা করে রাখি আঙুল, আঁকড়ে ধরে রাখার জন্যে

ধূলোর মতো হিরে এবং মাটির মতো সোনা

অনেক দূরে ঘুরে বেড়াই অনেক কাছে থাকার জন্যে

এইটে যদি বুঝতে, কোনও সমস্যা থাকত না।

অর্থাৎ ঠাসা চার লাইন। অকটেড-এর প্রথম চতুষ্ক দ্বিতীয় চতুষ্ক যেভাবে ছাপা হয়।
সেইরকম। এবারও তার নাম নেই। নম্বর আছে—২।

কবিতাটা প্রথম যখন পড়েছিলাম কোনো পত্রিকায়, কীভাবে সাজানো ছিল বলেছি।
কোনো একজন মেয়ে, তার কাছে যেতে চাই। চাই সে আমাকে দেখুক। আমাকে মনে
করুক। আবার খবরও পাই, সে জানে আমাকে। আমার কথা বলে অন্যদের। কিন্তু তা
জেনেও, অথবা না জেনেই, তার কাছে যাই না। আবার পুরোপুরি সে-মেয়েটির সমস্ত
ধরাহৌয়ার বাইরে থাকি তাও নয়। ওই, যাকে বলে, যখন ছাদে দাঁড়াবে বিকেলবেলা, তখন
অন্যমনস্কভাবে সামনের রাস্তা দিয়ে একবার চলে যাব আর কী! সেইরকম তার পরিধির

মধ্যে আসা, কিন্তু সে আমাকে শুরুত্ব দিতে পারে? এ তো আমি ভাবিই না! কল্পনার অভীত! আমার এই ধারণা তাকে এবং অন্যদের বুঝতে দিয়ে, এবং তার দিকে একটুও না ঝুকে চালিয়ে যাওয়া। ভালো আছ? যখন তখন বৃষ্টি আসবে। এক্ষুনি বেরিয়ে পড়ি। বাকি সবাই হাঁ-হাঁ করল, ‘কোথায় যাচ্ছ?’ মেয়েটির মুখে ছায়া পড়ল। চলে এলাম। কবিতা-টবিতা নিয়ে একটি বাক্যও নয়। জানি না কি, এ মেয়ে আমার কবিতা মুখস্থ বলেছে এক বন্ধুকে আর সে-বন্ধু আমার শক্র হয়ে গিয়েছে? কেন-না, সে-বন্ধু ঘনঘন বাড়িতে আসছে। আগে তো আসত না। তখন কারোরই ফোন নেই তাই ফোন করছে না। আমি সব বুঝে মেয়েটির থেকে আরও দূরে দূরে আছি। রইলামও।

এ কবিতা, সে কাহিনি পুরো বলেছে। এ কবিতাটি যখন প্রথম পড়ি, তখন '৭৪ সাল। আমার বয়স কুড়ি। তারপর পুরো যৌবনকাল পার হওয়ার সময় এ কবিতা আমার সঙ্গে ছিল। আর আজ সে অচেনা? শের আফগানরূপী অজিতেশ বন্দোপাধ্যায় শেষ দৃশ্যে একটি ছবি, এক মা ও সেই মায়ের যুবতীবেলার অবিকল প্রতিচ্ছায়া তরশীকন্যার দিকে পরপর তাকিয়ে যেমন বলতেন ‘ওই যে মেহেরুন্নিসা’—গত পঁচিশ বছর আমার সঙ্গে বাস করেছে—আজ ওর দিকে তাকিয়ে দ্যাখো—ও এখন পরস্পী! এ যেন এইরকম।

আমি আঙুলগুলো আলগা রেখেছি, তাকে ধরতে চাইছি না—এইরকম ধারণা দিতে। অথচ মনে মনে প্রবলভাবে আঁকড়ে ধরতেই তে চাই। কী ধরতে চাই? ধুলোর মতো হিরে! মাটির মতো সোনা। অর্থাৎ যেসব জিনিসটি আনুষ সামান্যই মনে করে, ধুলো মাটি, কেন-না সবচেয়ে সহজ তো এই ধুলো এবং মাটি। তেমনি, তোমার থেকে দূরে দূরে থাকি কেন? সম্পর্কটা যতটুকু আছে, তার ক্ষেত্রেও একটা সহজতা আছে। বেশি কাছে এলে যদি ভেঙ্গে যায়! সহিতে পারব না। টুকু নে টুকু রো হয়ে যাব। দুটি ছেলেমেয়ে একটা পর্যায়ের পর ঘনিষ্ঠতা বাড়ালেই চাপ তৈরি হয় তাদের মধ্যে। সেই চাপে যদি ভাঙ্গে সম্পর্ক? এত দূরে দূরে থেকেও, তোমাকে এতটা চাই, সত্যি সত্যি একদিন দু-দিন তিনদিনের জন্য পেলে তখন তো ছাড়তে পারব না। আর ছাড়তে তো হবেই! উফ। মরে যাব তখন। তার চেয়ে দূর-ই ভালো। দূরে রাখতে পারলে, ছেড়ে রাখতে পারলে, সম্পর্কের মৃত্যু হয় না। কিন্তু, সে ভাবতে পারে উপেক্ষা। সে ভুল বুঝতে পারে। বুঝলও। আমার জীবনে যেমন—কবিতাটির মধ্যেও তাই। শেষ লাইনে তারই ইঙ্গিত। সমস্যা নিশ্চয়ই হয়েছিল, নইলে ‘সমস্যা থাকত না’ কথাটা আসবে কেন?

প্রথম যখন পত্রিকায় এটা ছাপা হয়েছে, প্রতিটি পূর্ণ লাইন মাঝপথে গিয়ে ভেঙ্গে নেমে যাচ্ছে। এইভাবে মোট দুটি পূর্ণ লাইন মাঝখান থেকে ভেঙ্গে খানিকটা জায়গা ছেড়ে তৈরি হয়েছে চার লাইন, আসলে কিন্তু দু-লাইন। এবার স্পেস। তারপর আবার ওই একইভাবে একটি পূর্ণ লাইন মাঝখানে ভেঙ্গে, জায়গা ছেড়ে, দু-লাইন হচ্ছে। এভাবে দ্বিতীয় চার লাইন। কবিতা সম্পূর্ণ।

দু-লাইন ভেঙ্গে যে চার লাইন হচ্ছে, মধ্যে স্পেস, আবার ওইভাবে দ্বিতীয় স্তরক, কবিতাটির দিকে তাকালে দেখা যাবে কটটা হাওয়া বাতাস খেলছে যেন ভেতরে। একটা পাইন যা পূর্ণ লাইন, তা মাঝগান থেকে ছেদ করে দু লাইনে দাঁড়াচ্ছে। এমনি এমনি নয়।

ছেলেটা তো দূরে দূরে থাকে। যা চায়, অর্থাৎ আঁকড়ে রাখতে, অর্থাৎ অনেক কাছে থাকতে, কিন্তু সেটা বাইরে দেখায় না, সেই কারণেই যেন যেটা আদতে এক লাইন হতে পারত সেটা ভেঙে হচ্ছে দু-লাইন। মাঝখানে ফাঁক দিয়ে জায়গা ছাড়া হচ্ছে। ছেলেটা যা চাইতে পারত, তা না-চেয়ে দূরে থাকছে তো। মিলগুলোও তাই যেন কেবল দূরে দূরে রাখা। এতই অপূর্ব, এতই অসাধারণ, যে কবিতাটা শেষ করার পর, মনে হয়, আরে মিল দেওয়া কবিতা না কি? কেবল দ্বিতীয় এবং সর্তক পাঠে মিলগুলো বোঝা যায়। ‘রাখার জন্যে’-র সঙ্গে ‘থাকার জন্যে’—‘রাখা’র সঙ্গে ‘থাকা’ও নয়—ফলে আরও লুকিয়ে যাচ্ছে। কী স্বাভাবিক এই অন্ত্যমিল প্রয়োগ। এসব অবশ্য নীরেনবাবু শয়ে শয়ে করেছেন। কিন্তু, ছেউ এই কবিতাটির মধ্যে মধ্যে যে অতখানি জায়গা ছেড়ে রাখা আছে—আবার একটা স্পেসও ব্যবহার করা হয়েছে, তাতে যেন ওই দূরে দূরে থাকার ব্যাপারটা ফুটে উঠেছে। এই যে বলে না, দূর-সম্পর্কের ভাই, দূর-সম্পর্কের বোন, এ হল, দূর-সম্পর্কের প্রেমিকা।’ তার কথা এ কবিতায়। যাকে সরাসরি প্রেমিকা বলা কিছুতেই যাবে না। বললে, নানানজনের সঙ্গে মারামারি হয়ে যাবে। কিন্তু প্রেমিকা ছাড়া আর কী-ই বা বলা যাবে এ-মেয়েটিকে। অশ্রবাস্প যেমন সুদূরে মিলিয়ে যায়, একেও একদিন মনে মনে ‘যাক যাক’ বলে, অন্য কাউকে ‘এসো এসো’ বলতে হবে। কিন্তু দূর-সম্পর্কও একটা সম্পর্ক তো। একটা বাঁধন, টান, ফিরে ফিরে আসা তো আছে। তাই কবিতাটি মেন আলগা-ভাঙা লাইনের ছদ্মবেশ ধরেও কোথাও একটা নিয়মে নদীর দুটো তীরকে পুঁজি রেখেছে। দুটি স্তবকে। এক স্তবকের শেষ লাইনের সঙ্গে পরের স্তবকের শেষ লাইনের মিল। দূরে দূরে থাকলেও ‘মিল’ আদৌ রয়েছে কেন? কারণ ছেলেটি তো মনে মনে মিলতেই চায় তার দূর-সম্পর্কের প্রেমিকার সঙ্গে। সব মিলেমিশে সেই জন্যই এই কবিতার প্রথম মুদ্রিত রূপটি আমার মনের মধ্যে আমার নিজের জীবন-অভিজ্ঞতার স্মৃতি হয়ে বেঁচে আছে। ওই যে বললাম সারা যৌবনকাল কবিতাটি আমার সঙ্গে সঙ্গে ছিল। এইবার কবিতাসমগ্রে যখন তার দ্বিতীয় রূপটি দেখলাম—ঠাসা চার লাইন, তখন কেবল দমবন্ধ লাগল। ওই যে যুবক-প্রাণ, যে দূরে দূরে থেকে আসলে কাছে থাকতে চেয়ে এইভাবেই বাঁচাতে চেয়েছিল সম্পর্কটি—হঠাৎই সব যেন ঘোঁষে হয়ে সেই ফাঁকা খোলা শ্বাস নেওয়ার জায়গাটা মিলিয়ে গেল। মনে হল ও আমার এতদিনের চেনা কবিতাটি নয়। ও অন্য কেউ।

বলা দরকার কবির বিবেচনাই সর্বোচ্চ। এবং শিরোধার্য। সর্বদাই। এক্ষেত্রে কবি যখন এই সজ্জা বদল করেছেন তাকে মানব তো একশোবার। কিন্তু আমার মন তো মানবে না। বলতে চাইছি, একটি কবিতার সঙ্গে কোনো পাঠকের এমন সম্পর্ক হতে পারে, যে কবিকৃত পরিবর্তনও তার মনে দৃঢ় হয়ে বাজতে পারে। এতটাই পজেসিভ হয়ে পড়তে পারে সে। একটি মেয়ের কাছাকাছি হয়ে পড়লে পাছে তার প্রতি পজেসিভনেস জন্মায়, তাই দূরে দূরে থাকতে থাকতে তাকে সুদূরে মিলিয়ে যেতেও দেওয়া গেল। কিন্তু নক্ষত্র চিনে-চিনে উলটো রাস্তায় যেতে গিয়ে, একটি কবিতার প্রতি পজেসিভ হয়ে পড়লাম। কী কপাল! অবশ্য, কে বলতে পারে, প্রথমবার যে-ছাপাটা দেখে লেখার চেহারাটা অত মনে ধরে গিয়েছে, সেটাই হয়তো ভুল ছাপা। কবিতাসমগ্র-এ যেটা ছাপা হয়েছে, সেই আকারটাই হয়তো ঠিক

আকার। ‘কে জানে গরলই কি না প্রকৃত পানীয় / অমৃতই বিষ !’
সম্প্রতি নীরেন্দ্রবাবুর আরেকটি কবিতা মনে পড়ছিল পথ চলতে চলতে। আগে
কবিতাটি বলি। পরে পথটি বলব।

লক্ষ্মীর প্রতিমা

মা বসে আছেন শূন্য ঘরের দাওয়ায়।
কোলে তাঁর শিশু।
স্তুক প্রাম। প্রামের লোকেরা গিয়ে গা-ঢাকা দিয়েছে
পিছনের শালের জঙ্গলে।
কেউ কোনোখানে নেই। এই প্রামে জনমনিষ্যের
চিহ্ন নেই। চতুর্দিক খাঁ খাঁ।
গল্লে-পড়া রাঙ্কসপুরীর রাস্তাঘাটের মতন।
একা শুধু
মা বসে আছেন তাঁর ঘরের দাওয়ায়
সদ্যোজাত শিশুটিকে নিয়ে।

এখন আবার সব শান্ত হয়ে এসেছে। কোথাও
মারাগারি কাটাকাটি নেই।
মোটর-সাইকেলে ধুলে ডাক্ডিয়ে কাউকে
চমকে দেওয়া নেই।
প্রাম ছেড়ে পালিয়ে গিয়ে শালের জঙ্গলে
গা-ঢাকা দেওয়ার কোনও দরকারও এখন নেই কারও।
ফিসফিস জটলা ? তাও কোথাও দেখছি না।
সঙ্ঘ্যার বাতাসে
বারংদের গাঢ় পাওয়া যাচ্ছে না এখন।

এখন সমস্ত-কিছু শান্ত হয়ে এসেছে আবার
নিজস্ব নিয়মে।
দোকানের ঝীপ-খুলেছে, চাষিরা নেমেছে মাঠে, প্রামের পাঠশালা
বসেছে, যেমন নিত্য বসে।
কিছু লোক অবশ্য রয়েছে পড়ে আশ্রয় শিবিরে।
সন্তুষ্ট আরও কিছুকাল
সেইখানেই থাকবে তারা। তবে কিনা অনঙ্কাল তো কোনও আশ্রয়শিবির
কেউ খোলা রাখে না, তাই একদিন তারাও
প্রামে ফিরে যাবে, এইরকম
আশা করা যায়।
দুনিয়ার পাঠক এক হও! ~ www.amarboi.com ~

সবই ঠিক। তবু এই ছবিটি কিছুতে
মিলিয়ে যায় না।
এখনও দুই চোখ বন্ধ করলেই দেখি যে,
সদ্যোজাত শিশু কোলে নিয়ে
মা একা আছেন বসে শূন্য খাঁ খাঁ ঘরের দাওয়ায়
অচল্পলা লক্ষ্মীর মতন।

২০ আষাঢ়, ১৪০৮

কবিতাটির তলায় তারিখ দেওয়া আছে ২০ আষাঢ়, ১৪০৮। ঠিক এর আট বছর পর, ১৪১৬, আষাঢ়-শ্রাবণের কোনো সময় আমার কবিতাটি মনে পড়ল, পথে। লালগড়ের পথে। আমরা কয়েকজন চলেছি গাড়িতে। একটার পর একটা গ্রাম পার হচ্ছি। কোথাও কোনো মানুষ নেই। ফাঁকা দাওয়া। তালাবন্ধ। অথবা তালা না-দেওয়া মাটির ঘর। কবিতায় বলা, গ্রামের পিছনে সেই শালের জঙ্গলও আছে। আর সেই জঙ্গলে গা ঢাকা দিয়ে থাকা মানুষদেরও কাউকে কাউকে আমরা কিছুক্ষণ পর দেখতে পেলাম। এই কবিতায় হানাহানি হিংসা অশান্তির পটভূমি গা ঢাকা দিয়ে রয়েছে—লেখনীয় কৃশলতায় তা মুখে একবারও প্রায় বলছে না কবিতাটি, কিন্তু, কী হয়েছে তা নেওয়া যাচ্ছে। এই কবিতাটিতে বলা রাঙ্গসপুরীর রাস্তার মতন মানুষহীন ‘ঘরদুয়ার’ বলত্ত্বারা পড়ে আছে। এই বছর লালগড়ে যাওয়ার পথে ভীমপুর, পিরাকাটা, ঘিটকা / ঘিনাকুলি—এইসব গ্রামের বর্ণনা যেন ওই কবিতাটি দিয়ে রেখেছে। আট বছর অন্তে লেখা কবিতাটি। কেন না, বাংলার গ্রাম যিনি জানেন, তিনি, ছোটো ছোটো আকারে এ-ইতিহাস প্রত্যক্ষ করেছেন। আর সেই দেখাটা একসময় ভবিষ্যৎবাণীর মতো হয়ে পড়েয়েছে। এ কথা ঠিকই যে, কবিতাটিতে শান্তি ফিরে আসবার কথা আছে। সাধারণ মনুষ তো শান্তি চায়। আর কবি তো শান্তি চাইবেনই। কিন্তু নীরেনবাবুর কবিতাই বলে দিয়েছিল একদিন, ‘রৌদ্রে ভাসে চবুতরা, ছায়ায় ভাসে খিলেন / ভুল ঠিকানায় ঘুরে বেড়ায় যুদ্ধ এবং শান্তি।’ ঠিক। সেই ভুল ঠিকানায় যুদ্ধ এবং শান্তিকে ঘুরিয়ে মারে মানুষই। তাই শান্তি আসতে দেরি হয়।

সত্য বলতে নিরবচ্ছিন্ন শান্তি কখনোই আসে না। না সমাজজীবনে, না ব্যক্তিজীবনে। বুদ্ধিদেব বসু একবার লিখেছিলেন তিনের দশকের পৃথিবী সম্পর্কে; ‘দুই বিশ্বযুদ্ধের মাঝখানে প্রতারক শান্তির মতো’ কথাটা। কী জানি কেন, যুদ্ধকে প্রতারক বলতে সাহস পাই না এখনও—কিন্তু শান্তি এলেই মনে হয়, এই বোধহয় ভেঙে গেল-ভেঙে গেল। অশান্তি এই এসে পড়ল বলে!

সেদিন লালগড়ের পথে সরু পিচরাস্তার দুধারে জনমানবহীন গ্রামের পর গ্রাম দেখতে দেখতে নীরেনবাবুর এই কবিতাটি আমার মনে পড়ছিল ঠিকই, কিন্তু সেখানে, কবিতাটির একটি লাইন শুধু উপস্থিত ছিল না। ‘উলঙ্গ রাজা’-র কবি যেমন বলেছিলেন : ‘কিন্তু সেই শিশুটিকে আমি / ভিড়ের ভিতরে আজ কোথাও দেখছি না।’ তেমনই, ওই কবিতার একটি লাইন জনশূন্য ঘরবাড়ির খাঁ খাঁ বাস্তবে কোথাও উপস্থিত ছিল না সেদিন।

উপস্থিত ছিল আমার মনে। বলা দরকার, নানা ঘটনার মধ্যে ঘন ঘন বেজে ওঠা সেলফোন যখন জানাচ্ছে, আমরা যারা গিয়েছি লালগড় তাদের বিষয়ে কী কী দেখানো হচ্ছে তিভিতে, পরম্পরাবিরোধী নানা কথার মধ্যে, ফিরে আসার পথে আবার ওই গ্রামগুলো পেরতে পেরতে ফাঁকা ঘর-উঠোন দেখতে দেখতে আমার মনে বলসে বলসে উঠছিল সেই লাইনটি : মা বসে আছেন শূন্য ঘরের দাওয়ায়। কোলে তাঁর শিশু। যেদিকে তাকাচ্ছি আমি দেখতে পাচ্ছি একটিই দৃশ্য :

সদ্যোজাত শিশু কোলে নিয়ে
মা একা আছেন বসে শূন্য খাঁ খাঁ ঘরের দাওয়ায়
অচঞ্চলা লক্ষ্মীর মতন।

এই ‘অচঞ্চলা লক্ষ্মীর মতন’ লাইনটি ছুরির মতো বুকে বিধে জানায় এই বিশ্বাস, যে, গ্রামবাংলাকে ছেড়ে লক্ষ্মী যাবেন না, ভালোবাসা যাবে না, স্নেহ যাবে না। বাস্তব যতই বিপরীত হোক, ওই দরিদ্র গৃহবধূটি, যে তার সদ্যোজাত শিশুর কারণেই হয়তো ঘর ছেড়ে পালাতে পারেনি, ওই সর্বস্বহারা বধূমাতার মধ্যে সকল সর্বনাশকে উপেক্ষা করে এক মঙ্গল-আলোক জুলে ওঠে। যাকে কেউ মন্তব্য পারবে না। মারতে পারেনি কখনও। ওই বটুটিকে লক্ষ করে ‘মা বসে আছেন’—এই ‘আছেন’ কথাটির ব্যবহার মনকে বেদনাময় এক আলোয় ভরে দেয়। আর সত্ত্বিত এই কোনো কল্পনার নয়। লালগড়ে কি এমন ঘটছে না। আমি একটি মেয়েকে দেখিলাম। তার দুটি বাচ্চা। একটি কোলে, অন্যটি হাঁটু ধরে। মেয়েটির বয়স বলল ২৪। তার মুখে বলিলেখা পড়তে শুরু করেছে। এত অপুষ্টির শিকার সে। এক প্রজন্মের অপুষ্টির ফলে ২৪ বছর বয়সে চামড়া কুঁচকোয় কি! জরা আসতে চায়? সেই মেয়েকে আমার মনে পড়েছে বারবার, আমার বুকুনের থেকে যে মাত্র চার বছরের বড়ো। অপুষ্ট শুকনো ওই মেয়েটাকে কোন মুখে আমি ‘অচঞ্চলা লক্ষ্মীর মতন’ বলব। তবু সে-ই আমাদের লক্ষ্মী! আজ। এই মুহূর্তে। এইটে বাস্তব। এই বাস্তব, আর কবির ‘ভিশন’—এই দুটোর মধ্যে ক্রমান্বয়ে যাতায়াত করছে আমাদের সময়, আমাদের সমাজ। এর দুটোই ঠিক।

বাস্তব যেমন আছে তার ক্ষতিহস্ত নিয়ে—তেমনি কবিও আছেন তাঁর ‘ভিশন’ নিয়ে। মা বসে আছেন শূন্য ঘরের দাওয়ায় / কোলে তাঁর শিশু—এ পর্যন্ত বর্ণনা। ‘আছেন’ শব্দটির জন্য যদিও পুরো বর্ণনা বলা যায় না, তবু ধরে নিছি বর্ণনা। কিন্তু যেই যুক্ত হল ‘অচঞ্চলা লক্ষ্মীর মতন’—অমনি সেটা ‘ভিশন’ হয়ে গেল। সময়ের পটে চিরস্থাপিত হল জ্যোতিময়ী মৃত্তিটি। সব হারানো গ্রাম বলেই লক্ষ্মী। তবু কোথাও লক্ষ্মীর সঙ্গে যশোদাও মিশবেন। কোথাও মেরিও মিশবেন। কোলে যে শিশু। ‘শিশুতীর্থ’-ও এসে যাবে না কি? কত দূর চলে গেল কবিতাটি।

গ্রাম আর মাতৃগৃহি নিয়ে অন্য এক কবির একটি কবিতাকণা মনে পড়ে যাচ্ছে। এই দুনিয়ার পাঠক এক হও! ~ www.amarboi.com ~

কবিতারও নাম মনে পড়ছে না। বোধহয় কয়েকটি টুকরো কবিতার মধ্যে সংখ্যা-চিহ্নিত একটি।

পেনসিলে আঁকা মাঠ। আরও গেলে
খুব খাঁ খী গাঁ-
খোকা বিয়োনোর পরে সাদা কাগজের মতো মা।

কবির নাম অমিতাভ দাশগুপ্ত। এই কবিতার মধ্যেও খরা-স্কুধা-রুক্ষতার কথা। জীবনানন্দের ‘ধান কাটা হয়ে গেছে’ কবিতাটা তো আমরা সকলেই কত পড়েছি। সেই ‘খেতে মাঠে পড়ে আছে খড়’? ‘পাতা কুটো ভাঙ্গ ডিম’—যদিও সে-কবিতা রাত্রির কবিতা। কোথাও রাত্রির কথা স্পষ্ট বলা নেই। কিন্তু, ‘ঘুমাতেছে কয়েকটি পরিচিত লোক আজ—কেমন নিবিড়।’ নিশ্চয়ই দিনের বেলা ফাঁকা মাঠে ঘুমোছে না তারা। আর লাস্ট লাইনে যে ‘তার চিঞ্চা জিঞ্জসার অঙ্ককার স্বাদ’ রয়েছে—তার মধ্যে অঙ্ককার থাকায়, জীবনানন্দের ওই কবিতাটির চারপাশে অনেক অনেক রাত্রি নেমে এসেছে মনে হয়।

এই ‘ধান কাটা হয়ে গেছে’ কবিতাটি যদি রাত্রিকালীন খেত মাঠের কথা হয়, তবে অমিতাভ দাশগুপ্তের কবিতাটির চারিদিকে খু খু করছে দুপুর। একজিটে জীবনানন্দ কোথাও আছেন তবু ‘বিয়োনো’ শব্দটির মধ্যে। আর কোনোখানে নেই জোড়ার বেলার ধানভরা খেতের দিকে তাকিয়ে পাড়াগাঁয়ের দিকে তাকিয়ে, নদীর ধারে নুয়ে ঝুঁক্ত থানখেত—এই দেখে জীবনানন্দ বলেছিলেন বিয়োবার দেরি নাই। সেখান থেকে ‘বিয়োনো’র কথাটা এসে থাকতে পারে। কিন্তু এ-কবিতা একেবারে বিপরীত। রক্তহীন, সদ্য-শুন্তির কথা এখানে এসেছে। ওই ‘মা’ হয়ে যেন শুয়ে আছে দ্বিপ্রহরে গ্রামের পর গ্রাম পথিক সে কি বাস থেকে দেখল? না সে হেঁটে চলেছে ওই মাঠের মধ্যে দিয়ে? মনে পড়ে যায়, ‘ও বড় বউ, ডাকো, ওকে ডাকো / ওই যে লোকটা পার হয়ে যায় কাঁসাই নদীর সাঁকো।’ নীরেনবাবুর কবিতার কথা যখন আবারও মনেই পড়ে গেল, তখন বলা দরকার এ কবিতা সবারই খুব চেনা-পরিচিত লেখা। এবং, এ লেখাও, সম্পূর্ণ এক গ্রামের দৃশ্যই দেখায়। ‘পুকুর, মরাই, সবজি বাগান জংলা ডুরে শাড়ি / তার মানেই তো বাড়ি।’ এ-কবিতার নামও প্রায় সকলেরই জানা : ‘স্বপ্নে-দেখা ঘরদুয়ার’। বাস্তবে নয়, স্বপ্নে-দেখা। অর্থাৎ একরকম ‘ভিশন’। একদিন এমন শাস্ত পরিপূর্ণতা পাবে বাংলার গ্রাম, এই স্বপ্ন এখানে আছে। এই কবিই তার একটি কবিতার নাম দিয়েছিলেন : ‘একদিন এইসব হবে’ সেও এক স্বপ্নেরই কথা।

কিন্তু যার সূত্রে মনে হল, যে পথিকের সূত্রে—ও বড়ো বউ, ডাকো, ওকে ডাকো—সেই অমিতাভ দাশগুপ্তের সূত্র ধরেই তো মনে এল নীরেনবাবুর কবিতার লাইনটা—সেই অমিতাভ দাশগুপ্তকে কিন্তু শত ডাকলেও তিনি আর আসবেন না। তিনি চলে গিয়েছেন, হয়তো কোনো কাঁসাই নদীর সাঁকো পার হয়ে, চিরকালের জন্য। কিন্তু, তাঁর কবিতা আসবে, যদি ডাকি। যেমন এল এই কবিতাটি :

বলাংকার

শিথিল এলানো ছায়া জলে,
ঘাটে কাঁপে হাওয়ায় লঠন,
খুলে যায় ডাকাতের ফাড়ি,
মাছ ঠোকে ছড়ানো বাসন।
চুপচাপ দূরে থাকে বাড়ি—
একা পেয়ে ভুলিয়ে ভালিয়ে
কারা ছেঁড়ে কুসুমকুমারী।

রাত-ভোরে যখন সে ফেরে,
স্থির-সৌদামিনী তার বোন
কপালে কাঁকন হেনে কাঁদে—
‘আমাকে কি নেবে না মরণ?’

এ কবিতার চতুর্দিকেও গ্রামেরই পরিপূর্ণ। এবং, এখানেও এক নারী আছে। তবে সে ‘মা’ নয়। মেয়ে। এবং সে মেয়ে হয়তো ‘কুমারী’। কেন না কবিতায় ‘কুসুমকুমারী’ কথাটা আছে। তাতে ‘অনাধ্বাতা’ শব্দটি যে বিশেষ মৌল অর্থে ব্যবহার হয়ে থাকে তার সংকেতও আছে। এ কবিতার মধ্যেও আছে ‘বাড়ি’। ‘চুপচাপ দূরে থাকে বাড়ি।’ বাড়ির একটু দূরের পুকুরে বাসন ধূতে এনেছে মেয়েটি। মুগ্ধ লঠন নিশ্চৃপ। ছড়ানো অবস্থায় পড়ে থাকা বাসনে মাছ এসে টুকরে যাচ্ছে। সেই সময়, অদূরে কোথাও ‘কারা ছেঁড়ে কুসুমকুমারী’। এই লাইনটিতে বলাংকারের কৃষি বলা হল। কুসুম বা ফুল ছেঁড়ার কথায় নতুনত্ব নেই। সবাই জানে। কিন্তু কুসুমকুমারীকে ছেঁড়ে ফেলা? তুলনারহিত এই উপমা। এই অমিতাভ দাশগুপ্তের একটি কবিতা আছে, ফুল ছেঁড়ার প্রসঙ্গে। এবং মাত্র এক লাইনের কবিতা :

‘ফুল ছিঁড়তে ছিঁড়তে তুমি নরমুণ্ডলোভী হয়ে ওঠো।’

বোঝাই যায়, এ কবিতার দ্বিতীয় লাইন হয় না। আর কবির এই সাহসও অবশ্যমান্য যে তিনি এক লাইনেই কবিতাটি থামিয়ে দিয়েছেন। বলাংকার কবিতার শেষ স্তবকে, আছে সেই ধর্মিতা মেয়েটির অপমান ও আত্মানির কথা। সেই প্লানির যত্নগা দিয়েই শেষ হচ্ছে কবিতাটি। ‘আমাকে কি নেবে না মরণ! এই লাইনটির মধ্যে মেয়েদের একটি ভিতর-মনের কথা বলা আছে। কোনো মেয়েকে যদি ইচ্ছার বিরুদ্ধে ভোগ করা হয় বা মনেস্ট করা হয় এমনকি যৌনপ্রস্তাব আসে এমন কারণ কাছ থেকে—যা মেয়েটির কাছে অভাবনীয়—সব ক্ষেত্রেই প্রত্যেক মেয়েরই প্রথমে মনে হয়, ‘আমি কি তা হলে এতই খারাপ মেয়ে! আমাকে দেখে কি এমন মনে হয়! আমার সঙ্গে এই ব্যবহার করা যায়? প্রথমে সে

অপমানের নিষ্ফল জ্বালায় নিজেকে দোষ দেয়। শহরের শিক্ষিত মেয়েদের জীবনেও এমন ঘটনা ঘটে। প্রথম আঘাতের ঘোর কাটিয়ে, এমনকি আঁচড়ে কামড়ে পালিয়ে এলেও—তার নিজেকেই সবচেয়ে খারাপ লাগে। হ্যাঁ, সম্পূর্ণ অযৌক্তিক ভাবে, নিজেকেই সবচেয়ে খারাপ লাগে। নিজের অস্তিত্বটাই বিষ হয়ে ওঠে তার কাছে। শিক্ষিতা আলোকপ্রাপ্তা তরঙ্গীরাও যখন এমন ঘটনার শিকার হয়ে পড়ে তাদের কারণ কারণ মানসিক চিকিৎসার পর্যন্ত প্রয়োজন হয়, এই আঘাত ও তৎসংঘাত আত্মগুণ থেকে সেরে উঠতে। সেখানে প্রামের একটি মেয়ে, ডাকাতের দ্বারা ধর্ষিতা, যে তখনও কাউকে বলতে পারেনি—অস্তু এ কবিতাটি শেষ হওয়া পর্যন্ত কাউকে বলতে পারেনি যে—তার পক্ষে এই প্রতিক্রিয়া স্বাভাবিক—যে ‘আমাকে কি নেবে না মরণ!’ কাউকে বলেনি তা অবশ্য নয়। একজনকে বলেছে। কাকে বলেছে! বোনকে বলেছে। কে তার বোন? স্থির-সৌদামিনী তার বোন! এইখানে কাব্যকুশলতার একটি আশ্চর্য প্রয়োগ। ‘থিরবিজুরি’ কথাটা আমরা ‘জানি’। একেবারে বৈষ্ণব পদাবলি ছোঁয়া। বিজুরি বা বিদ্যুতের একটি প্রতিশব্দ ব্যবহৃত হল এখানে। ফলে নতুন শব্দ তৈরি হল ‘স্থির-সৌদামিনী।’ এর যে গভীর ধ্বনিসৌষ্ঠব তা মেয়েটির ভিতরকার সুর ক্ষেত্রে ঝড়-বিদ্যুৎকে প্রকাশ করছে। থিরবিজুরি যেহেতু অনেকবার ব্যবহার হয়েছে, তাকে দিয়ে কাজ করানো মুশকিল। তাই এই সেই পুরোনো শব্দকে যেন অনুবাদ করে তাতে নতুন শক্তি ভরে দিলেন। আসলে এই ‘এই স্থির সৌদামিনী তার বোন’, এই বোন কথাটিই কবিতাটিতে সুষমা এনে দেয়—কিন্তু বোন? রাতভোরে যখন সে ফেরে। তখন, বোন। এইখানে কবিতাটি অনির্বচন্যভাবে সুরে পৌছেয়। অথচ, একইসঙ্গে স্পষ্ট একটি অর্থও ধরে রাখে কবিতাটি। এটা কবিতাটিও মিল ব্যবহারকে আশ্চর্যভাবে লুকিয়ে রাখে। কারণ, মিল যদি প্রথম থেকে চাখে পড়তে পড়তে চলত, তাহলে কবিতাটির মূল যাত্রাপথে ও আবহস্থিতে বিচ্ছিন্ন যেত।

‘বলাঙ্কার’ কবিতাটি যখন প্রথম ছাপা হয়েছিল তার সঙ্গে ও শব্দ যেমন যেমন ছিল, আমি এ লেখায় তেমনই রাখলাম। শ্রেষ্ঠ কবিতায় গ্রহ্ববন্ধ অবস্থায় ‘কপালে কাঁকন হেনে বলে’ করা আছে, ‘কাঁকন হেনে কাঁদে’-র জায়গায়। চুপচাপ দূরে থাকে বাড়ি হয়েছে, ‘বঙ্গুরে চুপচাপ বাড়ি’। এবং একটি স্পেস রেখেছেন কবি প্রথম চার লাইনের পর। ‘রাত-ভোরে’ হয়েছে ‘ভোররাতে’। চুপচাপ দূরে থাকে বাড়ি’-তে যেন মেয়েটি বাড়িটিকে দেখতে পাচ্ছে, তবু তার বিপদের সময় বাড়িটি তাকে বাঁচাতে আসছে না। তার অত চেনা বাড়িটি।

‘আমাকে কি নেবে না মরণ’ নিজের ভাগ্যের ও জীবনের প্রতি এই ধিক্কারে এসে দাঁড়িয়েছে ‘বলাঙ্কার’ কবিতা। অন্য একটি কবিতা চাইল ঘুরে দাঁড়াতে। এমনকি, প্রতিশোধ নিতে। একই সময়ে লেখা অন্য এক কবির লেখায়।

বিচার

খেতখামার ছেড়ে দিয়ে তামা-রোদ ডালপালায় জাল পেতে রাখে।

উন্নরে ইটখোলা থেকে ঝুঁড়ি ও কোদাল কাঁধে ফিরে আসে নির্মল মেয়েরা,
ক্ষুধায় কাহিল সঙ্গ্যা হাঁটু ভেঙে বসে পড়ে মহাজন-রজনির ডাকে,
কুপির আলোয় খোলে খেজুর পাতায় ঘেরা কুলিদের ডেরা,
চুরুট, ফোলিও হাতে আতরের গন্ধখানি দেখা দেয়,
খুদের জাউয়ের সঙ্গে মিশ খায় সুন্দ বাদে অর্ধেক মজুরি,
দাঁতে-দাঁত-ঘষা কিছু মরদ বাতাস ছিল, বাতাসে শানানো ছিল ছুরি।

সিঙ্গের পাঞ্জাবি লোটে চাটাইয়ের ডানপাশে, রাত্রি জুলে সোনার বোতামে,
কবজির ডায়ালে কাঁপে আমিয়াশী রেডিয়ম, সংবিধান ভিজে যায়
জেজারতি ঘামে,
দু-চোখে গড়ায় জল শব্দহীন, ভারতমাতার মকে নখের অঁচড় আর
অনন্ত দেহাতি হাহাকার—
বাঁকানো চাঁদের ফণা নেমে গিয়েছে তোধিক বাঁকা এক নদীর ওপার—
দু-ভাঁজ অশোকসূত্র ওঁত পেছে মিছিল তেলচিটে বালিশের পাশে
আঁটির পাথর-সাঁটা নির্বাচনী আবা জুড়ে সংসদীয় শান্তি নেমে আসে।

ওঁ শান্তি। হাওয়া যায় ডলমল বাবুর পেছনে, আর যায় রাত্রি ভোরের চৌকাঠে
কেবল ছন্দিশগড়ি উঠাসে মেয়েরা দেখে কর্তার ঘচাঁ মুণ্ড পড়ে আছে
দক্ষিণের মাঠে।

এ অসামান্য কবিতাটি লিখেছেন মণিভূষণ ভট্টাচার্য। এ কবিতার মধ্যেও আছে আমার দেশের গ্রাম। আছে শ্রমিক নারী-পুরুষের জীবন। এ কবিতার প্রথম শব্দই খেতখামার। অপূর্ব সব ছবির মিছিল এ কবিতা। এ কবিতা পড়লে মনে হয়, কোনো পরিচালকের জন্য যেন একটি চিত্রনাট্য তৈরি করাই আছে। একটি সংলাপও ব্যবহার না-করে, কবিতাটিকে অনুসরণ করেই ছেট্ট একটি ফিল্ম যেন তৈরি হয়ে যাবে। শহরবাসী মধ্যবিত্তদের না-জানা, অত্যল্ল-জানা, পাথির চোখে দূর থেকে জানা, একটি জীবনযাত্রার কথা এ কবিতা বলে। আশ্চর্য শক্তিশালী এর শব্দ ব্যবহার। ইটখোলা। শ্রমিক ঝুপড়ি। ঝুঁড়ি ও কোদাল কাঁধে মেয়েদের ফিরে আসা। মহাজন-রজনির ডাক। মরদ-বাতাস। এইসব শব্দ ওই জীবনের আবহাওয়া নির্বৃত ফুটিয়ে তুলতে থাকে। দ্বিতীয় শবকে এসে কবিতাটি যেন তার শিল্পসিদ্ধির চরমে পৌঁছোয়। কী তার ছবি ব্যবহারে, কী তার শব্দ ব্যবহারে। কবজির ডায়ালে কাঁপে আমিয়াশী রেডিয়ম। এবং সংবিধান ভিজে যায় তেজারতি ঘামে। এবার পুরো ব্যবস্থাটাকে, গাঁওনৈতিক ও সামাজিক শোধন প্রাঞ্জলাকে সরাসরি টেনে আনা হল। চাটাই সিঙ্গের দুনিয়ার পাঠক এক হও! ~ www.amarboi.com ~

পাঞ্জাবি থেকে দু-ভাঁজ অশোকস্তুত পর্যন্ত পৌঁছোনো—শুধু ছবি দিয়ে বলা হচ্ছে, অথচ সবটাই সংকেতময়। প্রত্যক্ষ সামাজিক অন্যায়ের বিরোধিতা করছে এ কবিতা—কিন্তু শিল্পগুণে চমৎকৃত করতে করতে চলেছে। দু-ভাঁজ অশোকস্তুতের পাশে তেলচিটে বালিশ। দু-চোখে গড়ানো জল, মেয়েটির অসহায় আঘাসমর্পণ বোঝাচ্ছে। কিন্তু পরক্ষণেই ওই দেহাতি কামিন-মেয়ে স্বয়ং ভারতবর্ষে রূপান্তরিত হচ্ছে। নীরেনবাবুর কবিতায় যেমন একটি গ্রাম্য বউ রূপান্তরিত হয়েছিল দেবী লক্ষ্মীর প্রতিমায়। এ কবিতায় দেহাতি মেয়েটি দেশমাতৃকার রূপ নিল। আমাদের কবিরা যে কীভাবে দেখতে পান, দেখাটা যে কী অনন্য হয়, ভাবলে কৃতজ্ঞতায় বুক ভরে আসে। মণিভূষণের এ কবিতায় দেহাতি হাহাকারের আগে অনন্ত বসানো হয়েছে, কারণ, এ বঞ্চনা, এই চিরকাল চলছে। ‘কবজির ডায়ালে কাঁপে আমিষাশী রেডিয়ম’ ও ‘তেজারতি ঘামে’ সংগমের পরিশ্রম ফুটে উঠেছে।

এ কবিতা অত্যাচার মেনে নেয় না। তাই কর্তার ঘচাঁ মুণ্ড পড়ে থাকে দক্ষিণের মাঠে। অক্ষরবৃন্দ ছন্দকে এখানে তার পূর্ণ শক্তিতে, একেবারে এক নিজস্ব ধরনে ব্যবহার করেছেন মণিভূষণ। দুটি শব্দ একসঙ্গে জুড়ে, হাইফেন দিয়ে, অথবা না-দিয়েও, অঙ্গ জায়গায় অনেক বেশি অর্থ প্রকাশ করতে করতে চলেছেন। এই যে কর্তা বা বাবু, এ কীভাবে দেখা দিল প্রথমে! চুরুট ফোলিও হাতে আতরের গন্ধখানি দেখা দেয়। চারআটির এই প্রবেশ। মাঝখানে সংগম বা এক অর্থে ধর্ষণকালে তার ছবি। শেষে, হাতিয়া যায় টলমল বাবুর পিছনে। আর ‘যায় রাত্রি ভোরের চৌকাটে’-র মধ্যে দিনবন্দনাকে হস্তিত। বাঁকানো চাঁদের ফণ। এবং ততোধিক বাঁকা এক নদীর প্রসঙ্গে, কেবল লাভলের বাঁকা নদী খুঁজলে চলবে না। ‘কর্তার ঘচাঁ মুণ্ড’ যে শেষে এল, তার মধ্যে বাঁকানো ভাজালি বা ওই ধরনের বাঁকা শাণিত অস্ত্রের সংকেত। শুধু, চাঁদ ও নদীর চিরকারে। এ যুগের চাঁদ হল কাস্টে’ মনে পড়ে কি? কিন্তু দীনেশ দাসের সে-কবিতা লেখিষ্ট পর এতদিন কেটেছে, এই হতদরিদ্রদের জীবন তো বদলায়নি। তাই বদলের প্রতিশোধের ডাক এই কবিতা। তাই তার নাম বিচার। এখানে ধর্ষণকারী মহাজনের হাতের থাবা, ‘আংটির পাথর-সঁটা থাবা’ নির্বাচনী থাবা হয়ে উঠে মিলে গিয়েছে নির্বাচনী ব্যবস্থার সঙ্গে। সংসদীয়-শাস্তি কথাটি লক্ষণীয়। এবং শেষ স্তবকের প্রথমে ‘ওঁ শাস্তি’। শাস্তির পথ এ-কবিতা বলছে না। বলছে অস্ত্র ধরবার পথ, আর প্রতিশোধের পথ। কপালে কাঁকন হেনে কান্না যেমন বাস্তব-এই প্রতিশোধও সেই বাস্তবের পরবর্তী ফল। অমিতাভ দাশগুপ্ত এবং মণিভূষণের দুটি কবিতাই লেখা হয়েছিল, ’৭৩ সালে। আমি মণীন্দ্র গুপ্ত ও রঞ্জিত সিংহের অধুনালুপ্ত খ্যাতকীর্তি সংকলনটি থেকে কবিতা দুটি নিলাম। এ জন্য যে, ওই সময়েই গ্রাম জীবনের অবস্থা ও পীড়নের চির তুলে ধরছিলেন আমাদের কবিরা। সশস্ত্র প্রতিরোধ বা অভ্যুত্থানের কথা সবচেয়ে বেশি এসেছে মণিভূষণের কবিতায়, সেই ৩৬-৩৭ বছর আগেই।


’৭৩ সালের কথা যখন উঠলাই, তখন ইতিহাসের একটি আশ্চর্য সমাপ্তনের দিকে তাকানো যাক। ১.১.২০০৯-এর ‘সংবাদ প্রতিদিন’-এ সুনীল সরকার তাঁর প্রতিবেদনে জানাচ্ছেন কয়েকটি তথ্য: “জঙ্গলে বসে ছক কষে চলেন মধ্য পঞ্চাশের তেলেও নেতা।

১৯৭৩ সালের আইনের ছাত্র। তিনি মাও-এর নীতি ও অতিবাম রাজনীতিতে বিশ্বাস করেন। কবিতা লেখার অভ্যাস। ছদ্মনাম নাকি 'অসিধার'। দেশ-বিদেশের প্রচুর পত্র-পত্রিকা পড়েন। চা-প্রেমী এই নেতার কাছে বন্দুকই ক্ষমতার উৎস। তাঁর প্রকাশিত ছবিতে মুখ দেখা না গেলেও বন্দুকের নল স্পষ্ট। রাষ্ট্রব্যবস্থা ও সংবিধানে তার বিশ্বাস নেই। বরং রাষ্ট্রীয়শক্তি ঘোর শক্ত। গণ আন্দোলনে তাদের প্রভাব গাঢ় হয়।" অর্থাৎ, সেই '৭৩ সালেই, আইনের এক ছাত্র, তেলেগু ভাষার তরুণ এক কবিতা-রচয়িতা, ধীরে-ধীরে হয়ে উঠছিলেন 'কিমেঞ্জি'। যিনি এখনও কবিতা লেখা ও প্রকাশ করা বন্ধ করেননি। পাশাপাশি, বাংলায়, সশস্ত্র বিদ্রোহকে আবাহন করে, ওই '৭২-'৭৩-তেই, কবিতা লিখছিলেন মণিভূষণ ভট্টাচার্য। এঁরা পরম্পরাকে চিনতেন না নিশ্চয়, কিন্তু ইতিহাসের চলন এরকমই। '৭৩-এই মণিভূষণের 'ত্রীপঞ্চমী' কবিতায় আমরা এক দেবী সরস্বতীর সাক্ষাৎ পাই, যিনি ভীষণ। 'মহাসমুদ্রের সমস্ত নৈশ বর্ণমালা শুষে তার শরীরে উঠে এল / অমাবস্যার ঘোর অঙ্ককার।' এবং তার আগেই, সেই সরস্বতীর 'হাতের পুথি নিক্ষিপ্ত হল সমুদ্রগর্ভে, দেবী / ডান হাত বাড়িয়ে দিলেন উর্ধ্ব আকাশে—কেড়ে নিলেন / কালপুরুষের ঘজা।'

ফল কী হল? 'তাঁর বাঁ হাতে টাইয়ের ফাঁসে বুলত্তেলাগল বিকট উপাচার্যদের / ছিমুণ্ড, / সমস্ত লম্পট দাশনিক গুপ্তচর গণতন্ত্রী আব শিক্ষামন্ত্রীদের / ছেঁড়া মাথায় তৈরি হল তাঁর কঠহার।' অর্থাৎ, সরস্বতী মুণ্ডমন্ত্রীতে রূপান্তরিত হলেন। মুণ্ডের তালিকায় 'গণতন্ত্রী' কথাটাও কিন্তু লক্ষণীয়। এই মণিভূষণেরই 'মন্টুর জীবন' নামক বিখ্যাত কবিতায় এক চা-দোকানের কিশোর শ্রমিকের কথা বলা আছে। মন্টু যার নাম। অনেক রাত্রে, দোকান বন্ধ হওয়ার আগে, তাৰ মন্টুজৰ জন্য রাখা শেষ পাউরুটিটাও, দু-ভাগ করে দুই শাঁসালো খন্দেরকে দিয়ে দিতে হয় তাকে, যে খন্দেরদের একজন পৌরপিতা। অভুক্ত মন্টুর জন্য আর কিছুই থাকে মণিভূষণ লিখেছিলেন, কিছুই থাকে না তা নয়। একটা কিছু থাকে। কী সেটা?

...‘পাউরুটি কেটে দু-টুকরো করে দুজনকে দিয়ে দিলেও তার হাতে আর একটা জিনিস / থাকে—ভারতবর্ষের অঙ্ককার আকাশে হঠাতে লাফিয়ে ওঠা বিদ্যুতের মতো / আট ইঞ্জিলস্বা ঝকঝকে একখানা ছুরি।’

অস্ত্র ধরার জন্য প্রত্যক্ষ আহান। সর্বহারাকে অস্ত্র ধরতেই হবে এই ইঙ্গিত অনেকবার দিয়েছে, সংসদীয় শাস্তিকে ও নির্বাচন প্রথাকে অনেকবার বিদ্রূপ করেছে মণিভূষণের কবিতা। অনেকবার কথা বলেছে বধ্বনার জবাবে অস্ত্রের ব্যবহার ও রক্তক্ষয়ী প্রতিআক্রমণের সপক্ষে। নকশাল আন্দোলনের প্রায় সমসাময়িক, ৩৬-৩৭ বছর আগে লেখা, এইসব কবিতা আজ সত্য হয়ে দেখা দিচ্ছে জঙ্গলমহলে। ভারতবর্ষের অন্যত্রও। এইজনাই হয়তো বলা হয়, কবিরা ভবিষ্যৎ দেখতে পান।



৩৫

সব মিলিয়ে মোট তিনবার আমি দেখেছিলাম বিনয় মজুমদারকে। দু-বার তাঁর বাড়ি গিয়ে। একবার হাসপাতালে। হাসপাতালে যখন তাঁকে দেখতে যাই, তখন, বড়ো একটা অসুস্থতাৰ পৰি তিনি সুস্থ হয়ে উঠেছেন। যতদূৰ মনে হচ্ছে, '৮৬ বার'—সাল হবে। সংবাদপত্ৰে তাঁৰ অসুস্থতা, হাসপাতাল-বাস ও ক্রমসূস্থতাৰ কথা পড়ছিল। কৰিবকৰ্ত্তব্যের মুখেও শুনছি। একদিন গেলাম। উনি ঘুমেছিলেন বিকেলে। পাশে একটা সন্দেশেৱ বাঞ্চি রাখা। একটা সন্দেশ আমাকে দিলেন। কথা তো বেশি বলছেন না। আমিই কেবল বারবার বলে যাচ্ছি, খুবই আনন্দেৱ কথা আপনি ভালো হয়ে গিয়েছেন। এবার অনেক লিখুন—এইসব হাবিজাবি, যা লোকে কথা খুঁজে না-পেলে বলে। একবার বললেন, ছাতাটা তুলে ঝোলায় ঢুকিয়ে রাখো। ফেলে চলে যাবে। ছাতাটা মেঝেকষে রেখেছিলাম। কবিতা ইত্যাদি সম্পর্কে একটি বাক্য নয়। কখন বেরিয়েছ? ক-টায় গাড়ি? শেয়ালদা যাবে তো! এইসব। আমি উঠে চলে আসছি, উনি উঠে দৰজায় এসেছেন। আমি হাসপাতালেৱ বারান্দায় দাঁড়িয়ে কথাৰ অভাৱে কিছুটা নাৰ্ভাস হয়েই বলে ফেললাম, খুব আনন্দেৱ কথা। আপনি ভালো হয়ে গিয়েছেন। এবার বাড়ি গিয়ে অনেক লিখুন। হঠাৎ স্থিৱ, একটু-দূৰে-নিবন্ধ ধৰনেৱ চোখে একটা বাতি দপ কৰে উঠল। 'ভালো?' 'ভালো' কারে বলো!—মানে ডাঙ্কারো তো বলছেন। 'ডাঙ্কাৰ কী ব-অল-বে? একটা দশ বছৱেৱ ছেলেৰ মতো মন কি আমি আৱ কখনও পাৰ? তাহলে?

আমি চুপচাপ চলে এলাম। এই হঠাৎ-বিদ্যুতেৰ মতো কথাটি তিনি বলেছিলেন একেবাৰেই তাঁৰ নিজস্ব সুৱ ও উচ্চারণ ভঙ্গিতে। যারা শুনেছে তাঁৰ বাচনভঙ্গি—তাৰাই জানে। দশ কথাটি উচ্চারণ কৰছেন জোৱ দিয়ে দ-অ-শ। যেহেতু দশ বছৱেৱ ছেলেৰ মতো মন উনি আৱ পাৰেন না, তাই এটাকে কি ভালো হওয়া বলে!

আমি বাড়ি ফিরতে ফিরতে ভাবলাম, দশ বছৱেৱ ছেলেৰ মতো মন দিয়ে কী দৰকাৱ? তাতে কী লাভ হবে? মাধব দশ যেমন বলেছিল ঠাকুৱদাকে, 'ডাকঘর' নাটকেৱ শেষ দিকে, তাৱাৰ আলোতে আমাৱ কী হবে। সেইৱকম।

চুপ করো, অবিশ্বাসী কথা কোয়ো না বলবার জন্য কেউ অবশ্য ঠাকুরদার মতো ছিল না আমার সঙ্গে। কিন্তু আজ দু-দশক পার করে একটু একটু অনুমান করতে পারি কী বলতে চেয়েছিলেন বিনয় মজুমদার।

একজন গ্রিক কবির একটি উক্তি, থেকে থেকেই মনে পড়ে আমার। মাঝে মাঝে ব্যবহারও করি। কনস্টান্টিন কাবাফি নামে সেই কবি বলেছিলেন : দ্য পোয়েট হ নো'জ হিজ অডিয়্যাঙ্গ ইজ লিমিটেড, ক্যান এনজয় ট্রিমেন্ডাস ফ্রিডম ইন হিজ রাইটিং। যে লোক জানে যে তার কবিতা অন্ন লোক পড়বে, সে তাহলে তার লেখা নিয়ে যা-খুশি তাই করতে পারে? তাই তো! আর এই যা-খুশি-তাই থেকে উঠে দাঁড়াতে পারে একেবারে অচেনা, অপ্রত্যাশিত কোনো আশ্চর্য কবিতার ফর্ম।

উৎপলকুমার বসুর ‘আবার পুরী সিরিজ’, শক্তির চট্টোপাধ্যায়ের ‘হে প্রেম...’ থেকে ‘গভু নষ্ট হয়ে যাই’ পর্যন্ত সব—সুনীলের ‘আমি কীরকমভাবে বেঁচে আছি’ বইটি, বা ‘কবির মৃত্যু’ নামক দীর্ঘকবিতা—আলোক সরকারের ‘বিশুদ্ধ অরণ্য’ ও ‘অন্ধকার উৎসব’, গৌতম বসুর ‘অন্ধপূর্ণা ও শুভকাল’ বা ‘রসাতল’ নামক কবিতাগুচ্ছগুলি যেমন। উৎপলকুমারের ‘আবার পুরী সিরিজ’, বা শক্তি চট্টোপাধ্যায়, আলেক্স সরকার, সুনীল গঙ্গোপাধ্যায়ের বইগুলোর পৃষ্ঠাসংখ্যা স্বাভাবিক কবিতাগুচ্ছেন্তই আকার অনুযায়ী। কিন্তু গৌতম বসু-র বই দুটি নিতান্তই ১৬ পৃষ্ঠার। তাও তাকে পৃষ্ঠা বলছি কেন! তার বিষয়ের যে-ওজন, ওই কয়েকটি কবিতার যে-ভাব, তাতে ‘অন্ধপূর্ণা ও শুভকাল’ বা ‘রসাতলকে’ ‘গ্রন্থ’ ছাড়া অন্য কিছু বলে অভিহিত করতে পারিব না আমি।

এইসব বইয়ের লেখা, স্বাধীনে লেখা। যে বয়সে এঁরা এই বইগুলো লিখেছেন, তখন এঁদের অডিয়্যাঙ্গ লিমিটেডই ছিল। তাঁদের মন স্বাধীনভাবে কাজ করেছে। এখানে একটা কথা বলা দরকার। কাবাফি-র বাক্যটির মধ্যে, নো'জ কথাটির মধ্যে, আর একটা কথাও ছিল। কী কথা? আমার লেখা সামান্য কজন পড়বে, এটা কবি শুধু জানে-ই না (নো-জ-ই নয়), মেনেও নিয়েছে। তাই তার ফ্রিডম অত স্ফূর্তি পেয়েছে। স্বাধীনতা কী সে জানে।

কিন্তু যার লেখা অনেকে পড়েছে, সে, অর্থাৎ তার মন, স্বাধীন থাকার সন্তাননা কম কেন? হয় কী, যত দিন যায়, বয়স বাড়ে, লেখা ছাপা হওয়া বাড়ে বা পরিচিতি বাড়ে, তখন নানাজনের কাছ থেকে ক্রমাগত নানাধরনের ফিড-ব্যাক এসে পৌঁছেতে থাকে। এমন লেখকও আছেন, যাঁরা ফিড-ব্যাক পাওয়ার জন্য হা-পিত্তেশ করে থাকেন। অন্তত এমন একজন লেখিকা ও একজন কবিকে জানি, যাঁরা লেখা শেষ হওয়া মাত্র, ‘জানি না লোকজন কী বলবে’ ধরনের মন্তব্য করতে শুরু করতেন। তখনও ছাপা হয়নি। কিন্তু মনে-মনে তাঁরা ছটফট করছেন।

এই দুজনকে, ব্যতিক্রম হিসেবে সরিয়ে রাখি না হয়। কিন্তু অন্য সময় কী হয়? নানা ধরনের ফিড-ব্যাক পৌঁছেনো মাত্র মনের মধ্যে শুরু হয় প্রতিক্রিয়ার শ্রোত। মুখে হয়তো সেইসব টুকরো মন্তব্য, কথাও না লিখিও সমালোচনার কোনো উন্নত দেওয়া যায় নি, কিন্তু দুনিয়ার পাঠক এক হও! ~ www.amarboi.com ~

মনে-মনে সেইসব মন্তব্যের সঙ্গে কথা বলা থেকে বা তাদের বিপক্ষে পালটা ঘৃতি সাজানো থেকে তো আমি নিজেকে বিরত রাখতে পারছি না। ফলে, লেখার ঘরে একা বসেও, কিন্তু আমি মনে মনে কথা বলছি সেইসব বিরুদ্ধমন্তব্যকারী ও লিখিত সমালোচনার লেখকের বিরুদ্ধে। অর্থাৎ, সাক্ষাতে দেখা না-হলেও, নিজের একা লেখার ঘরেও আমি একা নই। চুকে পড়ছে অন্য কতকগুলো মানুষ, যারা আমার লেখার প্রতি বিরুদ্ধ।

এই সেই জায়গা, যেখানে আমি স্বাধীনতা হারাচ্ছি। নিজের রেওয়াজের ঘরে অন্য লোক চুকতে দিচ্ছি—কোলাহল চুকতে দিচ্ছি। সেই অন্য মুখদের অন্য লোকদেরকে ডেকে আনছে আমারই মন !

সে-ই মন, যে আমার প্রধান সম্পদ, প্রধান সহকর্মী। সে-ই পিছনের দরজা খুলে দিয়ে বিপন্ন করছে আমার স্বাধীনতা। ব্যাঘাত ঘটাচ্ছে আমার লেখার। কীভাবে ব্যাঘাত ঘটাচ্ছে ? আমি আমার লেখার মধ্যে আজান্তেই বিরোধীদের প্রত্যুত্তর দিতে শুরু করছি। অর্থাৎ আমার লেখা আমি নিজেই নিয়ন্ত্রিত হতে দিচ্ছি অন্যের দ্বারা। অন্যদের বলা কথার পিছনে ছুটছি নিজের মনের কথা না-লিখে। আমার মন তখন প্রতারণা করছে আমার সঙ্গে। বলছে, ওদের অভিযোগের উত্তর দাও ! আর সেইখানেই স্বাধীনতা হারাচ্ছি আমি !

বিনয় মজুমদারের ওই-হঠাৎ-উত্তেজিত মন্তব্য, আমার কাছে অন্য অর্থ নিয়ে দেখা দেয় আজ। বিনয়, কথাটি, নিজের মনের আবহাওয়া বিষয়ের বলেছিলেন। কিন্তু, ছেট ওই কথা, আমার কাছে আজ এইটে বোঝায়, যে মন-ই একজন কবির প্রধান সম্পদ। সেই মন থেকে যদি বিস্ময়, প্রসন্নতা, আলো চলে যাবে কবিতার কী অবস্থা হয়। তেমন কবিতা আমি অনেকই দেখি। সুঠাম, সুছাঁদ রচনা প্রিয় কবির মনটি সেখানে পঙ্কু। এই ভয় নিজের দিকে ফিরে আসে, জীবনের বাড়োপটো মধ্যে দিয়ে যাওয়ার সময় কী সেই উপায়, যা মনকে অসুস্থ করবে না ? প্রতিহিংসার জন্য, শাণিত-তীব্র একটা পালটা উত্তরের জন্য আমাকে ভেতরে ভেতরে মরিয়া করে তুলবে না ? অভিযোগের পর অভিযোগের মধ্য দিয়ে যেতে যেতে উড়তে হবে প্রসন্নতার আকাশে। সে হল প্রতিদিনের রেওয়াজ।

বিনয় মজুমদারকে দেখাশোনা করছিলেন যিনি, সেই নার্সের কাছে শুনেছিলাম, বাড়ি ফিরে যেতে চাইছেন না বিনয়। হাসপাতালেই থেকে যেতে চাইছেন। কারণ, নিশ্চয়ই, তাঁর অনিশ্চয়তা-ভরা ভবিষ্যৎ। জীবিকা ও পরিজন-হারা একটি পুরোনো জীবনে ফিরতে হয়তো ইচ্ছে করছিল না তাঁর সেই মুহূর্তে। আর বোকার মতো আমি, বারবার ভালো হয়ে গিয়েছেন বলায়, তাঁর মনের সেই জায়গাটায় নাড়া পড়েছিল। অর্থাৎ ভালো হওয়া কারে বলো ! দশ বছরের বালকের মনে যে কল্পনাপ্রবণতা, অকারণ খুশি, জগৎকে দেখার বিস্ময়, যে কোনো তুচ্ছ জিনিস দেখেও যে বিস্মিত আনন্দ, তা তিনি আর পাবেন না বলে আশক্ত করছিলেন। যদিও বিনয় মজুমদারের প্রাঞ্জলীবনের কবিতায়, ঠাকুরনগর নামের গ্রামটির অপূর্ব প্রকৃতি এক নতুন ঝন্�পনি বাংলা হয়ে বিস্মিত আনন্দেই ফুটে উঠেছে। তবু সেই মুহূর্তে অনিশ্চয়তা ভরা জীবনের মধ্যে ঢুবে যাওয়ার আশক্ত তাঁর মনকে ভারাক্রান্ত করে

রেখেছিল, তাই অমন বলেছিলেন হয়তো। ‘অভিশপ্ত দেবতার শবে’ নামক স্মৃতিচারণায়, বিভাস রায়চৌধুরী বুকমোচড়ানো এক প্রত্যক্ষদর্শী-বিবরণে বিনয়ের শেষজীবনের সত্য ছবি এঁকেছিলেন, যে কোনো পাঠকের যা পড়া উচিত। সে লেখায় বিনয়ের উক্ত আশঙ্কার পরিণতি বলা আছে।

অবশ্য দশ বছরের বালক-মনই আক্ষরিকভাবে বিনয়ের আমাকে বলা কথাটির লক্ষ্য, তা হয়তো নয়। মনকে বালক-মনের মতো বিশ্বায়পূর্ণ উড়ালক্ষ্ম রাখতে হবে, রাখা দরকার, কবির পক্ষে দরকার।

এটাই ওই বাক্য থেকে আমি শিখি। রাখব কী করে তা অবশ্য জানি না।

নিজের মনের পরিচর্যা ও শুন্ধিষ্য একজন কবিতা-লেখককে, শেষ পর্যন্ত নিজেকেই করতে হয়। নইলে বাইরের অনাদরে, উপেক্ষায় অথবা অতিরিক্ত সম্মানলাভে, (অর্থাৎ সেই সম্মানকে মোক্ষ বলে বিশ্বাস করে) মনের ক্ষয় ঘটতে ঘটতে মৃত্যুমুখে পতিত হয় সেই মন। জীবিত-কবির মৃত-মনের লেখাও আমরা করতই পড়েছি। সাধারণ খ্যাত-পরিচিত কবিদের মধ্যবয়স-উর্তীর্ণ লেখাতেই এই চিহ্ন বেশি দেখা যায়। মধ্যবয়স-উর্তীর্ণ মানে! মানে ঠিক যে-বয়সের মধ্য দিয়ে গত কয়েক বছর আমি মেঝেছি। নিজের কথা ভেবেই এ কথাগুলো বলা। নিজেকেই শ্মরণ করানো।

অভিযোগ এবং তার উভরে পালটা অভিযোগ—এই নিয়ে আমাদের সমাজজীবনের, এমনকি পারিবারিক জীবনেরও, অনেকটা সময় কেটে যায়। কবিতা লিখতে বসেও কি তাই করব? সহযাত্রীর প্রতি অভিযোগ! অবশ্য অভিযোগ কোথাও কোথাও ব্যক্তিগত স্তর ছাড়িয়ে উঠে যায়। আর তখন সেটা অভিযোগ থাকে না। হয়ে ওঠে একটা খারাপ প্রথা বা অন্যায় ব্যবস্থার থেকে মুক্তি-ইচ্ছা।

সমস্ত সমাজের মুক্তি-ইচ্ছাপ কীরকম? এ কবিতাটি ধরা যাক।

আত্মপ্রতিকৃতি

আমার মেয়েটি কালো, দেখে যাও রাজার কুমার
দেখে যাও দশহাজারী, বিস্তুলীন কেরালীর কালো
মেয়েটিকে দেখে যাও, দেখে যাও মান্তিন্যাশন্যাল
কোম্পানির রাঙা মুলো, অতিশয় ফরসা শিরপতি,
দেখে যাও কালো চশমা, ইস্পার্টেড জীন্স, দেখে যাও
গলার সোনার চেন, মারতি হাজার, ঘরে গুঁজে
প্যান্ট পরা, লস্বা চুল, পরির স্বপ্নের সদাগর
গরিব বাপের ছেলে, হিং টিং ছটের কবিরা
মেয়েটির বিয়ে দেন, পছন্দ না হলে ফিরে যেও
দু'গৈলা পাসন মাজা, উন্মুক্ত মুরানো, ভাত রাঁধা

মেয়েটিকে দেখে যাও, আমার দুয়ারে পর্দা নেই।
রোদে পোড়া, জলে ভেজা অ্যাত্মের লতার বিবাহ।

আমি তাকে দেখাব না চেয়ে-আনা বেনারসি মুড়ে,
আমি তাকে দেখাব না কনে দেখা সোনালি আলোয়,
আমি তাকে সাজাব না নকল জড়োয়া গহনায়,
রঞ্জ ও পাউডারে ঢাকা দেব না মেয়ের কালো রঙ,
সে এসে দাঁড়াবে সামনে বাসন মাজার হাত ধূয়ে,
সে শেখেনি জবিলাস দাঁত চেপে শব্দ উচ্চারণ,
নটীর মাদক লাস্য, ড্রয়িংরমের সৃষ্টি চাল
কিছুই শেখেনি মেয়ে, সে এসেছে মার্জনাবিহীন
সে জানে না প্রতারণা, সম্মোহনী জাদুর কুহক,
সে আমার সহজিয়া, সে আমার অ-রোগিত লতা
সে আমার কালো মেয়ে, আঁচলে জলের হাত মুছে
দাঁড়িয়েছে, কারোকেই বিমুক্ষ করার দায় নেই।

এই কবিতাটিও নিজেকেই বলা। 'আঘ্রপ্রতিকৃতি' নিজেরই জীবন-ছবি। এই কবিতাটি লিখেছেন আবদুস সামাদ। যে-বইতে এই কবিতা আছে সেই বইটি এখন আর কোথাও পাওয়া যায় না। ছাপা নেই। এক বঙ্গ ভৱনে করে দিয়েছেন আমাকে বইটি। বইটির নাম : 'চাঁদ ও পঞ্চপ্রগল্প'।

এই যে, বিবাহের জন্য প্রত্যক্ষকে কন্যা দেখানোর প্রথা দীর্ঘকাল ধরে রয়েছে, এ সম্পর্কে নানা লেখালেখি দেখা গিয়েছে। মেয়েরা প্রতিবাদ করে নিবন্ধ লিখেছেন; কখনও কবিতাও বা। কিন্তু পিতার পক্ষ থেকে যে কিছু বলার আছে—সাম্প্রতিককালে, কখনও তা নিয়ে কবিতা লেখা হয়েছে কি! সমস্ত অভাবি, সমস্ত কন্যাদায়গ্রস্ত পিতার প্রতিনিধিত্ব করছে এই কবিতা। এবং কথা বলছে কণ্যাদায় শব্দটিরও বিরুদ্ধে। আমার কন্যা আমার দায় হবে কেন? আমার মেয়ে আমার দায় নয়। কারোরই দায় নয়। মেয়েকে বারবার সাজিয়ে গুছিয়ে পাত্রপক্ষের সামনে হাজির করালে—মেয়ের যা কষ্ট হয়—মেয়ের বাবারও সেই কষ্ট শতগুণ হয়ে বাজে। এ কবিতার মধ্যে শ্লেষ আছে, ব্যঙ্গ আছে, আর্থিকভাবে উন্নততর শ্রেণির প্রতি। কিন্তু তার মধ্যে এত গভীরভাবে দুঃখ মিশে রয়েছে, এমন স্নেহের বেদনা, যে, ক্রোধ ও শ্লেষকে তা অতিক্রম করে উড়াল-ক্ষমতা পেয়েছে। এই সেই উড়ালশক্তি, যা কবিকে, উচু আকাশে নিয়ে যায়, তখন নিজের মেয়ের কথা, শুধু নিজের মেয়ের কথাই থাকে না। আঘ্রপ্রতিকৃতি বললেও থাকে না। আমাদের এই গরিব দেশের সমস্ত পিতার কথা হয়ে ওঠে।

এটা ঠিকই, একেবারে আজকের দিনে এই প্রথাটা হয়তো খানিক চাপে পড়ে সরে

গিয়েছে একটু। কিন্তু গ্রামে-গঞ্জে, দূর শহরতলি-মফস্সলে এই প্রথার দাপট আজও অব্যাহত। অন্তত আমাদের ঘোবনকালে এই প্রথারই প্রাধান্য দেখেছি। বিবাহের ক্ষেত্রে স্বেচ্ছা-নির্বাচনে বরং সমস্যা ছিল অনেক। আজও নেই তা নয়। এই কবি, আবদুস সামাদ, ইনি তাঁর বয়স ও অভিজ্ঞতার কারণে এই প্রথাটির প্রবলতা নিশ্চয় দেখেছেন। আবদুস সামাদকে আমি কখনও দেখিনি। শুনেছি এঁর বয়স প্রায় ছেষটি, অবসর নিয়েছেন পাঁচ বছর। ইনি কলকাতায় আসেন কি না জানি না। এলে এতদিনে একবার কি দেখা হত না? থাকেন রানিগঞ্জে। ইনি বড়ো হয়ে উঠেছেন ও বাস করেছেন মহানগর থেকে দূরে। ইনি এই ব্যবস্থার প্রকটতা মর্মে-মর্মে বুঝেছেন। কিন্তু, একটি বিষয়ে বেদনা পেলে, ছিন্নভিন্ন হয়ে গেলেও, তা নিয়ে কবিতা লিখলে লেখাটি উন্তীর্ণ হবে, এমন কোনো কথা নেই। যে কবিতাটির কথা আমি এখন বলছি, ‘আঘ্যপ্রতিকৃতি’, সে কবিতার মধ্যে স্বয়ং কবিত্ব অবস্থান করছেন।

দু'বেলা বাসন মাজা, উনুন ধৰানো, ভাত রঁশা
মেয়েটিকে দেখে যাও, আমার দুয়ারে পদ দেই
রোদে পোড়া, জলে ভেজা, অ্যত্ত্বের লতার বিবাহ।

‘অ্যত্ত্বের লতার বিবাহ’—এই যে কিঞ্চিট বলে উনি স্তবক থামালেন, এ কি বড়ো কবির পরিচয় নয়? তা ছাড়া কোন মেয়ের স্বার এ লাইন পড়ে চোখে জল আসবে না! যেভাবে বাড়ির উঠোনে অ্যত্ত্বের লতাগুচ্ছ বেড়েছে, সেভাবেই যেন আমার এই মেয়েও বেড়ে উঠল, আমারই উঠোনে। রোদ-বৃষ্টিকে সহজে ধারণ করতে পারে। সেই তো তার প্রধান শক্তি। আর এই রোদ বৃষ্টি, না-বললেও চলে, বেঁচে থাকার ঘাত-প্রতিঘাত, অপমান, দারিদ্র্য-হয়তো বা দু-চার কণা খুশির ঝাপটাও। দ্বিতীয় স্তবকেও লতার কথা এনেছেন। ‘সে আমার সহজিয়া’। ঝড়-বৃষ্টি-রৌদ্রের সঙ্গে সহেলিধর্ম পালন করে সে। এবং এ-কবিতায় একেবারে শেষ দুটি লাইনে এক আশ্চর্য ঘূরে দাঁড়ানোর ছবি। সে আমার কালো মেয়ে, আঁচলে জলের হাত মুছে দাঁড়িয়েছে, কারোকেই বিমুক্ত করার দায় নেই।

এই যে ‘আঁচলে জলের হাত মুছে’—এসে দাঁড়ানো—অপূর্ব এর সৌন্দর্য। আমরা আমাদের কৈশোরে-ঘোবনে সকলেই এমন কালো মেয়েকে দেখেছি, যে মাকে সাহায্য করতে করতে ছুটে বাইরের ঘরে এল। তাকে দেখে একদিন মুক্ত হয়েছি, ঘোবনের প্রেমের মুক্তি। তারপর, বয়স বাড়তে, সেই দেখার মধ্যে স্নেহ এসে মিশেছে, বাংসল্য এসেছে, তাকেই আজ অন্যভাবে দেখি। সে একই তো মেয়ে। আমার বাংলা!

আমার বাংলা কথাটি অজান্তে লিখে ফেলেই মনে হল সুভাষ মুখোপাধ্যায়ের বিখ্যাত বই আছে, যার নাম : আমার বাংলা।’ ৫১ সালে বেরোনো এই গদ্যের বইয়ে ছবি এঁকেছিলেন চিত্তপ্রসাদ। সে একেবারে আলাদা এক বাংলা। বরং, এই ‘দাঁড়িয়েছে’ কথাটায় দুনিয়ার পাঠক এক হও! ~ www.amarboi.com ~

এসে সুভাষদারই একটি বিখ্যাত কবিতা মনে পড়ল। ‘সাধ’। কয়েক লাইন বলি :

যেখানেই থাকো--
একবার ফিরিয়ে ঘাড়,
দেখ, কুমারী মা :

...
দেখ, ঘর আলো করে
জন্মদুঃখী মা আমার
সুখ স্বপ্নে
এক হাতে চিবুক

অন্য হাতে
ভারবহনের গর্বে ধরে আছে
জানলার গরাদ

জেনে তুমি সুধী হও--
কাল তার সাধ।

কোনো একজন ‘কুমারী মা’-কে নিয়ে এই কবিতা। যার শিশু ভূমিষ্ঠ দেরী নেই। তাই ‘সাধ’। ভারবহনের গর্বে সে ধরে আছে জানলার গরাদ—এর মধ্যে যেমন এক স্পর্ধিত জীবন ফুটে উঠল—তেমনই ‘আঁচলে জলের হাত মুছে / দাঁড়িয়েছে’—এই দাঁড়ানোতেও—যতই সহজ, ততই অসাধারণ এক স্পর্ধা। কারণ, ‘কারোকেই বিমুক্ত করার দায় নেই’। ‘আমি যে আমি-ই’ এইটাই আমার পরিচয়। এইখানে, এসে ‘আত্মপ্রতিকৃতি’ শিরোনামের আর একটি সার্থকতা দেখা দেয়। সমস্ত অরক্ষণীয়ার আত্মপ্রতিকৃতি যেন এই কবিতা! ভাবতে অবাক লাগে ‘কালো মেয়ে’-কে নিয়ে বাংলায় কত কবিতা লেখা হয়েছে! কিন্তু, এ-কবিতা হারিয়ে যেতে পারল তো! এ-কবিতা আমাকে সংগ্রহ করতে হল, একেবারে লুপ্ত হয়ে যাওয়া একটি বইয়ের ফোটোকপি থেকে। আর এই তথ্য বারবার মনে পড়ার কারণ, কবিতাটির শেষ দুটি লাইন। কেবল নিজের মেয়ের সম্পর্কেই এ-কথা বলা নয়। এ-কথা যেন নিজের সারাজীবনের কবিতা সম্পর্কে এক কবির বলা কথা। এই আবদুস সামাদের কবিতাও যেন, আঁচলে জলের হাত মুছে দাঁড়িয়েছে—কারোকেই বিমুক্ত করার দায় নেই এই কবির। এখানে ‘সহজিয়া’ কথাটি, ‘অ-রোপিত লতা’ কথাটি অন্য অর্থস্তরে উঠে যায়। কনস্টান্টিন কাবাফি যে বলেছিলেন, যে-কবি জানে তার শ্রোতাসংঘ সীমাবদ্ধ—তার যে স্পর্ধা, যে স্বাধীনতা—শেষ দুটি লাইন যেন তারই কথা বলে। আমি যা পেরেছি লিখেছি,

অযত্ত্বের লতাই তো আমার কবিতা। কারওকেই বিমুক্ত করার দায় সে বহন করবে না। কবি তো কোথাও জীবনবন্দি। সে বলতে পারে ‘ভালো যদি বলো একে ভালো তবে, না-বলো তো নয়।’ ‘আত্মপ্রতিকৃতি’ শিরোনামটি আবার জুলজুল করে উঠে, কিন্তু এবার তার অর্থের রং আলাদা।

এ কবিতা সম্পর্কে কেউ বলতে পারেন সেন্টিমেন্টাল। বলবেন। আমি কোনো উন্নত দেব না। যিনি কবিতা লেখেন না, এমন পাঠককে ভেবে দেখতে বলব। আপনি কি এর মধ্য দিয়ে জীবন দেখতে পাচ্ছেন? দিঘিকে বিশ্বাস করা দরকার। আমি বলব। তার জলের তলায় অর্থ শুয়ে আছে। কবিতার অর্থ। জলের ভেতরে তাকালে দেখা যাবে। ভাষার কৌশল ও পরীক্ষামূলক কবিতা লেখা প্রয়োজন, নইলে কবিতার ভাষা এগোবে কী করে? কিন্তু অনেক সময় দেখা যায় জীবনের অভিজ্ঞতা থেকে এইসব পরীক্ষা ও ভাষার কৌশল উঠে আসছে না। উঠে আসছে দেশবিদেশে জন্ম নেওয়া নতুন, আরও নতুন, সব তত্ত্বের খবর থেকে। কবিতাকে এখন এইরকম হতে হবে, বা ওইরকম হতে হবে—এই বাইরে থেকে চাপানো বিশ্বাসে অনেক সময়ই তার জীবনমূল প্রচণ্ড চাপের মধ্যে পড়ে শুকিয়ে যায়। যারা মনে করতে পারেন, কারোকেই বিমুক্ত করার ক্ষমতাই, তাঁদের হাতেই হয়তো প্রাণ পায় কবিতাজীবন।

এই আবদুস সামাদের একটি কবিতা আছে—নাম ‘একটি ইতিহাস প্রসিদ্ধ স্থানে অমণের অভিজ্ঞতা।’ কবিতাটি শুরু হচ্ছে এইভাবে :

এখানে রাজারা ছিল এবং দুনিয়া
মাত্র এক শতাব্দীর দ্রুত
এখন সেখানে থাকে সুই লক্ষ ভৃতে
আর থাকে বিস্তর বাদুড়

রাজার মর্মর মূর্তি
বাগানে চিতিয়ে পড়ে কেন?
ছিন্নভিন্ন কে করেছে রাজার উকীয়?
ন্যাড়া সেই মাথাটিতে মুকুটের মতো
স্তুপীকৃত পাথির পূরীষ

এই বিশাল রাজবাড়ির বর্ণনা দেওয়ার সময় আমরা জানতে পারি, ‘পথিক স্তম্ভের ছালচামড়া খসে গিয়েছে।’ জানতে পারি :

লোকশ্রুতি বলে
এগানে হামামগানা ছিল

কাপড় চোপড় খুলে গোপসী রানিরা
সেরে নিত দীর্ঘ নগ্ন স্নান
গোপনে ঘূলঘূলি দিয়ে সে দৃশ্য কি দেখেছিল
কামার্ত প্রহরী!

এবং

রঙিন নাচের ঘরে যাদের কাপড় কাড়া হত
তারা কেউ ছিল না দ্রৌপদী।

হত্যা, লুঠন, বিলাসব্যসনে ভরা শাসকের সেই মিনার, গম্বুজ, থাম, দুর্গচূড়া আজ
সর্বস্ব-হারানো হানাবাড়ি। আজ সব শেষ। 'ঘারে নেই দোবারিক, দুর্গে নেই অস্ত্রের পাহারা'।
এ তো স্বাভাবিক। এ তো হয়-ই ইতিহাসের নিয়মে। কবিতাটি আমি উদ্ধৃত করছি
কেন!

কারণ, এই বর্ণনা পার হয়ে দেখি শেষ কয়েকটি লাইব্রেওয়েক অব্যর্থ কবির দৃষ্টি আছে।
রাজারা ও রানিরা, যারা দাপট নিয়ে একদিন শাসন করত, তাদের কথা দিয়েই কবিতা শুরু
হয়েছিল। শেষ স্তবকেও তারাই ফিরে আসে। তাদের ধর্মসের কারণটি সঙ্গে নিয়ে :

দেখেনি রাজারা আর দেখেনি রানিরা
দেয়ালে চুকেছে কবে চক্ষুর অঞ্চলে
ক্ষুদ্র বটচারা।
সোনার সিংহাসনটি স্থিনও দ্যাখেনি
দুই চক্ষু তুলে
বটের সবুজ কৃষ্ণ গোপনে গোপনে
বড়ো হচ্ছে অব্যর্থ গোকুলে!

প্রাসাদ ফাটিয়ে বেরিয়ে আসা বটগাছ। হানাবাড়ির চেনা দৃশ্য। কিন্তু 'বটের সবুজ কৃষ্ণ'
কথাটিতে এবং 'অব্যর্থ গোকুলে'র মধ্যে আসম বিপ্লবের আভাস—যাকে কোনো শাসক
প্রাথমিকভাবে কখনও শুরুত্বপূর্ণ বিপদ বলে ভাবে না—সেই সংকেতও রয়েছে।

আবদুস সামাদের অনেক কবিতাই আমাকে অবাক করে দিয়েছে বারবার। আশ্চর্য সব
স্বীকারোক্তি এঁর লেখায় দেখা দিয়েছে। বেশিরভাগ সময়ই মানুষ কবিতায় সেটুকু বলে,
সামাজিকভাবে যেটুকু বললে সুন্দর শোনাবে। এখানেও, অন্যেরা কী বলতে পারে, কী
ফিড-ব্যাক আসতে পারে, তার আশঙ্কা কাজ করে। এবং কবির স্বাধীনতাকে নষ্ট করে
দেয়। আবদুস সামাদের একটি উপলব্ধি বলি—

পাথরে কর্ণ করলে ফলে না সোনালি ধান
ভাঙে শুধু ফাল,
চারিশ বছর পরে মনে হল আমি
বন্ধ্যা রমণীর সঙ্গে মিলিত হয়েছি এতকাল

অথবা

বিশ বছরের পুরোনো কাগজ কত আর পড়া যায়
বিশ বছরের পুরোনো কাগজ আমি
প্রতি রজনীতে উপুড় শয়নে
পাঠ করি নিরূপায়।

—এই ধরনের অনুভব কেউ বলে না। এমনকি কবিতাতেও বলে না। ইনি বলেছেন।
আবদুস সামাদের আর একটি কবিতা ফেরিঘাট। ১৬ বছর আগে কোনো সাময়িকপত্রে
কবিতাটি পড়ে বিস্মিত হয়েছিলাম। আজ এই বইতে কৃজ পেলাম আবার।

...

এই শেষ ফেরি
মাঝি ডাকছে, ও খোকন পিছে চেয়ো না
আমাকে নেবে না নৌকে, আমি তো যাব না ওই পাড়ে
তুমি যাও, গিয়ে সেই জরুন সকালে
পয়লা থেকে শুরু কোরো, আর
দেখো খোকা, যেন তোমাদের
বনগাঁ লোকাল থেকে নেমে এসে হালিমা, অতসী
না দাঁড়ায় তোমাদের মেট্রোর গলিতে সঙ্কেবেলা
ময়দানে নারীর কঠে যেন না কখনও শোনা যায়:
'ছেলে কাঁদছে, বাবু একটু তাড়াতাড়ি করো...'

আবারও দীর্ঘদিন ধরে চলে আসা, একটি সামাজিক অন্যায় প্রথার দিকে অঙ্গুলি নির্দেশ
করেছেন। দূর শহরতলি বা মফস্সল থেকে নিম্নবিভিন্ন ঘরের মেয়েরা ট্রেন ধরে চাকরিতে
আসে শহরে—এমন কথাই জানে তাদের বাড়ির লোক বা পাড়াঘরের মানুষ। কিন্তু এদের
সত্ত্ব কোনো চাকরি নেই। কিন্তু বাড়িতে অনেকগুলো পেট। রাস্তায় রাস্তায় ঘূরে রোজগার
করে রাতের ট্রেনে বাড়ি ফিরে যায় এরা। কবি আল মাহমুদের একটি অবিস্মরণীয় গল্প
আছে—জলনেশ্য। নৌকো করে বাপারীরা যখন হাটে আসে, রাতে ফেরে নৌকোয়, সেই

সময়কার দেহপসারিণীর কথা। আর সুমনের ‘বিগেড়ে মিটিং’ গানে দেখা দিয়েছে অঙ্ককার হয়ে আসা ময়দানের মেয়েরা। সেইরকমই এক মাঠবেশ্যার মর্মান্তিক উক্তি দিয়ে শেষ হচ্ছে আবদুস সামাদের এই কবিতাও। এই মেয়েটি, শিশুপালনের জন্য দেহ-বিক্রি করে। কে জানে, দেহ বিক্রি করতে করতেই সে, এই শিশুকে পেয়েছিল কি না! এও কি একরকম ‘সিঙ্গল মাদার’ নয়! তত্ত্ব কী বলে জানি না, আমি শুধু জানি : ‘বহু পরিচর্যা করে পেয়েছিলু তোরে।’ শুধু জানি : ‘জন্মেছিস ভর্তৃহীনা জবালার ক্ষোড়ে।’ ভাস্কর চক্ৰবৰ্তী মনে পড়ে :

আমি শুধু দারিদ্র্যের কথা জানি
আর কোনও কথাই জানি না।

দেখেছি কিশোরী, তার ম্লান মুখ—
আমি আর কিছুই দেখিনি।

আমি শুধু
ভালোবাসার কথা বুঝি—
আর কোনও কথাই বুঝি না!

এই ভালোবাসার কথা বুঝেছিল ভাস্কর চক্ৰবৰ্তীর সারাজীবনের কবিতা। ভাস্করের কবিতায় এই যে কিশোরী, এরাই তরুণী ছুঁয়ে উঠবার পর হয়তো বা হালিমা অতসী হয়ে গেছে আবদুস সামাদের কবিতায় ‘জন্মা-অজানা কবিৱা সকলেই মিলে একটি দীৰ্ঘ কবিতা লিখে চলেছেন কতদিন। অবিদুশ সামাদ, তাঁৰ কবিতা তেমন ছড়ায়নি ঠিকই, কিন্তু সে-কবিতাও ভালোবাসার কথা ধরে রেখেছে নিজের মতো করে। আর প্রতিশোধহীন হলে, ভালোবাসায় নির্ভর করে থাকলে, অনেক সময়ই, কী ঘটে! আবদুস সামাদের যে-কবিতাটি দিয়ে আজ গোসৌইবাগান শেষ করব, ‘চাঁদ ও পয়ঃপ্রণালী’ বইয়ের সেই কবিতাটির মধ্যে, একাকী মানুষের সেই অসহায় যুদ্ধের কথা আছে, যেখানে লেখকের সঙ্গে তার মন ছাড়া কেউ সঙ্গী নেই। এমনকি দুর্দণ্ড নয়। আবদুস সামাদের কবিতায় ভগবান কী আশ্চর্যরূপে দেখা দেন। ‘ঘূঘনির এঁটো শালপাতা ভগবান।’ ন্যাংটো শিশুরা যাকে চেটে খাবে বলে ছুঁটছে। লাস্টবাস ভগবান—গামছার ফেরিওয়ালা যার জন্য অপেক্ষা করছে। আলোক সরকার লিখেছিলেন দুর্দণ্ডের আছেন ওই বাজারের পাশের ঢুমুর / গাছটাৰ নিচে।’ লিখেছিলেন দুর্দণ্ডের ঘর ওই দূৰে আলো জ্বালা।’ শক্তি লিখেছিলেন দুর্দণ্ডের থাকেন জলে। আর আমরা কে না জানি অলোকৱাঞ্জনের সেই ‘আর সে-নাছোড় ভগবান’-কে? সবাইকে পেরিয়ে কত নিজস্ব আর প্রত্যক্ষ ওই আবদুস সামাদের দুর্দণ্ড!

কিন্তু এই দুর্দণ্ডে তাঁকে শেষ পর্যন্ত সঙ্গ দেন না।

নিজের মন ছাড়া, কবি-র শেষসঙ্গী আর কে?

সেই মন, সারাজীবন ধরে, ‘অনায়াসে যে পেরেছে ছলনা সহিতে?’


বয়া

জিভ বের করা রৌদ্রকান্তর কুকুরের ভগবান
রয়েছেন ওই সিঁড়ির ঘরের নীচে,
ঘূঢ়নির এঁটো শালপাতা ভগবান
বাতাসের বেগে সরে সরে থান
ইস্টশনের ন্যাংটো শিশুরা তাঁকে চেটে থাবে বলে
পিছনে পিছনে ছোটে।
রাত্রির লাস্ট বাস-ভগবান হয়তো বা পান
গামছার ফেরিওলা।

মাংসের হাটে ভগবান থাকে?
হয়তো থাকেন আমিই জানি না
তহমিনা তুমি জানো?

আমি শুধু জানি মধ্য-নদীর বুকে
চেনে বাঁধা আছে বয়া-ভগবান।
অথে এ জলে ওলটানো লপ্ত থেকে
সাঁতার জানি না, যেতে প্রবেশক
এতটা উজান ঠেলে?

বয়া তো একটি ইঞ্জিও এগোবে না
দম শেষ হয়ে আসে...



৩৬

কয়েক বছর আগের কথা। ভীমসেন যোশীর প্রোগ্রামের অনেকগুলো লাইভ রেকর্ডিং আছে একজনের কাছে। তাই আরও দুজনকে জুটিয়ে হানা দিয়েছি তার বাড়ি। প্রোগ্রামের ভিডিও রেকর্ডিং চালিয়ে দিয়েছে সে, বড়ো স্ক্রিনের টিপ্পিতে। দুটি খেয়াল গাইবার পর ঝুমরি গাইছেন ভীমসেন, আব তো শাওন ঘর আ যাব-ঝুম-খামাজ-এ শুনছি। বোল বানাচ্ছেন নানা সব চমৎকার আঁকাবাঁকা রাস্তায়। হাত্তে একেবারে চমকে গেলাম। এ কি মিএঢ়া মলহার নয়? এ কোথা থেকে এল! স্বরস্ময়ে ঘুরে তাকালাম আমার পাশের বন্ধুর দিকে। তিনি গান জানেন। গান নিয়ে লোকেও একজন মিউজিকোলজিস্ট বলতে যা বোঝায়, তিনি তাই। মিএঢ়া কি মল্লার? তিসি মুক্ষ হয়ে মাথা নাড়লেন। হ্যাঁ, তাই! বলতে বলতে ভীমসেন দ্বিতীয়বার মিএঢ়া কি মল্লারের অঙ্গ ছুঁয়ে গেলেন। আমি উদ্ধৃতি হয়ে শুনতে লাগলাম। আবার যদি আসে। মিনিট পনেরোর সেই গানে দ্বিতীয়বারের জন্য মিএঢ়া কি মল্লারের অঙ্গ এল না আর। গান শেষ হয়ে গেল। মনে পড়ে গেল, সুভাষ মুখোপাধ্যায়ের ‘ফুল ফুটুক না ফুটুক’ কবিতাটির কথা। ‘ফুল ফুটুক না ফুটুক আজ বসন্ত’—প্রবাদ হয়ে যাওয়া এই লাইনটি কবিতাটির প্রথম দিকে পরপর দু-বার সামান্য একটু বিরতি দিয়েই এসে যায়। কিন্তু পরে আর আসে না। শঞ্চ ঘোষ, ‘কবিতা-পরিচয়’ পত্রিকায় এ কবিতা নিয়ে তাঁর আলোচনা শেষ করেছিলেন এই কথা বলে : ‘কিন্তু ওই লাইনটি আর ফিরে আসেনি; সংগত সংযমে।’ অনেকটা যেন তেমনই হল ব্যাপারটা।

আমরা বাড়ি ফিরছি। সংগীতজ্ঞ বন্ধুকে বলছি এটা কেন হল? কী কারণ? উনি বললেন, আসলে খামাজে শুন্দি নি কোমল নি দুটোই আছে, মিএঢ়া কি মল্লারেও তাই। বিরাট গাইয়ে তো। দারুণ কায়দা করে লাগিয়ে দিয়েছেন। এই না হলে শিল্পী!

সে তো বটেই। কিন্তু কী কারণে লাগালেন? আব একজনকে জিজ্ঞেস করলাম। সেই ভদ্রলোক আমার চেয়ে বয়সে বড়ো। তিনি যন্ত্রী। তিনি বললেন বসুন তো। দেখছি। বলে,

ঠাঁর বেহালাটি নিয়ে সুর মেলাতে লাগলেন। তারপর ধরলেন খামাজের মুখ। নানা ফ্রেজ বাজাতে লাগলেন। হঠাৎ খাদের দিকে এসে মল্লারের অঙ্গস্পর্শ ঘটে গেল। আমার দিকে তাকিয়ে বললেন, এইরকম কি? আমি বললাম, মনে হচ্ছে এইরকমই। উনি এরপর আরও দু-তিনভাবে ফিরে-ফিরে এসে মিএঝা কি মল্লার দেখালেন। আমি জিজ্ঞেস করলাম, কিন্তু, এটা কেন? কেন এই মল্লারের অঙ্গ লাগিয়েছিলেন ভীমসেন যোশী? উনি বললেন, কোমল-নিষাদ শুন্দি-নিষাদের কম্পিনেশন আর কী! নানারকম কম্পিনেশন তো হতে পারে।

বাড়ি ফিরি। আর ভাবি। কারণটা কী! শুধু একটা আনএক্সপ্রেস্টেড কম্পিনেশন। শুধু 'কায়দা' করে লাগিয়ে দিলেন! কায়দার চমৎকারিত্ব মাত্র? কী জানি। গানের লোক তো নই। তারপর দিন যায় দিন যায়। একটা কোনো শনিবারে, ন-টা নাগাদ বাড়ি ফিরছি। একটা মিনিবাসের জানলা পেয়েছি। ক্যাথিড্রাল রোডে ঢুকছে বাসটা, হঠাৎ হ্রস্ব করে বৃষ্টির হাওয়া ঢুকে এল। সুমনের গানে যেমন আছে—দূরে কোথাও বৃষ্টি হচ্ছে—ঠিক তেমনি হাওয়া। দূরের বৃষ্টির ব্যবর আনা হাওয়া। মনে পড়ল, আব তো শাওন ঘর আ যা। শাওন আসছে। তাই প্রিয়তমকে ঘরে ফিরতে বলছে। ঘরের পুরুষ বাইরে, বৃষ্টি এসে গেল। ওই শ্রাবণের জন্যই মিএঝা কি মল্লার এল বুঝি? তা ছাড়া আর কোনো কৈরায়? শক্তির কবিতায় যে ছিল: 'কারণ ছিল কারণ আছে, তালসুপারি গাছের কাছে'। ঠিক। তালসুপারি গাছের কাছেই কারণ। তালসুপারি গাছ। অর্থাৎ প্রকৃতি। বিভিন্ন ক্ষেত্রে তো তৈরি হয়েছিল প্রকৃতির বিভিন্ন অবস্থার ভিতর থেকে আর মানুষের মনের বিভিন্ন অবস্থাকেও সঙ্গে নিয়ে। ওই গানে এরপরেই তো আছে প্রিয়তম বিদেশে, আমি একাকিনী, কাগওয়া (কাক) তুমি উড়ে উড়ে যাও, আর এই সন্দেশওয়া নিয়ে যাও। তার কাছে, তোমার সুনি চোঁচ বা শূন্য চপ্প আমি সোনা দিয়ে বাঁধিয়ে দেব, তোমার পাখায় কলম দিয়ে লিখে দেব—কী লিখে দেব? আব তো শাওন ঘর আ যা। এখন বর্ষা নেমে এসেছে। তুমি বাড়ি ফিরে এসো। রাজস্থানে তো কাক শুভ পাখি। 'যাও' অর্থাৎ 'যাও পাখি বলো, হাওয়া ছলোছলো, আবছায়া জানলার কাচ'। আজকের দিনের গানে যখন এই কথা আমরা শুনি, তখনও, গানের ইন্টারলিউডে পুরুষকষ্ট আসে রাগালাপ নিয়ে, একটুক্ষণ থেকে আবার চলে যায়। মোট দু-বার আসে। 'অন্তহীন' চলচ্চিত্রে 'চন্দ্রবিন্দু'-র 'অনিন্দ্য-চন্দ্রিল'-এর লেখায় এবং শাস্ত্রনু মৈত্রের সুরে এই গান যারা শুনেছেন তারা মনে করতে পারবেন পুরুষকষ্ট'র রাগালাপ একবার আসে 'দেশ' রাগ সঙ্গে নিয়ে। আর অন্যবার? সে কী নিয়ে আসে?

সে আনে মিএঝা কি মল্লার। অর্থাৎ আবার মিএঝা কি মল্লার এসে পড়ল। আব তো শাওন ঘর আ যা-র মধ্যে শ্রাবণ শুন্দটা ছিল, এবং 'অন্তহীন' ছবিতে দৃশ্যটির ভিজুয়ালের মধ্যে ছিল বৃষ্টিকুয়াশা। আব এদের সবাইকে কালিদাস-এর 'মেঘদূত'-এর মতো দৃত হতে অনুরোধ করা হচ্ছে।

বৃষ্টি আসার আশঙ্কায় প্রেমিককে ঘরে ফিরে আসার ডাক পাঠিয়েছিল আব একটি গানের একাকিনী। রাতে দেন নর্মনের একেবারে প্রথম দিকের সুরারোপিত একটি ছবি,

‘ছোটে নবাব’-এ আছে সেই গান। ঘর আ যা, ঘিরি আয়ি বদরা সাওঁয়ারিয়া। লতা গেয়েছিলেন। সে গান অবশ্য মাৰা-খমাজে নয়। সে গান মিশেছিল তিলককামোদ-এ। যে তিলককামোদে সুরকার জয়দেব বেঁধেছিলেন আৱ একটি বৃষ্টিৰ গান, লতারই গলায়— হয়ে বদৱি কাঁহাসে আয়ি হ্যায়। কিন্তু ভীমসেনজিৰ ওই গানে, কেন মিএঝা কি মল্লার চকিতে এল দু-বাব ? এৱ কাৱণ যতবাৰ সংগীতেৰ চৰ্চাকাৰী মানুষদেৱ কাছে জানতে চাইলাম, তঁৰাও বিমোহিত হলেন, কিন্তু ‘কী আশচৰ্য কায়দা’, এটাই বলতে লাগলেন। দুটো নিষাদেৱ কষ্টনেশন কেমনভাৱে নানা রাস্তা তৈৰি কৱতে-কৱতে মিএঝা কি মল্লারেও এসে পড়ল এটাই বোঝালেন। কিন্তু কেন এল, এটা বুৰাতে আমাৱ দৱকাৰ হল দমকা ঝাপটায় আসা বৃষ্টিৰ বাতাসকে। আমি বুৰাতে পারলাম, শাওন আসছে। ‘আবণ’—এই শব্দ ও মেঘচছবি থেকে গানেৰ বন্দিশেৱ যে-কথা—সেই কথা থেকে—মিএঝা কি মল্লারেৱ অঙ্গ স্পৰ্শ কৱেছেন ভীমসেন যোশী। প্ৰিয়তমা নাৰীৰ অঙ্গ স্পৰ্শ কৱাৰ জন্যও যেমন আওচাৰ আছে, বিলম্বিত আছে—শেষে দ্রুত—এও তাই ! বাকি সবাই প্ৰয়োগ-কৌশলেৱ চমৎকাৰিতা দেখছে—কিন্তু যে সংগীতজ্ঞ নয়, শুধু সাধাৱণ এক শ্ৰোতা, তাৱ কাছে পৌঁছোচ্ছে ভাৱবস্তুকু। ‘আবণ’ শব্দটি থেকেই বৰ্ধাৱাগেৱ শৱীৱ-স্পৰ্শখনেই ভীমসেন যোশী কৰিব। তাঁৰ গায়নেৱ মধ্যে কৰিতু।

সংগীতচৰ্চা যাঁৰা কৱেন, তাঁদেৱ প্ৰশ্ন কৱে আমি শুধু বাইৱেৱ কাঠামোটিৰ বিশ্বেৱণ পাচ্ছিলাম—কিন্তু গান তো একটা কাৱণ থেকে জৰায়, একটা জীবন-কাৱণ থেকে—সেইটা পাচ্ছিলাম না ! বড়ো শিঙুৱাৰ কায়দা-ক্ষেত্ৰসেৱ উৰ্ধৰে উঠে যান বলেই ভীমসেন অমন প্ৰয়োগ কৱলেন হয়তো। কিন্তু চৰ্চাকাৰীতানেক সময়েই বাইৱেটা নিয়ে ব্যস্ত হয়ে থাকেন। কবিতাৰ ক্ষেত্ৰেও এটা হয়। আশীৰ্বাদ হয়েছে। তখন ‘দেশ’ পত্ৰিকায় কাজ কৰি। একজন কৰি কবিতা দিলেন। আমি ক্ৰমেকদিন ধৰে চাইছি; তিনি এনে দিয়েছেন। পিটিএস-এ পাঠিয়েছি পয়েন্ট মাৰ্কিং কৱে। ফ্ৰফ পড়েছি। পাতায় বসিয়েছি। ইলাস্ট্ৰেশন হওয়াৰ পৰ পাতা পড়তে হয় ম্যাটারেৱ সঙ্গে মিলিয়ে—সে-সবও কৱেছি। চাৰ-পাঁচবাৰ অন্তত পড়তে হয়েছে কবিতাটা, কাজেৰ সূত্ৰেই। তা ছাড়া হাতে পেয়ে একবাৰ তো এমনিই পড়েছিলাম। এবাৱ যথাসময়ে ‘দেশ’ বেৱিয়ে, ছাপা হয়ে বাঢ়িতে এসেছে। সকালে আমি কী একটা কৱছি চা খাবাৰ সময়। কাবেৱী কবিতাটা পড়ছে খেয়াল কৱিনি। হঠাৎ বলল, এই লাইনটা কী অস্তুত না ! আমি অৰ্ধমনক্ষতাৰে বললাম : কী লাইন ? কাবেৱী বলল, এই তো ‘পিপড়েৱ মুখে ধৰে রাখা একটি চিনি-বিনু, এই যে জীবন...’

আমি খবৱেৱ কাগজ বা অন্য কিছুতে চোখ রেখে গভীৱভাৱে বললাম, হ্যাঁ-অ ! মানে জীবনেৱ অনিত্যতাৰ কথা আৱ কী ! এৱ ক্ষণস্থায়িত্ব আৱ অজানা ভবিতব্য ! মানে জীবনেৱ। এটা বলা হচ্ছে। তবে-এ-এ, পৱেই দ্যাখো আৱ একটা লাইন আছে : ইস্কুলেৱ ঘণ্টাধ্বনি, তাৱও শ্ৰোত অবিশ্বৰণীয়—এটা আৱও ভালো লাইন।

কাবেৱী বলল : ও-সব জানি না। আসলে, পিপড়েৱ মুখ থেকে চিনিটা এক্ষুনি পড়ে যেতে পাৱে। এই তো !

আমি খবর কাগজ রেখে ঘুরে তাকালাম। আমি পাঁচ-ছ-বার কবিতাটা পড়েছি ছাপার আগে। এই কথাটা কেন এইভাবে, ঠিক এইভাবে মনে হয়নি। আমি কী বললাম? বললাম, জীবনের অনিত্যতা। ক্ষণস্থায়িত্ব। অজানা ভবিতব্য। ভারী-ভারী গালভরা কথা।

এটা আমি কবি বলে বললাম। ওইরকম একটা গান্ধীরের ভাব এনেই বলতে শিখেছি, কবি হয়েছি বলে। চিনিটা যে পিংপড়ের মুখ থেকে এক্ষুনি পড়ে যেতে পারে—এই সহজ কথাটা বলতে পারলাম না। যে কবি নয়, যে সাধারণ, তার দৃষ্টি একমুহূর্তে বিষয়ের একেবারে মূলে পৌঁছে গেল। তার ফলে আমি এটাও ধরতে পারলাম যে, ‘পদ্মপত্রে-নীর’ এই অতিপুরাতন ও ব্যবহৃত উপমাটিকে এখানে নতুন জীবন দেওয়া হল।

যতক্ষণ কবি হয়ে থাকব, কবিতাকে প্রাণ দিয়ে বুঝাতে পারব না। ওই শুন্দি নি কোমল নি-র কম্বিনেশন আর কায়দা পর্যন্ত পৌঁছোব। সাধারণের চোখ, সাধারণের মন, যদি একটু পড়বার অভ্যসের মধ্যে থাকে, তাহলে অনেকসময়ই সে যত সহজে কবিতার প্রাণ-এ পৌঁছোয়, আমি তত সহজে পারি না। পুরো কবিতাটি যদি আগ্রহী পাঠক পড়তে চান, তবে জানিয়ে রাখি কবিতাটির নাম ‘রাত্রির রাঁদেভুঁ’। এই শিরোনামের বইতেই পাওয়া যাবে। লেখক সুনীল গঙ্গোপাধ্যায়।

এইভাবেই শেখা। ভুল করতে করতে, শেখা। জীবনে যেমন ভুল করেছি, তেমনি কবিতার ছন্দেও ভুল করেছি। অঞ্জবয়সে, চার মুক্তার ছন্দে লিখলাম একটা কবিতা। কবিতাটির প্রতিটি স্তবক ছিল তিন লাইনের প্রত্যনির্দৃটি লাইনে পরপর মিল তৃতীয় লাইনটি কুমারী রইল, পরের স্তবকে প্রথম দু-লাইনে আবার দুটো মিল, তৃতীয় লাইনটিতে এসে মিলন হচ্ছে আগের স্তবকের তৃতীয় লাইনের। অর্থাৎ তৃতীয় লাইনের সঙ্গে যষ্ঠ লাইনের মিল। এভাবে সবটা চলেছে। এইভাবে লিখলাম একটা কবিতা ‘সাদা বিষ কালো বিষ’। কিন্তু কেউ তো দেখিয়ে দেওয়ার নেই; তাই গঙ্গোলও করে রাখলাম অনেক। কেমন গঙ্গোল?

এই কথা মনে করে ওর যে
আর কিছু আসত না সহ্যে—
এখনো আসে না—অগ্নিচূড়ার

ভিতরেই ওর মেরবিন্দু
একথা তুমিও জানো, কিন্তু
নিজে থেকে কত খানি নিচু আর

হতে পারো?...

আবার আর এক জায়গায় লিখলাম,

পূরনো বাতাস ফের আর্দ্র—
রয়ে গেছে এখনো কি তাৰ দোষ?
ধীৱে যাও, অত বেশি দ্রুত না।

আবার তুষার ঢাকা জাহাজে
নতুন তুষার পড়ছে, কাজে
যাবে না কি? সামান্য দ্রুতও না

যেন থাকে এই প্ৰেমে, হত্যায়

দুটো জায়গা তুললাম। চার মাত্ৰায় যাচ্ছে তো ছন্দটা।

এই কথা ।^১ মনে কৰে ।^১ ওৱ যে তাজা পৰ
আৱ কিছু ।^১ আস তো না ।^১ সহে^১ তাজা পৰ
এখনো আ ।^১ সে না—অগ ।^১ নিচুড়া^১ তাজা পৰ

ভিতৰেই ।^১ ওৱ মেৰ^১ তাজা পৰ
এ কথা তু ।^১ মিহি জানো ।^১ কিন্তু^১ তাজা পৰ
নিজে থেকে ।^১ দ্রুত খানি ।^১ নিচু আৱ^১ তাজা পৰ

হতে পাৱো ?^১

...এইৱৰকমভাৱে চলেছে!

এইৱার ‘অগ্নিচূড়া’ৰ সঙ্গে ‘নিচু আৱ’ মেলাতে গিয়ে আমি গণিত বা মাত্ৰা ঠিক-ঠিকই ফেললাম। গোলমাল কোথায় হল? ছন্দের জন্য এখানে অগ/নিচুড়াৰ হল। আমৱা কি মুখে এই ‘অগ্নিচূড়া’ৰ শব্দটি একসঙ্গেই উচ্চারণ কৰিব না? ‘অগ/নিচুড়া’-ৰ এভাৱে পড়লে স্বাভাৱিক কথা বলা ভেঙে যায়। দ্বিতীয় ক্ষেত্ৰেও একই ব্যাপার।

আবার তু ।^১ ঘাৱে ঢাকা ।^১ জাহাজে^১ তাজা পৰ
নতুন তু ।^১ ঘাৱ পড় ।^১ ছে, কাজে ।^১ তাজা পৰ
যাবে না কি ।^১...

আসল কথাটা কী? নতুন তুষার পড়ছে, কাজে যাবে নাকি? পড়ছে কথাটা আমরা একত্রেই বলি। ছন্দ আর মিল ঠিক রাখতে গিয়ে ‘পড়/ছে, কাজে’, এই লিখলাম, গণিত ঠিক থাকল। স্বাভাবিক গতিটা নষ্ট হয়ে গেল। কারণ তোমাকে তো পড়তে হচ্ছে ‘ছে, কাজে’ এইভাবে, তাই না? এভাবে তো তুমি-আমি কথা বলি না। আবার ঘূরিয়ে পরের লাইনে যখন ‘যাবে না কি?’ লিখলাম, তখন স্পন্দন কিছুটা নষ্ট হল। সঙ্গে সঙ্গেই ‘অত বেশি দ্রুত না’-র সঙ্গে, ‘সামান্য খুঁতও না’ মেলালাম, মেলাতে গিয়ে পরের লাইনে লিখতে হল ‘যেন থাকে এই প্রেমে হত্যায়’। আসলে কথাটা কীভাবে বলি, সামান্য খুঁত না যেন থাকে—‘না যেন থাকে’ আমাদের কথা বলায় স্বাভাবিকভাবে আসে—আমি মেলাবার জন্য কী করলাম? ‘সামান্য খুঁতও না/যেন থাকে এই প্রেমে, হত্যায়’—ইত্যাদি। কথা বলার সহজ গতিটা ভেঙে গেল। এ-কবিতায় এরকম অনেক আছে :

পোষা পাখি ।^১ টির কালো ।^১ চপ্পুর তাঙ পর
 আঘাত লা ।^১ গিয়ে তুমি ।^১ চুরচুর তাঙ পর
 করেছ—তা^১ খনই প্লেসি ।^১ যার কি তাঙ পর

কেঁপে উঠেছিল এ সমুদ্রে!
 তোমার আগামী স্বামী পুত্রের
 তালো চাইবার বেশি অবৃক্ষা

চাইতে পারব আমি!

এখানে, এক তো, ‘প্লেসিয়ার’ শব্দটা বিশ্বে দে থেকে নেওয়া। সবাই জানে, ‘কামনার টানে সংহত প্লেসিয়ার’-এর কথা। কিন্তু ‘বেশি আর কী’ এর সঙ্গে মিল দেব বলে, ‘প্লেসিয়ার কি’ লিখলাম তো! কিন্তু তার উচ্চারণ কীরকমভাবে হল? ‘করেছ—তা/১ খনই প্লেসি ।১ যার কি’—এইভাবে। ‘প্লেসিয়ার’ কথাটা আমরা একসঙ্গে বলি। এখানে ছন্দ আর মিলের জন্য বললাম না। ‘আর কি’-টা ভেঙে গেল। একে মধ্যথেওন বলে চালানো যাবে না কিছুতেই। একটি মধ্যথেওনের উদাহরণ দিই তবে। যদিও স্বরবৃত্তে লেখা।

প্রৌঢ় বোঝে প্রৌঢ়তা কী। বৃন্দ বোঝে
 বয়স বলতে কী বামেলা।
 ‘কিন্তু খুকু, এখন তুমি এতই অল্প বয়স্ক যে’
 তোমার উপলক্ষিতে নেই ছেলেবেলা।

‘বৃক্ষ বোঝে’-র সঙ্গে ‘বয়স্ক যে’ মিলছে—কিন্তু মনেই থাকছে না মিলল যে! ‘অল্পবয়স্ক’ ভাঙ্গল ‘অল্প’ আর ‘বয়স্ক’-তে—‘উপলক্ষিতে’ খণ্ড হল, ‘উপ’ আর ‘লক্ষিতে’—কী অন্যায়স স্বাচ্ছন্দ্য এই ভাঙ্গনে। একবারের জন্যও মনে হল না পড়তে কোথাও বাধা হচ্ছে। ছন্দ ছাড়া গদ্যে বলে গেলেও যেন চলে—এতই স্বাভাবিক। এই হল পাকা হাতের কাজ। আদর্শ কাজ। নীরেন্দ্রনাথ চক্রবর্তীর কবিতা থেকে বললাম এই চারটি লাইন। এইসব কাজ নীরেন্দ্রনাথের অজ্ঞ ! এমন দক্ষ শিল্প-কৌশল ছন্দকে তো লুকিয়ে ফেলে, এমনকি মিলকেও যেন ধরা যায় না। আকাশপথ থেকে জানকীর ফেলে-ফেলে যাওয়া গহনার মতো হঠাৎ-হঠাৎ ঘাসজঙ্গলের ফাঁকে আবিষ্কার করে চমকে চমকে উঠতে হয়, কেবল দ্বিতীয় বা তৃতীয় পাঠে পর্যবেক্ষণের সতর্কতা এলে। এই যে নীরেনবাবুর কবিতা-র লাইনগুলো বললাম, এরা আমাকে কী শেখাতে পারত ? যা শেখাতে পারত, তা হলঁ : তুমি একটা কবিতা-ই লিখছ ! কয়েকটি মিল লিখছ না। কিছু চমকপ্রদ ছন্দের লাইন লিখছ না। কবিতাটা কোথায় ?

সেটা আমি শিখতে পারিনি। একা নীরেনবাবুর কবিতা অবশ্য নয়। শক্তি, শৰ্ষ, অলোকরঞ্জন, অরূপ সরকার ও সুভাষ মুখোপাধ্যায়ের কাছকেও এটা শিখতে পারতাম। পারিনি, কারণ আমার মনে হত জটিল, প্যাচানো, দুর্বল দূরে আসা মিলের শৃঙ্খল হাসিল করতে হবে। তাতে আমি কত কঠিন সব মারপঁঠ কেঁথেছি, তা বোঝানো যাবে লোককে। যেমন, ‘জিভ’ নামে একটি দীর্ঘ কবিতায়, এমন লিখেছি :

জেগে ওঠো ওগো পেট্রোলিয়ম ? কাহার
দুহিতা গো তুমি যথম
এ শরীরে দাও যথা-
-বিহিত জ্বালানী...

অথবা

আসলে ঠাট্টা সবটাই। চিরা-
-চরিত স্বপ্নে, আড়তে
সোনার পক্ষী যে সবার
চোখ এড়িয়ে আসে এ তো জানা।

এই যে, ‘যথাবিহিত জ্বালানী’ অথবা ‘চিরাচরিত স্বপ্নে’—এখানে ‘যথাবিহিত’ আর ‘চিরাচরিত’-কে মিল দেওয়ার জন্য ভেঙে দুটো আলাদা লাইনে নিয়ে গিয়ে কথা বলার যে স্বাভাবিকতা তার একেবারে সর্বনাশ করে ছাড়লাম। শুধু এটাই নয়, ‘জিভ’ কবিতাটির

সর্বাঙ্গে এই সূর-হেঁড়ার ক্ষত আমি তৈরি করে দিলাম, ছন্দ-মিল ব্যবহার করেই। কীসের সুর? কথা বলার স্বাভাবিক সুর ও স্বর, ছিন্নভিন্ন হতে লাগল গোটা কবিতা জুড়ে। কেন না, তখন আমাকে কিছু করে দেখাতে হবেই যে! ‘কাহার দুহিতা গো তুমি’! অথবা ‘খিল এ শরীরে দাও যথাবিহিত জুলানী’ এই কথাগুলো—কাহার, খিল, এইসব শব্দ আগের লাইনে রেখে একেবারে ছিন্নভিন্ন করে দেওয়া হয়েছে সহজ স্বাভাবিকতাকে। জিভ, কালো ত্রিভুজের আস্তরণ, সাদা বিষ কালো বিষ ইত্যাদি কবিতায় এই “কিছু করে দেখানোর মরণপণ চেষ্টা” ছন্দ ও মিলের যে মূল সৌন্দর্যলক্ষ্য তাকে ধ্বংস করে দিয়েছে। হেমবাবু যে দেড়শো বছর আগে বলেছিলেন ‘পদাবলীর শ্রোতোভঙ্গ হেতু শ্রবণ কঠোর’ হইয়াছে—এক্ষেত্রে তা স্থানে-স্থানে নয়, সর্বত্রই হয়ে আছে।

আসলে প্রেম ও শরীর মিলনের অভিজ্ঞতা থেকেই ছন্দ মিলের ধারণা আসে; রাগসংগীতের ধারা যখন শ্রবণের মধ্য দিয়ে শরীরে প্রবেশ করে তার অভিজ্ঞতা থেকেও তৈরি হয় ছন্দ-মিলের শিক্ষা—সেইটা তখন আমার জানা ছিল না। বদলে আমি জানতাম, মুর্খেরই মতো জানতাম, কবিতা কেমন হবে। আমি জানতাম, ছন্দকে গুনে-গুনে লিখতে হয়। আমার প্রথম জীবনের ওইসব কবিতায় যে প্রবল অস্ত্রাঙ্গের চিহ্ন, আজকের দিনের নবীন কবিদের কবিতায় তার ছায়া মাত্র নেই। অন্ধকারাঙ্গ সেন, শ্রীজাত, বিনায়ক বন্দ্যোপাধ্যায়, যশোধরা রায়চৌধুরী, পিনাকী ঠাকুর বিভাস রায়চৌধুরী এঁদের কোনো বইতেই এমন জড়াপালটা লাগা ছন্দ-মিলের চেষ্টা দেখা যাবে না। এঁরা প্রস্তুত হয়েই, স্ব-স্ব চেষ্টায় ও ক্ষমতায়, উপযুক্ত গৃহশিক্ষা দিয়েই কবিতা লিখতে এসেছেন এবং বই প্রকাশ করেছেন। শ্রীজাত ও মন্দাক্রান্তার মতো কোনো তুলনাই হয় না। প্রথম বলটি থেকেই এঁরা ব্যাটের মাঝখান দিয়ে খেলেছেন। অদের কেউই কথনও গুনে-গুনে ছন্দ লেখেননি। কী করে বুঝালাম! শুধুমাত্র পড়েই তা বোঝা যায়।

আমি কীরকম গুনে-গুনে লিখতাম তার আর একটি উদাহরণ দিই। সাত মাত্রার ছন্দের উদাহরণ। তার আগে শঙ্খ ঘোষের সুপরিচিত একটি কবিতার কয়েক লাইন তুলে দিচ্ছি :

$$3+2+2=7$$

কোনো যে মানে নেই

$$3+2=5$$

সেটাই মানে

$$3+8=7$$

$$2+1+2=5$$

বন্য শূকরী কি

নিজেকে জানে!

$$3+2+2=7$$

$$3+2=5$$

বাঁচার চেয়ে বেশি

বাঁচে না প্রাপ্তে

$$3+8=7$$

$$1+2+2=5$$

শুকুন এসেছিস

কী সন্ধানে?

$$2+1+2+2=7$$

$$2+1+1+1=5$$

এই নে মুখ বুক
৩+২+২=৭
ভাবিস পাবি তবু

হাত নে, পা নে
৩+২=৫
আমার মানে ?

এই কবিতা ৭/৫-এর চালে লেখা। প্রথম পর্বটি সাত মাত্রার দ্বিতীয় পর্বটি পাঁচে। এইবার দ্বিতীয় লাইনে ‘বন্য শূকরী কি নিজেকে জানে’ এখানে ‘কি’ শব্দটি হৃষ্ট-ই দিয়ে লেখা হচ্ছে। কেন? কারণ, বন্য শূকরী নিজেকে জানে কি? এই ‘কি’ হল: ‘তুমি এখন খাবে কি?’ অর্থাৎ ‘তুমি কিছু খাবে কি এখন?’ এই অর্থে। যদি এটা হত, তুমি এখন কী খাবে, অর্থাৎ ‘তুমি এখন চা খাবে না কফি খাবে’ এই অর্থে—তাহলে ক-এ দীর্ঘ-ই হত।

সেক্ষেত্রে, এই বন্য শূকরীর পরে ‘কি’ কথাটা সাত মাত্রার প্রথম পর্বের একেবারে শেষে বসল। কথার সূর একেবারে আটুট এখানে। আবার ‘শুকুন এসেছিস কী সন্ধানে’—এখানে পাঁচ মাত্রার যে দ্বিতীয় ভাগটি রয়েছে, তার একেবারে প্রথমে বসল ‘কী’। কী এখানে দীর্ঘ-ই। কী সন্ধান করছ? হাত? পা? মুখ? বুক? সবই নাও। এই হাত পা মুখ বুক হল ‘কী’। বা ‘কী কী’। এই যে দু-রকম দুটি ‘কি’—অর্থাৎ একটি হৃষ্ট-ই দেওয়া ‘কি’ অন্যটি দীর্ঘ-ই দেওয়া ‘কী’—দুটির দুই অর্থ—ছন্দের পর্বেও এ দুটি শব্দ এমন দুটি ভাগ নির্বাচন করল, যাতে কথা বলার সুরের স্বাভাবিকতা একটুও ভাঙল না।

আর আমি কী লিখলাম? এই যে লেখাটি থেকে এখন একটি লাইন উদ্ভৃত করব এটি আমার কোনো কবিতা সংগ্রহে পেলাব না। তার মানে কবিতাটি কোনো বইতে তালে গোলে নেওয়া হয়নি, বই করার সময়ে খুজে পাইনি হয়তো। তবে ছাপা হয়েছিল নিশ্চিত। একটা লাইন মনে আছে, সেটাই কুলাছি।

তার আগে বলে রাখি, শঙ্খঘোষের ‘পুনর্মিলন’ নামক কবিতা পড়ে এটি লিখতে চেষ্টা করেছিলাম। তখন অন্য কবিতা পড়ে-পড়ে কবিতা লিখতে চেষ্টা করতাম। ‘পুনর্মিলন’ পরপর দুটি সাত মাত্রার পর্ব পাশাপাশি রেখে লেখা।

১+২=৩, ২+২=৪
কী কথা বলে ওরা?
১+২=৩, ২+২=৪
এ ওকে চোখে চোখে

২+১=৩, ২+২=৪
কোনো কি কথা বলে?
৩, ৩+১=৪
কখনও দেখেছে কি?

প্রথম পর্বও সাত মাত্র। দ্বিতীয় পর্বও সাত। প্রথম লাইনে আবারও ‘কী’ আর ‘কি’-অব্যর্থ-বণ্টন।

এবার আমি লিখলাম, এটা দেখে, গুনে গুনে—

‘আমার মাকে তুমি কি ভালো বেসেছিলে?’


কবিতার নাম ‘বাবা-কে’। অর্থাৎ বাবাকে জিজ্ঞেস করছি, মৃত বাবাকে, আমার মাকে তুমি ভালোবেসেছিলে কি? এই ‘কি’-টা হুস্ব-ই দিয়ে হওয়া দরকার। তাই-ই আছে। কিন্তু কোথায় প্লেস করেছি ‘কি’-টা? এখানেই গোলমাল। প্লেস করেছি দ্বিতীয় পর্বের শুরুতে। এবং লাইনের শেষে দিয়েছি জিজ্ঞাসা চিহ্ন। কিন্তু পর্বের স্থাপনা এমন হয়ে গেছে যাতে ‘কি’ উচ্চারণটি দাবি করছে যেন ‘কী’—দীর্ঘ-ই দেওয়া বানান। অর্থাৎ গুনে-গুনে সাতমাত্রা সাজাতে গিয়ে আমি যা বলছিলাম, অর্থাৎ মৃত বাবাকে প্রশ্ন করছিলাম, তুমি কি ভালোবেসেছিলে আমার মাকে? পর্বের স্থাপনাগত ভুলে ব্যাপারটা দাঁড়াচ্ছে, আমার মাকে তুমি কী ভালোবেসেছিল। এবং লাইনের শেষে যে জিজ্ঞাসাচিহ্ন তাও এক ভুল। কারণ ‘কি’ শব্দটি দ্বিতীয় পর্বের প্রথমে বসানোর ফলে, উচ্চারণ করার সময় তা যেমন আপনা-আপনি দীর্ঘ-ই দেওয়া ‘কী’ হয়ে যাচ্ছে—তেমনই লাইনের শেষের জিজ্ঞাসাচিহ্ন রূপান্তরিত হচ্ছে বিস্ময় চিহ্নে। ব্যাপারটা দাঁড়াচ্ছে আমার মাকে তুমি কী ভালোবেসেছিলে! অর্থাৎ আমার মাকে তুমি কত ভালোবেসেছিলে! এটা ব্যঙ্গার্থেও হতে পারে! কিন্তু প্রথম লাইনে এটা ব্যঙ্গার্থকভাবে বলতে চাওয়া হচ্ছে না তো! সরাসরি নিরীহ, সহজ একটি প্রশ্ন বা প্রশ্নের অন্তত ছদ্মবেশ আছে লাইনটিতে। গুনে লিখতে গিয়ে কী করলাম? শুধু স্বাভাবিক স্পন্দনটি ভেঙে গেল তা-ই নয়, অর্থটাও উলটে গেল। বা আবিরকম হয়ে গেল। এমনকি লাইনের শেষে যতিচিহ্নও ভুল প্রমাণিত হল।

ওই কোমল নি শুন নি-র কম্বিনেশনই দেখতাম উপর। কতরকম কম্বিনেশন করে তাক লাগানো যায়, সেটাই দেখতাম। ‘শ্রাবণ’ কথাটি দেখতাম না। বিষয়ের চাপে যে ছন্দ-মিল জন্মায় তা বুঝিনি। ভাবতাম, কঠিন জটিল লিচ্ছিপ্ত চমকপ্রদ অন্যমিলের শৃঙ্খল ব্যবহারই বোধহয় কবিতা। ছন্দ যে জানি তা জন্মগ্রাম প্রমাণ করতে চাইতাম। ‘প্রত্নজীব’ বইটির ছত্রে-ছত্রে তার ধ্বংসাত্মক প্রমাণ আছে। আর এ-বই বেরনোর ঠিক আগেই প্রকাশিত গৌতম চৌধুরীর ‘কলম্বাসের জামজ’ বইটি বিষয়ের সঙ্গে ছন্দ-মিলের সূ�্যম বিবাহের এক সার্থক দৃষ্টান্ত হয়ে জেগে আছে আজও, পরে কখনও কথা বলব সে-বই নিয়ে। তবে এসব কথা মনে পড়ল, বাংলাদেশের কবি সৈয়দ শামসুল হক-এর ‘অরূপ মিত্র স্মারক বক্তৃতা’ গুনে। সে-বক্তৃতা শোনা এক অবিস্মরণীয় অভিজ্ঞতা। এ বছর অরূপ মিত্রের শতবর্ষ শুরু হল। অরূপ মিত্র জানিয়ে রেখেছিলেন মিলপ্রয়োগ সম্পর্কে একটি অব্যর্থ আশঙ্কার কথা। বলেছিলেন, ‘মিল যতখানি সাহায্য ধ্বনিবিন্যাসে করতে পারে, তার চেয়ে বেশি ক্ষতি করতে পারে কবিতার। যে-শব্দ ব্যবহারের কোনো প্রয়োজন নেই, সেই শব্দ সে ঘাড়ে ধরে প্রায়ই ব্যবহার করায়। এবং মিলের জন্য কবিতার বক্তব্য বিপথে চলে যেতে পারে।’ সেকথা আমার চেয়ে বেশি কে আর জানে! তবু অলোকরঞ্জনের কবিতা মনে পড়ে :

আমি তো বিপথগামী কবিতার ভাষা
গুঁজে দেব খুব সাধী রমণীর চুলে...
অনাচারী নাম যদি রটে তো রটুক
ঈশ্বরের সঙ্গে এক বিছানায় ওলে!

অর্থাৎ যে দিকেই যাও, দু-দিকেই সভাবনা ও আশকার রাস্তা খোলা আছে। তবে ছন্দ-মিলের সঙ্গে ঘর করা, কবিতার সঙ্গে প্রণয় করা, সে তো এক হিসেবে ইশ্বরের শ্যাসঙ্গী হওয়ার মতোই দুঃসাহসিক স্পর্ধা। সেই স্পর্ধার পথে গিয়ে বাংলা কবিতার অনেক প্রবীণ কবির মতো, আজকে তরুণরাও, ছন্দ-মিলকেই ঘাড় ধরে বাঁকিয়ে নিজের যাত্রাপথের অনুগত বাহন করে তুলছেন। এও তো চোখের সামনেই ঘটতে দেখছি।

AMARBOI.COM



৩৭

সেদিন কী হল, ওক-হাটে ডাক্তার অমিত রায়ের কাছে দেখা বলে নাম লিখিয়ে অপেক্ষা করছি, হঠাৎ যে-মেয়েটি নাম লিখে নিছিল, সে দেখি উচ্চ আমার দিকে আসছে। ডাক্তার দেখানোর বিষয়েই নিশ্চয় কিছু বলবে। এখন তো সেই সবাইকে ‘স্যর’ বলে, তরঙ্গীটি আমাকে বলল, স্যর একটা রিকোয়েস্ট করব? কীভাবে, হ্যাঁ, বলুন? সে বলে, আপনি শৰ্ষ ঘোষকে নিয়ে আর একটা আর্টিকেল লিখতেও আমি বললাম, আগে লিখেছি ওঁকে নিয়ে। সে বলে, পড়েছি। সেইজন্যই বলছি। স্বত্ত্ব কবিতা আমার ভালো লাগে। আমি বললাম, আপনি কি ওঁর কাছে পড়েছেন? ম্যাজিট বলে, না না, আমি ওঁর স্টুডেন্ট নই। কিন্তু ওঁর কবিতা পড়ি।

এর কিছুদিন আগে, আমাকে একটি যুবক ফোন করেছিল। সেই যুবক অনেকদিনের পরিচিত। এক হাতে একটি লিটল ম্যাগাজিন প্রকাশ করে, নিজস্ব ব্যক্তিত্ব তৈরি করেছে পত্রিকাটি এবং বাংলা অ্যাকাডেমির পুরস্কারও পেয়েছে তার স্বীকৃতিস্বরূপ। যুবকটি পরিশ্রমী, সৎ, আপোসহীন। সে আমাকে অনুযোগ জানায়, আপনার প্রায় সব গদ্য লেখায় শৰ্ষ ঘোষের উল্লেখ থাকে কেন? আর কত প্রশংসন করবেন ওঁর?

আজকাল কিছুই আমার গায়ে লাগে না। বললাম, শৰ্ষ ঘোষ ওঁর ফ্ল্যাটটা আমায় লিখে দেবেন বলেছেন, তাই এত বলি ওঁর কথা। সে বলে, তবে উনি থাকবেন কোথায়? কেন, আমার বাড়িতে! সেও হাসল। আমিও হাসলাম। চুকে গেল।

পাশাপাশি দুটি ঘটনা আমাকে বলে, কে আমার পাঠক। এই যুবকটি সাহিত্যসমাজে অঙ্গাঙ্গি জড়িত। সে জানে আমাদের কবিতাজগতে এখন শৰ্ষ ঘোষ প্রায় সর্বোচ্চ-নাম। ওই পজিশনের জন্যাই আমি বারবার তাঁর কথা বলছি, এ কথা সে মনে করে। আর আমাকে জানাতেও সাহস পায়, কারণ, সে লড়াকু। সে যা করার একাই করে। কাউকে সন্তুষ্ট করে চলতে চায় না। এবং এই সমাজে, সামাজিক উচ্চ পজিশনে থাকেন, অন্যরা তাদের খুশি করতে

চায়, যাকে খুশি করতে চাইছে তিনি বিরত হলেও, খুশি করার চেষ্টা থেকে বিরত থাকে না বেশিরভাগ মানুষ। কোনো অফিসে যিনি উঁচু পদে, তাঁকে ঘিরে ভিড় শুনগুন করে। খ্যাতিটাও অনেক সময়, একরকম উচ্চপদেরই মতো। যিনি উচ্চ পদাধিকারী, তিনি যদি কারওকে ডেকে কথা বলেন, অথবা একটু বেশি শুরুত্ব দেন, তবে তারও উচ্চতা বাড়ে। অন্য সবার চোখে। এটাই সমাজের রীতি। সমাজে যা হয়, সাহিত্য সমাজেও তো তারই প্রতিফলন ঘটবে। যুবকটি নিজে অমন নয়, তাই তার এগুলো অপছন্দ। তা ছাড়া এও হতে পারে, শৰ্ষ ঘোষের লেখা, তার অত কিছু জরুরি মনে হয় না। ভিন্ন ভিন্ন মানুষের রূটি-পছন্দ তো ভিন্ন ভিন্ন হবেই। আর এই তরঙ্গী? সে বলে, স্যর। সে বলে রিকোয়েস্ট, বলে আর্টিকেল। কোনো লিটলম্যাগ সম্পাদক এমন ভাষা বলবে! কোনো কবিতা গবেষক! অধ্যাপক! আর কবিতা লেখকদের কথা তো ছেড়েই দিলাম।

প্রথমে, ভাষা শুনেই, তুমি বাতিল করে দেবে মেয়েটিকে, পাঠক হিসেবে? তাই তো? কিন্তু আমার জীবনে দেখেছি, চিকিৎসক, ইঞ্জিনিয়র, ব্যাঙ্ক ম্যানেজার থেকে ডেলি প্যাসেঞ্জারি করা স্কুলশিক্ষিকা, করণিক, বা ইনসিগ্নেশন এজেন্ট—এঁরাও কবিতা পড়েন। কিন্তু নিজেরা লেখালেখি করেন না। সেই তরঙ্গী, জানেন্ট, কবিসমাজে শৰ্ষ ঘোষের অলিখিত ওই সর্বোচ্চ পজিশনের কথা। তিনি একজন লেখক। তার সম্পর্কে আর একজন লেখক কথা বলছে। এইটুকু। মাঝে কিছু নেই। যাত্রে কিছু রেখো না—গানে আছে না? সেইরকম। তাঁর আমাকে বিশ্বাস করতে অসম্ভব হচ্ছে না। যুবকটি আমাকে বিশ্বাস করতেই পারছে না। বিশ্বাস করলে, মেঘেখাটির কোনো পয়েন্ট নিয়ে তার বিরক্তমত জানাত। দ্বিমত হত। কিন্তু, কেন এঁকে নিয়ে লিখছি—এ প্রসঙ্গ তার মনে উঠত না। উঠল, কবিতা বহির্ভূত সামাজিক কার্যকলা তার মনে জড়িয়ে যাওয়ায়। এ মেয়েটি আর্টিকেল বলুক, স্যর বলুক, রিকোয়েস্ট খলুক—তবু তার মন একজন লেখককে লেখক হিসেবেই বিশ্বাস করছে।

সে যে বিশ্বাস করছে সেই বিশ্বাসের দাম হয়তো কবিসমাজে নেই। কিন্তু আমি মনে করি, আবারও, শৰ্ষ ঘোষেরই একটা কবিতার প্রথম লাইন—আমার বিশ্বাস আছে আমাকে বিশ্বাস করো তুমি। সেই মেয়েটির মতো অজানা সব পাঠকের প্রতি বিশ্বাসেই ‘গৌসাইবাগান’ লিখি।

স্টিফেন হকিং-এর সুপরিচিত বই, ‘আ ব্রিফ হিস্টরি অফ টাইম’-এ একটি শব্দ আছে : ইভেন্ট হরাইজন। বাংলা অনুবাদে যাকে বলা হয়েছে ঘটনা-দিগন্ত। এ বইয়ের কথা সকলেই জানে। ব্যাকহোলের বাইরে পর্যন্ত যে কোনো পদার্থের ধর্ম, শুণ বা চরিত্র যা—ওই ইভেন্ট হরাইজন পার হয়ে ব্যাকহোলের ভিতরে গিয়ে পড়লে তার যে কী কী পরিবর্তন হবে কেউ জানে না। এটুকু অনুমান করা যায়, সেই পদার্থের ধর্ম ও চরিত্র পুরোটাই এক বিপর্যয়ের মধ্যে পড়ে ঘেঁটেঘুটে অন্য কিছু হয়ে যাবে।

শৰ্ষ ঘোষ একটি কবিতা লিখেছিলেন '৬৯ সালে। তার শেষ দু-লাইন হল,

আজ এই পৃথিবীর খোলা মাঠে, যে কোনও ঝঁঝায়
যখনই বলাও কথা তখনই তা মিথ্যা হয়ে যায় !

যখন পড়েছি তখন বুঝিনি এর অর্থ। আমাদের এই সমাজটাও তাই ! যে-কোনো কথাই
বলি না কেন, ঘটনা-দিগন্ত পার হয়ে যখন তা সমাজের ভিতরে পৌঁছেবে, তখন তার অর্থ
করার ভার অন্যদের। যেঁটেঘুটে কী অর্থ দাঁড়াবে মূল কথাটার—তা আর যে লিখছে বা
বলছে তার হাতে থাকবে না। ওই মেয়েটি ঘটনা-দিগন্তের বাইরে দাঁড়িয়ে আছে। তাই সে
খোলামনে দেখতে পারে। ওই অচেনা পাঠকের মতোই, অচেনা এক কবির লেখা চোখে
পড়ল সম্প্রতি, তার বিষয়টি অস্ত আমার কাছে নতুন।

প্রত্যাখ্যান

মোটেই যাবো না তোর সঙ্গে ওই বাইক সফরে
হাইওয়ে যতই ডাকুক
ধূলো স্মান সেবে নিক শালিখেরা।
বন বাংলোয়,
রাত আর জোনাকি পোকারা
রূপকথা প্রলোভন শোনাক বাসনে।
তবুও যাবো না,
ধরব না কাঁধ
আচমকা ব্রেক ক্যান্সেল-কে-আঁকড়ে ধরব না কোমর,

ঠোটে জিজে বরাবো না আগুন-আস্থাদ
যি যি পোকাদের সঙ্গে গেলাসে বোতলে
উল্লাস যাপন আর করব না মোটেই।
অর্ধেক জীবন বাকি,
এখন একলা রোদে
গিঠ পেতে সামলাই লোভ।

সঙ্গীর পিছন-সিটে বসে বাইক সফরে যাওয়া মেয়ে আমি কতই দেখেছি। কিন্তু
বাইকসফর নিয়ে কোনো কবিতা পড়িনি। বাইপাসে, অথবা অন্য হাইওয়েতে, দুটি
ছেলেমেয়ে চোখের নিম্নে আমাদের ছাড়িয়ে এগিয়ে যাচ্ছে, এইটুকুই দেখা। আর গত
কয়েক বছর আমার এমন দ্রুতগামী বাইক-যুগল দেখলে, প্রথমেই একটা ভয় হয়। এরা
অ্যাঞ্জিডেন্ট করবে না তো ! তারপরই মনে হয়, আমার মেয়েটাও এইসময় অন্য কোথাও

কোনো ছেলের বাইকের পিছনে বসে ঘুরে বেড়াচ্ছে না তো! এইসব মনে হয়। কিন্তু তা নিয়ে কবিতা পড়েছি কি না, মনে নেই।

এই লেখায়, বাইকসঙ্গী প্রেমিককে ছেড়ে আসার কথা বলা হচ্ছে। প্রেমিককে ছেড়ে আসার কবিতার নানা পারিচয় তো জানা। কিন্তু বাইকের অভিজ্ঞতা থাকায় কবিতাটি অভিনব হয়ে উঠেছে। অন্য একটা লাইফস্টাইলের কথা বলছে, যার ভেতর দিয়ে আমি বা আমার মতো কবিতা-পাঠকরা যাইনি। বাইকে করে দূজনে হাইওয়ে দিয়ে অনেক পথ গিয়ে কোনো বাংলোয় উঠেছে। সেখানে জোনাকি, সেখানে ফি-ফি। সেখানে রাতের উল্লাসে আছে গেলাস বোতল। একেবারে নতুন এক প্রজন্মের স্বাধীন উইক-এন্ড উপভোগ যেন। সেইসব ছিল, এই বাইকসঙ্গীর সঙ্গে, কিন্তু আর থাকবে না। কারণ, আমি সিদ্ধান্ত নিছি, যোগাযোগ রাখব না। অন্তত এই কবিতাটি সেই সিদ্ধান্ত জানাচ্ছে। কিন্তু খুব জোরালো নয় এই সিদ্ধান্ত। একটু বেশিরকম অভিমান বরং। দেখা যাচ্ছে, এই কবিতায় বাইকযাত্রার কিছু ডিটেল, যেমন, ধরব না কাঁধ। তার চেয়েও বেশি, পরের লাইন : আচমকা ব্রেক কষলে ঝুকে-আঁকড়ে ধরব না কোমর। কবিতাটি, লক্ষ করুন, কাঁচা কবিতা। কিন্তু, কী সুন্দর! চালক আচমকা ব্রেক কষলে, একটি মেয়ে ঝুকে-আঁকড়ে চালকের কোমর ধরছে, এর মধ্যে তার পুরুষটির প্রতি, সম্পূর্ণ নির্ভরতা প্রকাশ প্রদান। ওদিকে ‘ঝুকে-আঁকড়ে’ কথাটায়, প্রায় লেখকের অজ্ঞতাই, একটি অঞ্চলমাত্রার ঘর্ষণ থাকার এফেক্ট তৈরি হয়ে গিয়েছে। দুটি ‘ক’-এর কাছাকাছি থাকা ও শেষে ‘ড’ রয়ে অবস্থান করায়। অজ্ঞতাই বললাম কেন? কারণ, কবিতাটি, এমন সাদাসিধেভাবে লেখা যে, বোবা যায় লেখক বেশি কিছু জানেন না কবিতা-কৌশল বিষয়ে। আর না-জানাচ্ছে হয়ে গিয়েছে আশীর্বাদ। কাঁধ ধরে যে মেয়েটি পুরুষটির সঙ্গে যায়, সেটা কেবল বসার সুবিধের জন্য নয়। ওটাও নির্ভরতাই। পরের লাইনের পুরো টাল সামলানেটায় ‘কোমর’ শব্দটা যেন একটা দেয়ালের মতো তাকে আগলায় লাইনের শেষে স্থাপিত হয়ে। আবার অন্যদিক থেকে দেখলে, একটি মেয়ে কখন কোনো পুরুষের কোমর ধরে? ঘনিষ্ঠতার সময়ে? নাচের সময়ে? আর যে-কোনো পুরুষের কোমর কি সে-মেয়ে ধরবে, যদি সে-পুরুষ বিশেষ-কেউ না-হয়? তাই ‘কোমর’ শব্দটি গুরুত্বপূর্ণ। নাচের কথা এ কবিতায় নেই, তবে, যুগল-নাচে যে শরীর-সঙ্গের উন্মাদনা সূচিত হতে পারে, এখানে বাইক-যাত্রায় তার টুকটাক আভাস। ‘ঠোঠে জিভে ঝরাবো না আগ্নেয় আস্থাদ।’ পিছনে যে বসেছে, অতটা পথ যাচ্ছে, কোথাও গিয়ে উঠবে সন্ধ্যায়, পিছন থেকে মুখ বাড়িয়ে অর্ধেক চুম্বনের কথা এখানে রাজ কাপুরের ‘ববি’ ছবিতে ঝরি কাপুরকে ডিম্পলের বাইকের পিছন-সিট থেকে কান-কামড়ে আদর মনে পড়ায়। একেবারে নতুন কতগুলো ডিটেল এ কবিতায় এসে পড়ছে, আজকের দিনের নতুন ছেলেমেয়েদের গতিময় জীবনের গতিময় সম্পর্কের দু-এক ঝলক ছবি। হাইওয়ের কয়েক ঘণ্টার যে-যাত্রাপথ, তাতে যে ঝলক ঝলক স্পর্শ-শিহরন, তা আসলে রাগালাপ। বাংলোয়, অথবা, গেস্ট হাউসে কিংবা কোনো ছুটির বাড়িতে পৌঁছে শুরু হবে দ্রুৎ। তারপর আসবে

ঝালা। যাকে বলা হচ্ছে উল্লাস যাপন। এর মধ্যে চিয়ার্স কথাটা না-বলা-ভাবে আছে। কিন্তু এবার থেকে এসব কিছুই ঘটবে না আর। কবিতায় আছে যে মেয়েটি, এই হল তার অভিমান। শেষ লাইনের অনুভবটি বড়ো চমৎকার। ‘এখন একলা রোদে / পিঠ পেতে সামলাই লোভ।’ মেয়েটি ইতিমধ্যেই যে অনেকটা সরে এসেছে পুরুষটির কাছ থেকে তার প্রমাণ এই ‘একলা রোদে’ কথাটির মধ্যে আছে। তার পিঠে রোদ পড়ছে। এবং সে একলা। কিন্তু পিঠে রোদ পড়ায় কী মনে পড়ছে তার? যখন বাইকে করে প্রেমিকের সঙ্গে দিগ্বিদিক চলে যেত, দীর্ঘ যাত্রায় —পিছন সিটে বসে থাকা মেয়েটির পিঠে টানা রোদ পড়ত। আজ সেই রোদ আছে। রোদ পিঠে পড়ছে। হয়তো সে বসে আছে ছাদে, বারান্দায়। হয়তো সে পথে হাঁটছে। দাঁড়িয়ে আছে কোথাও। কিন্তু পিঠে রোদ পড়ছে, রোদ পিঠের ওপর অনেকক্ষণ থাকছে—তাই ‘পিঠ পেতে’—আর রোদ পিঠে যতক্ষণ থাকছে, সেই পুরুষটির সঙ্গে ওই বাইক সফর মনে পড়ছে। ওই পিছন-সিটে বসে থাকার স্মৃতি ফিরিয়ে আনছে মেয়েটির পিঠের ওপর এসে পড়া রোদের গরম। রোদ, তখনও ছিল, এখনও আছে। কিন্তু তার কাছ থেকে সরে এসেছি আমি। যদিও ইচ্ছে করছে আবার ছুটে যাই। তাই ‘লোভ’। কিন্তু রোদের কাছে পিঠ পেতে দিচ্ছি। পুরুষটির কাছে অন্য আগের মতো নিজেকে পেতে দিচ্ছে না। তাই, ‘সামলাই’। অন্যদিকে এই নিজের পিঠ পেতে রোদ সামলানোর সময় আরেকটি ছবিও মেয়েটির মনে থাকছে। তার সামন্তে বাইকচালক প্রেমিকের পিঠ। পেতে থাকা পিঠ। সেই পিঠে-কাঁধে তো সে নিজের মুখ-মাথা রেখেছে, কতবার। এই এক নতুনভাবে অনুভূত বিরহ। এই কবিতায় লেখক সায়স্তনী নাগ। লিটল ম্যাগাজিনেও যে এঁর কবিতা খুব-কিছু দেখা যায় না নয়। কিন্তু সায়স্তনীর কবিতায়, আমি নতুন কিছু বিষয়কে আসতে দেখছি। যেমন একবছরেরও বেশি আগে, ‘দোসর’ পত্রিকায়, সায়স্তনীর একটি কবিতা বেরিয়েছে : ‘অর্জুন’। সে লেখার দিকে একটু তাকানো যাক :

আমাকে যে চ্যাটরুমে
 আচমকা লুকে নিল হাতে
 তার নাম অর্জুন।
 অনেকদিন ধরে মৎস্য চোখ
 অপেক্ষায় ছিল তার
 গাওীব, তৃণের।

চ্যাটরুম। একটি নতুন ও অপরিহার্য জিনিস, আজকের জীবনে। অন্তত আজকের অনেক ছেলেমেয়ের জীবনে। তাতে কী হয়? অনেক বন্ধু হয়। জানাশোনা হয়। না-দেখা ব্যক্তির সঙ্গে জানাশোনা। এর ফল কী! নানারকম হতে পারে। আমরা সংবাদপত্রে সে সব নিয়ে গোলমালের কথা পড়ি। আপাতত এ কবিতার পরের অংশটি দেখি। ‘অর্জুন’ তো

একজনকে লুফে নিয়েছে। যাকে লুফে নিয়েছে, তার কী অবস্থান!

বলিনি মোটেই তাকে
আমিও দ্রৌপদী!
আরো চারজন আছে এদিকে ওদিকে
আমাকে পাওয়ার জন্য
ছদ্মনামে, অন্য বাসনাকক্ষে জেগে।

দ্রৌপদীর পাঁচজন স্বামী ছিল ঠিকই। কিন্তু সকলেই জানত সকলের কথা। এখানে বিশেষত্ব হল, ওই চারজন জানে না বাকিদের সম্পর্কে কিছুই। এবং দ্রৌপদীও জানবে না। এ এক নতুন যুগ। নতুন ধরনের সম্পর্ক-কথা। নিজের সামাজিক পরিচয় লুকিয়ে, বানা-বলে, অন্য নামে, (ছদ্মনাম কথাটা কবিতাটিতে রয়েছে) তারা একে অপরের সঙ্গে সম্পর্ক তৈরি করছে। ছদ্মনামে, সূতরাং ছদ্ম-পরিচয়? কেন? কারণ তাহলে অনেক সম্পর্ক তৈরি করা যাবে। পুরুষ তো বহুমুখী হতে চায়। তার-ই এই এক আনকোরা পথ। আর সেই কৌশলের মুখোমুখি হতে উপযুক্ত পদ্ধতি প্রস্তাব দেয়া হয়েছে। কী পদ্ধতি? ‘বলিনি মোটেই তাকে আমিও দ্রৌপদী।’ বোকার মতোই ভূমার মনে পড়ে যাচ্ছে মনীশ ঘটকের সেই বিখ্যাত ‘কুড়ানি’ কবিতার লাইন: ‘তোরে বুঝি কই নাই আমিও বান্দরী! ’ সেই যে, একটি কিশোরের ওপর রাগ করে একটি আলিকা বলেছিল: ‘খাট্টাইশ, বান্দর! তোরে করুম না বিয়া।’ তারপর দিন যায়। মেয়েটি বড়ো হয়েছে। কিশোরটি যৌবনের দ্বারপ্রাঞ্চে। ছেলেটির মন থেকে সেই তিরক্ষার দুর হয়নি। তখন সেই কিশোরী, অঙ্গসজল হেসে তাকে স্বীকার করে নিচ্ছে এই বলে: ‘তোরে বুঝি কই নাই, আমিও বান্দরী! ’

তা থেকে কতই আলাদা: ‘বলিনি মোটেই তাকে / আমিও দ্রৌপদী।’

একজনের না-বলা মানে আসলে বলা, বলে দেওয়া। আরেকজনের না-বলা মানে না-বলাই। গোপন করা। স্বচ্ছতা না-রাখা। কত দূর পালটে গিয়েছে যুগ! এটা ভালো না মন্দ, সে বিচার এখন অসম্ভব। সব যুগের নিজস্ব চরিত্র থাকে। এখানে, ছদ্মনামে, অন্য বাসনাকক্ষে পুরুষরা জেগে আছে। মেয়েটিকে পাওয়ার জন্য। অর্থাৎ পরিচয় গোপন করা হচ্ছে। ভারচূয়াল ইমেজের মতো, ভারচূয়াল আইডেন্টিটি। খুবই সম্প্রতি কবি যশোধরা রায়টোধূরী, ‘দেশ’ পত্রিকায় এই বিষয়েই একটি সুন্দর কবিতা লিখেছেন। তাতে এই ‘ভারচূয়াল’ কথাটাও ব্যবহার করা হয়েছে।

সায়ন্ত্রনীর কবিতাটিতে ‘বাসনাকক্ষে’ শব্দটি নানাদিকে আলো ফেলে। ‘জেগে’ কথাটির মধ্যে রাত জাগা আছে। পুরুষটির বাসনা-উদ্যত থাকার সংকেত আছে। চ্যাটরুমই আসলে বাসনাকক্ষ। নিজের আসল পরিচয় প্রকাশ করলে অধিক সম্পর্ক হওয়ার নানা বাধা। আর সম্পর্ক একবার হয়ে গেলে, বহু বিড়ালনা। পরিচয় গোপন করলে তা নেই।

সম্পর্ক তৈরির সেতুগুলো যুগের সঙ্গে সঙ্গে বদলে গিয়েছে। বিদিশা সরকার দু-লাইনের একটি কবিতা লিখেছেন :

বড়ো বেশি এলোমেলো হয়ে গেছ আজ
প্রাক্তন এ কথা বলে সিমকার্ড ছুঁড়ে ফেলে দিল।

এবার, সম্পর্ক ভাঙার প্রয়োজনে সিমকার্ড বদল—এটা আগে ছিল না। অর্থাৎ যোগাযোগের প্রধান সেতু যখন সেলফোন। সিমকার্ড ছুঁড়ে ফেলা, আর মেয়েটিকে নিজের জীবন থেকে পুরুষটির ছুঁড়ে ফেলা সমার্থক। সম্পর্ক ভাঙলে, সেলফোন-এর নস্বর বদলাবে। যোগাযোগ করতে পারবে না অপরপক্ষ। এই পদ্ধতি আগের দিনে ছিল না।

এবার একটু সেই আগের দিনে যাই। আজকের এই বাইকসফরে অভ্যন্ত, চ্যাটরুম ও সেলফোন-যুগের মেয়েদের পাশে অন্য সময়ের একটি মেয়ের কথা শুনি। কবিতাটি ছাপা হয়েছিল, '৭৩ সালে। 'অন্ধযুগ' পত্রিকায়।

শ্রাবণের লোপামুদ্রা

আবার ডেকেছে মেঘ, কসুকঠে, লুপামুদ্রা হারমোনিয়ম বন্ধ করে
ছুটে এলো এক চিলতে কমন লাভান্দা দিয়ে : নিরঞ্জন, নিরঞ্জন দেখো
আবার শ্রাবণ এলো, যেন তার অধিকার, যে-কোনো সময়ে এসে
যাচ্ছেতাই ভীষণ জ্বালানো
নিরঞ্জন তুমি আজো দেরী করছ, মেঘ ডাকছে, আমি গান রেখে
তোমাকে ডাকার স্বর পেতে চাই, তুমি কেন এখনও এলে না
তোমার কিসের কাজ, কিসের ব্যস্ততা এত, শ্রাবণ তো কই
আমাদের ঘরে আসতে লজ্জা পায় না ! তুমি শুধু পাও।
নিরঞ্জন, আমাকে কি ভালোবাসো, সত্য জানো আমার বাবার
তেমন সার্থ নেই বিয়ের নগদ দিতে, তুমি কেন ছবি দেখলে
কেন তারপরও এলে, গান শুনতে চাইলে শুধুশুধু;
এলে যদি আরেকবার এসো, আজো বৃষ্টি পড়ছে, হারমোনিয়মের
দিকে না তাকিয়ে দেখো খালি গলাতেই গাইব

শোনো নিরঞ্জন, আমি আমার বয়স
লুকিয়ে বলেছি, ঠিক এখন পঁচিশ, তা কি সত্য খুব বেশি !
তুমিও তো ছোটো নও; এতক্ষণে লোপামুদ্রা মেঘেদের চলে

যাওয়া দেখে

ঘরের কোনায় আসে, হারমোনিয়মের চাবি খুলে দিলে অমার্জিত

গলা থেকে
রবীন্দ্রসঙ্গীত

শ্রাবণের মতো ঘরে, কী মিথুক, শ্রাবণের সত্ত্ব এতে আসে যায়

না কিছু!

এই কবিতাটি একটি মেয়েরই কবিতা। ঠিকই। কিন্তু লিখেছেন একজন পুরুষ। তাঁর নাম নিশ্চিথ ভড়। আজ থেকে তিনি দশকেরও বেশি আগে, ওই বাইকসঙ্গীর বয়সি একটি তরুণীর কথা। যে, জলদগন্তীর মেঘ ডাকার আওয়াজে হারমোনিয়ম বক্ষ করে ছুটে এল। কোথা দিয়ে ছুটে এল! মেয়েটির ছুটে আসার জায়গাটা যুব দরকারি এ-কবিতায়। ছুটে এল ‘এক চিলতে কমন বারান্দা দিয়ে।’ তখনও মধ্যবিষ্ণুর ফ্ল্যাট কালচার শুরু হয়নি। মধ্যবিষ্ণু কেন, এখন নিম্ন-মধ্যবিষ্ণুর জীবনও অনেকটা অন্যরকম। ওই কমন বারান্দা হল ভাঙ্ডা বাড়ির ছবি। এমন এক ভাঙ্ডা বাড়ি, যেখানে দু-ঘর, দু-ঘর করে ভাঙ্ডাটেরা থাকে। তাদের একটাই উঠোন। বারো ঘর এক উঠোন। একটাই বারান্দা সেটাকে বলত তখন ‘কমন বারান্দা’। কোথাও কোথাও কমন কলঘর-ও হত। এই বাঙ্ডার একটি মেয়ে, মেঘ ডেকে উঠলে, মন নেচে উঠলে, কারও জন্য, অথবা অকারণেই চঞ্চল হলে—কোথা দিয়ে দু-চার-দশ-পা ছুটে যাবে? ‘কমন বারান্দা’ ছাড়া কো আছে তার সামনে? কোন জায়গা! আজকাল, সব সময়ে যাকে ‘স্পেস সেটু’ বলা হয়! জীবনযাত্রা পালটেছে, ‘টার্ম’ পালটেছে, নতুন ‘টার্ম’ এসেছে! কিন্তু তাই মেয়েটি, লোপামুদ্রা যার নাম, সে থেকে গিয়েছে এই কবিতাটির মধ্যে—বাঙালি নিম্নবিষ্ণু সমাজের একটি তরুণীর জীবনকে নিয়ে। তার প্রেমিক বা স্পষ্ট প্রেমিক হয়নি। কিন্তু যে হতে পারত তার স্বামী—তার নাম নিরঞ্জন। সে এসেছিল একবার। পাত্রী দেখতে। আর বোকা পাত্রী, নিরূপায়। সে একেই পছন্দ করে বসে আছে। তারই জন্য মেঘ ডাকলে বিরহ বোধ করছে। কিন্তু, সেই যে, যুবক, সে এসেছে, ‘শুধুশুধু’ গান শুনতে চেয়েছে—সে কিন্তু আর যোগাযোগ করে না। কেন করবে? পাত্রী তো পছন্দ হয়নি তার। তা ছাড়া মেয়েটির বাবার ‘তেমন সামর্থ্য নেই বিয়ের নগদ দিতে!’ এই জায়গাটা এখন পড়ে আমার মনে হচ্ছে, ‘বেগীমাধব, আমার বাবা দোকানে কাজ করে’ এই লাইনটি আমি এখান থেকেই পেয়েছিলাম। কেন না, নিশ্চিথ ভড়ের এ-কবিতা আমি পড়েছি ’৭৪-এ, তখন আমার বয়স কুড়ি। এই ‘শ্রাবণের লোপামুদ্রা’ যে ‘মালতীবালা বালিকা বিদ্যালয়’-এর পূর্বসূরি তাতে আর সন্দেহ করছি না। পরেরটার ওপরে রয়েছে প্রথমটির নিশ্চিত প্রভাব। প্রথমটিতে এই যে ‘কমন বারান্দা’—এই যে নগদ না-দিতে পারা বাবা, ছবি দেখে পাত্রী পছন্দ করতে আসা যুবক, তার মিষ্টি কথা, পরে যোগাযোগ না-করা—এ সবই একসময়ের অধিকাংশ নিম্নবিষ্ণু বাঙালি মেয়ের জীবনছবি ছিল। এই কবিতার যে চরিত্র, লোপামুদ্রা, যে তখনও আশা ছাড়েনি। ভাবছে, ওই যুবক, নিরঞ্জন,

হয়তো যোগাযোগ করবে। এর কিছুদিন পরে আর আশা থাকবে না তার। বিরহ, কালো বিশাদে পরিণত হবে। ‘কমন-বারান্দা’ দিয়ে মেঘ ডাকলে ছুটে যাবে না। কিন্তু এখনও সে আশা করছে। অভিমান করছে। তাই, শেষ লাইনে তার অভিমান রবীন্দ্রসংগীতে—সে যে সেরকম কিছু ভালো গাইতেও পারে না—সে কথা, লেখক জানিয়েও দিচ্ছেন। লেখক আত্মপ্রকাশ করছেন, নিজের কথা বলে, কবিতার একেবারে শেষ দিকটায়। অনেকটা যেমন—‘হে প্রগাঢ় পিতামহী, আজও চমৎকার’, বলে, শেষের দিকটায় একধরনের আত্মপ্রকাশ করেছিলেন ‘আট বছর আগের একদিন’ কবিতার লেখক—সেইরকম। কী সিদ্ধান্ত দেন এই লোপামুদ্রা চরিত্রের কারিগর? বলেন, ... ‘কী মিথ্যুক, আবণের সত্য তাতে আসে যায় না কিছু! একেবারে ঠিক কথা। জীবন এইরকমই নিষ্ঠুর। প্রকৃতি এইরকম উদাসীন।... তবু হায় ইহাদেরই পানে...। অনেক ঐশ্বর্য দেলে...। যাকগো! কিন্তু অসাধারণ এই ‘কী মিথ্যুক’ দেখে আমার একটা কথা মনে হল। “পাগলী, তোমার সঙ্গে ‘কী মিথ্যুক’ কাটা ব জীবন” লিখেছিলাম চুরানবই-এ। আর চুয়ান্তরে দেখেছি এই ‘কী মিথ্যুক’-এর প্রয়োগ। কুড়ি বছর অবচেতনে লুকিয়েছিল। হঠাৎ দুকে পড়েছে নিজের লেখায়। ঠিক-ঠিক যেভাবে প্রথম আট মাত্রার পর, চার মাত্রায় কথাটা লাগিয়েছেন নিশীথ ভড়, তার ওপর, ওই ‘কী মিথ্যুক’ ঠিক কথকের নিজের স্বর হয়েও নিজের স্বরে বলা নয়। অন্যের স্বর গলায় নিয়ে বলা, (এক্ষেত্রে মেয়েটির স্বর) ‘কী মিথ্যুক’ আমার লেখাটিতেও দুটোই ঘটেছে। এক, প্রথম আট মাত্রার পর, একটু বিরতি রাখেক হিসেবে চার মাত্রা, দ্বিতীয়, অন্যের স্বর গলায় নিয়ে বলা—অন্য চরিত্রের একটি এক্ষেত্রে ‘পাগলী’-র। সেও একটি মেয়েই। মেয়েরা যেভাবে বলে—‘কী মিথ্যুক?’ সেই বলাটা আর কী! এইভাবে, একটি কবিতা বইদিন, একেবারে মনের অগ্রেচর, তিল-তিল করে এগিয়ে অন্য-অন্য কবিতায় জায়গা নিতে পারে। প্রকৃতির মধ্যেই তো আছে এর প্রমাণ। ভূগর্ভের একেবারে নীচে, তিল তিল করে যে প্লেটগুলো এগিয়ে চলেছে কোটি কোটি বছর ধরে। তারা তো বসুন্ধরার অবচেতনা-ই।

অসামান্য এই কবিতাটি, ‘আবণের লোপামুদ্রা’ আছে, ‘নিজের পায়ের শব্দ’ নামক একটি বইয়ে। কিন্তু তুমি চেষ্টা করলেও এ বই কোথাও পাবে না। আমি এ বইয়ের একটা জেরক্স কপি থেকে কবিতাটি তুললাম। বইটি প্রকাশ করেছিলেন সোমক দাস। ’৮৪ বা ’৮৫ সালে। এ বই হারিয়ে গিয়েছে। এ বইয়ের আরেকটি কবিতা তা হলে, পড়ে দ্যাখো তুমি। সে কবিতার নাম ‘একটি বর্ষার রাতে’।

একটি বর্ষার রাতে

দেখেছি মেঘে ও চাঁদে মদিরেক্ষণার মাঝা, টবের কিনারে গিয়ে
পেতে চেয়েছি গাছের আদর।

হাওয়া সঙ্ঘর্ষণে এসে শরীরের মর্ম ছুঁয়ে গেলে

মুহূর্তের ভুল চাপে নিজের দু'গালে হাত দিয়ে
বলেছি আমাকে দাও তোমার পূর্ণতা।
মেঘ ও চাঁদের মায়া যথেষ্ট রয়েছে, তবু, এমন মায়াবী
এমন মায়াবী আমি
সঘন বর্ষার রাতে বৃষ্টিহীন মনে পড়ে, সব মনে পড়ে,

শুধু

সেই মেয়েটির সঙ্গে কবে যে প্রণয় ছিল মনে নেই, আর মনে নেই।

আগের কবিতায় মেঘ ছিল। এ কবিতাতেও আছে। সে ছিল এক নারীর কবিতা। আর এ কবিতা এক পুরুষের। একাকী পুরুষের। সঘন বর্ষার রাতে যার ‘বৃষ্টিহীন’ মনে পড়ছে। সব। এই বৃষ্টিহীন কথাটি সঘন বর্ষার মধ্যেও ব্যবহৃত হল কেন, তার পরিচয় কবিতাটির শেষ লাইনে। এবং পরপর লাইন সাজানো ও ‘স্পেস ব্যবহার না-করা’ এই ছোটো কবিতায়, ‘শুধু’ শব্দটি দিয়ে ‘স্পেস’-এর কাজ করিয়ে নেওয়া হয়েছে। কবিতায় ‘স্পেস’ নীরবতা হলেও, তা কথা বলার কাজই করে, তার নীরবতা দিয়েই এমন নাটকে সংলাপ বলতে বলতে থেমে গিয়ে কিছুক্ষণ নীরব থেকে সেই নৈঃশ্বর্মতে ব্যবহার করে পরের কথাটিকে পরের মুহূর্তটিকে জোরালো ও অধিক অর্থময় করে ফুটালা হয়। এ লেখায়, ‘শুধু’ শব্দটিকে প্রাপ্তে সরিয়ে, এবং এক লাইনে একটি শব্দ নেওয়া, সে-কাজ করানো হয়েছে। যে মেয়েটির সঙ্গে প্রণয় ছিল তাকে মনে নেই, আর মনে নেই—কথাটি অবশ্য একটি মিথ্যা। শুভ মিথ্যা। আলোক সরকার বলেছিলেন : ‘করিতে লেখা মিথ্যার সাধনা।’ ‘সাধনা’ শব্দটি থাকায় বোঝা যায় যে, দৈনন্দিন স্বার্থের কারণে কলা সামাজিক মিথ্যা এ নয়। দ্বিতীয় ভুবন সৃষ্টির স্পর্ধা এই ‘মিথ্যার সাধনা’ শব্দটি আমাদের জানায়। তেমনই, এই ‘মনে নেই আর মনে নেই’ এটাই বলে, যে, মনে আছে, মনে আছে। তাকেই এই বর্ষা রাতে মনে পড়ছে সবচেয়ে বেশি। আর সেই জন্যই এই সঘন বর্ষার রাতে সেই মনে-পড়া বৃষ্টিহীন। অন্যদিকে, যদি আক্ষরিকভাবেও ধরি—যে সত্যিই সবই মনে পড়ছে, মেয়েটির মুখ আর মনে পড়ছে না, তা হলেও। সেই মনে-না-পড়াই বৃষ্টিহীনতা।

এই কবিতা থেকে চলিশের দশকে রচিত একটি কবিতার চারটে লাইন মনে পড়ছে আমার। সে কবিতার নাম ‘যৌবনোত্তর’। লেখক সঞ্জয় ভট্টাচার্য।

রাত্রিকে কোনও দিন মনে হত সমুদ্রের মতো
আজ সেই রাত্রি নেই।
হয়তো এখন কারও হাদয়ের কাছে আছে সে-রাত্রির মানে;
আমার সে-মন নেই
যে-মন সমুদ্র হতে জানে।

নিশ্চীথ ভড়ের আরেকটি লুপ্ত হয়ে যাওয়া বই ‘খেলার তুচ্ছে প্রতিমা’ থেকে একটি কবিতা বলব তোমাকে। এ কবিতাও পুরুষের কবিতা। মধ্যবিত্ত বাঙালি পুরুষের একরকম যৌবনোন্নত কবিতা :

গোলাপের গঞ্জ দিয়ে বয়স ভরাতে চেয়ে ওই
যুবকটি গোলাপ হয়ে ফুটে ওঠে ভাঙা জানালায়
ইশকুল বালিকা পথে যেতে যেতে আড়চোখে দেখে
গোলাপের কঁটা আছে, গঞ্জ খুব সুদূর, দুরহ
একাক্ষর মিলে তাকে যদি করা যায় বা সমীহ
পথ ছেড়ে দিতে হবে, আরও বেশি পাউডার মেখে
ক্রমশ সে হয়ে ওঠে পরী এক ফিরিঙ্গি ছাতায়
আরও বহুদিন পর মনে হয়, গোলাপটি কই।
গোলাপবাগানে গিয়ে কঁটা ফোটে আঙুলে-আঙুলে
তখন নিজের মেয়ে চলে যায় একাকী ইশকুলে

যে সমাজ থেকে ওই ‘শ্রাবণের লোপামুদ্রা’ থেকে সেই সমাজ থেকেই এসেছে এই যুবকটি। এই লাজুক যুবকটি। এবং, এ কবিতায়েমন আজকেই লেখা নয়—তেমনি, এ কবিতার যুবকটিও, তিন চার দশক আগের মিন্নবিত্ত লাজুক যুবক। তার লাজুকতা ও কৃষ্টার একটি বড়ো কারণ তার পারিবারিক অবস্থাও। তার পারিবারিক অবস্থা কী থেকে জানা যাচ্ছে? ‘ভাঙা জানালায়’, এই শব্দটি থেকে। আমি থাকতাম যেখানে আমার কৈশোরে সেখানে এই ভাঙা জানালা, ভাঙা যুবক, অনেক দেখেছি আমার বড়ো হওয়ার সময়ে শীর্ষেন্দু মুখোপাধ্যায়ের উজান উপন্যাসের মধ্যে এক ছোটো চরিত্র হিসেবে এমন একটি ভাঙা যুবকের দেখা পাওয়া যাবে, যে গৃহশিক্ষকতা করত। তাই বলে ভাঙা জানালা যে কেবল ভাঙচোরা, না-সারানো বাড়ির ছবি এ কথা ভাবার কারণ নেই। সেই সঙ্গে যুবকের বিষণ্ণ ও না-পাওয়া মনটিও দেখা যাচ্ছে। যে-মন বিষণ্ণ থাকছে না আর, স্কুল-কিশোরীকে রাস্তা দিয়ে যেতে দেখেছে যখন। সেই কিশোরীও জানে জানালায় যুবকটি থাকবে—কারণ রোজ-ই তো থাকে—তাই, সে-মেয়েও একবার আড়চোখে দেখে নেয়। ওইটুকু প্রাপ্তি নিয়ে যুবকটি সারাদিন কাটাবে। আলো হয়ে উঠবে। তাদের দুজনের মধ্যে কোনো কথা হচ্ছে, এই তথ্য কবিতায় নেই। সত্যিই তো, এমন সম্পর্ক ছিল সে-যুগে। কেউ কারও নাম জানে না। কথা বলেনি কোনোদিন। কিন্তু না-দেখলে কষ্টে মরে যায়। তখন বাড়ির শাসন একটা বিরাট ব্যাপার। কোনো অচেনা ছেলের সঙ্গে রাস্তায় কোনো মেয়ে কথা বলছে, এটাও অপরাধ বলে গণ্য হতে পারত। নইলে কি শ্রাবণ এলে ওই ভাড়াটে বাড়ির লোপামুদ্রা কেবল এক চিলতে ‘কমন বারান্দা’ দিয়ে ছুটে যাওয়ার স্বাধীনতাটুকুই পেত? ওর বেশি পেল

না ? বাড়ি থেকে বেরোনো বারণ হয়তো, লোপামুদ্রার। কে জানে ! গঠনের দিক থেকে দেখলে, কবিতাটিতে এক জায়গায় একাক্ষর মিল ব্যবহার করা হয়েছে : দুরহ / সমীহ। একাক্ষর মিল মানে, এখানে যেমন ‘উহ / ইহ’ ধ্বনি। ‘উহ / উহ’ (বা উয়ো) ধ্বনি অথবা ‘ইহ / ইহ’ (বা ইয়ো) ধ্বনিসাম্য হলে তাকে একাক্ষর মিল বলা হত না। মিল দেওয়া মাত্র লেখক নিজেই জানিয়ে দিচ্ছেন তিনি একাক্ষর মিল ব্যবহার করলেন। মেয়েটিকে যেহেতু জানলার বাইরে দেখা যাচ্ছে, দুজনেই দুজনকে দেখতে পাচ্ছে, কিন্তু কথা কোনোদিনই হচ্ছে না, তাই কি মিলপ্রয়োগও একাক্ষর ? ভাঙা ? অপূর্ণ ? ওইরকম ভাঙা দেখা হওয়ার মতোই ?

কবিতাটিতে কাঁটা-র কথা যে বলা হচ্ছে, তা হল দুজনের মধ্যেকার সামাজিক বাধাগুলো। আবার নিজের সংকোচ-কুঠাও কাঁটা। স্কুল-কিশোরীর ওই আড়চোখে একবার তাকানো নিয়েই বেঁচে রইল ছেলেটির শূন্য ঘোবন। আর বহুদিন পর মনে হল, গোলাপটি কই ? মেয়েটি তখন হারিয়ে গিয়েছে। হতে পারে সম্পর্ক হয়েছিল কিছু। আঙুলে আঙুলে জড়ানোর স্মৃতি কাঁটা হয়ে ফুটছে। হতে পারে সম্পর্ক হয়নি। না-হওয়াটাই স্বাভাবিক। মনে পড়াটাই তখন কাঁটা। যে নক্ষত্র, ‘নক্ষত্রের দোষ / আমার প্রেমের পথে বারবার দিয়ে গেছে বাধা’...সেইরকম, সম্পর্কে গেলেই হয়তো যন্ত্রণা এসেছে প্রতিষ্ঠ, ‘আমি তা ভুলিয়া গেছি’। আজ কী দেখছি ? শেষ লাইনটি এসে দেখায় দশ জানলার একটি ছোট্ট কবিতা কতটা জীবনপথ পার হয়ে এল। তখন নিজের মেয়ে ছেলেম্বায় একাকী ইশকুলে। সেদিনের সেই যুবকটি আজ জানলায় দাঁড়িয়ে দেখছে, ওই মেয়েটির জায়গায় তার নিজের মেয়ে একলা স্কুলে যাচ্ছে। সে কল্যাণি আজ কিশোরী হন্তু উঠেছে। নিজের মেয়েকে দেখে, মনে পড়ছে, একদিন অন্য একজন স্কুলে যেত। আমি জানলায় আসতাম। যে কথা এ কবিতায় বলা নেই, তা সুধীন্দ্রনাথ দস্ত বলে রেখেছেন আগেই : সে এখনও বেঁচে আছে কি না / তা শুন্দু জানি না।

একটি জানলায় দাঁড়ানো থেকে আরেকটি জানলায় দাঁড়ানোর মাঝাখানে চলে গেল একজনের প্রায় পুরো ঘোবনকাল। এই করণসূন্দর অপূর্ণতায় কবিতাটি তবু একটি পূর্ণতার কথাও বলছে। শেষ লাইনে নিজের মেয়েকে দেখার মধ্যে আছে এক নতুন দৃষ্টির কথা। যে দৃষ্টি একটি সনাতন কথাকেই মনে করায়। জীবন কখনও থামে না। নিজের মেয়েকে স্কুলে যেতে দেখে নিজের প্রথম ঘোবনে দেখা বিশেষ স্কুল কিশোরীকে মনে পড়ার মধ্যে কোথাও যেন দুই কিশোরীই এক হয়ে যায়। প্রণয়ের অপ্রাপ্তির কষ্টকে স্নেহ এসে স্নিখ করে তোলে। প্রেম আর ঘোবন ফেলে আসার বিষাদ ছাড়িয়ে অলঙ্ক্ষ্যে কোথাও শেষ জয় হয় একফোটা স্নেহেরই !

আমাদের প্রকাশিত কবির অন্য বই

কবিতা
ভূত্মভগবান
এক
আলেয়া হৃদ
প্রত্বঞ্জীব
তোমাকে, আশচর্যময়ী
পাখি, হস্য ও সকালবেলার কবি
ক্রীসমাস ও শীতের সনেটগুচ্ছ
গোল্লা
ভালোটি বাসিব
শ্রেষ্ঠ কবিতা
নন্দর মা (কবিতা পুস্তক)
কবিতা ও মুক্ত হাস্য
জনপ্রিয়
গুল্ম
নিজের রবীন্দ্রনাথ
নিজের জীবনানন্দ
জয়ের শঙ্খ
জয়ের শক্তি
আকস্মিকের খেলা
খণ্ড খণ্ড সময়চিত্র
পাঢ়া-ক্রিকেট, ক্রিকেট পাঢ়া
কাব্যনাট্য
যেখানে বিচ্ছেদ
উপন্যাস
শহ্যাগত
অসমাঞ্ছ পাণুলিপি
গল্ল
কবির গল্ল